
This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>





A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>

LEGS

FAIT

A LA BIBLIOTHEQUE DE LA VILLE DE LYON

PAR

JEAN-BAPTISTE CHARVIN,

Décédé le 21 Avril 1842.



12//14/ n° 308

19185

2

D. L. 8. 3 p. 2054

317591

(ent c. 1000000)

N^o 19185

Armoire 1. Rayon G
Salle Charvin.

J^{re}. B^{re}. Charvin.





Les cent Nouvelles
Nouvelles.

R. de Stoppet int.

G. van der Grinten sculp.

LES CENT NOUVELLES NOUVELLES.

SUIVENT LES CENT NOUVELLES
CONTENANT

Les Cent Histoires Nouveaux,

Qui sont moult plaisans a raconter,
En toutes bonnes Compagnies;
Par MANIERE DE JOYEUSETE.

*Avec d'excellentes Figures en Taille-douce,
Gravées sur les desseins du fameux Mr.*

ROMAIN DE HOOGE,

& retouchées par feu

B. PICART LE ROMAIN.

TOME PREMIER.



A COLOGNE,

Chez PIERRE GAILLARD:

M. DCCXXXVI.



P R E F A C E.

IL y a long-tems qu'on a remarqué, que le Decameron de Bocace, que ce célèbre Florentin fit en se jouant, huy avoit fait plus d'honneur & aquis plus de réputation que tous les autres Ouvrages. En effet quoi qu'il y ait environ trois cents soixante ans que ce Livre est composé, les Italiens n'ont encore rien fait de mieux, ni pour la maniere de conter avec grace, ni pour la pureté de la diction. La fameuse Académie Della Crusca qui dans la compilation de son beau

P R E F A C E.

Dictionnaire a regardé Bocace dans les cas douteux comme une autorité décisive, ne permet pas de douter de cette dernière vérité, & les imitations ou les Traductions qui ont été faites du Decameron par plusieurs Nations sçavantes, sont à mon avis une bonne preuve de l'autre.

Le premier Livre que je sçache qui ait paru en Italie sur le plan du Decameron, avoit pour titre *Cento Novelle antiche*: Le second parut en France vers l'an 1455. sous le titre de *Cent Nouvelles Nouvelles*, qui est celui dont il s'agit ici. Si l'antiquité & la rareté rendent un Livre recommandable, si le mérite & l'éminente
qua-

P R E F A C E.

qualité de ses Auteurs, lui donnent un rang de distinction, celui-ci devrait être d'un grand prix. Pour son antiquité, ce seroit du tems mal employé d'en vouloir produire les preuves. Il suffit d'en avoir déjà marqué l'Epoque; & quand on ne l'auroit pas fait, le tour, les expressions, la maniere de narrer, l'orthographe &c. montrent suffisamment que la Pièce est des plus anciennes.

Pour ce qui est de la rareté, nous nous contenterons de dire, qu'une personne des plus distinguées du côté de l'esprit, & qui occupe un des premiers postes du Royaume, en ayant fait chercher

*

3

un

P R E F A C E.

un Exemplaire avec tous les soins imaginables, & l'ayant enfin trouvé après bien des peines, l'a jugé assez rare & assez curieux pour l'acheter vingt pistoles.

A l'égard des Auteurs de ces Nouvelles, ils ne sçauroient être plus illustres, puis qu'elles ont été contées, je ne dirai pas par tout ce qu'il y avoit de jeunes Seigneurs à la Cour du Duc de Bourgogne, où le Dauphin qui fut depuis Roi de France sous le nom de Louis XI. se refugia après qu'il eut rompu avec le Roi Charles VII. son Pere; mais par le Dauphin lui-même, qui prit soin de les faire
re-

P R E F A C E.

recueillir, & de les publier ensuite dans le même ordre qu'on les donne ici. On y a seulement ajouté, pour rendre l'Edition plus belle, des figures de la façon du fameux Romain de Hooge; & ces mêmes figures ont été retouchées dans celle-ci par le fameux B. Picart le Romain.

On a cru au reste qu'on ne devoit faire aucun changement au langage; car outre qu'il étoit juste de faire parler les Anciens comme ils ont parlé, & que la grace de cette maniere de narrer consiste principalement dans la naïveté du stile & du langage de ce tems-là, *il y a*, comme dit Monsieur Amelot de la

* 4

Houf-

P R E F A C E.

Houssaie à la fin de son Avertissement sur les Lettres du Cardinal d'Ossat, des *Livres*, auxquels on ne peut retoucher sans les gâter ; & qui ressemblent à ces beautés naturelles, qui ne brillent jamais davantage que dans leur négligé.

Auer-



AUERTISSEMENT.

L Ors Comme ainsy soit que entre les bonset
trés profitables passetems, le tres gracieux
exercice de lecture et d'estude soit de grande et
somptrueuse recommandation, duquel sans fla-
teriemon tres redouté Seigneur, vous estes très
hautement et largement doué; je votre très
obeissant Seruiteur desirant complaire, comme je
dois, a toutes vos très hautes et très nobles in-
tentions en facon a moy possible, ose ce present
petit oeuvre a votre commandement et auertis-
sement mis en terme. et sus pied, vous presen-
ter et offrir, supliant tres humblement que agraa-
blement soit receu, qui en soy contient et aussi
traicte Cent Histoires assez semblables en manie-
re, sans atteindre le subtil et tres aurné lan-
gage du Liure de Cent Nouvelles, et se peut in-
tituler le Liure de Cent Nouvelles. Et pour ce
que les cas decrits et racontés audit Liure de
Cent Nouvelles, aduinrent la plus part és Mar-
ches

AUERTISSEMENT.

ches et és Mettes des Italies ja long tems, et neantmoins toutesfois, portans et retenans toujours noms de Nouuelles, se peut très bien et par raison fondée conuenablement en assez apparente verité ce present Liure intituler de Cent Nouuelles Nouuelles; jasoit ce, qu'elles soient auenuës és parties de France, d'Allemagne, d'Angleterre et de Haynault, de Flandre et de Brabant, aussy pource que l'estoffe, taille et facon d'ycelles est d'assez fraiche memoire et de myne beaucoup nouvelle. Et nottés, que par toutes les Nouuelles ou il est dit que par Monseigneur, il est entendu Monseigneur le Dauphin lequel depuis a succédé a la Couronne, et est le Roy Louis unziésme; car il estoit lors és Pays du Duc de Bourgogne.



TABLE

T A B L E

D E S C E N T

N O U V E L L E S

N O U V E L L E S.



Du Premier Tome.

La Médaille à Revers.

I. **N**ouvelle traite d'un qui trou-
 ua façon de jouir de la femme de
 son Voisin, lequel il auoit enuoieé de-
 hors pour plus aysément en jouir, et lui
 retourné de son voyage le trouua qui se
 baignoit avec sa femme, et non scachant
 que ce fut elle le voulut veoir, et permis
 luy fut seulement d'en veoir le derriere, et
 alors iugea que a ce luy sembla sa fem-
 me; mais croire ne l'osa et sur ce partit
 et vint trouer sa femme a son hotel, que
 on auoit boutée dehors par une Poterne
 de derriere; et luy compta l'imagination
 qu'il

T A B L E

qu'il auoit eüe sur elle, dont il se repen-
toit.

Pag. 1.

Le Cordelier Medecin.

2. Nouuelle traitte d'une ieune fille
qui auoit le mal des broches, laquelle cre-
ua a un Cordelier, qui la vouloit Mediciner,
un seul bon oeil qu'il auoit; et aussy du pro-
cés qui s'ensuit puis après.

13

La Pêche de l'Anneau.

3. Nouuelle racontée par Monseigneur
de la Roche, de la tromperie que fit un
Chevalier a la femme de son Meunier, a la-
quelle il bailloit a entendre que son c...
luy chérroit, s'il n'estoit recogné, et ain-
sy plusieurs fois si luy recogna: et le Meunier
de ce auerti pescha puis après dedans le
corps de la femme dudit Cheualier un Dia-
mant quelle auoit perdu en soy baignant
et pescha si bien et si auant qui le trouua
comme bien sceut depuis ledit Cheualier,
lequel apella le Meunier Pescheur de diamans
et le Meunier luy repondit en l'appellant
Reconneur de c...

22

Le

T A B L E.

Le Cocu Armé.

4. Nouvelle d'un Archier Escossois qui fut amoureux d'une belle et gente Damoiselle, femme d'un Eschopier, laquelle par le commandement de son Mari assigna jour audit Escossois: et de fait garni de sa grande épée, il comparut et besogna tant que il voulut present l'Eschopier que de grand paour se étoit caché en la ruelle de son lit, et tout pouuoit veoir et ouyr plainement; et la complainte que fit après la femme a son Mary.

35

Le Duel d'Aiguillette.

5. Nouvelle racontée par Phelippe de Laon, de deux Jugemens de Monseigneur Thalebott, c'est a scauoir d'un François qui fut prins par un Anglois sous son faufconduit, disant que Esguillettes estoient habillement de guerre: et ainssy le fit armer de ses Esguillettes sans autre chose encontre le François, lequel d'une épée le frappoit present Thalebott; et l'autre qui l'Eglise auoit derobée, auquel il fit iurer de ne jamais plus en l'Eglise entrer.

43

Livrogne

T A B L E.

L'Ivrogne au Paradis.

6. Nouvelle racontée par Monseigneur de Lanoy, d'un Yurogne qui, par force au Prieur des Augustins de la Haye en Hollande, se voulut confesser et après sa confession, disant qu'il étoit en bon état, vouloit mourir et cuidoit auoir la tête tranchée et être mort; et par ses Compagnons fut emporté, lesquels disoient qu'ils le portoient en terre. 51

Le Charreton à l'Arrieregarde.

7. Nouvelle d'un Orpheure de Paris que fit coucher un Charreton lequel luy auoit amené du charbon, avec luy et sa femme; et comment ledit Chareton par derrière s'esioüoit avec elle, dont l'Orfeure s'aperceut et trouua ce qu'il estoit; et des paroles que dit au Chareton. 58

Garce pour Garce.

8. Nouvelle d'un Compagnon Picard demourant a Bruxelles, lequel engrossa la fille de son Maistre et a cette cause print congé 58

T A B L E.

cōgié de haute heure et vint en Picardie
soy marier et tost après son partement la
Mere de la fille s'aperceut de l'encoulleure
de laditte fille, laquelle a quelque meschief
que ce fut contesta a sa Mere le cas tel
que estoit; et la Mere la renuoya deuers le-
dit Compaignon, pour luy defaire ce que
luy auoit fait a sa fille. Et du refus que
la nouuelle mariée fit audit Compaignon,
et du Conte quelle luy conta, a l'occasion
duquel de elle se departit incontinent et
retourna a sa premiere Amouteuse laquelle
il épousa. 63

Le Mari Maquereau de sa Femme.

9. Nouvelle racontée par Monseigneur,
parte d'un Cheualier de Bourgogne, lequel
estoit tant amoureux d'une des Chamberie-
res de sa Femme que c'estoit merueille: et
cuidant coucher avec laditte Chamberiere,
coucha avec sa Femme laquelle estoit cou-
chéé au lit de laditte Chamberiere; et aussi
comment il fit un autre Cheualier son voi-
sin par ordonnance coucher avec laditte
Femme cuidant veritablement que ce fut la
Chamberiere, de laquelle chose il fut depuis
bien mal content, iacoit que la Dame n'en
feut

T A B L E.

ſceut oncques rien et ne cuidoit auoir eu-
que ſon Mary comme ie croy. 70.

Les Paſtés d'Anguille.

10. Nouuelle parle d'un Cheualier
d'Angleterre, lequel depuis qu'il fut ma-
rié voulut que ſon Mignon comme par
auant ſon mariage faiſoit, de belles filles
luy fit finance, laquelle choſe il ne vou-
lut faire; car il ſe penſoit que luy ſuffiſoit
bien d'auoir une Femme; mais ledit Che-
ualier a ſon premier train le ramena par le
faire tousjours ſeruir de Paſtés d'anguilles
au diſner et au ſouper. 78

L'Encens au Diable.

11. Nouuelle par Monſieur, d'un
Paillard jaloux, qui après pluſieurs offran-
des faites a pluſieurs Saints pour le reme-
de de ſa jalouſie, offrit vne chandel-
le au Diable que on peint ordinairement
deſſous St. Michel; et du Songe qu'il ſon-
gea, et de ce qu'il luy aduint au reueillé,
comme vous pourrés ouïr cy après. 86

Le

T A B L E.

Le Veau.

12. Nouuelle par Monseigneur de la Roche, parle d'un Hollandois qui nuit et jour a toute heure ne cessoit de assaillir sa Femme au jeu d'amours, et comment d'avanture il la rua par Terre en passant par un Bois sous un grand arbre sur lequel estoit un Laboureur, qui auoit perdu son Veau que il cherchoit auquel il disoit, que il luy sembloit en veoir la queue. 89

Le Clerc Châtré.

13. Nouuelle par Monseigneur l'Amant de Brucelles, comment le Clerc d'un Procureur d'Angleterre deceut son Maistre pour luy faire accroire qu'il n'auoit nuls c..... et a cette cause il eut le gouuernement de sa Maistresse aux Champs et a la Ville et se donnerent bon temps. 95

Le Faiseur de Pape ou l'Homme de Dieu.

14. Nouuelle par Monseigneur de Crè-
* * *
quoy,

T A B L E.

quoy, de l'Hermite qui deceut la fille d'une pauvre Femme, et luy faisoit accroire que sa fille auroit un fils de luy qui seroit Pape, et adonc quand vint a l'enfanter ce fut une fille; et ainsi fut l'embuche du faux Hermite descouverte qui a cette cause s'enfuit du Pays.

104

Nonnain sçavante.

15. Nouvelle par Monseigneur de la Roche, d'une Nonnain qu'un Moine cuidoit tromper, lequel en sa compagnie amena son Compagnon qui devoit bailler a taster a elle son Instrument, comme le marché le portoit; et comme le Moine mit son Compagnon en son lieu, et de la responce qu'elle fit.

115

Le Borgne Aveugle.

16. Nouvelle par Monseigneur le Duc, d'un Chevalier de Picardie lequel en Prusse s'en alla tandis que Madame sa femme d'un autre faccointa, et a l'heure que son Mary retourna elle estoit couchée avec son Amy, lequel par une gracieuse subtilité, elle bouta hors de sa Chambre sans ce que son Mary

T A B L E.

Mary le Cheualier s'en donna garde. 121

Le Conseiller au Bluteau.

17. Nouuelle par Monseigneur le Duc, d'un President de Parlement, qui deuint amoureux de la Chambriere laquelle a force en bluttant la farine cuida violer. Mais par beau parler de luy se desarma et luy fit affubler le Bluteau, dequoy elle tami-soit, puis alla querir sa Maistresse qui en cet estat ion Mary trouua, comme cy après vous oirés cy deffous, 129

La Porteuse du Ventre & du Dos.

18. Nouuelle racontée par Monseigneur de la Roche, d'un Gentilhomme de Bourgogne, lequel trouua façon moyennant dix Escus qu'il fit bailler a la Chamberiere de coucher avec elle: mais auant qu'il voulüst partir de sa chambre, il eut ses dix Escus et se fit porter sur les espaules de laditte Chambriere par la chambre de l'hoste; et en passant par laditte chambre il fit vn sonnet tout de fait auisé qui leur fait en-cusa, comme vous pourrés oïr en la Nouuelle cy deffous. 137

* * 3

L'en-

L'Enfant de Neige.

19. Nouvelle par Phelippes Vignier, d'un Marchand d'Angleterre duquel la femme en son absence fit un enfant, et disoit qu'il étoit sien, et comment ils s'en dépêcha gracieusement; comme elle luy auoit baillé a connoistre que il étoit venu de neige, aussi pareillement au soleil comme la neige s'étoit fondu. 145

Le Mari Medecin.

20. Nouvelle racontée par Phelippes de Laon, d'un Lourdeaut Champenois lequel quand il se maria, n'auoit encore jamais monté sur beste Chrétienne, dont la Femme se tenit bien de rire et de l'expédient que la Mere d'elle y trouua; et soudain pleur dudit Lourdeaut a une Feste et Assemblée, qui se fit despuis après qu'on luy eut montré l'amoureux métier, comme vous pourcez oüyr plus a plein cy après. 152

L'Abesse guérie.

21. Nouvelle racontée par Phelippes de

T A B L E.

de Laôn, d'une Abesse qui fut malade, par faute de faire cela que vous scaués, ce que elle ne vouloit faire doutant de ses Nonains estre reprochée; et toutes luy accorderent de faire comme elle, et ainsi s'en firent donner toutes largement. 163

L'Enfant à deux Peres.

22. Nouvelle racontée d'un Gentilhomme qui engrossa une jeune fille et puis en une Armée s'en alla: et auant son retour elle d'un autre s'acointa auquel son enfant elle donna: et le Gentilhomme de la guerre retourné son enfant demanda, et elle luy pria qu'à son nouuel Amy le lascia, promettant que le premier qu'elle feroit sans faute luy donneroit, comme cy deffous vous sera recordé. 172

La Procureuse passe la raye.

23. Nouvelle racontée par Monseigneur de Commesuram, d'un Clerc de qui la Maistresse fut amoureux laquelle a bon éciant si accorda pourtant qu'elle auoit passé la raye que ledit Clerc luy auoit faite; la voyant son petit fils, dit a son Pere quand il fut venu,

* * 4

nu,

T A B L E.

nu , qu'il ne passa point la raye ; car s'il la passoit le Clerc luy feroit comme il auoit fait a sa Mere. 179

La Bote à demi.

24. Nouvelle dite et racontée par Monseigneur de Fiennes, d'un Comte qu'une tres belle jeune fille l'une de ses sujettes cuyda recevoir par force ; et comment elle s'en eschappa par le moyen de ses houxseaux ; mais depuis l'en prisit tres tort , et laida a marier, comme vous sera cy après déclaré. 184

Forcée de gré.

25. Nouvelle racontée et dite par Monseigneur de Saint Yon, de Celle qui de force se plaignit d'un Compagnon, lequel elle auoit mesme adressé a trouver ce que queroit ; et du jugement qu'il en fut fait. 192

La Damoselle Cavaliere.

26. Nouvelle racontée et mise en terme par Monseigneur de Loqueffoles, des
amours

T A B L E.

amours d'un Gentilhomme et d'une Damoiselle laquelle eprouua la loyauté du Gentilhomme, par vne merueilleuse et gente façon, et coucha trois nuits avec luy sans aucunement scauoir que ce fut elle, mais pour homme la tenoit ainſy comme plus a plein pourrés ouyr cy après.

197

Le Seigneur au Babu.

27. Nouuelle racontée par Monſieur de Beauvoir, des amours d'un grand Seigneur de ce Royaume, et d'une gente Damoiselle mariée, laquelle afin de bailler lieu a son Seruiteur fit son Mary bouter en un Babu par le moyen de ſes Chamberieres, et leans le fit tenir toute la nuit, tandis que avec son Seruiteur paſſoit le temps: et des gageures qui furent faites entre elle et son dit Mary, comme il vous ſera recordé cy après.

224

Le Galant morfondu.

28. Nouuelle dite et racontée par Meſſire Michault de Changy de la journée assignée a un grand Prince de ce Royaume

* * 5

par

T A B L E.

par vne Damoiselle Seruante de chambre de la Royne et du petit exploit d'armes que fit ledit Prince; et des faintises que laditte Damoiselle disoit a la Royne de sa Leurriere, laquelle étoit tout a propos enfermée dehors de la Chambre de la Royne, comme oyrés cy après. 236

La Vache & le Veau.

29. Nouuelle racontée par Monseigneur, d'vng Gentilhomme qui dèz la premiere nuyt qu'il se maria et après qu'il eut heurté vn coup a sa Femme, elle luy rendit vn enfant; et de la manière qu'il en tint, et des paroles qu'il en dit a ses Compagnons qui luy rapportoient du chaudreau, comme vous orrez cy après. 248

Les Trois Cordeliers.

30. Nouuelle racontée par Monseigneur de Beauuoys François, de trois Marchands de Sauoye, allans en pellerinage a Saint Antoine en Viennois, qui furent trompés et deceus par trois Cordeliers lesquels couchèrent avec leurs Femmes, combien qu'elles euidoient être avec leurs Maris; et comment 251

T A B L E.

ment par le rapport qu'elles firent, les Maris le sceurent ; et de la maniere qu'ils en tinrent, comme vous oyres cy après. 251

La Dame à Deux.

31. Nouvelle mise en auant par Monseigneur de la Barde, de l'Escuyer qui trouua la Mulette de son Compagnon et monta dessus, laquelle le mena a l'huy de la Dame de son Maistre et fit tant l'Escuyer qu'il coucha leans, ou son Compagnon le vint trouver ; et pareillement des parolles qui furent entre eux, comme plus a plein vous sera déclaré. 260

Les Dames dismées.

32. Nouvelle racontée par Monseigneur de Villiers, des Cordeliers d'Hostellerie en Catelougne, qui prindrent la disme des femmes de la Ville ; et comment il fut sceu ; et quelle punition par le Seigneur et ses sujets en fut faite, comme vous oyres cy après. 272.

Ma-

T A B L E:

Madame tonduë.

33. Nouvelle racontée par Monseigneur, d'un gentil Seigneur qui fut amoureux d'une Damoiselle dont se donna garde un autre grand Seigneur que luy dit, et l'autre toujours plus luy céloit et en étoit tout affolé; et de l'entretennement depuis d'eux envers elle, comme vous pourrés ouyr cy après. 288

Seigneur dessus, Seigneur dessous.

34. Nouvelle racontée par Monseigneur de la Roche, d'une Femme mariée, qui assigna journée a deux Compagnons, lesquels vindrent et besongnerent, et le Mary tantost suruint après; et des paroles qui après en furent et de la maniere qu'ils tindrent, comme vous oyres cy après. 307

L'Echange.

35. Nouvelle racontée par Monseigneur de Villiers, d'un Cheualier duquel son amoureuse se maria tandis qu'il fut en voyage et a son retour d'avanture la trouua en menage, laquelle pour coucher avec son Amant mit

T A B L E.

mit en son lieu coucher avec son Mary vne
jeune Damoiselle, la Chambriere; et des pa-
roles d'entre le Mary et le Cheualier voya-
geur, comme plus a plain vous sera recordé
cy après.

314

A la Besoigne.

36. Nouvelle racontée par Monsei-
gneur de la Roche, d'un Escuyer qui vit
sa Maistresse, dont il estoit moult feru en-
tre deux Gentilshommes et ne se don-
noit de garde qu'elle tenoit chacun deux
en ses lacs, et un autre Cheualier qui sca-
uoit son cas le luy bailla a entendre, com-
me vous oyrés cy après.

322

Le Benetrier d'ordures.

37. Nouvelle par Monseigneur de la
Roche, d'un Jaloux qui enregistroit toutes
les façons, qu'il pouuoit ouyr ne sçauoir
dont les Femmes ont deceu leurs Maris le
temps passé; mais a la fin il fut trompé par
l'orde caüe que l'Amant de laditte femme
getta par une fenestre sur elle en venant de
la Messe, comme vous oyrés cy après.

327

Une

T A B L E.

Une Verge pour l'autre.

38. Nouvelle racontée par Monseigneur le Seneschal de Guyenne, d'un Bourgeois de Tours qui acheta une lamproye que a sa femme envoya pour apointer, afin de festoyer son Curé, et laditte femme l'enuoya a un Cordelier son Ami; et comment elle fit coucher sa Voisine avec son Mary, qui fut battuë Dieu sçait comment; et de ce qu'elle fit accroire a son Mary, comme vous oyres cy après. 336

L'Un & l'autre payé.

39. Nouvelle racontée par Monseigneur de St. Paul, d'un Cheualier qui en attendant sa Dame, besogna trois fois avec la Chamberiere qu'elle auoit enuoyée, pour entretenir ledit Cheualier, afin que trop ne luy ennuya; et depuis besogna trois fois avec la Dame; et comment le Mary sceut tout par laditte Chamberiere, comme vous oyres cy après. 348

La Bouchiere Lutin dans la cheminée.

40. Nouvelle par Messire Michault de Changy, d'un Jacopin qui abandonna sa Dame

T A B L E.

Dame par amours une Bouchere pour vne autre plus belle et plus jeune, et comment la dessus dite Bouchere cuyda entrer dedans sa maison par la chemineeé. 354

L'Amour et l'Aubergon en armes.

41. Nouuelle par Monseigneur de la Roche, d'un Cheualier qui faisoit vestir a sa femme un haultbergon, quand il luy vouloit faire ce que vous scaués, ou conter les dents: et du Clerc qui luy aprent autre maniere, dont elle fut a peu près par sa bouche même encuseé a son Mary, ce n'eut été la glose qu'elle controuua subtilement. 361

Le Mari Curé.

42. Nouuelle par Meriadech, d'un Clerc de Village étant en la Cité de Rome cuidant que sa femme fut morte, deuint Prestre et impetra la Cure de son Village: et quand il vint a sa Cure, la premiere personne qu'il rencontra ce fut sa femme. 368

Les Cornes Marchandes.

43. Nouuelle par Monseigneur de Fien-
nes,

T A B L E.

nes, d'un Laboureur qui trouua vne homme
dessus sa femme, et laissa a le tuer pour vne
somme de bled et fut sa femme cause du
traité, et afin que l'autre parfit ce qu'il
auoit commencé. 376

Le Curé Courfier.

44. Nouuelle racontée par Monseigneur
de la Roche, d'un Curé de Village qui trou-
ua façon de marier vne fille dont il étoit
amoureux, laquelle luy auoit promis que
quant elle seroit mariée, de faire ce qu'il vou-
droit, laquelle chose le jour de ses nopces il
luy ramenteut, ce que le Mary d'elle ouit
bien tout a plain, a quoy il mit prouision
comme vous oyres cy après. 381

L'Ecoffois Lavandiere.

45. Nouuelle par Monseigneur de la Ro-
che, de vn jeune Escoffois, qui se tint en ha-
billement de femme l'espace de 14. ans et
par ce moyen couchoit avec filles et femmes
mariées, dont il fut puny en la fin, comme
vous oyres. 394

Fin de la Table du I. Tome.



NOUVELLES

I



NOUVELLE I.

LA MEDAILLE

A REVERS.

A La Ville de Valenciennes eut naguères un notable bourgeois en son tems

Tom. I

A

Rece-



2 LES CENT NOUVELLES

Receueur de Haynault lequel entre les autres fut renommée de large et discrete prudence et entre ses louables vertus celle de liberalité ne fut pas la moindre, car par icelle vint en la grace des Princes, Seigneurs, et autres gens de tous états, en cette heureuse felicitée, se mintenit et soubtint jusqu'en la fin de ses jours deuant et aprez ce que mort l'eut detachée de la chaine qui en mariage l'acouploït. Le bon bourgeois cause de cette histoire ne estoit pas si mal logée en lad. ville, qu'un bien grand maître ne se tint pour content et honnoree d'auoir vng tel logis, et entre les desireez et loueez edifices, sa maison decouuroit sur plusieurs Ruës, et la auoit vne petite poterne vis a vis prez de la, en laquelle demouroit vn moult bon Compagnon qui tres belle femme et gente auoit et encore en meilleur point, et comme il est de coutume les yeux de elles archieres de coeur decocherent tant de fleches en la personne dudit Bourgeois, que sans prochain remede, son cas n'estoit pas moindre que mortel, pour laquelle chose seurement obuier trouua par plusieurs et subtiles facons que le Compagnon mary de lad. gouge fut son amy tres privee et familier, tant

tant que peu de diners, soupers, de banquets, de bains, d'etueues, et autres pascetems en son hotel et ailleurs ne se fissent jamais sans sa Compagnie, et a cette occasion se tenoit le Compagnon bien fier et encore autant heureux, quand nôtre Bourgeois plus subtil qu'un Renard eut gagnée la grace du Compagnon, bien peu se soucia de paruenir a l'amour de sa femme, et en peu de jours, tant et si bien laboura que la vaillante femme fut contente d'ouïr et entendre son cas pour y bailler remede conuenable, ne restoit plus que tems et lieu, et fut a ce mené qu'elle luy promit tantost que son mary iroit quelque part dehors pour sejourner vne nuit, elle continent le auertiroit. Achief de pieces, ce desirée jour fut assigné et dit le Compagnon a sa femme qu'il s'en alloit a vn Chateau lointain de Valenciennes enuiron trois lieues et la chargea bien de soy tenir en sa maison pour ce que ses affaires ne pouuoient souffrir que cette nuit il retourna; s'elle en fut bien joyeuse sans en faire semblance ne maniere en paroles ne autrement; Il ne le faut ja demander, car il n'auoit pas encore cheminé vne lieue quand le bourgeois sceut cette auanture de pieca desirée, il fit tantost ti-

4 LES CENT NOUVELLES

rer les bains, chauffer les etuues, faire pasteés, tartres, hypocras, et le surplus des biens de Dieu si largement que l'appareil sembloit vn droit des roy, quand vint sur le soir, la poterne fut deferée, et celle qui pour la nuit y deuoit le guet, faillit dedans, et Dieu scait qu'elle fut doucement recuë, je m'en passe en brief, j'espere plus qu'ils firent plusieurs deuises d'aucunes choses qu'ils n'auoyent pas en cette heureuse journée a leur premiere voulancé aprez ce que en la chambre furent descendus, tantost se bouterent au bain deuant lequel beau souper fut en haste couuert et seruit. Et Dieu scait qu'on y but d'autant largement et souuent, des vins et viandes, parler n'en seroit que redite, et pour faire le conte brief faite ny auoit que du trop, en ce tres gracieux état se passa la pluspart de cette douce et courte nuits baisers donneés baisers rendus, tant et si longuement que chacun ne desiroit que le lit, tandis que cette grande chere se faisoit, voicy bon mary ja retourné de son voiage non quèrent cette sa bonne auanture, qui heurte bien fort a l'huis de sa chambre, & pour la Compagnie qui y étoit a l'entrée de plain saut luy fut refusée jusqu'a ce qu'il
nom-

N O U V E L L E S.

3

nomma son parain adoncques se nomme haut et clair, et tres bien l'entendirent et reconnurent sa bonne femme et le bourgeois, la gouge fut tant fort effrayée a la voix de son mary que a peu que son loyal cœur ne fallioit et ne scauoit sa contenance tenir se le bon bourgeois et les gens ne l'eussent reconfortée; mais ledit bourgeois tant assuré, et de son fait tres avisée se fit bien en haste coucher, au plus prez d'elle se bouta, et luy chargea qu'elle se joignit prez de luy et cacha le visage qu'on ne peut rien apercevoir. Et cela fait au plus brief qu'on peut sans soy trop hastier il commanda ouvrir la porte. Et le bon Compagnon saute dedans la chambre pensant en soy qu'aucun mystere y auoit, quand deuant l'huis l'auoit retenu si lon tems, et quand il vit la table tant chargée de vins et de grands viandes, ensemble ce beau bain tres bien paré, et le bourgeois au tres beault encourtiné avec la seconde personne. Dieu scait s'il parla haut et blasonna les armes de son bon voisin, lors l'apella ribaut, lourdier, aprez putier aprez yurogne et tant bien le baptisa que tous ceux qui estoient en la chambre et luy avec s'en rioient bien fort; mais sa femme a cette heure n'auoit

A 3

ce

6 LES CENT NOUVELLES

ce loisir, tant estoient ses léures empecheés de soy ioindre prez de son mary nouuel, ha! dit il maitre houlrier vous m'avez bien ceelé cette bonne chiére, mais par ma foy-se ie n'ay éleé a la grande feste, sy faut il bien que l'on me montre l'epouseé, et a ce tout tenant la chandelle en sa main se tira prez du lit et ja se vouloit auancer de haucer la couuerture sous laquelle faisoit moult grande penitence et silence sa très parfaite et bonne femme quand le bourgeois et ses gens l'engarderent dont le Compaignon ne s'en contentoit pas trop, et a force, malgré chacun, toujours auoit la main au lit, mais il ne fut pas maitre pour lors ne creu de faire son vouloir et pour cause, sur quoy vng appointment tres gracieux et bien nouveau fut fait dequoy assez se contenta, qui fut tel; Le bon bourgeois se contenta qu'on luy montra a decouuert le derriere de sa femme les rains et les cuisses qui blanches et grosses estoient, et le surplus bel et honnête sans en rien decouurir ne voir le visage. Le bon Compaignon toujours la chandelle en main fut longuement sans dire mot; et quand il parla ce fut en loüant beaucoup la très grande beauté de cette femme et afferma par vn bien grand serment que

que jamais ne auoit veu chose si bien ressem-
 blant au cul de sa femme, et s'il ne fut
 bien seur qu'elle fut en son hostel a cette
 heure il diroit que ce seroit elle! mais elle
 fut tantost recouuerte et adoncques se tira
 arriere assez pensif. Et Dieu scait se on
 luy disoit bien puis l'vng, puis l'autre que
 c'estoit de luy mal cognu, a sa femme pou
 d'honneur porté, et que c'estoit bien autre
 chose, que cy après assez il pouroit voir;
 pour refaire les yeux abusez de ce pource
 martyr, le bourgeois commanda qu'on le
 fit seoir a la table ou il reprit nouvelle ima-
 gination par boire et manger largement du
 souper de ceux, qui entretemps au lit se
 deuisoient a son grand prejudice puis vou-
 lut departir et donner la bonne nuit au
 bourgeois, et sa Compagnie; et pria moult
 doucement qu'on le bouta hors de leans
 par la poterne pour plutot trouuer sa mai-
 son, mais le bourgeois luy repondit qu'il
 ne sauroit a cette heure trouuer la clef,
 pensoit aussy que la serure fut tant enrouillie
 qu'on ne la pouroit ouurir pource que nul-
 le fois ou peu souuent s'ouuroit: Et fut au
 fort contraint de faillir par la porte de de-
 uant et d'aller le grand seur a sa maison,
 tandis que les gens au bourgeois le condui-

8 LES CENT NOUVELLES

soient vers la porte tenant le bec en l'eauë par deuises, et la bonne femme fut incontinent mise sur pied, et en peu d'heures habillé et laceé sa cotte simple son corset en son bras et venne a la poterne puis, ne fit qu'un saut en sa maison ou elle attendoit son mary qui le long tour venoit, tres aui-
 féé de son fait, et des manieres qu'elle auoit a tenir. Vecy nôtre homme voyant encore la lumiere et la clarté en sa maison, hurte assez rudement et sa bonne femme qui menageoit par leans, en sa main tenant vng ramon demande, ce qu'elle bien scait, qui est cela? et il repondit c'est vôtre mary, mon mary dit elle, mon mary n'est ce pas, il n'est pas en la ville, et il hurte derechief & dit ouurez ouurez ie suis vôtre mary. Je connois bien mon mary dit elle, te n'est pas sa coutume de soy enclorre si tard, quand il seroit en la ville, allez ailleurs, vous n'etes pas bien ariué, ce n'est point ceans qu'on doit heurter a cette heure; Et il heurte pour la tierce fois et l'apella par son nom yne fois deux fois. Adonc fit elle aucunement semblant de le connoitre en demandant dont il venoit a cette heure, et pour reponce ne bailloit autre chose que, ouurez ouurez. Ouurez dit elle, encore ny estes vous

vous pas mechant houlhier? par la force
 sainte marie je aimerois mieulx vous voir
 noier que ceans vous bouter. Allez coucher
 en mal repos dont vous venez; Et lors le bon
 mary de soy couroucer et fiert tant qu'il
 peut de son pié contre la porte et semble
 qu'il doive tout abatre, et menasse la bon-
 ne femme de la tant battre que c'est raige,
 dont elle n'a guere grand paour; mais au
 fort pour appaiser la noise et a son aise
 mieulx dire sa pensée, elle ouurit l'huis,
 et a l'entrée que il fit Dieu scait qu'il fut
 serui d'une chiere bien rechineeé, et d'un
 agu et emflambé visage et quand la langue
 d'elle eut pouvoir sur le cueur chargé tres
 fort dyre & de couroux par semblant,
 les paroles qu'elle décochat ne furent pas
 mains tranchantes que rasoirs deguaignant
 bien afilez, et entre autres choses fort luy
 reprochoit qu'il auoit, par malice conclud
 cette sainte allée pour l'eprouuer, et que
 c'estoit, fait d'unng lache et recru courage
 indigne d'estre alié a si prude femme com-
 me elle. Le bon Compaignon jassoit ce
 qu'il fut moult couroucé et mal meu par
 avant, toutefois pource qu'il veoit son
 tort a l'oeil et le rebours de sa pensée, re-
 frainst son yre, et le couroux qu'en son

A 5

coeur

coeur auoit conceu quand a sa porte tant hurtoit fut tout a coup en courtois parler conuerty. Car il dit pour soy excuser & pour sa femme contanter qu'il estoit retourné de son chemin pource qu'il auoit oublié la lettre principale qui touchoit plus le fait de son voiage; sans faire semblant de le croire elle recommence sa legende doreé luy mettant sus qu'il venoit de la tauerne et de lieux deshonnètes, et dissolus, et qu'il se gouernoit mal en homme de bien, maudissant l'heure que oncques elle eut son accointance et son amour et sa tres maudite alliance. Le poure desollé connoissant son cas voiant sa bonne femme trop plus qu'il ne voulsist troublée. helas et a sa cause ne sauoit que dire. Si se prent a penser, et a chef de pensée ou meditation, se tire près d'elle ploiant ses genoux tout en bas sur la terre, et dit les beaux mots qui s'ensuiuent. Ma tres chiere Compaigne, et tres loyalle epouse ie vous prie et requiert que ostez vôtre coeur de tous ces couroux que auez vers moy conceuz, et me pardonnez au surplus ce que vous puis auoir méffait ne médit, Je connois mon cas, et viens n'agueres d'une place ou l'en faisoit bien bonne chiere, si vous

vous ose bien dire que cognoître vous y cuiday, dont j'estoie très desplaisant. Et pource que a tort et sans cause ie le confesse vous ay suspecconné d'estre autre que bonne, dont me repens amèrement. Je vous supplie et derechief que tous autres passez couroux et cestuy cy obliez, vostre grace me soit donnée, et me pardonnéz ma follie. Le mautalent de nostre gouge, voyant son mary en bon ploy et a son droit, ne se monstra meshuy si aspre ne si venimeuse. Comme dit elle villain putier se vous venes de vostres deshonnètes lieux et infames, est il dit pourtant que vous devéz penser, ne en quelle facon croire que vostre bonne femme les daingnast regarder. Nenny par Dieu; hélas ce scay ie bien ma mie, n'en parlons plus pour Dieu dit le bon homme. Et de plus belle vers elle se incline faisant sa requete ja pieca que trop dicte. Elle jacoit ce que encores marrie, et presque enraigée de cette suspicion, voyant la parfonde contrition du bon homme cessa son parler, et petit a petit son trouble cueur se remit à nature, et luy pardonna, combien que en grand regret après cent mille serments et autant de promesses que celluy qui l'auoit tant grevé. Et par ce point

12 LES CENT NOUVELLES

point a moins de crainte et de regret elle passa maintefois depuis la poterne sans que l'embusche fut jamais decouverte a celui a qui plus touchoit. Et ce souffise quant a la premiere histoire.

NOU



NOUVELLE II.
LE CORDELIER
MEDECIN.

EN la maitresse ville du Royaume d'An-
gleterre nommée Londres assez hantée et
con-

connuë de plusieurs gens, n'a pas longtemps demouroit vng riche et puissant homme qui marchand et bourgeois estoit qui entre les riches bagues et innombrables tressors s'ejouissoit et se tenoyt plus enrichy d'une belle fille que Dieu luy auoit enuoieë que du bien, grant surplus de sa cheuance, car de bonté, beaulté, et genteré passoit toutes les filles d'elles plus aageës. Et ou temps que ce tres heureux bruit et vertueuse renommée d'elle sourdoit en son quinziesme an ou enuiron estoit, Dieu scait se plusieurs gens de bien desiroient et pourchassoient sa grace par plusieurs et toutes façons en amour accoutumées qui n'estoit pas vng plaisir petit au pere et a la mere. Et a cette occasion de plus en plus croissoit en eulx l'ardente et paternelle amour que a leur tres aymée fille portoient. Auint toutefois ou que Dieu le permit, ou que fortune le voulut et commanda, enuieuse et mal contante de la prosperité de cette belle fille de ses parens, ou de tous deux ensemble, ou espoir d'une secrette cause et raison naturelle dont je laisse l'inquiscion aux Philosophes et Medecins qu'elle cheut en vne dangereuse et deplaisante maladie que communement on appelle broches.

La

La douce maison fut tres largement troublée quant en la garenne que plus chiére tenoyent lefd. parens, auoit osé lachier les Leuriers et limiers ce desplaisant mal, et qui plus est touchier sa proye en dangereux et dommageable lieu. La pource fille de ce grand mal toute affollée ne scait sa contenance que de plourer et soupirer. Sa tres dolente mere est si tres fort troublée que d'elle il n'est rien plus deplaisant, et son tres ennuyé pere detort ses mains et desfire ses cheueux pour la raige de ce nouveau couroux. Que vous diray ie toute la grant triomphe qu'en cest hostel souloit tant comblement abonder est par ce cas flappie et ternie, et en amère et subite tristesse a la male heure conuertie; Or viennent les parens, amis, et voisins de ce dolent hostel visiter et conforter la Compaignie, mais pou ou riens prouffitoit, car de plus en plus elle est aggrescée et oppressée la bonne fille de ce mal. Adoncques vient vne matrone qui moult et trop enquiert de ceste maladie et fait virer et reuirer puis cy, puis la, la tres dolente et pource patiente a grant regret Dieu le scait, et puis luy baille medecine de cent mille facons derbes, mais rien plus, vient auant et plus
empi-

empire et est force que les Medecins de la ville et du pays environ, soient mandez, et que la pource fille decouure et monstre son tres piteux cas. Or sont venus maitre Pierre, maitre Jehan, maitre cy, maitre la, tant de Physiciens que vous voudrez qui veulent bien voir la patiente ensemble, et les parties du corps a decouvert ou ce maudit mal des broches, s'estoit helas longuement embusché. Cette pource fille fut plus surprise et esbahie que se a la mort fut adjugeé, et ne se vouloit accorder qu'on la mit en façon que son mal fust aperceu, mesmes aymoît plus chiere mourir que vng tel secret fut a vng homme decouvert; Cette obstinée volonté ne durera pas gramment, quand pere et mere vindrent, qui plusieurs remonstrances luy firent, comme de dire qu'elle pouroit estre cause de sa mort qui n'est pas vng petit peché et plusieurs autres, y eut, trop longs a raconter. Finablement trop plus pour pere et mere que pour crainte de mort vaincuë, la pource fille se laissa serrer, & fut mise sur vne couche les dents dessoubz et son corps tant et si tres auant decouvert que les Medecins virent apertement le grand meschief qui fort la tourmentoit.

Ils

Ils ordonnerent son regime faire aux ap-
poticaires clysteres, pouldres, oygnements
et le surplus que bon sembla, et elle prit;
et fit tout ce qu'on voulut pour recouurer
santé. Mais tout rien n'y vault, car il
n'est tour ne engin que lesd. medecins fai-
chent pour alleger quelque peu de ce de-
stresseux mal, ne en leurs livres n'ont veus
se accoutumé que riens, si tres fort la po-
ure fille empiré, mais que l'ennuy qu'elle
s'en donne, car autant semble estre morte
que viue, en cette aspre langueur et dou-
leur forte se passerent beaucoup de jours.
Et comme le pere et la mere parens et voi-
sins s'enqueroient par tout la legende, de
la fille, si rencontrerent vng tres ancien
Cordelier qui borgne estoit et en son temps
auoit veu moult de choses, et de sa prin-
cipale science se mesloit fort de medecine,
dont sa presence fut plus agreable aux pa-
rens de la patiente, laquelle helas a tel re-
gret que dessus regarda tout a son beau loir-
sir, et se fit fort de la guarir, pensés qu'il
fut tres volentiers ouïy, et tant que la do-
lente assemblée qui de lieffe pieca banie
estoit, fut a ce point quelque peu consolée
esperant le fait sortir tel que la parole tou-
choit. Adonc maitre Cordelier se partit de

Tom. I.

B

leans,

leans, et prit jour a demain de retourner
 fourny et pourueu de medecine si tres ver-
 tueuse qu'elle, en peu d'heure, effacera la
 grant douleur qui tant martire et debrise la
 poure paciente. La nuit fut beaucoup lon-
 gue attendant le jour desiré, neantmoins
 passerent tant deuers a quelque peine que
 ce fut que nostre bon Cordelier fut ac-
 quitré de sa promesse pour soy rendre de-
 uers la paciente a l'eure assignée, si fut jo-
 yeusement receu, pensez que oüy. Et quand
 vint l'eure qu'il voulut besongner et la pa-
 ciente medecine on la prit comme l'autre
 fois et sur la couche tout au plus bel qu'on
 peut fut au bougons coucheé, et son der-
 riere decouvert assez avant lequel fut in-
 continent des Matrones d'vng tres beau
 blanc drap garni, tapissé et aorné, a l'en-
 droit du secret mal fut fait un beau per-
 tuis par lequel maitre Cordelier pouuoit
 apertement le choisir, et il regarde ce mal,
 puis d'vng costé puis d'autre, maintenant
 luy touche du doigt tant doucement, vne
 autre fois prend la pouldre dont medeci-
 ner la vouloit. Or regarde le tuyau dont
 il veut souffler ycelle pouldre par sus et de-
 dens le mal, or retourne arriere et jette
 l'oeil de rechief, sur ce dit mal, et ne se
 scait.

scait faoulér d'assez le regarder. A chief de piece il prend sa pouldre a la main gauche mise en vng beau petit vaisseau plat et de l'autre son tuyau qu'il vouloit emplir de la-dite pouldre, et comme il regardoit très ententiuelement et de très préz par ce pertuis et a lenuiron le destresseux mal de la poure fille et elle ne se peut contenir voyant l'etrange façon de regarder a tout vn oeil de notre Cordelier que force de rire ne la surprint qu'elle cuyda bien longuement retenir, mais si mal helas luy aduint que ce ris a force retenu fut conuertý en vn sonnet dont le vent retourna si tres a point la pouldre, que la pluspar il fit voler contre le visaige et seul bon oeil de ce bon Cordelier, lequel sentant cette douleur habandonna tantost et vaisseau et tuyau, et a peu qu'il ne cheut a la renuerse, tant fort fut effrayé, et quand il eut son sang il met tost en haste la main a son oeil, soy plaignant durement, disant qu'il estoit homme deffait, et en dangier de perdre vng seul bon oeil qu'il auoit. Il ne mentit pas, car en peu de jours la pouldre que corrosiue estoit, luy gasta et mangea trespout l'oeil, et par ce point l'autre qui ja estoit perdu auégle fut, et ainsi demoura led.


B a

Cor.

Cordelier. Si se fit guider et mener vng certain jour aprez ce jusqu'a l'hostel ou il conquist ce beau butin et parla au maitre de leans, auquel il remontra son pitieux cas, priant et requerant ainſy que droit le porte que luy baille et assigne ainſy qu'a son estat appartient ſa vie honnorablement. Le bourgeois reſpondit que de ceſte ſon aduventure beaucoup luy deſplaiſoit, combien que riens il n'en ſoit cauſe, ne en quelque facon que ce ſoit chargié ne s'en tient. Trop bien eſt il content luy faire quelque gracieuſe ayde d'argent pour ce qu'il auoit entrepris de guarir ſa fille, ce qu'il n'auoit pas fait, et que a luy ne voulut eſtre tenu en riens, luy veut bailler autant en ſomme que s'il luy eut ſa fille en ſanté renduë, non pas comme dit eſt qu'il ſoit tenu de ce faire. Maitre Cordelier non content de cette offre demande qu'il luy assignaſt ſa vie remonſtrant comment ſa fille l'auoit auégulé en ſa preſence, et a cette occaſion priué eſtoit de la digne et tres ſainte conſeruation du precieux Corps de Jeſus, du ſaint ſeruice de l'Egliſe; et de là glorieuſe inquiſicion des Docteurs qu'ils ont eſcrit ſur la ſainte Theologie et pour ce point de predication plus ne pouuoit ſeruir le peuple que eſtoit ſa totale de-

ſtruc-

struction, car il est mendiant et non fondé, sinon sur aumones que plus conquerre ne pouuoit ; quelque chose qu'il allegue ne remontre il ne peut finer d'autre responce que ceste precedente. Si se tira par deuers la Justice du Parlement. Londres, deuant lequel fit bailler jour a nostre homme dessus dit. Et quant il vit heure de plaider sa cause par vng bon aduocat bien informé de ce qu'il deuoit dire, Dieu scait que plusieurs se rendirent au Consistoire pour ouïr ce nouveau procez qui beaucoup pleut aux Seigneurs dud. Parlement tant pour la nouuelté du cas que pour les allegacions et arguments des parties deuant eulx debaters, que non auoit acoutumé, mais plaissantes estoient. Ce procez tant plaissant et nouuel afin qu'il fut de plusieurs gens cogneu fut tenu et maintenu assez et longuement, non pas qu'a son tour de roule ne fut bien renuoié et mis en jeu ; mais le Juge le fist differer jusques a la facon de cestes. Et par ce point celle qui auparauant par sa beaulté bonté et genteté cogneuë estoit de plusieurs gens deuant notoire a tout le monde par ce mauldit mal de broches dont en la fin fut garie ainſy que depuis me fut compté.



NOUVELLE III.
LA PECHE DE
L'ANNEAU.

EN la Duché de Bourgogne eut nagu-
res vn gentil Cheualier dont l'histoire
passe

passé le nom qui marié estoit a vne belle et gente Dame, et assez prez du Chasteau ou ledit Cheualier faisoit residence, demouroit vng musnier pareillement a vne belle gente et jeune femme marié. Aduint vne fois entre les autres que comme le Cheualier pour passer tems et prendre son esbatement se pourmenast entour son hostel, et du long de la Riuiere sur laquelle estoit assise la maison, heritage et moulin dessusdit musnier que a ce coup n'estoit pas a son hostel, mais a Dijon ou a Beaulne, ledit Cheualier aperceut la femme dud. musnier pourtant deux cruches et retournant de la Riuiere querir de l'eauë. Si se auanca vers elle et doulcement la salua, et elle comme faige et bien aprinse luy fit l'honneur et reuerence qui luy appartenoit. Notre bon Cheualier voyant cette musniere tres belle et en bon point, mais de sens assez eschansfement hourdeé. Se pensa de bonnes, et luy dit. Certes ma mie j'apercois bien que vous estes malade et en grand peril, a ces paroles la musniere saprocha de luy et luy dit. Helas Monseigneur ot que me faut il, vrayement ma mie j'appercoy bien, si vous cheminez gueres auant, que vostre deuant est en grand dangier de cheoir, et vous ose

24 LES CENT NOUVELLES

bien dire que vous ne le porterez gueres longuement qu'il ne vous chee, tant my cognois je? La simple musniere oiant les paroles de Monseigneur deuint très esbahye, comment Monseigneur pouuoit scauoir ne voir ce meschief aduenir. et couroucé d'oüir la perte du meilleur membre de son corps, et dont elle se seruoit mieux et son mary aussy. Si respondit helas Monseigneur, et a quoy connoissez vous que mon deuant est en dangier de cheoir il me semble qu'il tient tant bien. Dea ma mie souffise vous a tant et soyez seure que je vous dis la verité, et ne seriez pas la premiere a qui le cas est aduenu, helas dit elle Monseigneur or suis je femme deffaitte deshonoree et perdue, et que dira mon mary nostre dame quand il scaura ce meschief il ne tiendra plus compte de moy. Ne vous desconfortez que bien a point ma mie dit Monseigneur, encore n'est pas le cas aduenu, aussy y a til bon remede, quand la jeune musniere oüynt que on trouueroit bien remede en son fait, le sang luy commença a reuenir, et ainsy qu'elle sceut, pria Monseigneur pour Dieu, que de sa grace luy voulsist enseigner qu'elle doit faire pour garder ce pource deuant de cheoir,

cheoir, Monseigneur qui tres courtois et gracieux estoit, mesmement toujours vers les Dames, luy dit ma mie pource que vous estes belle et bonne et que j'ayme bien vôtre mary, il me prent pitié et compassion de vôtre fait, si vous enseigneray comment vous garderez vostre deuant de cheoir. Helas Monseigneur je vous en mer-cye, et certes vous ferez vne oeuvre bien meritoire, car tant me vaudroit non estre que de viure sans mon deuant, et que dois je donc faire Monseigneur, ma mie dit il afin de garder vôtre deuant de cheoir le remede si est qu'au plustost que faire pourez, le fort et souuent faire recoigner, recoigner Monseigneur, et qui le scauroit faire, a qui me faudroit il parler pour bien faire cette besogne, je vous diray ma mie dit Monseigneur pource que je vous ay aduertie de votre meschief qui tres prochain et grief estoit, ensemble aussy et du remede necessaire pour obuier aux inconueniens qui sourdre en pouroient, je suis content afin de plus enmieux nourrir amour entre nous deux vous recogner votre deuant, et vous le rendrey en tel estat que par tout le pourez tout seurement porter sans avoir crainte ne doubte que jamais il

B 5

puisse

26 LES CENT NOUVELLES

puisse cheoir, et de ce me fais bien fort. Si nôtre musniere fut bien joyeuse il ne le faut pas demander qui mettoit tres grand peine du peu du sens qu'elle auoit de suffisamment remercier Monseigneur : si marcherent tant Monseigneur et elle qu'ils vindrent au moulin ou ils ne furent gueres sans mettre la main a l'oeuure. Car Monseigneur par sa courtoisie d'vng hostile qu'il auoit, recoignat en peu deures trois ou quatre fois le deuant de notre musniere qui tres joyeuse et lye en fut. Et aprez que l'oeuure fut polye, et de deuises vng milier, et jour assigné d'encores ouurer a ce deuant. Monseigneur part, et tout le beau pas s'en retourne vers son hostel, et au jour nommé se rendit Monseigneur vers sa musniere, en la façon dessus et au mieux qu'il peut il s'emploia a recoigner ce deuant, et sy bien y ouura par continuation de temps que ce deuant fut tout assuré et tenoit ferme et bien. Pendant le tems Monseigneur recognoit le deuant de cette musniere, le musnier retourna de sa marchandise et fit grand chiere, et aussy fist a sa femme, et comme ils eurent deuisez de leurs besoignes, la très saige musniere va dire a son mary, par ma foy sire nous sommes bien obli-

obligez a Monseigneur de cette ville; voire ma mie dit le mufnier, en quelle façon. C'est bien raison que le vous die afin que l'en remerciez. Car vous y estes tenu. Il est vray que tandis que auez esté dehors, Monseigneur passoit par cy droit a la court, ainſy que a tous deux cruches je alloye a la riuiere, il me ſalua ſi fis je luy et comme je marchoye il apperceut que mon deuant ne tenoit comme rien, et qu'il estoit en trop grande aduenture de cheoir, et le me dit de la grace dont je fus ſi tres ébabwe, voire par Dieu autant courcouée que ſe tout le monde fut mort. Le bon ſeigneur qui me voit en ce point, lamenter en eut pitié, et de fait m'enſeigna vn beau remede pour me garder de ce maudit danger, encore me fiſt il bien plus qu'il n'eut point fait a vn autre, car le remede dont il me aduertit qui estoit de faire recoigner et recheuiller mon deuant afin de le garder de cheoir, luy meſmes le mit a execution, que luy fut tres grant peine et en ſua pluſieurs fois, pource que mon cas requeroit d'etre ſouuent viſitté, que vous diray ie plus il s'en eſt tant bien acquitté que jamais ne luy ſcauriez deferuir. Par ma foy il m'a tel jour de cette ſemaine recoigné les trois
les

les quatre fois, vng autre deux, vng autre trois, il ne ma ja laissée tant que aye esté toute garie, et si ma mis en tel estat que mon deuant tient a cette heure, tout aussi bien et aussy fermement que celuy de femme de nostre ville; Le musnier oyant cette adventure ne fist pas semblant par dehors tel que son cueur au pardedans portoit; or ca ma mie je suis bien joyeux que Monseigneur nous a fait ce plaisir, et ce Dieu plaist quand il sera possible jé feray autant pour luy; mais pource que votre cas n'estoit pas honneste, gardez vous bien d'en rien dire a personne, et aussy puis que vous estes garie, il n'est jamestier que vous trauaillez plus Monseigneur, vous n'avez garde dist la musniere que j'en die jamais vng mot, car aussy me le deffendit bien Monseigneur, Nôtre musnier que estoit gentil Compaignon a qui les crignons de sa teste ramenteuoyent souuent et trop la courtoisie que Monseigneur luy auoit faite, si sagement se conduisit qu'onques Monseigneur ne s'aperceut qu'il se doubta de la tromperie qu'il luy auoit faite et cuidoit en soy mesmes qu'il n'en sceust rien. Mais helas si faisoit et n'auoit ailleurs son cueur, son estude, ne toutes les pensées

scés que a soy vanger de luy, s'il scauoit
 en façon telle ou semblable qu'il luy deceut
 sa femme. Et tant ainſy fiſt par ſon engin
 que point oyſeux n'eſtoit, qu'il aduiſa a
 vne maniere par laquelle bien luy ſembloit
 que s'il en pouuoit venir a chief que Mon-
 ſeigneur auroit beure pour oeuf. A chief
 de piece pour aulcuns affaires que ſuruin-
 drent a Monſeigneur, il monta a cheual,
 et print de Madame congie bien pour vng
 mois dont le muſnier ne fut pas joyeux.
 Vn jour entre les autres Madame eut vou-
 lenté de ſoy baigner, et fiſt tirer le baing
 et chauffer les eſtuues en ſon hoſtel, a part
 ce que noſtre muſnier ſceuſt tres bien pour-
 ce que aſſez familier eſtoit de leans, ſi s'ad-
 uiſa de prendre vn beau brochet qu'il
 auoit en ſa foſſe, et vint au Chateau pour
 le preſenter a Madame, aucunes des fem-
 mes de Madame vouloyent prendre le bro-
 chet, et de par le muſnier faire preſent,
 mais il dit que luy même il le preſenteroit
 ou vrayement il le remporteroit; au fort
 pource qu'il eſtoit comme de leans et jo-
 yeux homme Madame le fiſt venir qu'il de-
 dans ſon baing eſtoit. Le gracieulx muſ-
 nier fiſt ſon preſent, dont Madame le re-
 mercia et fiſt porter en la cuyſine le beau
 bro-

brochet, et mettre a point pour le souper. Et entretant que Madame au musnier deui-
soit, il apperceut sur le bord de la cuue vng
tres beau dyamant qu'elle auoit osté de son
doy doubtant de l'eauë le gaster. Si le
croqua si souplement qu'il ne fust de ame
apperceu, et quant il vit son point il donna
la bonne nuyt a Madame, et a sa Com-
paignie, et s'en retourne a son moulin,
pensant au surplus de son affairre. Madame
qui faisoit grant chiere avec ses femmes,
voiant qu'il estoit ja bien tart et heure de
souper habandonna le baing, et en son lit
se bouta, et comme elle ne vit point son
dyamant, si appella ses femmes et leur de-
manda aprez ce dyamant et a laquelle elle
l'auoit baillé. Chascune dist ce ne fust pas
a moy na moy, ne a moy aussi. On cher-
che hault et bas dedans la cuue, sur la
cuue, mais rien ny vault, on ne le scait
trouuer. La queste de ce dyamant dura
beaucoup sans qu'on en sceust quelque
nouuelle, dont Madame s'en donnoit bien
mauuais tems pource qu'il estoit mecham-
ment perdu et en sa chambre, et aussy
Monseigneur son mary luy donna au jour de
ses epousailles si le tenoit beaucoup plus
cher; on ne scait qui mécroire ne a qui le
de-

demander, dont grant duëil sourd par
leans. L'une des femmes s'aduisa et dist,
ame n'est ceans entré que nous que y som-
mes et le musnier, ce me sembleroit bon
qu'il fut mandé. On le manda et il vit
Madame si tres courroucée et desplaisante
estoit que plus ne pouuoit demanda au
musnier s'il auoit point veu son dyamant,
et luy asseuré autant en bourdes que vng
autre a dire verité, s'en excusa tres haulte-
ment. Et osa bien demander a Madame si
elle le tenoit a larron, certes dit elle nenny,
aussy ce ne seroit pas larrecin si vous l'auiez
par esbatement emporté. Madame dit le
musnier je vous promets que de vostre
dyamant ne scay ie nouuelle, adonc fut la
Compaignie bien simple et Madame espe-
cialement que en est si tres desplaisante
qu'elle n'en scait sa contenance que de je-
cter larmes a grand habondance, tant a re-
gret de ceste verge. La triste Compaignie
se met a conseil pour scauoir, qu'il est de
faire; l'une dist il faut qu'il soit en la cham-
bre, l'autre respond qu'el le a cherchie par
tout. Le musnier demande a Madame s'elle
l'auoit a l'entree du baing, et elle dist que
ouy, s'ainsy est certainement Madame veu
la grande diligence qu'on a fait de le que-
rir

rir sans en scauoir nouuelle la chose est bien estrange. Toutefois il me semble bien que s'il y auoit homme en cette ville que sceust donner conseil pour le recouurer que je seroye celuy et pource que je ne voudroye pas que ma science fust diuulgeé, il seroit bon que je parlasse a vous a part, a cela ne tiendra dist Madame, si fist partir la Compaignie, et au partir que firent les femmes disoient Dame Jheanne, ysabeau, Catherine; Helas musnier que vous seriez bon homme si vous faisiez reuenir ce dyamant. Je ne m'en fais pas fort dit le musnier mais j'ose bien dire que s'il est possible de jamais le trouuer que j'en apprendray la maniere. Quant il se vit a part avec Madame il luy dist qu'il se doubtoit beaucoup, et pensoit que en l'ariueé du baing elle auoit son dyamant, que il ne fust failly de son doyt et cheu en l'eauë et dedans son corps c'est boutté, attendu qu'il n'y auoit ame qui le voulsist retenir. Et la diligence faite pour le trouuer, se mist Madame sur son lit ce qu'elle eust volentiers refusé ce neust esté pour mieux faire, et aprez qu'il l'eust assez decouuerte, fit comme maniere de regarder ca et la, et dist seurement Madame le dyamant est entré en votre corps, et dites vous

vous musnier que vous l'avez aperceu, ouy
 vrayement. Helas dit elle et comment l'en
 pourra se tirer, tres bien Madame je ne
 doute pas que je n'en vienne bien a chef
 s'il vous plaist. Se maist Dieu il n'est chose
 que je ne face pour le rauoir dit Madame,
 or vous auancez beau musnier. Madame
 encores sur le liect coucheé fut mise par le
 musnier tout en telle façon que Monsei-
 gneur mettoit sa femme quand il luy recoi-
 gnoit son deuant, et d'un tel houtil la ten-
 te pour querir et pescher le dyamant. Apréz
 les reposeés de la premiere et seconde ques-
 te que le musnier fist du dyamant, Mada-
 me demanda s'il l'auoit point sentu, et il
 dist que ouy, dont elle fut bien joyeuse et
 luy pria qu'il péscha encores tant qu'il l'eut
 trouué. Pour abreger, tant fit le bon
 musnier qu'il rendit a Madame son tres beau
 dyamant, dont la tres grande joye vint
 par leäns, et n'eust jamais musnier tant
 d'honneur ne d'auancement que Madame
 et ses femmes luy donnerent, le bon mus-
 nier en la tres bonne grace de Madame
 part de leäns, et vint a sa maison sans soy
 vanter a sa femme de sa nouuelle aduen-
 ture, dont il estoit plus joyeux que s'il eut
 eu tout le monde gagnié. La Dieu mercy,


Tom. I.

C

petit

petit de tems aprez Monseigneur reuint en la maison ou il fut doucement receu et de Madame humblement bien venu laquelle, aprez plusieurs deuises qui au liēt se font, luy compta le merueilleuse aduenture de son dyamant et comment il fut par le musnier de son corps repesché; pour abreger, tout du long luy compta le procez en la façon et maniere que tint ledit musnier en la queste dudit dyamant dont il n'eut gueres grande joye, mais pensa que le musnier luy auoit baillé belle. A la premiere fois qu'il rencontra le musnier il le salua hautesment et luy dist, Dieu gard Dieu garde ce bon pescheur de Dyamans, a quoy le musnier repondit Dieu gard le recoingneur de c... par nostre dame tu dis vray dit le seigneur tay toy de moy et si feray de toy, le musnier fut content, et plus n'en parla non fist le seigneur que je sache.

NOU



NOUVELLE IV.

LE COCU ARME.

LE Roy n'aguieres etant en la Ville de
Tours, vng gentil Compaignon Escos-
fois archier de son corps et de la grant gar-
de

C 2

de s'enamoura tres fort d'une belle et gente damoiselle mariee et merciere. Et quant il sceut trouver tems et lieu le mains mal qu'il sceut compta son gracieulx et pitteulx cas, dont il n'estoit pas trop content, ne joyeux neantmoins; car il avoit la chose trop a cuer ne laissa pas a faire sa poursuite, mais de plus en plus tres aigrement pourchassa tant que la damoiselle le voulut enchassier, et donner total congé, et luy dit qu'elle auertiroit son mary du pourchas deshonnete et damnable qu'il s'efforçoit dacheuer ce qu'elle fist tout au long. Le mary bon et faige preux et vaillant comme aprez vous sera compte, se courouca amèrement encontre l'Escossois que deshonnouer le vouloit, et sa tres bonne femme aussy, et pour bien se vanger de luy a son aise, et sans repri se, commanda a sa femme que s'il retournoit plus a sa queste, qu'elle luy baillast et assignast jour, et s'il estoit si fol que dy comparoir le blasme qu'il pourchassoit luy seroit cher vendu. La bonne femme pour obeir au bonplaisir de son mary dist que sy feroit elle. Il ne demoura gueres que le pource amoureux Escossois fist tant de tours qu'il veit en place nostre merciere que fut par luy hum-

humblement saluée, et de rechief d'amours si doucement prier, que les requestes du parauant deuoient bien estre enterinees par la confusion de ceste piteuse et derniere priere, et qu'elle les vouldist ouyr, et jamais ne seroit femme plus loyalement obeye ne seruie qu'elle seroit, se de grace vouloit accepter la tres humble et raisonnable requeste. La belle merciere soy recordant de la leçon que son mary luy bailla voyant aussi l'heure propice entre autres deuises et plusieurs excusations seruans a son propos bailla journée a l'Escossois a lendemain au soir de comparer personnellement en sa chambre pour en ce lieu luy dire plus celeement le surplus de son intention, et le grant bien qu'il luy vouloit. Pensez qu'elle fut haultement remerciée doucement escoutée, et de bon cueur obeye de celuy, qui aprez ces bonnes nouuelles laissa sa Dame le plus joyeux que jamais il n'auoit esté. Quant le mary vint a l'hostel, il sceut comment l'Escossois fut leant, des parolles et des grans offres qu'il fist, et comment il se rendra demain au soir deuers elle en sa chambre. Or le laisse venir dit le mary, il ne fist jamais si folle entreprinse, que bien ie luy cuide monstrier auant

qu'il parte voyre et faire son grant tort confesser pour estre exemple aux autres fols oultre cuydez et enraigez comme luy. Le soir du landemain approcha tres desiré du pource amoureux Escossois pour veoir et jouir de sa Dame, tres desiré du bon mercier, pour accomplir sa tres criminelle vengeance qu'il veut executer en la personne diceluy Escossois qui veult estre son lieutenant, tres doubté aussy de la bonne femme qui pour obeir a son mary attend de veoir vn grand hutin, au fort chascun sapreste, le mercier se fait armer de vng grant viel et lourt harnoys, prent sa salade, ses gantelets, et en sa main vne grant hache. Or il est bien en point Dieu le scait, et semble bien que autre foys il ayt veu hutin. Comme vng vrai champion venu sur les rens de bonne heure, et attendant son ennemy, en lieu de pauillon, se va mettre derriere vn tapis en la ruelle de son liect, et si bien se cacha qu'il ne pouroit estre apperceu, lamoureux malade sentant l'heure tres desiré se met en chemin deuers l'hostel a la merciere, mais il ne oublia pas sa tres grande bonne et forte espee a deux mains. Et comme il fut venu leans la dame monte en sa chambre sans faire effroy, et

et il la fuyt tout doucement, et quant il se est trouué leans, il demanda a sa Dame sen sa chambre y auoit ame qu'elle; a quoy elle respondit assez legierement, et comme non trop asseuré, que non; Dictes verité dist l'Escossois vostre mary ny est il pas, nenny dist elle. Or le laissez venir par saint Agnan s'il vient je luy fendray la teste jusqu'aux dents, voire par Dieu s'ils estoient trois je ne les crains, ie seray bien maistre. Et aprez ces criminelles parolles vous tire hors sa grande et bonne espee et si la fait brandir troys ou quatre foys et auprez de luy sur le liet la couche et ce fait incontinent baïser et accoler et le surplus que aprez s'ensuyt, tout a son bel aise et loysir acheua, sans ce que le pourceux de la ruelle s'osast onques monstrier, mais si grant paour auoit qu'a pou qu'il ne mouroit. Notre Escossois aprez cette haulte adventure prent de sa Dame congé jusqu'a vne autre foys, et la remercie comme il doit et scait de sa grant courtoisie, et se met a chemin, quant le vaillant homme d'armes sceut l'Escossois yssu hors de lhuys ainsy effrayé qu'il estoit sans a peine scauoir parler fault dehors de son paillon et commença a tencer sa femme, de ce qu'elle auoit souffert

le plaisir de l'archer et elle respondit que c'estoit sa faulte et sa coulpe, et que enchargié luy auoit de luy bailler jour, je ne vous commanday pas dist il que luy laissiez faire sa volenté ne son plaisir. Comme dist elle le pouuoie refuser voyant sa grant espee dont il meut tueé en cas de reffus. Et a ce coup vecy son Escossois qui retourne et monte arriere les degrez la chambre, et fault dedans et dit tout hault quest ce cy, et le bon homme de soy sauluer, et dessoubz le liét se boute pour plus seurement, beaucoup plus esbahy que parauant. La Dame fut reprinse et derechief enfermé a son beau loisir et a la facon que dessus tousjours l'espee au plus prez de luy. Apres ceste rencharge et plusieurs longues deuises d'entre l'Escossois et la Dame l'heure vint de partir sy luy donnat la bonne nuyt et pique et s'en va. Le pource martyr estant dessoubz le liét a peu s'il se osoit tirer de la doubtant le retour de son aduersaire, ou pour mieulx dire son Compaignon. A chief de piece il print courage et a l'ayde de sa femme la Dieu mercy il fut remis sur piedz. S'il auoit bien tensé sa femme au parauant, encores recommença til plus dure legende. Car elle
auoit

auoit consenty aprez sa deffence le des-
honneur de luy et d'elle. Helas dist elle ce
ou est la femme si asseuré qui osast dedire
vng homme ainsy eschauffé et enragé com-
me cestuy estoit quant vous qui estes armé
embaïstonné et si vaillant a qui il a trop plus
meffait que a moy ne l'auiez pas osé assail-
lir ne moy deffendre. Ce n'est pas responce
dist il, dame sy vous n'eussiez voulu jamais
ne fust venu a ses atteintes vous estes maul-
uaise e deloyalle, mais vous dist elle las-
che, meschant et reprouché homme pour
qui je suis deshonné. Car pour vous
obeir je assignay le maudit jour a l'Escos-
fois. Et encores n'auiez eu en vous tant
de couraige d'entreprendre la deffence de
celle en qui gyft tout vôtre bien et vostre
honneur Et ne pensez pas que jeusse trop
mieulx aimé la mort que d'auoir moy mes-
me consenty ne accordé ce meschief. Et Dieu
scait le deuïl que j'en porte et porteray tant
que je viuray quant celluy de qui je doys
auoir et tout secours attendre en sa pre-
sence ma bien souffert deshonnorer. Il
fait assez a croire et penser qu'elle ne souf-
frit pas la volenté de l'Escossois pour plai-
sir qu'elle y print, mais elle fut a ce con-
trainte et forcé par non resister, laissant la

C s

re-

42 LES CENT NOUVELLES

resistance en la prouesse de son mary qui s'en estoit tres bien chargie. Dont chascun d'eulx laisse son dire et sa querelle aprez plusieurs arguments, et repliques d'vng costé et d'aultre. Mais en son cas euident fut le mary deceu, et demoura trompé de l'Escossois en la facon qu'avez ouye.

NOU.



NOUVELLE V.
LE DUEL
D'AIGUILLETTE.

M Onseigneur Thalebot que Dieu par-
donne Capitaine Anglois si cureux
com-

comme chascun ſcait, fit en ſa vie deux jugemens dignes d'eſtre recitez et en audience et memoire perpetuelle amenez, et afin que de chascun diccūlx jugemens ſoit faite mention, je veuille racompter en brieſs mots ma premiere nouvelle et ou rang des autres la cinquieſme i'en fourniray et diray ainſy. Pendant le temps que la mauldite et peſtilentieuſe guerre de France et d'Angleterre regnoit, et que encores n'a pas prins fin comme ſouuent aduient; vng François homme d'armes fut a vng aultre Angloys prifonnier, et puis qu'il fut mis a finance, ſoubz le ſaufconduit de Monſieur Thalebot, deuers ſon Capitaine, retournoit pour faire finance de ſa rençon, et a ſon maĩſtre l'enuoyer ou apporrer, et comme il eſtoit en chemin fut par vng Angloys ſur les champs encontré, lequel voyant le François, tantost luy demanda dont il venoit et ou il alloyt, l'autre reſpondit la verité. Et ou eſt voſtre ſaufconduit dit l'Angloys il n'eſt pas loing dit le François. Lors tire vne petite boete pendante a ſa cinture ou ſon ſaufconduit eſtoit, et a l'Angloys le tendit qui de bout a aultre le leut, et comme il eſt de coutume mettre en toutes lettres de ſauf conduyt, reſerué tous vrays
habile

habillemens de guerre l'Angloys noté sur ce mot, et voyt encores les esguillettes a armer pendantes au parpoint du Francoys. Si va jugier en soy mesmes qu'il auoit enfreint son saufconduyt, et que esguillettes sont vrays habillemens de guerre si luy dist ie vous fais prisonnier, car vous auez rompu vostre saufconduyt, par ma foy non ay dist le Francoys saulue vostre grace, vous voyez en quel estat je suis, nenny nenny dist l'Angloys par Sainct Jouen vostre saufconduyt est rompu, rendez vous ou je vous tueray. Le poure Francoys qui n'auoit que son paige et qui estoit tout nud, et de ses armeures degarny voyant l'autre, et de troys ou quatre archiers accompagnie pour le mieulx faire a luy se rendit. L'Angloys le mena en vne place assez prez de la, et en prison le boute. Le Francoys se voyant ainsi mal mené a grant haste a son Capitaine le manda, lequel ouyant le cas de son homme fut trestout a merucilles esbahy, si fist tantost escrire lettres a Monseigneur Thalebott, et par vng herault, les enuoya bien et suffisamment informé de la matiere que l'homme d'armes prisonnier auoit au long au Capitaine rescript. C'est ascauoir comment vng tel de ses gens auoit

auoit prins vn tel des siens sous son faufconduyt: Ledit hierault bien informé et aprins de ce qu'il deuoit dire et faire, de son maistre partit et a Monseigneur Thalebott les lettres presenta. Il les leut et par vng sien secretaire en audience devant plusieurs Cheualiers et escuyers et aultres de sa route de rechief les fist lire. Si devez scauoir que tantost il monsta sur son cheualet, car il auoit la teste chaulde et fumeuse, et n'estoit pas contend quant on faisoit aultrement qu'a point et par especial en matiere de guerre, et d'en fraindre son faufconduyt il enragoit tout vif. Pour abreger le compte fit venir devant luy l'Anglois et le Francoys, et dist au Francoys qu'il comptast son cas. Il dist comment il auoit esté prisonnier d'vng tel de ses gens et s'estoit mis a finance. Et soubz vostre faufconduyt Monseigneur ie m'en alloye deuers ceulx de nostre party pour querir ma rencon, ie rencontray ce gentil homme icy lequel est aussty de vos gens qui me demanda ou j'alloye, et se iaueye faufconduyt ie luy dis que ouy lequel ie luy monstray, et quant il leut leu il me dit que ie l'auoye rompu et ie luy respondis que non auoye et qu'il ne le scauroit monstre,

brief

brief ie ne peuz estre ouïy et me fut force
se ie ne me vouloye faire tuer sur la place de
me rendre. Et ne scay cause nulle parquoy
il me doye auoir retenu; si vous en de-
mande iustice. Monseigneur Thalebote oyant
le Francoys n'estoit pas bien a son aise,
neantmoins quant il eut ce dit, il dist a
l'Angloys que respons tu a cecy. Monsei-
gneur dit il; il est bien vray comme il a dit
que ie le rencontray et voulus voir son fauf-
conduyt, lequel de bout en bout et tout
du long ie le leus, et apperceu tantost
qu'il l'auoit rompu et enfraint, et aultre-
ment jamais je ne l'eusse arresté. Comment
la il rompu dist Monseigneur Thalebote, dist
tost, Monseigneur pource que en son fauf-
conduyt sont reseruez tous habillements de
guerre, et il y auoit et a encores vrayz habille-
ments de guerre c'est ascauoir a son parpoint
ses esguillettes a armer que sont vngs vrayz
habillements de guerre. Car sans elles on
ne se peut armer. Voire dit Thalebote et es-
guillettes sont ce doncques vrayz habille-
ments de guerre, et ne scays tu aultre cho-
se parquoy il puisse auoir enfraint a son
faufconduyt, vrayment Monseigneur nen-
ny respondit l'Angloys, Voire villain de
par vostre dyable dist Monseigneur Thale-
bot

bot auez vous retenu vng gentil homme fut mon saufconduyt pour les esguillettes, par saint George ie vous feray monstrier se ce sont habillements de guerre, alors tout eschauffé et de couroux bien fort emeü et couroucé vint au Francoys et de son parpoint deux esguillettes en tira, et a l'Angloys les bailla, et au Francoys vne bonne espee d'armes luy fut a la main livreé, et puis la sienne belle et bonne hors du fourreau va tirer, et la tint en sa main et a l'Angloys va dire deffendez vous de cest habillement de guerre que vous distes se vous scauez. Et puis dist au Francoys frappez sur ce villain qui vous a retenu sans cause et sans raison, on verra comment il se deffendra de vostre habillement de guerre, se vous lespargnez je fraperay sur vous par saint George. Alors le Francoys voulsist ou non fut contraint a fraper sur l'Angloys de l'espee toute nuë qu'il tenoit, et le pource Angloys se couuroyt le mieulx qu'il pouuoyt, et couroyt par la chambre et Thalebote apres qui tousjours faisoit ferir par le Francoys sur l'autre, et luy disoit deffendez vous villain de vostre habillement de guerre. A la verité l'Anglois fut tant battu qu'il fut prez jusqu'a la mort, et cria mercy a

Tha-

Thalebote et au Francoys, lequel par ce moyen fut deliuré de sa rancon et par Monseigneur Thalebote acquitté, et avec ce son cheval et son harnois et tout son bagaige que au jour de sa prinse auoit luy fist rendre et bailler. Reste a compter l'autre qui est tel. Il sceut que l'vng de ses gens auoit derobbé en une Eglise le tabernacle ou l'en met corpus domini et a bons deniers comptans vendu. Je ne scay pas la juste somme, mais il étoit grant et beau, d'argent doré tres gentement esmaillé. Monseigneur Thalebote quoy qu'il fut tres-cruel et en la guerre tres-criminel si auoit en grand reverence tousjours en l'Eglise et ne vouloyt que nut monstier ne eglise le feu on boutast ne derobast quelque chose et ou il scauoyt qu'on le fist il en faisoit merueilleuse discipline de ceulx qui en ce faisant trespassoient son commandement. Or fist il deuant luy amener celluy qui le tabernacle auoit en l'Eglise robé. Et quant il le veit Dieu scayt quelle chere il luy fist, il le vouloit a toute force tuer se ne eussent esté ceulx que entour luy estoient qui tant luy prièrent que sa vie luy fut sauuée. Mais neantmoins si le voulut il punir et luy dist. Traiter ribault comment auez vous osé rober

Tom. I.

D

cette

cette eglise oultre mon commandement et ma deffence. Ah Monseigneur pour Dieu dist le poure larron ie vous crie mercy, jamais ne m'aduiendra. Venez auant villain dit il, et l'autre aussy volentiers qu'on va au guet deuers Monseigneur Thalebote d'aller s'auance, et ledit Monseigneur Thalebote dechargier sur ce pelerin de son poingt qui estoit gros, et lourt, pareillement frappe sur sa teste en luy disant ha larron auez vous robé l'Eglise, et l'autre de crier Monseigneur je vous crie mercy, jamais ie ne le feray, le ferez vous, nenny Monseigneur. Or jurez doncques que jamais tu n'entreras en eglise nulle quelle soit, jure villain, et bien Monseigneur dist l'autre, lors luy fit jurer que jamais en Eglise pié ne mettroit dont tous ceulx qui la estoient et que l'ouyrent eurent grant ris quoy que ils eussent pitié du larron pource que Monseigneur Thalebote luy deffendoit l'Eglise a toujours, et luy faisoit jurer de non jamais y entrer, & croyés qu'il cuydoit bien faire et a bonne intencion luy faisoit. Ainsy auez vous ouy raconter de Monseigneur Thalebote les deux jugements qui furent tels comme comptez les vous ay.

NOU-



NOUVELLE VI.
L'IVROGNE
AU PARADIS.

A Duint en vne bonne ville de Hollen-
de comme le pieur des Augustins na-
D z gueres

gueres se pourmenaist en disant ces heures sur le serain assés prez de la Chapelle saint Antoine situee au bois de ladite ville fut rencontré d'un grant lourt Hollandois si tres yure qu'a merueilles, lequel demouroit en vng village nommé Hesteuelighes a deux lieuës prez dillec, le prieur de loing le voyant venir cogneut tantost son cas par les lourdes demarches et mal seures qu'il faisoit tirant son chemin. Et quant ils vindrent pour joindre l'vng a l'autre, l'yurogne salua premier le prieur qui luy rendit son salut tantost et puis passaist oultre continuant son service sans en aultre propos l'arrester ne interroguer, mais l'yurogne tant oultré que plus n'en pouuoit se retourne et poursuyt le prieur et luy request confession. Confession dist le prieur, vaten vaten tu es bien confessé. Helas sire respondit l'yurogne pour Dieu confessez moy, jay assez tres fresche memoire de tous mes pechez, et si ay parfaite Contrition. Le prieur desplaisant d'estre empesché a ce coup par cest yurogne repend va ton chemin, il ne te fait confesser car tu es en tres bon estat ha dea dist lyurogne par la mort bieu vous me confessez maistre prieur, car j'en ay a cette heure devotion et le saisit par la manche,

che, et le voulut arrester. Le prieur n'y vouloit entendre, mais auoit tant grant fain que merueilles destre echappé de l'autre, mais rien ny vault, car il est ferme en la deuocion destre confessé, ce que le prieur tousjours refuse et sy s'en cuyde despecher, mais il ne peut, la deuocion de lyurogne de plus en plus s'efforce, et quant il voyt le prieur reffusant de ouyr ses pechez il met sa main a sa grande Coustille et de sa gaygne la tire et dit au prieur qu'il le tuera se bien il n'escoute sa Confession, le prieur doubtant le Cousteau et la main perilleuse qui le tenoit si demanda a laultre que vueil tu dire. Je me vueil confesser dit il. Or auant dist le prieur je le vueil auance toy, nostre yurogne plus saoul que vne grive partant d'une vigne commença s'il vous plaist sa deuote Confession laquelle je passe car le prieur point ne la reuela, mais vous pouuez bien penser qu'elle fut bien nouvelle et estrange. Quant le prieur veit son point, il couppa le chemin aux longues et lourdes parolles de nostre yurogne et l'absolution luy donne et en congé luy donnant luy dist Vaten tu es bien confessé. Dictes vous sire respondist il. Ouy vrayment dist le prieur ta Confession est tres bonne. Vaten tu ne

peux mal auoir. Et puis que je suis bien confessé et que j'ay l'absolution receuë se a ceste heure mouroye niroye ie pas en Paradis dist l'yurogne. Tout droit sans faillir respond le prieur n'en fays nulle doubte. Puis que ain sy est ce dist l'yurogne que maintenant je suis en bon estat, et en chemin de Paradis, et qu'il y fait tant bel et tant bon ie vueil mourir tout maintenant affin que incontinent je y aille, sy prent et baille son cousteau a ce prieur en luy priant et requérant qui luy tranchast la teste affin qu'il allast en Paradis. Ha dea dist le prieur tout esbahy il n'est ja mestier de ain sy faire tu yras bien en Paradis par aultre voye. Nenny respond l'yurogne. Je vueil aller tout maintenant et icy mourir par vos mains aduancez vous et me tuez, non feray pas dist le prieur, vng prestre ne doit personne tuer. Si ferez sire par la mort bieu, et se bientoist ne me despechez et me mettez en Paradis moy mesmes a mes deux mains vous occiray, et a ces motz brandit son grant Cousteau, et en fait monstre aux yeux du poure prieur tout espouuenté et assimply. Au fort aprez qu'il eut vng peu pensé afin d'estre de son yurogne despechié lequel de plus en plus l'agresse et par force
que

que luy oste la vie il faist et prend le cousteau et va si dire. Or ca puis que tu veux finer par mes mains affin d'aller en Paradis metz toy a genoux icy deuant moy. L'yurogne nes'en fist gueres precher, mais tout a coup du hault de luy tomber se laissa et a chef de piece a quelque meschef que ce fut sur les genoulx se releua et a mains jointes le coup de l'espee cuydant mourir attendoyt. Le prieur du dos du cousteau fiert sur le col de l'yurogne vng grant et pesant coup. Et par terre le abbat bien durement, mais vous n'auiez garde qu'il se relieue, mesme cuyde vrayment estre mort et estre ja en Paradis. En ce point le laissa le prieur que pour sa seureté n'oublia pas le cousteau. Et comme il fut vng peu auant, il rencontra vng chariot, chargé de gens au mains de la pluspart. Si bien aduint que ceulx qui auoient esté presens ou nostre yurogne s'estoit chargié y estoient, auxquels il raconta bien au long le mystere desusdict, en leurs priant qu'ils se leuassent et qu'en son hostel le voulsissent rendre et conduire et puis leurs bailla son cousteau. Ils promirent de l'emmener et charger avec eulx et le prieur s'en va. Ils neurent gueres cheminé qu'ils apperceurent ce bon

yurogne couchie ainſy comme s'il fut mort les dents contre terre, et quant ils furent prez de luy tous a vne voix par ſon nom l'appellerent, mais ils ont beau huchier, il n'auoit garde de reſpondre, ils recommencerent a crier, mais c'eſt pour neant. Adonques descendirent aucuns de leur chariot ſi le prindrent par la teſte par les piez et par les jambes, et tout en lair le leuerent, et tant hucherent qu'il ouurit ſes yeuls, et incontinent parlaſt et diſt. Laissez moy, laissez moy je ſuis mort, non eſtes non dirent ſes Compaignons, il vous faut venir avec nous. Non feray diſt lyurogne, ou iray ie je ſuis mort et deſja en Paradis. Vous vous en viendrez dirent les autres, il nous faut aller boire; Boire dit il, voire dit l'autre, jamais je ne boiray dit il, car je ſuis mort. Quelque choſe que ſcs Compaignons luy diſent il ne vouloyt mettre hors de ſa teſte qu'il ne fut mort. Les deuifes durerent beaucoup, et ne ſcauoient trouuer les Compaignons facon ne maniere d'emmener ce fol yurogne, car quelque choſe qu'ils diſent tousjours reſpondit je ſuis mort; En la fin vng entre les autres ſe aduiſa et diſt. Puis que vous eſtes mort vous ne voulez pas demourer icy, et comme une beſte, aux
champs

champs estre enfoüï, venez venez avec nous si vous porterons enterer sur nostre chariot ou cymetiére de nostre ville ainſy qu'il appartient a vng Chreſtien, autrement n'yrez pas en Paradis. Quant l'yurogne entendit qu'il le failloit enterer ains quil monſtaſt en Paradis, il fut content de obeir, ſi fut tantost trouſé et mis dans le chariot ou guerres ne fut ſans dormir. Le chariot eſtoyt bien attelé ſi furent tantost a Heſteuelighes ou ce bon yurogne fut deſcendu tout deuant ſa maiſon. Sa femme et ſes enfans furent appellez et leurs fut ce bon corps ſaint rendu qui ſi fort dormoit que pour le porter du chariot en ſa maiſon et en ſon liſt le jecter, jamais ne ſeueilla, et la fut il enſevely entre deux linceulx ſans s'eueiller bien deux jours aprez.



NOUVELLE VII.
LE CHARRETTON
A L'ARRIEREGARDE.

VN Orfeure de Paris n'aguères pour
despechier plusieurs besongnes de sa
mar-

marchandise a l'encontre d'une foire du landit et denuers fist large et grant prouision de charbon de saoulx. Aduint vng jour entre les autres que le Charreton que ceste denrée liuroit pour la grant haste de l'Orfeure, fist si grant diligence qui lamena deux voitures plus qu'il n'auoit fait ez jours parauant, mais il ne fut pas si tost en Paris a sa derniere charetee, que la porte a ses talons ne fut fermee, toutes fois il fut tres bien venu, et bien de l'Orfevre receu; et aprez que son charbon fut descendu et ses cheuaux mis en l'estable il voulut souper tout a loisir, et firent tres grand chere, qui ne se passa pas sans boire dautant et d'autel. Quand la brigade fut bien repeue, la cloche va sonner douze heures dont ils se donnerent grant merueille tant plaisamment s'estoit le temps passé a ce souper, chacun rendist graces a Dieu faisant tres petits yeulx, et ne demandoient que le liect, mais pource qu'il estoit tant tart, l'Orfeure retint au coucher son Charreton doubtant la rencontre du guet qu'il l'eust bouté en Chastelet, se a ceste heure l'eust trouué. Pour celle heure nostre Orfeure auoit tant de gens qui pour luy ouuroient que force luy fut le Charton avec luy et sa femme en son

son liēt herbergier, et comme saige et non suspeconneux il fit sa femme entre luy et le Chariton couchier. Or vous faut il dire que ce ne fut pas sans grant mistere car le bon Charreton refusoit de tous points ce logis, et a toute force vouloit dessus le banc ou dedans la grange couchier, force luy fut d'obeir a l'Orfeure, et aprez qu'il fut depouillé, dedens le lit se boute, ou qu'il estoit ja l'Orfeure et sa femme en la façon que j'ay dicté. La femme sentant le Chariton accause du froit et de la petitesse du liēt d'elle approuchier, tost se vira deuers son mary, et en lieu d'oreiller se mist sur la poitrine de sondit mary, et ou giron du Chariton son derriere reposoit. Sans dormir ne se tindrent gueres l'Orfeure, et sa femme sans en faire le semblant, mais nostre Chariton jacoit qu'il fut lassé et trauaillé n'en auoit garde. Car comme le poulain sechauffe sentant la jument et se dresse et demaine, si faisoit le sien poulain leuant la teste contre mont si tres prochain de lad. femme, et ne fut pas en la puissance dud. Chariton qu'a elle ne se joignit de prez, et en cet estat fut long espace quand la femme sesueillast, voire ou au moins qu'elle en fist semblant. Auffy neust pas fait

fait le mary si ce neust esté la teste de sa femme qui sur la poitrine estoit reposant qui par l'assault et heurt de ce poulain luy donnoit si grant branle que assez tost il se reueilla, il cuydoit bien que sa femme songeat, mais pource que trop longuement duroit, et qu'il ouyt le Charton soy remuer, et treffort souffler tout doucement leua la main en hault. Et si tres bien apoint en bas la rabattit qu'en dommaige et en sa garenne le poulain au charton trouua dont il ne fut pas bien content, et ce pour l'amour de sa femme il l'en fist en haste faillir, et dist au charton que faites vous mechant coquart, vous estes par ma foy bien enraigé qui a ma femme vous prenez. N'en faictes plus. Je vous jure par la mort bieu que s'elle se fut a ce coupeſueillé quand votre poulain ainsy la harioit. Je ne scay moy penser que vous eussiez fait : car je suis tout certain tant la connois qu'elle vous eut tout le visaiſge esgratinné et a ses mains les yeulx de vostre teste esfrachez, vous ne scauez pas comme elle est merueilleuse depuis qu'elle entre en sa malice, et sy n'est chose au monde qui plustost luy boutat. Ostez vous je vous en supplie pour votre bien, le charton en peu
de

de mots s'excusa qu'il ny pensoit pas, et comme le jour fut prochain tantost il se leua et aprez le bon jour donné a son hostesse part et s'en va et a charier se met. Vous deuez penser que la bonne femme s'elle eut pensé le fait du Charton que elle leut beaucoup plus grevé que son mary ne disoit. Combien que depuis il me fut dit que assez de foyz le Charton la rencontra en la propre facon et maniere qu'il fut trouué de l'Orfeure sinon qu'elle ne dormoit pas non point que je le veuille croire ne en riens ce raport faire bon.

NOU.



NOUVELLE VIII.

GARCE POUR

GARCE.

EN la ville de Bruxelles ou maintes ad-
ventures font en nostre tems advenues,
de-

demouroit na pas longtems vn jeune Compaignon Picart qui seruit tres bien et loyaulment son maistre assez long espace, et entre aultres services a quoy il obligea son dit maistre vers luy, il fit tant par son tres gracieux parler maintient et courtoisie que si auant fut en la grace de sa fille qu'il coucha auec elle, et par ses oeuvres meritoires elle deuint grosse et enceinte. Nostre Compaignon voyant sa Dame en cest estat ne fut pas si fol que d'attendre l'heure que son maistre le pouroit scauoir et apperceuoir. Si print de bonne heure vng gracieux congie pour peu de jours combien qu'il neut nulle enuye dy jamais retourner, faignant d'aller en Picardie visitter son pere et sa mere et aulcuns de ses parens et quant il eut a son maistre et a sa maistresse dit adieu, le tres piteux fut a la fille sa Dame, a laquelle il promist tantost retourner: ce qu'il ne fist point et pour cause; luy estant en Picardie en l'hostel de son pere. La poure fille de son maistre deuenoit si tres grosse que son piteux cas ne se pouuoit plus celer: dont entre les aultres sa bonne mere que au mestier se cognoissoit s'en donna garde la premiere si la tira a part et luy demanda comme assez on peut penser dont elle

elle venoit en cet estat et que luy avoit mise, s'elle se fist beaucoup presser et admonester autant qu'elle en voulsist rien dire ne cognoistre, il ne le fault ja demander : mais en la fin elle fut a ce meneé qu'elle fut contrainte de cognoistre et confesser son piteux fait et dist que le picard varlet de son pere lequel nagueres s'en estoit allé l'auoit seduite et en ce tres piteux point laissé, sa mere toute enragée, forceneé et tant marrie qu'on ne pouroit plus, la voyant ainsy deshonnorée se prent a la tencer et tant d'injures luy va dire que la patience qu'elle eut de tous costez sans mot sonner ne rien respondre estoit assez suffisante d'estaindre le crime qu'elle auoit commis pour soy laisser engrosser du picard. Mais helas ceste patience ne esmeut en rien sa mere a pitié, mais luy dist vaten vaten arriere de moy, et fais tant que tu trouues le picard qui ta faite grosse et luy dis qu'il te defface ce qu'il ta faict. Et ne retournes jamais vers moy jusqu'a ce qu'il aura tout deffait ce que par son oultraige il ta fait. La pource fille en l'estat que vous ouyes marrie et desoléé par sa fumeuse et cruelle mere se met a la queste du picard que l'engrossa et croyez certainement que

Tom. 1.

E

auant

auant que elle en peut auoir aucunes nou-
 ueiles ce ne fut pas sans endurer grant
 peine et du malaise largement. Et en la
 parfin comme Dieu le voulut aprez maintes
 gestes qu'elle fist en Picardie elle arriua par
 vng jout de Dimanche en vng gros villaige
 au pays d'artois, et si très bien luy vint à
 ce propre jour que son amy le picard le-
 quel l'auoit engrossée, faisoit ces nopces,
 de laquelle chose elle fut merueilleusement
 joyeule et ne fut pas si peu asseuré pour a sa
 mere obeir qu'elle ne se boutat par la presse
 des gens : ainsy grosse comme elle estoit, et
 fist tant qu'elle trouua son amy et le salua
 lequel tantost la cogneut et en rougissant
 son salut luy rendit, et luy dist vous soyez
 la très bien venue qui vous ataine a ceste
 heure matnie, ma mere dist elle m'enuoye
 vers vous, et Dieu scait que vous m'auiez
 bien fait tenser elle ma chargié et com-
 mandé que je vous die que vous me deffa-
 ciez ce que vous m'auiez fait, et se ainsy
 ne le faites que jamais ne retourne vers
 elle; l'autre entend tantost la folie et au
 plustost qu'il peut il se deffit d'elle et luy
 dist par telle maniere. Ma mie je feray
 volentiers ce que me requerez et que vo-
 stre mere veut que je face, car c'est bien
 fai-

raison, mais a cette heure vous voiez que je n'y puis pas bonnement entendre : si vous prie tant comme ie puis que ayez patience pour meshuy, et demain ie besongneray a vous, elle fut contante et alors il la fist guider et mettre en vne chambre et commande qu'elle fut tres bien pensée car ausly bien elle en auoit bon mestier a cause des grands labours et trauaux qu'elle auoit eue en son voiage faisant cette queste, or vous devez scauoir et entendre que l'espousee ne tenoit pas ses yeux en son sain mais se donna tres bien garde et apperceut son mary parler a nostre fille grosse dont la puce luy entre en l'oreille, et n'estoit en rien contente mais tres troublee et marie en estoit. Si garda son couroux sans mot dire jusqu'a ce que son mary se vint coucher, et quand il la cuida accoller et baiser, et surplus faire son deuoir, et gagner le chaudau, elle se vint puis d'vng costé puis d'autre, tellement qu'il ne peut paruenir a ses attaintes dont il est tres esbahi, et couroucé et luy va dire, ma mie pourquoy faictes vous cecy, j'ay bien cause dist elle, et ausly quelque chere que vous facez il ne vous chault gueres de moy : vous en auez bien d'autres dont il vous est plus que de

E z

moy

moy et non ay par ma foy dist il: ne en ce monde je n'aime autre femme que vous. Helas dist elle et ne vous ay ie pas bien veu apres diner tenir vos longues parolles a une femme a la salle on y voyoit trop bien que c'estoit vous et ne vous en scauriez excuser. Cela dist il nostre Dame-vous n'avez cause en rien de vous enjalouser. Et adonc luy va tout au long compter comment c'estoit la fille a son Maistre de Bruxelles et coucha avec elle et l'engrossa, et qu'a cette cause il s'en vint par deca, comment aussy apres son partement elle deuint si tres grosse qu'on s'en apperceut, et comment elle se confessa a sa mere qu'il l'auoit engrossée, et l'enuoyoit vers luy afin qu'il luy deffist ce qu'il luy auoit fait autrement jamais vers elle ne s'en retournaist. Quand nostre homme eust tout au long compté sa ratelee sa femme ne reprint que l'vng de ses points et dist, comment dist elle distes vous qu'elle dist a sa mere que vous auiez couchée avecques elle. Oüy par ma foy dist il et luy conta tout, par mon serment dist elle elle monstra bien qu'elle estoit beste, le charretton de nostre maison a couchié avecque moy plus de quarente nuits, mais vous n'avez garde que j'en disse oncques vng seul

mot

mot a ma mere, ie m'en suis tres bien gardeé, voire dist il de par le diable le gybet y ayt part: or allez a vostre charreton se vous voulez, car je n'ay cure de vous. Si se leva tout a coup et s'en yint rendre a celle qu'il engrossa et habandonna l'autre: Et quand le lendemain on sceut cette nouvelle Dieu scait le grant ris d'aucuns, et le grand deplaisir de plusieurs especiallement du pere et de la mere de l'espouseé.



NOUVELLE IX.

LE MARI

MAQUEREAU DE SA FEMME

POur continuer le propos des nouvelles
Histoires comme les aventures aduient
nent

nent en divers lieux et diuerſement : on ne
 doit pas taire comment vng gentil Cheua-
 lier de Bourgoingne faiſant reſidence en vng
 ſien Chasteau beau et fort fourni de gens et
 d'artillerie comme a ſon eſtat appartenoit de-
 uint amoureux d'une belle Damoiſelle de ſon
 hoſtel, voire et la premiere aprez Madame
 ſa femme, et par amours ſi fort la contrai-
 gnoit que jamais ne ſcauoit ſa maniere ſans
 elle et tousiours l'entretenoit et la requie-
 roit, et brief nul bien ſans elle il ne pouuoit
 auoir, tant eſtoit au viſ ſeru de l'amour d'elle.
 La Damoiſelle bonne et ſage voulant garder
 ſon honneur que auſſy chier elle tenoit que ſa
 propre ame, voulant auſſy garder la loyauté
 que a ſa Maiſtreſſe elle deuoyt, ne preſtoyt
 pas l'oreille a ſon ſeigneur toutesſois qu'il
 eut bien voulu, et ſe aucune force luy eſtoit
 de l'eſcouter, Dieu ſcait la tres dure reſponſe
 dont il eſtoit ſeruy luy remontrant ſa tres
 folle entreprinſe, et la grant laſcheté de ſon
 cuer. Et au ſurplus bien luy diſoit que ſe
 ceſte queſte il continué plus qu'a ſa Maiſtreſſe
 il ſeroit decouuert, quelque maniere ou me-
 nace qu'elle face il ne veut laiſſer ſon entre-
 prinſe mais de plus en plus la pourchaſſe, et
 tant en fait que force eſt a la bonne fille d'en
 aduertir bien au long ſa Maiſtreſſe ce quelle

fist, la Dame aduertie des nouuelles amours de Monseigneur sans en monstrier semblant en est tres mal contente, mais non pourtant elle s'aduifa d'vng tōur aincoys que rien luy en dire: qui fut tel. Elle en chargea a sa Damoiselle que la premiere fois que Monseigneur viendrait pour la prier d'amours que tres tous reffus mis ariere elle luy baillast jour a lendemain de soy trouuer dedans sa chambre et en son liēt: et s'il accepte la journée dist la Dame je viendray tenir vostre place, et du surplus laissez moy faire. Pour obeir comme elle doit a sa Maistresse elle est contante et promet d'ainsy se faire. Si ne tarda gueres apres que Monseigneur ne retournaist a l'ouuraige et s'il auoyt au parauant bien fort menty, encores a ceste heure il s'en efforce beaucoup plus de l'affirmer disant que se a cette heure elle n'entend a sa priere trop mieulx luy vaudroit la mort, et que sans prouchain remede viure en ce monde plus ne pouuoit. Qu'en vaudroit le long compte la Damoiselle de sa Maistresse bien conseillée si bien a point que mieux on ne pouroit, baille a demain au bon seigneur l'heure de besongner dont il est tant contant que son cueur luy tressault tout de joye, et dist bien en soy mesme qu'il ne faudroit pas a sa journée. Le

jour

jour des armes assigné suruint au soir vng
 gentil Chevalier voisin de Monseigneur et
 son tres grant amy qui le vint voir auquel il
 fist tres grande et bonne chiere comme bien
 le scavoit faire, si fist Madame aussy et le sur-
 plus de la maison s'efforçoit fort de luy com-
 plaire faichant estre le bon plaisir de Mon-
 seigneur et de Madame. Aprez les tres gran-
 des chieres et du souper et du banquet, et
 qu'il fut heure de retraite, la bonne nuit don-
 née a Madame et a ses femmes les deux
 Cheualiers se mettent en deuises de plu-
 sieurs et diuerses matieres, et entre aultres
 propos le Cheualier estrange demande a
 Monseigneur s'en son villaige auoit rien de
 beau pour aller courir l'esguillette. Car la de-
 uotion luy en est prinse, aprez ces bonnes
 chieres et le beau temps qu'il fait a cette
 heure. Monseigneur qui rien ne luy voul-
 droit celer pour la tres grande amour
 que il luy porte, luy va dire comment il a
 jour assigné de couchier ennuyt avec sa
 chambriere. Et pour luy faire plaisir
 quant il aura esté avec elle vne espace
 de temps il se leuera tout doucement et
 le viendra querir pour le surplus aller
 parfaire. Le Compaignon estrange mer-
 cia son Compaignon, et Dieu scait, qu'il

E 5

luy

luy tarde bien que l'heure soit venuë. L'hoste prend congie de luy et se retrait dedens sa garde robe comme il auoit de coutume pour soy deshabiller. Or deuez vous scauoir que tandis que les Cheualiers se deuisoient, Madame s'en allast mettre dedens le liët ou Monseigneur deuoit trouuer sa chamberiere et droit la attendre ce que Dieu luy voudroit enuoyer. Monseigneur mist assez longue espace a soy deshabiller tout a propos pensant que desja Madame fut endormie comme souuent faisoit, pource que deuant se couchoit. Monseigneur donne congie a son varlet de chambre et a tout sa longue robe s'en va ou lit ou Madame l'attendoit cuydant y trouuer autrui, et tout coiemment de sa robe se desarme, et puis dedens le liët se bouta. Et pource que la chandelle estoit estaincte et que Madame mot ne sonnoit il cuide auoir sa chamberiere, Il ny eust gueres esté sans faire son deuoir, et si tres bien s'en acquitta que les trois les quatre fois gueres ne luy cousterent que Madame print bien en gré laquelle tost aprez pensant que fut tout s'endormit. Monseigneur trop plus legier que par auant, voyant que Madame dormoit, et se recordant de sa promesse

messe tout doucement se lieue et puis vient
 à son Compaignon qui n'attendoit que
 l'heure d'aller aux armes, et luy dist qu'il
 allast tenir son lieu; mais qu'il ne son-
 naz mot, et que retournast quand il auroit
 bien besongné et tout son saoul, l'autre
 plus esueillé que vng rat et viste comme vng
 leurier part et s'en va et auprez de Madame
 il se loge sans quelle en faiche rien. Et
 quant il fut tout rassuré se Monseigneur
 auoit bien besongné voire et en haste en-
 cores fist il mieulx dont Madame n'est pas
 vng peu esmerueillé laquelle aprez ce beau
 passetems qui aucunement travail luy estoit,
 ariere s'endormit et bon Chevalier de l'aban-
 donner et à Monseigneur se retourne lequel
 comme parauant se vint reloger emprez Ma-
 dame et de plus belle aux armes se rallie
 tant luy plaist le nouuel exercice. Tant
 d'oeuvres se passerent tant en dormant com-
 me autre chose faisant que le jour s'appar-
 rut, et comme il se retournoit cuydant
 virer l'oeil sur la chambriere, il voit et con-
 noit que c'est Madame, laquelle a cette heu-
 re va dire, nestes vous pas bien putier re-
 craint lasche, qui croyant auoir ma cham-
 briere tant de fois, et oultre mesure m'a-
 uiez accolé pour accomplir votre desor-
 donné

donnéee volenté, vous etes la Dieu mercy bien deceuë, car autre que moy pour ceste heure n'aura ce qui doit estre mien. Se le Cheualier fut esbahy et couroucé ce n'est pas merueilles. Et quant il parla il dist ma mie je ne vous puis celer ma folie dont beaucoup il me poise que jamais l'entreprins, sy vous prie que vous en soyez contente et ny pensez plus car jour de ma vie plus ne m'aduendra, cela vous prometz par ma foy. Et afin que n'ayez occasion d'y penser ie donneray congie a la chamberiere que me bailla le vouloir de faire ceste faulte : Madame plus contente d'auoir eu l'aduenture de cette nuit que sa chamberiere, et oyant la bonne repentance de Monseigneur, assez legierement se contenta, mais ce ne fut pas sans grant langaiges et remonstrances, au fort trestout va bien, et Monseigneur que a des nouuelles en sa quenoille, apres qu'il est leué s'en vient vers son Compaignon, auquel il compte tout du long son aduenture, luy priant de deux choses. La premiere ce fut qu'il celast tres bien ce mistere, et sa tres desplaisante aduenture. L'autre si est que jamais il ne retourne en lieu ou sa femme sera. L'autre tres desplaisant de ce male aduenture conforte le Cheualier

ualier au mieulx qu'il peut, et promist d'accomplir sa tres raisonnable requeste et puis monta a cheual et s'en va. La chamberiere qui coulpe n'auoit au mesfait dessus dict en porta la pugnicion pour en avoir congie. Si vesquirent depuis long temps Monseigneur et Madame ensemble sans qu'elle sceut jamais auoir affaire au Cheualier estrange.

NOU-



NOUVELLE X.
 LES PASTES
 D'ANGUILLE.

Plusieurs haultes et diuerses dures, et
 merueilleuses aduenture ont esté sou-
 uent

nent menées et a fin conduites ou Royaulme d'Angleterre, dont la recitacion a present ne seruiroit pas a la continuacion de cette presente histoire. Neantmoins cette presente histoire pour ce propos continuer, et le nombre de ses histoires accroistre fera mencion; comment vng bien grant Seigneur du Royaulme d'Angleterre entre les mieulx fortunez riche, puissant et conquerant, lequel entre les autres de ses seruiteurs auoit parfaite confiance, confidence et amour, a vn jeune gracieulx gentil homme de son hostel pour plusieurs raisons, tant par la loyaulté diligence, subtilité et prudence, et pour le bien que en luy auoit trouué ne luy celoit pas rien de ses amours, mesmes par succession de temps, tant fist ledit gracieulx gentil homme par son habilité que fut tellement en sa grace, que tous ses parfaits secrets et aduentures de ses amours mesmement les affaires embassades et diligences menoit et conduisoit. Et ce pour le temps que son dit maistre estoit encore a marier. Aduint certaine espace aprez que par le conseil de plusieurs de ses parents, amis et bien vueillans Monseigneur se maria a vne tres belle noble, bonne et riche Dame, dont plusieurs furent tres joyeux, et entre les autres nostre gentil

gentil homme, qui mignon se peult bien nommer, ne fut pas mains joyeux disant en soy que c'estoit le bien et honneur de son maistre, et qu'il se retireroit a ceste occasion de plusieurs menuës folies d'amour qu'il faisoit ausquelles ledict mignon trop se donnoit d'espoir. Sy dist vng jour a Monseigneur, qu'il estoit tres joyeux de luy pource qu'il auoit si tres belle et bonne Dame espousee, car a ceste cause plus ne seroit empeschie de faire queste ca ne la, comme il auoit de coutume, a quoy Monseigneur respondit ce nonobstant n'entendoit pas du tout amours habandonner : et jacoit ce qu'il fut marie si n'estoit il pas pourtant du gracieux seruice d'amours osté, mais de bien en mieulx sy vouloit employer. Son mignon non content de ce vouloir, luy respondit que sa queste en amours deueroit estre bien finee, quant amours l'ont party de la nonpareille, de la plus belle, de la plus saige de la plus loyale et bonne par dessus toutes autres, faictes dist il Monseigneur tout ce qu'il vous plaira. Car de ma part a aultre femme jamais parolle ne porteray au prejudice de ma Maistresse. Je ne scay quel prejudice dist le Maistre, mais il vous fault trop bien remettre en train d'aller a telle et a telle

a telle. Et ne pensés pas que encore d'elles ne m'en soit autant que quant vous en parlay premier. Ha dea Monseigneur dist le mignon : Il fault dire que vous prenez plaisir d'abuser femmes : laquelle chose n'est pas bien fait : car vous scauez bien que toutes celles que m'avez icy nommeés ne sont pas a comparer en beaulté ne autrement a Madame a qui vous feriez mortel desplaisir s'elle scauoit vostre deshonneste vouloir. Et qui plus est vous ne pouuez pas ignorer qu'en ce faisant vous ne dampnés vostre ame. Cesse ton preschier dist Monseigneur et va faire ce que je commande. Pardonnez moy Monseigneur dist le mignon, j'aymeroye mieulx mourir que par moy souldist noise entre Madame et vous, si vous prie que soyez content de moy, car certes je n'en feray plus. Monseigneur qui voit son mignon en son opinion aheurté, pour ce coup plus ne le pressa. Mais certaine piece comme de troys ou quatre jours sans faire en riens semblant des parolles precedentes entre aultres deuises a son mignon demanda quelle viande il mangeoit plus volentiers, et il luy respondit que nulle viande tant ne luy plaisoit que pastés d'anguille. Sainct Jehan c'est bonne viande.

Tom. I.

F

de

de dist le maistre vous n'avez pas mal choisy. Cela se passe et Monseigneur se trait ariere et mande vers luy venir ses maistres d'hôtel ausquels il enchargea si chier qu'ils le vouloient obeir que son mignon ne fust seruy d'autres choses que de pastés d'anguilles pour riens qu'il dit, et ils responderent promettans d'accomplir son commandement, ce qu'ils firent tres bien, car comme ledit mignon fut a table pour mangier en sa chambre le propre jour du commandement ses gens luy apporterent largement de beaulx et gros pastés d'anguilles qu'on leur deliura en la cuisine, dont il fut bien joyeux, si en menga tout son saoul, a lendemain pareillement, cinq ou six jours ensuiuans tousjours ramenoient ces pastés en jeu, dont il estoit ja tout ennuyé. Si demanda ledit mignon a ses gens se l'on ne seruoit leans que des pastés. Ma foy dirent ils Monseigneur on ne vous baille autre chose, trop bien voyons nous seruir en salle et ailleurs d'autre viande, mais pour vous il n'est memoire que de pastez. Le mignon saige que jamais sans grant cause pour sa bouche ne faisoit plainte, passa encores plusieurs jours v'sant de ces ennuyeux pastez

pastez dont il n'estoit pas bien content. Si
 s'aduifa vng jour entre les aultres d'aller
 disner avec les maistres d'ostel qui le firent
 seruir comme parauant de pastez d'anguil-
 les, et quant il vit ce, il ne se peut plus
 tenir de demander la cause pourquoy on le
 seruoit plus de pastez d'anguilles que les
 aultres, et s'il estoit pasté. Par la mort bieu
 dist il j'en suis si houredé que plus n'en puis,
 il me semble que je ne vois que pastés et
 pour vous dire il n'y a point de raison, vous
 la mauez faite trop longue, il y a ia plus
 d'un mois que vous me faictes ce tour, dont
 je suis tant maigre que ie n'ay force ne puis-
 sance, sy ne scauroye estre content d'estre
 ainsi gouverné. Les maistres d'ostel luy di-
 rent que vrayement ils ne faisoient chose
 que Monseigneur n'eust commandé, et que
 ce n'estoit pas pareulx. Nostre mignon plain
 de pastez ne porta guéres sa pensée sans la
 decouurir a Monseigneur, et luy demanda
 a quel propos il l'auoit fait seruir si longue-
 ment de pastés d'anguilles, et deffendu com-
 me disoient les maistres d'ostel qu'on ne luy
 baillast aultre chose; et Monseigneur pour
 responce luy dist; ne mas tu pas dit que la
 viande que en ce monde tu plus aymes ce
 sont pastez d'anguilles. Par saint Jehan ouy

Monseigneur dist le mignon, et pourquoy doncques te plains tu maintenant dist Monseigneur si je te fais bailler ce que tu aymes. Ce que j'ayme dist le mignon il y a maniere. J'ayme voirement tres bien pastés d'anguilles pour vne fois ou pour deux ou pour trois, ou de fois a aultre et nest viande que deuant je prinse; mais de dire que tousjours les voulfisse auoir sans mangier aultre chose, par nostre dame non feray, il n'est homme qui n'en fust rompu et rebouté, mon estomac en est si trauaillé que tantost qu'il les sent il a assez diné. Pour Dieu Monseigneur commandez qu'on me baille aultre viande pour recourrer mon appetit aultrement je suis homme perdu. Ha dea dist Monseigneur, et te semble il que ie ne soye ennuyé, qui veulx que je me passe de la chair de ma femme, tu peulx penser par ma foy que j'en suis aussy saoul que tu és de pastés, et que aussy volentiers me renouelleroi ie jacoit ce que point tant ne l'aymasse, que tu feroys d'autre viande, que pourtant n'aymes que pastés, et pour tout abreger tu ne mangeras jamais d'autre viande jusqu'a ce que me serues ainsy que saouloys; et me feras auoir des vnes et des autres pour moy renoueller comme

tu-veulx changer de viandes. Le mignon quant il entent le misere et la subtile comparaison que son Maistre luy baille, fut tout confus et se rendist, promettant a son Maistre de faire tout ce qu'il voudra pour estre quitte de ces pasteuz : voire ambassades et diligences comme parauant. Et par ce point Monseigneur voire et pour Madame espergnier, ainsy que pouuons penser, au pourchatz du mignon passa le temps avec les belles et bonnes filles et nostre Mignon fut deliuré de ses pastés et a son premier mestier tatellé et restably.



NOUVELLE XI.
L'ENCENS
AU DIABLE.

VNg lasche paillard recraint, jaloux,
je ne dis pas coux, viuant a laise ainsy
que

que Dieu scait que les entachez de ce mal
 peuuent sentir, et les autres peuuent apper-
 ceuoir et ouïr dire, ne scauoit a que recourir
 a soy rendre pour trouuer garison de sa
 douleur miserable et bien peu plainte mala-
 die. Il faisoit huy vng pelerinage, demain vng
 aultre, et aussy le plus souuent par ses gens
 ses deuotions et offrandes faisoit faire, tant
 estoit assoté de sa maison voire au mains du
 regard de sa femme laquelle miserablement
 son temps passoit avec son tres maudit ma-
 ry, le plus suspeconneux hongnart que ja-
 mais femme accointast. Vng jour comme il
 pensoit qu'il auoit fait et fait faire plusieurs
 offrandes a diuers saints de Paradis et entre
 aultres a Monseigneur saint Michel. Ils ad-
 uisa qu'il en feroit vne a l'aymage qui est
 soubz les piedz dudit saint Michel, et de
 fait commanda a l'vng de ses gens qu'il luy
 allumast et fist offre d'vne grosse chandelle
 de cire en le priant pour son intention.
 Tantost son commandement fut accomply
 et luy fut fait son rapport. Or ca dist il en soy
 même ie vray si Dieu ou Diable me pouroit
 garir; en son accoustumé desplaisir s'en va
 couchier auprez de sa bonne et prudente
 femme, et jacoit ce qu'il eut en sa teste des
 fantasies et pensées largement, si le contrain-

gnit nature qu'elle eut ses droits de repos, et de fait bien fermement s'endormit, et ainsi qu'il estoit au plus parfont de son somme celly a que ce jour la chandelle auoit esté offerte par vision a luy s'apparut, qu'il le remercie de l'offrande que n'aguères luy auoit enuoieé, affermant que pieca telle offrande ne luy fut donnéé. Dist au surplus qu'il nauoit pas perdu sa peine, et qu'il obtiendrait ce dont il auoit requis. Et comme l'autre tousjours perseueroit a son somme, luy sembla que a vng doigt de sa main vng anneau luy fut bouté en luy disant que tant que c'est anneau en son doý seroit, jamais coux il ne seroit, ne cause aussy venir luy en pouroit qui de ce le tentast. Apres l'euanouissement de ceste vision nostre jaloux se reueille, et cuyda a l'vng de ses doigts ledit anneau trouuer ainsi que semblé luy auoit, mais au derriere de sa femme bien auant bouté l'un de seld. doigts et trouua, de quoy luy et elle furent tres esbahis mais du surplus de la vie au jaloux, de ses affaires et mantiens ceste histoire se taist.

NOU-



N O U V E L L E XII.

L E V E A U.

E'S m'ettes du pays de Hollende vng fol
 n'agueres se aduifa de faire du pis qu'il
 pouroit. C'est ascavoir soy marier; et tan-

F 5

toft

toft qu'il fut affublé du doux manteau de mariage, jacoit ce que alors il fut yuer, il fut fi tres fort eschauffé qu'on ne le scauoit tenir de nuit, encore veu que les nuits qui pour celle faifon duroient neuf ou dix heures n'estoient point assez fuffifantes ne d'assez longue dureé pour estaindre le tres ardent desir qu'il auoit de faire lignée, et de fait quelque part qu'il rencontra sa femme il la labouroit; fust en la chambre fust en l'estable, ou en quelque lieu que ce fust, tousjours auoit vng assaut, et ne dura ceste maniere vng mois ou deux seulement, mais si tres longuement que pas ne le vouldroye escrire pour l'inconuenient qui sourdre en pouroit, se la folie de ce grant ouurier venoit a la connoissance de plusieurs femmes: que vous en diray ie plus, il en fit tant que la memoire jamais estainte n'en fera audit pays. Et a la verité la femme qui nagueres au baillif d'amiens se complaignoit, n'auoit pas si bien matiere de soy complaindre que ceste cy. Mais quoy qu'il fust, nonobstant que de ceste plaisante peine se fust tres bien aucune fois passéé pour obeir comme elle devoit a son mary ne fust resbourse a l'esperon.

Aduint vng jour aprez diner que tres
beau

beau temps faisoit, et que le soleil ses rayes enuoyoit et desparroit dessus la terre paincte et bordée de belles fleurs. Sy leur print volenté d'aller joier au bois eulx deux tant seulement, et se mirent au chemin. Or ne vous faut il pas celer ce qui sert a l'histoire. A l'heure droictement que nos bonnes gens auoient ceste deuotion d'aller joier au boys, aduint qu'vng laboureur auoit perdu son veau qu'il auoit mis paistre dedens vng pré en vng pastis audit bois, lequel vint chercher, mais ne le trouua pas dont il ne fut point trop joyeux. Si se mist en la quëste, tant par le boys comme ez prez terres et places voisines de l'environ pour trouuer son dit veau, mais il n'en sceit auoir nouuelles. Il s'aduisa que par aduenture il se seroit bouté en quelque buisson pour paistre ou dedens aucune fosse herbuë, dont il pouroit bien failir quant il auroit le ventre plain; et a celle fin qu'il puisse mieulx veoir et a son aise sans aller courir ca ne la se son veau estoit ainsi comme il pensoit, il choisit le plus haut arbre et mieulx houchié de bois qu'il peut trouuer et monte sus, et quant il se treuve au plus haut de cest arbre qui toute la terre d'environ couuroit il luy fut bien aduis

aduis que son veau estoit a moitié trouué. Tandis que ce bon labourcux gettoit les yeulx de tous costez aprez son veau, vecy nostre homme et sa femme que se boutent au bois chantans joüans et faisant feste, comme font les cueurs gais quant ils se treuent és plaisans lieux, et n'est pas merueilles si le vouloir luy creut et le desir l'enhorta d'accoler sa femme en ce lieu sy plaisant et propice pour executer ce vouloir a sa plaissance et a son beau loisir. Tant regarda un coupt a destre l'autre a senestre qu'il apperceut le tres bel arbre dessus lequel estoit ce labourcux dont il ne scauoit riens, et soubz cest arbre se disposa, et conclud ces gracieuses plaissances accomplir. Et quand il fut au lieu il ne demoura gueres aprez la semonce de son dit desir. Mais tantost mist la main a la besongne et vous commença a assaillir sa femme et la gette par terre, car a l'heure il estoit bien en ses gogues, et sa femme aussy d'autre part. Si la voulut veoir par deuant et par derriere, et de fait prend sa robbe et la luy osta, et en cotte simple la met, aprez il la haussa bien hault maulgré d'elle, ainsy comme es forcé, et ne fut pas content de ce. Mais encores pour le bien voir a son aise et
sa

sa beauté regarder la tourne et reuire, et a la fin sur son gros derriere sa rude main par trois ou quatre fois il fait descendre, puis d'autre part la retourne, et comme il eut son derriere regardé aussy fait il son deuant, ce que la bonne simple femme ne veut pour rien consentir, mesme avec la grant resistance quelle fait Dieu scait que sa langue n'estoit pas oiseuse, or l'appelle mauigracieux, maintenant fol et enraigé, l'autre fois deshonneste, et tant luy dist que c'est merueille, mais rien n'y vault, il est trop plus fort qu'elle et si a conclud de faire inuentoire de ce qu'elle porte, si est forcé qu'elle obeisse mieulx amant comme saigé le bon plaisir de son mary que par reffus le desplaisir, toute deffence du costé d'elle mis arriere, ce vaillant homme va passer temps a son deuant regarder et se sans honneur on le peut dire, il ne fust pas content se ses mains ne decouuroient a ces yeulx les secretz dont il se devoit bien passer d'anquere, et comme il estoit en cette profonde estude, il disoit maintenant je voy cecy, je voy cela, encores cecy, encores cela, et que l'oyoit il voit tout le monde et beaucoup plus, et aprez vne grande et longue pose, estant en ceste gracieuse con-

contemplacion dist de rechief sainte marie que je voy de choses. Helas dist lors le laboureur, bonnes gens ne veez vous point mon veau; sire vil me semble que j'en uoy la queue. L'autre jacoit qu'il fust bien esbahi subitement fist la responce et dist, cette queue n'est pas de ce veau, et a tant point et s'en va et sa femme aprez. Et qui me demanderoit qui le laboureur mouuoit de faire ceste question, le secretaire de cette histoire respond que la barbe du deuant de ceste femme estoit assez et beaucoup longue, comme il est coustume a celles de Hollande. Si cuidoit bien que ce fust la queue de son veau, attendu aussy que le mary d'elle disoit qu'il veoit tant de choses, voire a pou prez tout le monde, si pensoit en soy mesmes que le veau ne pouoit gueres estre eslongné, et que avec d'autres choses leans pouroit estre embusché.

NOU-



NOUVELLE XIII
LE CLERC
CHATRE.

A Londres en Angleterre avoit n'aguer
res un procureur de Parlement qui
entre

entre les autres de ses seruiteurs auoit vng Clerc habile et diligent et bien escriuant que tres beau filz estoit, et que on ne doibt pas oublier pour vn homme de son aage il n'estoit point de plus subtil. Ce gentil Clerc et vigoureux fust tantost prouqué de sa maistresse, que tres belle gente et gracieuse estoit, et si tres bien luy vint que aincoys qui luy osast oncques dire son cas, le Dieu d'amours l'auoit a ce menné, qu'il estoit le seul homme au monde qui plus luy plaisoit; aduint qu'il se trouua en place commode, et de fait toute crainte mise arriere a sa dicte maistresse son tres gracieux et doux mal racompta, laquelle pour la grant courtoisie que Dieu en elle n'auoit pas oubliée desja ainsi atteinte comme dessus est dit, ne le fist gueres languir, car aprez plusieurs excusations et remonstrances, qu'en brief elle luy toucha, que elle eust a autre plus aigrement, et plus longuement demennees elle fut contente qu'il sceut qu'il luy plaisoit bien, l'autre qui entendoit son latin plus joyeux que jamais il n'auoit esté, se aduisa de battre le fer tandis qu'il estoit chaud, et si tres fort sa besongne poursuiuit qu'en peu de temps jouit de ces amours. L'amour de la maistresse

au

au Clerc et du Clerc a elle, estoit et fut long temps si tres ardant que jamais gens ne furent plus emprins, car en effet le plus souuent en perdoient le boire et le manger, et ne estoit pas en la puissance de malle bouche, de dangier ne d'autres telles maudictes gens de leurs bailler ne donner destourbier: a ce tres joyeux estat et plaisant passetemps se passerent plusieurs jours qui gaires aux amants ne durerent, que tant donnez l'vng a l'autre s'estoient, que peu ils eussent quitré a Dieu leur part de Paradis pour viure au monde leur terme en ceste façon, et comme vng jour aduint que ensemble estoient, et des tres haults biens qu'amour leur souffrit prendre se deuisoient entre eulx, en eulx pourmenant par vne sale, comment ceste leur joye nonpareille continuer seurement pouroient, sans que l'embusche de leur dangereuse entreprinse fut decouuerte au mary d'elle qui du renc des Jaloux se tiroit tres prez et du hault bout; Pensés que plus d'vng aduis leur vint au deuant que je passe sans plus au long le descrire. La finale conclusion et derniere resolution que le bon Clerc print, fut de tres bien conduire et a leur fin mener son entreprinse a quoy

Tom. 1.

G

point

point ne faillit, vecy comment. Vous deuez scauoir que l'accointance et aliance que le Clerc eust a sa maistresse laquelle diligement seruoit et luy complaisoit, que aussy n'estoit pas moins diligent de seruir et complaire a son maistre et tout pour tousiours mieulx son fait couurir et auengler les jaloux yeulx qui pas tant ne se doubtoient que on luy en forgoit bien la matiere; vn certain jour aprez nostre bon Clerc voyant son maistre assez content de luy entreprint de parler, et tout seul tres humblement doucement et en grande reuerence a luy, et luy dist qu'il auoit en son cœueur vng secet que volentiers luy declairast s'il oast, et ne vous fault celer que tout ainsy comme plusieurs femmes ont larmes a commandement que elles espendent au moins aussy souuent qu'elles veulent, si eut a ce coup nostre bon Clerc qu'a grosses larmes, en parlant, des yeulx luy descendoient en tres grande habondance, et n'estoit homme que ne cuidast quelles ne fussent de contricion, de pitié, ou de tres bonne intencion. Le poure maistre abuse oyant son Clerc ne fut pas yng peu esbahy, ne esmerueille. Mais euidoit bien qu'il y eut autre chose que ce que aprez il sceut.

fecut. Si dist et que vous fault il mon filz ,
 et que auez vous a plorer maintenant.
 Helas fire et j'ay bien cause plus que nul au-
 tre de me douloir, mais helas mon cas est
 tant estrange, et non pas moins piteux ne
 moins seur tous temps d'estre celé, que
 nonobstant que j'aye eu vouloir de le vous
 dire si m'en reboute crainte quant j'ay au-
 long a mon malheur pensé. Ne plorés plus
 mon filz respond le maistre, et si me dictes
 qu'il vous fault, et je vous assure s'en moy
 est possible de vous ayder, je my em-
 ploieray volentiers comme je dois. Mon
 Maistre dist le regnard je vous mercie,
 mais quant j'ay bien tout regardé ie ne
 pense pas que ma langue eust la puissance
 de decouvrir la tres grande infortune que
 j'ay si longuement portée. Ostez moy tous
 ces propos et toutes ces doléances respond
 le Maistre, je suis celuy a que riens ne de-
 uiez celer, ie vueil scavoïr ce que vous avez
 auancés vous et le me dictes. Le Clerc
 faichant le tour de son baston, s'en fist
 beaucoup prier et a tres grant crainte par-
 semblant, et a tres grande habondance de
 larmes, et a volenté se laisse ferrer et dit
 qu'il luy dira, mais qu'il luy vueille pro-
 mettre que par luy jamais personne n'en
 scaura

G z



scaura nouuelle; car il aimeroit autant ou plus chier mourir que son malheureux cas feust cogneu. Ceste promesse par le Maistre accordée, le Clerc mort et descouluré comme vng homme jugié a pendre si va dire son cas. Mon tres bon Maistre, il est vray que jacoit ee que plusieurs gens et vous aussy pouroient penser que je feusse homme naturel comme vng aultre ayant puissance d'auoir compaignie avec femme, et de faire lignée, vous oseray ie bien dire et monstrier que point je ne suis tel; dont helas trop ie me deul, et a ces parolles trop asseurement tira son membre et luy fist monstre de la peau ou les c le logent, lesquelz il auoit par industrie fait monster en hault vers son petit ventre, et si bien les auoit cachiez qu'il sembloit qu'il n'en eust nulz. Or luy va dire mon Maistre vous voyez bien mon infortune dont je vous prie de rechief qu'elle soit cellée, et outre plus tres humblement vous requéré pour tous les seruices que jamais vous seïs que ne sont pas telz que j'en eusse eu la voulenté, si Dieu m'eust donné le pouoir; que me faciez auoir mon pain en quelque monastere deuot, ou je puisse le surplus de mon temps au service de Dieu passer,

passer, car au monde ne puis de riens servir. Le abusé et deceu Maistre remonstra a son Clerc l'aspreté de Religion, le peu de merite que luy en viendroit quant il se veut rendre comme par desplaisir de son infortune, et foyson d'autres raisons luy amena, trop longues a compter, tendans a fin de l'oster de son propos, scauoir vous fault il aussy que pour riens ne l'eust voulu habandonner, tant pour son bien escripre et diligence que pour la fiance que dorelennauant a luy adjousterá. Que vous diray je plus, tant luy remonstra que ce Clerc au fort pour vne espace en son estat et en son seruice demourer luy promet, et comme bien ouuert luy auoit son seeret le Clerc, aussy le Maistre le sien luy voulut deceler, et dist, mon filz de vostre infortune ne suis je point joyeux, mais au fort, Dieu que fait tout pour le mieux, et scait ce qui nous duist et vault mieulx, vous me pourez dorelennauant tres bien seruir a mon pouuoir, vous le meriteray, j'ay jeune femme assez legiere et volaige, et suis ainisy comme vous veez desja ancien et sur aage, qui aucunement peut estre occasion a plusieurs de la requerre de deshonneur, et a elle aussy, s'elle estoit autre

G 3

que

que bonne, me bailler matiere de jalousie, et plusieurs aultres choses. Je la vous baille et donne en garde, et si vous en prie que a ce tenez la main que je n'aye cause dens elle trouuer nulle matiere de jalousie. Par grande deliberation fist le Clerc sa response et quant il parla, Dieu scait si loüa bien sa tres bonne et belle maistresse, disant que sur tous autres il l'auoit belle et bonne et qu'ils'en deuoit tenir seur. Neantmoins qu'en ce service et d'autres, il est celuy que se veult du tout son cueur employer, et ne la laisser pour riens qu'il y puisse aduenir qu'il ne le aduertisse de tout ce que loial seruiteur doit faire a son Maistre, le Maistre lye et joyeux de la nouvelle garde de sa femme, laisse l'ostelet en la ville a ses affairres va entendre, et bon Clerc incontinent fault a sa garde, et le plus longuement que luy et sa Dame bien oserent, n'espargnerent pas les membres qui en terre pouriront; et ne firent jamais plus grant feste, depuis que l'adventure fust aduenue de la facon subtile que son mary abuseroient, assez et longue espace dura le joly passeremps de ceulx que tant bien sentreaymoient: et se aucunes fois le bon mary alloit dehors, il n'auoit garde

de d'emmener son Clerc, plustost eust emprunté vng seruiteur a ses voisins que l'autre n'eust gardé lostel, et se la Dame auoit congié d'aller en aucun pelerinaige plustost allast sans chamberie e que sans le tres gracieux Clerc, et faictes vostre conte, jamais Clerc ne se peult vanter d'auoir eu meilleure aduenture qui point ne vint a connoissance voire au mains que je faiche a celluy qui bien s'en fust desesperé, s'il en eust sceu le demaine.



NOUVELLE XIV.
LE FAISEUR DES
 PAPES OU L'HOMME DE DIEU

EN la grande et large Marche de Bour-
 goigne n'est pas si depourueüe de
 plu.

plusieurs aduentures dignes de memore et
 descripre, qu'a fournir les histoires que a
 present courent, n'en puisse et doieue faire
 sa part en renc des autres. Le ne ose auant
 mettre ne en bruit ce que n'agueres y ad-
 uint assez prez d'vng gros et bon villaige
 seant sur la riuere Doufche. La auoit, et
 encores a vne montaigne ou vng hermite
 tel que Dieu scait, faisoit sa residence, lequel
 soubz vmbre du doux manteau d'ypocrisie
 faisoit des choses merueilleuses qui pas ne
 vindrent a connoissance ne en la voix publi-
 que du Peuple, jusques a ce que Dieu plus
 ne voulut son tres dampnable abus permet-
 tre ne souffrir. Ce saint hermite qui de son
 coup a la mort se tiroit, n'estoit pas mains
 luxurieux que seroit vng viel cinge, mais
 la maniere du conduire estoit si subtile qu'il
 fault dire quelle passoit les aultres cautelles
 communes, vecy qu'il fist. Il regarda entre
 les aultres femmes et belles filles la plus
 digne de estre aymeé et desireé, si ce pensa
 que ce estoit la fille a vne simple femme ves-
 ue tres deuote et bien aulmosniere, et va
 conclure en soy mesmes que se son sens ne
 luy fault qu'il en cheuira bien. Vng
 soir enuiron la mynuit qu'il faisoit fort et
 rude temps il descendist de sa montaigne,

G 5

et

et vint a ce villaige, et tant passa de voyes et sentiers que a l'enuiron de la mere et la fille sans estre oyseux se trouua, l'ostel n'estoit pas si grant, ne si pou de luy hanté toute deuocion, qu'il ne sceut bien les engins. Si va faire vng pertuis en vne paroy non gueres espesse, a l'endroit de laquelle estoit le liect de ceste simple femme vefue, et prend vn long baston percé et creux dont il estoit hourdé, et sans la vefue esueiller auprez de son oreille le mist et dist en assez basse voix par trois foys: escoute moy femme de Dieu je suis vng ange du Createur qui deuers toy m'enuoye, toy annoncer et commander que pour les haultx biens qu'il a voulu en toy entrer qu'il veult par vng hoir de ta chair, c'est a scauoir ta fille, l'Eglise son espouse reünir, reformer et en son estat deu remettre, et vecy la façon. Tu t'en iras en la montaigne deuers le saint hermite, et ta fille luy menneras et bien au long luy compteras ce qu'a present Dieu par moy te mande, il connoistra ta fille, et de eulx viendra vng filz esleu de Dieu et destiné au saint Siege de Rome qui tant de biens fera que a saint Pierre et a saint Pol l'on le pourra bien comparer, a tant men vois, obey a Dieu. La simple femme vefue tres eshabie,

sur-

surprise aussy et a demy raue cuida vraiment et de fait que Dieu luy enuoya ce messaiger, sy dist bien en elle mesme quelle ne desobeira pas, et puis la bonne femme se rendort. Vne grande piece apres non pas trop fermement attendant et beaucoup desirant le jour, et entreant le bon hermite prend le chemin deuers son hermitaige en la montaigne, ce tres desire jour tost se monstra et fust par les raiz du soleil maulgré les verrieres des fenestres a coup descendu emmy la chambre de ladite yefue. et la mere et la fille se leuerent a tres grant hâte. Quant elles furent prestes et sur piez mises, et leur peu de mesnaige mis a point. La bonne mere si demanda a sa fille selle auoit riens ouy en ceste nuyt, et la fille luy respond certes mere nenny. Ce n'est pas a toy dist elle aussy que de prinssault ce doulx messaige s'adresse combien qu'il te touche beaucoup. Lors luy va dire et raconter tout au long l'angelique nouuelle que en ceste nuyt Dieu luy manda. Demande aussy quelle en veult dire la bonne fille comme sa mere simple et deuote respond Dieu soit loüé. Tout ce qu'il vous plaira ma mere soit fait. C'est tres bien dit relpond la mere. Or nous en allons en la montaigne a la semonce du bon
ange

ange deuers le saint Preudomme. Le bon hermite faisant le guet, quant la deceuë femme sa simple fille ameneroit, la voit venir si laisse son huys entreouuert, et en priere se va mettre emmy la chambre: affin qu'en deuotion fut trouuée, et comme il desiroit il aduint, car la bonne femme et sa fille aussy voyans l'huys entreouuert, sans demander quoy ne comment, dedens entrèrent, et comme elles apperceurent l'hermite en contemplacion, comme s'il fut Dieu, l'onnourerent. L'hermite a voix humble en cachant les yeulx et vers la terre encliné, dist, Dieu salüe la compaignie et la pource viellote desirant qu'il sceut la chose qui l'amenoit, le tira a part, et luy va dire de chief en chief, et de bout en bout tout le fait, qu'il scauoit et trop mieulx quelle, et comme en grant reuerence faisoit raport, le bon hermite gettoit ses yeulx en hault, ioygnoit les mains au ciel, et la bonne vielle plouroit tant auoit de joye et de pitie. Et la pource fille aussi plouroit quant elle voit ce bon et saint hermite en si grande deuotion prier et ne scauoit pourquoy. Quant ce raport fut tout au long acheuëe dont la viellote attendoit la response, ce-luy qui la doit faire ne se haste pas. Au fort certainc

certaine piece aprez quand il parla ce fut en disant, Dieu soit loué. Mais ma mie dist il vous semble il a la verité a vostre entendement que ce que cy vous me dictes ne soit point fantasie ou illusion, que vous en juge le cuetr, saichez que la chose est grande. Certainnement beau pere, j'entendis la voix que ceste joyeuse nouvelle me apporta aussy plainement que je fais vous, et créez que je ne dormoye pas. Or bien dist il non pas que je vueille contredire au vouloir de mon Createur, se me semble il bon que vous et moy dormirons encôres sur se fait, et s'il vous appert de rechief, vous reuiendrez icy vers moy, et Dieu nous donnera bon conseil et aduis, on ne doit pas trop legierement croire ma bonne mere, le Dyable est auctunesfois enuieux d'aultruy, bien treuve tant de cautelles, et se transforme en ange de lumieres. Créez créez ma mere que ce n'est pas peu de chose de ce fait cy, et se ie y mets vng peu de reffus, et que ne le vueille pas l'accomplir ce n'est pas merueilles, ne ay ie pas a Dieu voué chasteté, et vous m'apportez la rompeure de par luy, retournez en vostre maison, et priez Dieu, et au surplus demain nous verrons que ce fera, et a Dieu soyez. Aprez
vng

vng grant tas de agios se part la compaignie de l'hermite, et vindrent a l'hostel tout deuisant. Pour abregier, nostre hermite a l'heure accoutumee et deuë fourny du baston creux, en lieu de potence, reuient a l'oreille de la simple femme vefue disant les propres mots ou en substance de la nuyt precedente, et ce fait incontinent sans autre chose faire retourne a son hermitaige, la bonne femme emprise de joye cuydant Dieu tenir par les piez se lieue de haulte heure, et a sa fille racompte toutes ces nouvelles sans doubte, et confermant la vision de l'autre nuyt passeé il n'est que d'abregier. Or aïlons deuers le saint homme. Elles s'en vont et il les regarde aprocher, si va prendre son breuiare faisant de l'ypocrite, et pensez que il le faisoit en grande deuotion, Dieu le scait, et puis apréz son seruice print a recommencer, et en cest estat deuant l'huys sa maisonnette se fait des bonnes femmes saluer. Et pensez que se la vielle luy fist hyer vn grant prologue de sa vision, celluy de maintenant n'est de rien maindre, dont le preudhomme se signe du signe de la croix faisant grans admiracions a merueilles, disant mon Dieu mon Créateur quest eecy, fais de moy tout ce qu'il te plaist, combien

combien que ce n'estoit ta large grace ie ne
 suis pas digne de escouter vng si grant
 oeuure. Or regardez beau pere dist lors la
 bonne femme abuseé et follement de-
 ceuë. Vous voyez bien que c'est a certes
 quant de rechief s'est apparu l'ange vers
 moy. En verité ma mie ceste matiere est
 si haulte et si très difficile et non accoustu-
 me que ie n'en scauroye bailler que doub-
 teuse responce. Non mye affin que vous
 entendez seurement que en attendant la
 tierce apparicion ie vueille que vous temptez
 Dieu. Mais on dict de coustume a la
 tierce fois vault la luitte, si vous prie et re-
 quiers que encore elle se puisse passer cette
 nuit sans autre chose faire, attendant sur
 ce fait la grace de Dieu et le par sa grande
 misericorde, il luy plaise nous demonstrier
 ennuit comme les autres nuits preceden-
 tes, nous ferons tant qu'il en sera loué.
 Ce ne fut pas du bon gré de la simple
 vielle qu'on tardast tant d'obeir a Dieu,
 mais au fort l'hermite est creu comme le
 plus faige. Comme elle fut coucheé ou
 parfond des nouuelles qui en teste luy vien-
 nent, l'hypocrite peruers de sa montaigne
 descendu, luy met son baston creux a l'o-
 reille ainisy comme il auoit de coustume, en
luy

luy commandant de par Dieu comme son ange vne fois pour toutes qu'elle maine sa fille a l'hermite pour la cause que dit est, elle n'oublia tantost qu'il fut jour ceste charge, car après les graces a Dieu de par elle et sa fille renduës se mettent au chemin par deuers l'hermitaige, ou l'hermite leurs vint au deuant qui de Dieu les saluë et begnie, et la bonne mère trop plus que nulle autre joyeuse ne luy celast gueres sa nouuelle apparicion, dont l'hermite qui par la main la tient en sa chapelle la conuoie, et la fille va apprez et leans font leurs tres deuotes oraisons a Dieu le tout puissant, qui ce tres hault mystere leurs a daigné demonstrer. Apréz vn peu de sermon que fist l'hermite touchant songes, visions, apparicions qui souuent aux gens aduiennent, et il cheut en propos de toucher leur matiere pour laquelle estoient assemblez et pensez que l'hermite les presche bien et en bonne deuotion, Dieu le scait, puis que Dieu veult et commande que je fasse lignée papale, et le daigne reueller non pas vne fois ou deux seulement, mais la tierce d'abondance. Il faut dire, croire et conclure que c'est vng hault bien qui de ce fait s'en ensuyura. Sy m'est aduis que
 mieux

mieux on ne peut faire que d'abreger
 l'exécution en ce lieu, de ce que trop j'ay
 différé de bailler foy a la sainte appari-
 cion. Vous dictes bien beau pere. Com-
 ment vous plaist il faire repond la vielle.
 Vous laisserez ceans dist l'hermite vostre
 belle fille, et elle et moy en oraisons nous
 mettrons et au surplus ferons ce que Dieu
 nous apprendra, la bonne femme vefue en
 fut contante, et aussy fust sa fille pour
 obeir, quand nostre hermite se treuve a
 part auecques la belle fille comme se il
 la voulsist rebaptizer toute nuë il la fair de-
 pouiller, et pensez que l'hermite ne de-
 moura pas vestu. Que en vauldroit le long
 compte il la tint tant et si longuement auec-
 ques luy, en lieu d'autre Clerc, tant al-
 last aussy et vint a l'ostel d'elle pour la
 doubte des gens, et aussy pour honte qu'el-
 le n'osoit partir de la maison. Car bientost
 aprez le ventre si luy commença a bourser
 dont elle fut si joyeuse qu'on ne le vous
 scauroit dire. Mais se la fille s'esjouissoit
 de sa portee, la mere d'elle en auoit a
 cent doubles joyes, et le maudit bigot
 faignoit aussy s'en esjouir. Mais il enrai-
 goit tout vif, ceste pource abusee cui-
 dant de vray que sa fille deust faire vng

Tom. I.

H

tres

tres beau fils pour le temps aduenir de Dieu. ceu Pape de Rome, ne se peult tenir qu'a sa plus priuée voisine. et le contaist, que aussi esbahie en fut comme se cornes luy venoient, non pas toute fois quelle ne se doubtaist de tromperie, elle ne celast pas longuement aux aultres voisins et voisines comment la fille d'une telle estoit grosse par les oeuvres du saint hermite, d'un fils qui doit estre Pape de Rome, et ce que j'en scay dist elle, la mere d'elle me l'a dit, a qui Dieu la voulu reueler. Ceste nouvelle fut tantost espandue par les villes voisines, et en ce temps pendant la fille s'acoucha, qui a la bonne heure d'une belle fille se deliura, dont elle fut esmerueillée, et couroucée, et les voisines aussi que attendoient vraiment le saint Pere aduenir, recevoir. La nouvelle de ce cas ne fut pas mains tost sceue que celle precedente, et entre aultres, l'hermite en fut des premiers aduertis qui tantost s'en foyt en un autre pays ne scay quel, une autre femme ou fille decenoir, ou es deserts d'Egypte de cuer contrit la penitence de son pesché satisfaire. Quoy que soit ou fut la pource fille en fut deshonnoree, dont ce fut grant dommage car belle bonne et gente estoit.

NOU-



NOUVELLE XV.

NONNAIN

SCAVANTE.

AU gentil pays de Brebant prez d'vng
Monastere de blancs moines est scitué

H 2

vng

vng autre Monastere de Nonnains que tres deuotes et charitables sont, dont l'histoire taist le nom et la marche particuliere, ces deux maisons comme on dit de coultume estoient voisines: la grange et les bateurs: car Dieu mercy la charité de la maison aux Nonnains estoit si tres grande que peu de gens estoient escondis de l'amoureuse distribution, voire si dignes estoient dycelle receuoir. Pour venir ou fait de ceste histoire ou Cloistre des blancs moines auoit vng jeune et beau Religieux que fut amoureux d'une des Nonnains, et de fait eut bien le couraige aprez les premisses de luy demander a faire pour lamour de Dieu, et la Nonnain que bien cognoissoit ses outiliz, iacoit quelle fut bien courtoise luy baillast dure et aspre responce. Il ne fut pas pourtant enchassé, mais tant continua sa tres humble requeste, que force fut a la tres belle Nonnain ou de perdre le bruit de sa tres large courtoisie, ou d'accorder au moins ce qu'elle auoit a plusieurs sans guerres priér accordé. Si luy va dire, en verité vous poursuiués et faictes grant diligence d'obtenir ce que a droit ne scauriez fournir, et pensez vous que je ne saiche bien par ouï dire quelz outiliz vous portez, créez

creez que si fais, il n'y a pas pour dire grant mercy. Je ne scay moy qu'on vous a dit respond le moyne, mais je ne doubte pas que vous ne soyez bien contente de moy et que ne vous monstre que je suis homme comme vng aultre, homme, dist elle, cela croy ie assez bien, mais, vostre chose est tant petit comme l'on dit que se vous l'apportez en quelque lieu, a peu s'on s'apparçoit qu'il y est: il va bien autrement dist le moyne, et se j'estoye en place je feroie, et par vostre jugement, menteurs tous ceulx ou celles que ceste renommée me donnent: au fort aprez ce gracieux debat, la courtoise Nonnain affin d'estre quitte de l'ennuyante poursuite que le moine faisoit, affin que elle saiche qu'il vault et qu'il scait faire, et aussi qu'elle n'oublie le mestier que tant luy plaist, elle luy baille jour a douze heures de nuyt deuers elle venir et heurter a sa traille dont elle fut haultement mercieé: toutesfois vous ny entrerez pas que ie ne saiche dist elle a la verité quelz outils vous portez, et se je men scauroye ayder ou non, comme il vous plaira respond le moine, a tant s'en va et laisse sa maistresse, et vint tout droit deuers frere Conrard l'ung de ses Com-

paignons que estoit outillé Dieu scait comment, et pour ceste cause auoit vng grant gouuernement ou Cloistre des Nonnains. Il luy contast son cas tout du long, comment il a prié vne telle, la responce et le reffus qu'elle fist doubtant qu'il ne soit pas bien soullier a son pied, en la parfin comme elle est contente qu'il entre vers elle, mais quelle sente et saiche premier de quelle lance il voudroit joustier contre son escu, or est ainsy dist il que je suis mal fourny d'une grosse lance, telle que jespoire et voy quelle desire destre rencontrée. Si vous en priant comme je puis que ennuist vous venez avec moy a l'heure que je me dois vers elle rendre et vous me ferez le plus grant plaisir que jamais homme fist a autre. Je scay tres bien quelle voudra la moy venu sentir et taster la lance dont je attens a fournir mes armes, et en la fin ce fauldra ce faire, vous serez derriere moy sans dire mot et vous mettrés en place et vostre gros bourdon en son poing luy mettrés: elle ouurera l'huys ie n'en doubte point, et puis cela fait vous vous en yrez et dedens j'entreray, et puis du surplus laissez moy faire. Frere Conrard est en grant soucy comment il pourra faire et complaire a son Compaignon

paignon mais toutesfois se met a l'aduanture et tout ainsy que luy auoit dit s'en va et luy accorde ce marché, et a l'heure assignee se met avecques luy en chemin par deuers la Nonnain. Quant ils sont a l'endroit de la fenestre, maistre moyne plus eschauffé que vng estalon de son baston vng coup heurte, et la Nonnain n'attendist pas l'autre heurt, mais ouurist la fenestre et dist en basse voix que est cela, c'est moy dist il ouurez tost l'huis qu'on ne vous oye, ma foy dist elle vous ne ferez ia en mon liure enregistré ne escript, que premierement ne passez a monstre, et que je ne saiches quel harnois vous portez. Aprochez vous près et me monstrez que c'est. Tres volentiers dist il, alors tire frere Contrard lequel s'auancoit pour faire son personnaige que en la main de Madame la Nonnain, mist son bel et tres puissant boudnon que gros long et rond estoit, et tantost quelle le sentit comme se nature luy en baillast la connoissance, elle dist nenny nenny dist elle je cognois bien cestuy cy, C'est le bourdon frere Contrard. Il ne y a Nonnain ceans qui bien ne le cognoisse, vous n'avez garde que j'en soye deceuë je le cognoie trop, allez querir vostre aduenture ailleurs, et a tant la fenestre

nestre referma bien couroucé et mal contente non pas frere Conrard mais sur l'autre moyne, lequelz aprez ceste aduventure s'en retournerent vers leur hostel tout deuissant de ceste aduventure,

NOU-



NOUVELLE XVI.

LE BORGNE

A V E U G L E.

EN la Conté d'artoys n'agueres viuoit
un gentil Cheualier riche et puissant lyé
H 5 par

par mariage avec vne tres belle Dame de hault lieu; ces deux ensemble par longue espace passerent plusieurs jours paisiblement et doucement, et pource que alors le tres puissant Duc de Bourgoigne Conte d'artoys et leur seigneur estoit en paix avec tous les grands princes chrestiens. Le Cheualier qui tres deuot estoit delibere faire a Dieu sacrifice du corps qu'il luy auoit presté bel et puissant assouuy de taille d'estre autant et plus que personne de sa contree, excepté que perdu auoit vng oeil en vng assault et pour faire son obligation en lieu esleu et de luy desiré. Apres les congiez a Madame sa femme prins et de plusieurs ses parents s'en va deuers les bons seigneurs de Prusse vrayz deffenseurs de la tres sainte foy chretienne tant fist et diligenta qu'en Prusse apres plusieurs aduentures que je passe sain et sauue se trouua. Il fist largement de grandes prouesses en armes, dont le grand bruit de sa vaillance fut tantost espandu en plusieurs marches, tant a la relation de ceulx qui veul'auoient en leur Pays retournez, que par lettres que les demeurez escriuoient a plusieurs que tres grant gré leurs en scavoient. Or ne faut pas celer que Madame qui estoit demeurée

rée ne fut pas si rigoureuse qu'a la priere
 d'un gentil Escuyer qui d'amours la requist
 ell: ne fust tantost contente qu'il fut Lieu-
 tenant de Monseigneur qui aux Sarrazins
 se combattoit. Tandis que Monseigneur
 jeusne et fait penitence, Madame fait bon-
 ne chiere avecques l'Escuyer, le plus des
 fois Monseigneur se disne et soupe de bis-
 cuit et de la belle fontaine, et Madame a
 de tous les biens de Dieu si tres largement
 que trop, Monseigneur au mieulx venir se
 couche en la paillade, et Madame en vng
 tres beau list avec son Escuyer se repose.
 Pour abregier tandis que Monseigneur aux
 Sarrazins fait grant guerre, l'Escuier a Ma-
 dame se combat, et si tres bien sy porte,
 que le Monseigneur jamais ne retournoit
 elle s'en passeroit tres bien, et a peu de re-
 gret, voire qu'il ne face aultrement qu'il
 a commencé. Monseigneur voyant la, Dieu
 mercy, que l'effort des Sarrazins n'estoit
 point si aspre que par cy deuant a esté, sen-
 tant aussi que assez longue espace a laissé
 son hostel et sa tres bonne femme que
 moult la desire et regrette comme par plu-
 sieurs de ses lettres elle luy a fait scauoir,
 dispose son partement et avec le peu de
 gens qu'il auoit se met en chemin, et si
 bien

bien exploicta a l'aide du grant desir qu'il a de soy trouuer en sa maison, et és bras de Madame, qu'en peu de jours s'y trouua. Celuy a qui ceste haste plus touche que a nul de ses gens est tousjours des premiers descouchiez et premier prest et le deuant au chemin, et de fait sa trop grande diligence le fait bien souuent chevaucher seul deuant ses gens, aucuneffois vng quart de lieuë ou plus. Aduint vng jour que Monseigneur estant au giste enuiron a fix lieuës de sa maison ou il doit trouuer Madame, se leua bien matin et monta a cheual que bien luy semble que son cheual le rendra a sa maison auant que Madame soit descouchéé, que riens de sa venuë ne scait; ainsi comme il le proposa il aduint, et comme il estoit en ce plaissant chemin dist a ses gens venez tout a vostre aise, et ne vous chaille ja de moy fuir, je m'en iray tout mon beau train pour trouuer ma femme au liët, ses gens tous hodez et trauaillez et leurs cheuaux aussi, ne contredirent pas a Monseigneur, mais s'en viennent tout a leur aise aprez luy sans eulx trauailler aucunement: mais pourtant si doubtoient ilz de mondit seigneur lequel s'en alloit ainsi de nuyt tout seul et auoit si grant haste; et il s'en

s'en va et fait tant qu'il est en brief en la basse court de son hostel descendu ou il rouua vng varlet qui le demonta de son cheual. Tout ainsy houzé et esperonné quant il fut descendu, s'en va tout droit sans rencontrer personne, car encores matin estoit deuers sa chambre ou Madame encores dormoit ou espoir faisoit ce qui tant a faict Monseigneur trauailler Creez que l'huys n'estoit pas ouuert accause du Lieutenant que tout esbahi fut et Madame aussi quant Monseigneur heurta de son baston vng tres lourd coup, qui est cela dist Madame, c'est moy ce dist Monseigneur, ouurez ouurez. Madame que tantost a congneu Monseigneur a son parler ne fut pas des plus assurees, neantmoins fait habiller incontinent son Escuyer que met peine de s'aduancer le plus qu'il peut, pensant comment il pourra eschapper sans dangier. Madame qui fainct d'estre encores toute endormie et non recognoistre Monseigneur, aprez le second heurt qu'il fait a l'huys demanda encores qui est cela. C'est vostre mary Dame, ouurez bien tost ouurez. Mon mary dist elle, helas il est bien loing d'icy, Dieu le remaine a joye et brief. Par ma foy Dame je suis vostre mary; et ne me
con-

congnoissez vous au parler. Si tost que je vous ay ouy respondre je cogneuz bien que s'estiés vous. Quant il viendra je le scauray beaucoup deuant pour le recepuoir ainſy comme je dois, et auſſi pour mander Meſſeigneurs ſes parents et amis pour le feſtoier et conuoier a ſa bien venue. Allez allez et me laiſſez dormir. Saint Jehan je vous en garderay bien diſt Monſeigneur; il fault que vous ouurez luyſ et ne voulez et ne voulez vous cognoiſtre voſtre mary. Alors l'appelle par ſon nom, et elle qui voit que ſon amy eſt ja tout preſt le fait mettre derriere luyſ. Et puis va dire a Monſeigneur eſtes vous ce pour Dieu pardonnez moy et eſtes vous en bon point. Ouy Dieu mercy ce diſt Monſeigneur. Or loué en ſoit Dieu ce diſt Madame. Je viens incontinent vers vous et vous mettréz dedens: mais que je ſoye un peu habillé et que j'aye de la chandelle. Tout a voſtre aiſe ce diſt Monſeigneur. En verité ce diſt Madame tout a ce coup que vous auez heurté Monſeigneur i'eſtoye bien empeschie d'vng ſonge que eſt de vous et quel eſt il ma mie. Par ma foi Monſeigneur il me ſembloit a bon eſciant que vous eſties reuenu que vous parliez a moy et ſi voyez tout

tout aussi cler d'un oeil comme de l'autre. Pleust ores a Dieu ce dist Monseigneur. Nostre Dame ce dist Madame je croy que aussi faictes vous, par ma foy ce dist Monseigneur vous estes bien beste et comment ce pouroit il faire. Je tiens moy dist elle qu'il est ainsi, il n'en est riens, non dist Monseigneur estes vous bien si folle de le penser. Dea Monseigneur dist elle ne me creez jamais s'il n'est ainsi, et pour la paix de mon cuer je vous requier que nous l'esproutions, et a ce coup elle ouura l'huis tenant la chandelle ardante en sa main, et Monseigneur qui est content de ceste espreuve et si accorde par les parolles de sa femme, et ainsi le pource homme endura bien que Madame luy boucha son bon oeil d'une main, et de l'autre elle tenoit la chandelle devant l'oeil de Monseigneur qui creué estoit, et puis luy demanda Monseigneur ne veez vous pas bien par vostre foy. Par mon serment non ce dist Monseigneur, et entretant que ces deuilles se faisoient le Lieutenant de mondit Seigneur fault de la chambre sans qu'il fut apperceu de luy. Or attendez Monseigneur ce dist elle, et maintenant vous me voyez bien, ne faictes pas? par Dieu ma mie nenny respond Monseigneur

gneur comment vous veroy ie vous auez bouchié mon destre oeil et l'autre est creué passé a plus de dix ans. Alors dist elle or voy ie bien que s'estoit songe voyrement qui ce raport me fit, mais quoy que soit Dieu soit loué et gracié que vous estes cy. Ainsi soit il ce dist Monseigneur et a tant s'entraçolerent et baisèrent par plusieurs fois, et firent grant feste, et n'oublia pas Monseigneur conter comment il auoit laissé sens gens derriere, et que pour la trouuer au lit il auoit fait telle diligence, et vrayement dist Madame encores estes vous bon mary, et a tant vindrent femmes et seruiteurs qui bien ueignèrent Monseigneur et le deshouferent et de tous points deshabillerent, et ce fait ce bouta ou lit avec Madame qui le repeut du demourant de l'Escuier qui sen va son chemin lye et joyeux destre ainsy eschappé. Comme vous auez ouy fut le Cheualier trompé et n'ay point sceu, combien que plusieurs gens depuis le sçurent, qu'il en fut jamais aduerty.

NOU-



NOUVELLE XVII. LE CONSEILLER

AU BLUTEAU.

EN la ville de Paris presidoit en la Cham-
bre des Comptes vn grant Clerc Cheua-
lier
Tom. I. 1

lier assez sur aage, mais très joyeux et très plaisant estoit, tant en sa maniere d'estre, comme en deuilles, ou qui les adressast fust aux hommes fust aux femmes. Ce bon seigneur auoit femme espousée desja ancienne et maladiue dont il auoit belle lignee et entre les autres Damoiselles chamberieres et seruantes de son hostel, celle ou nature auoit mis son entente de la faire tres belle, estoit meschine faisante le mesnaige commun comme les lits, le plain, et autres telz affaires.

Monseigneur que ne jeusnoit jour de l'amoureux mestier tant qu'il trouuaist rencontre, ne cela gueres a la belle meschine le grant bien qu'il luy veult, et luy va faire vng grant prologue des amoureux assauls que incessamment amours pour elle luy enuoye, continue aussi ce propos luy promettant tous les biens du monde, montrant comment il est bien en luy de luy faire tant en telle maniere et tant en telle, et qui oyoit le Cheualier jamais tant d'eür n'aduint a la meschine que de luy accorder son amour. La belle meschine bonne et saige ne fust pas si beste que aux gracieux mots de son Maistre baillast responce en riens a son aduantaige, mais se excusa si
gra-

gracieusement que Monseigneur en son courage tres bien l'enprisa et aima, combien qu'il aymast mieulx quelle fist autre chemin, motz rigoureux vindrent en jeu par la bouche de Monseigneur quant il aperceut que pour doulceur ne feroit rien, mais la tres bonne fille aymant plus chier mourir que perdre son honneur, ne s'en effroia gueres, ainsi asseurement respondit, dit et face ce qu'il luy plaist mais jour qu'elle viue de plus prez ne luy sera, Monseigneur que la voit aheurteé en ceste opinion, aprez vng gracieux adieu, laissant ne scay quans jours ce gracieux pourchas de bouche seulement, mais regards et autres petits signes ne luy coustoient gueres, qui trop estoient a la fille enuieux, et selle ne doubtaست mettre malle paix entre Monseigneur et Madame, elle ne luy celeroit gueres la desloyaulté de son seigneur. Mais au fort elle conclud le deceler tout le plus tard quelle pourra. La deuocion que Monseigneur auoit aux sains de la meschine de jour en jour croissoit, et ne luy souffroit pas de laymer et seruir en cuer seulement mais d'oraison comme il a fait cy deuant la veult arriere reseruir. Si vient a elle et de plus belle recommenca sa harangue

gue en la facon que dessus, laquelle il confermoit par cent mille serments & autant de promesses. Pour abregier, riens ne luy vault, et ne peut obtenir vng seul mot et encores moins de semblans qu'elle luy baille quelque peu despoir de jamais paruenir a les attaintes, et en ce point se partit, mais il noublia pas de dire que s'il la rencontre en quelque lieu marchand qu'elle l'obeira ou elle fera pis. La meschine gueres ne s'en effroia, et sans plus y penler va besoingner en la cuisine ou autre part ne scay quans jours aprez: vng lundy matin la belle meschine pour faire des pasteux blustoit de la farine. Or debucz vous scauoir que la chambre ou ce faisoit ce mestier ne estoit pas loing de la chambre de Monseigneur, et qu'il oyoit tres bien le bruit et la noise qui se faisoit, et encores scauoit aussi tres bien que c'estoit la meschine qui des tamis jouoit. Si s'aduisa qu'elle n'aura pas seule cette peine mais luy viendra aider voire et luy fera au surplus ce qu'il luy a bien promis, car jamais mieulx ne la pouroit trouuer; dist aussy en soy mesme quelques reffus que de la bouche elle m'ait fait, si en cheuiray ie bien si je la puis a gré tenir, il regardast que bien
 matin

matin estoit et que Madame n'estoit pas
 esueilleé , dont il fut bien joyeux, et affin
 qu'il ne l'esueille il fault tout doucement
 hors de son liét a tout son couurechief et
 prend sa robe longue et ses botines et des-
 cend de sa chambre si celément, qu'il fut
 dedens la chambrette ou la meschine dor-
 moit sans qu'elle oncques en sceut riens jus-
 ques a tant qu'elle le vit tout dedens, qui
 fut bien esbahie, ce fut la pource chambe-
 riere que a pou trembloit tant estoit effréé
 doubtant que Monseigneur ne luy ostant
 ce que jamais rendre ne luy scauroit, Mon-
 seigneur qui la voit effréé sans plus parler
 luy baille vng fier assaut, et tant fist en peu
 d'heures qu'il auoit la place emportée s'il
 neust esté content de parler. Si luy
 va dire la fille, hélas Monseigneur je vous
 crie mercy je me rensa vous ma vie et mon
 honneur sont en vostre main ayez pitie de
 moy. Je ne scay quelle honneur dist Mon-
 seigneur que très eschauffé et esprins estoit,
 vous passerez par la. Et a ce mot recom-
 mence l'assaut plus fier que deuant. La
 fille voyant que eschapper ne pouuoit s'ad-
 uisa d'vng bon tour et dist Monseigneur
 jayme mieulx vous rendre ma place par
 amour que par force, donnez fin s'il vous
 I 3 plaist

plaist aux durs assauls que me liurez, et je feray tout ce qu'il vous plaira. J'en suis content dist Monseigneur, mais creez que autrement vous neschapperez. D'une chose je vous requiers dist lors la fille, Monseigneur je doubte beaucoup que Madame ne vous oye et se elle venoit dauanture, et droit cy vous trouuast, je seroye femme perduë et deshonnoreë, car elle me feroit du mains battre ou tuer, elle n'a garde de venir non dist Monseigneur, elle dort au plus fort. Helas Monseigneur je doubte tant que je n'en scay estre asseurée, si vous prie et requiert pour la paix de mon cueur et plus grande seureté de nostre besoigne, que vous me laissez aller voir s'elle dort ou quelle fait. Nostre Dame tu ne retourneroyz pas dist Monseigneur, si feray dist elle par mon serment trestout tantost. Or je le vueille dist il auance toy. Ha Monseigneur dist elle, se vous voulez bien faire vous prendriez ce tamis et besoigneriez comme je faisoie, afin d'aventure se Madame estoit esueilleë qu'elle oye la noise que jay deuant le jour encommencé. Or monstre ca je feray bon deuoir, et ne demeurez gueres: nenny Monseigneur tenez aussi ce bluteau sur vostre teste,

vous

vous semblerez tout a bon escient estre vne femme. Or ca de pardieu dist il. Il fut affu lé de ce bluteau, et puis commence a tamiser, tant que c'estoit belle chose que tant bien luy feoit, et entretant la bonne chamberiere, monta en la chambre et esueilla Madame, et luy compta comment Monseigneur parcy deuant damours l'auoit prieré qu'il l'auoit assaillie a ceste heure ou elle tamisoit, et s'il vous plait venir voir comment j'en suis eschappée et en quel point il est. Venez en bas vous le verrez, Madame tout a coup se lieue, et prend sa robe de nuyt et fust tantost deuant l'huis de la chambre ou Monseigneur diligemment tamisoit, et quant elle le voit en cest estat, et affublé du bluteau, elle luy va dire. Sa Maistre et quest ce cy ou sont vos Lettres, vos grands honneurs, vos sciences et discretions, et Monseigneur que l'ouit et deceu se veoit respondit tout subitement. Au bout de mon v.. Dame, la ay ie tout amassé aujourd'hui, lors très mary et couroué sur la meschine se desarma de l'estamine et du bluteau et en sa chambre remonte et Madame le suit qui son preschement recommence, dont Monseigneur ne tient gueres de compte; quant

il fut prest il manda sa mule, et au palais s'en va ou il compta son aduventure a plusieurs gens de bien qu'il sen rirent bien fort, et me dist on depuis quelque couroux que le seigneur eust de prin fault a sa meschine: si laida il depuis de sa parolle et de sa cheuance a marier.

NOU-



NOUVELLE XVIII. LA PORTEUSE

DU VENTRE ET DU DOS.

VN Gentilhomme de Bourgogne n'a
gueres pour aucuns de ses affaires s'en
I 5 alla

alla a Paris, et se logea en vng tres bon hostel: Car telle estoit sa coustume de tous-jours querir les meilleurs logis. Il neut gueres esté en son logis luy que bien con-
 gnoissoit mouche en lait qu'il n'apperceut tantost que la chamberiere de leans estoit femme que deuoit volontiers faire pour les gens; si ne luy cela gueres ce qu'il auoit sur le cueur, et sans aller de deux en trois il demanda l'aumosne amoureuse. Il fut de prinfault bien rechassé des meures, voire dist elle est ce a moy que vous deuez adres-
 ser telles parolles. Je veuil bien que vous sachez que je ne suis pas celle que fera tel blasme a l'hostel ou je demeure et pour abre-
 ger qui loioit, elle ne le feroit pour aussi gros d'or; Le gentil homme tantost cogneut que toutes ses excusations estoient érres pour besongner, si luy va dire mamye se jeusse temps et lieu, je vous diroye telle chose que vous seriez bien contente, et ne doubtez point que ce ne fut grandement vostre bien, mamye pource que deuant les gens ne vous vueille gueres arraisonner afin que ne soyez de moy suspeconné. Croiez mon homme de ce que par moy vous dira, et se ainsi le faictes vous en vauldrez mieulx, je n'ay dist elle n'a vous ma luy que deuiser et
 sur

sur ce point s'en va, et nostre gentil homme appella son varlet qui estoit vn gallant tout esueillé, puis luy compta son cas et le charge de poursuir sa besongne sans espargner bourdes. Le varlet duit a cela, dist qu'il fera bien son personnaige: il ne l'oublia pas: car au plustost qu'il la trouua: pensez qu'il jouia bien du bec. Et se elle neust esté de Paris, et plus subtile que foison d'autres, son gracieux langaige, et les promesses qu'il faisoit pour son maistre l'eussent tout en haste abbatuë, mais autrement alla car aprez plusieurs parolles et devises d'entre elle et luy, elle luy dist vng mot trenché je scay bien que vostre maistre veult, mais il ne touchera ja se je n'ay dix escus. Le varlet fist son raport a son maistre qui nestoit pas si large voire au moins en tel cas que donner dix escus pour jouïr d'une telle Damoiselle. Quoy que soit elle n'en fera autre chose dist le varlet, encores y a til bien maniere de venir en sa chambre, car il faut passer parmy celle a l'hoste. Regardez que vous voulderiez faire. Par la mort bieu dist il mes dix escus me font bien mal den ce point les laisser aller: mais j'ay si grant deuocion au saint et si en ay fait tant de poursuite que il faut que ie besongne

songne au Dyable soit chichette, elle les aura, pourtant vous disje dist le varlet, voulez vous que je luy die quelle les aura. Ouy de par le Dyable ouy dist il, le varlet trouua la bonne fille et luy dist quelle aura ces dix escus, voire et encores mieulx cy aprez, trop bien dist elle, pour abregier leure fut prinse que l'escuier doit venir coucher avec elle mais auant que oncques le voulüst guyder par la chambre de son maistre en la sienne, il bailla tous les dix escus content, qui fut bien mal content ce fut nostre homme qui se pensa en passant par la chambre et cheminant aux nopces que trop chier a son gré luy coustoient, qu'il jouiera d'vng tour. Ils sont venus si doucement en la chambrette que Maistre et Dame rien n'en scauent. Si se vont despoüiller, et dist nostre escuier qu'il emploiera son argent s'il peut. Il se met a l'ouuraige et fait merueilles d'armes et espoir plus que bon ne luy fut; tant en deuises que aultrement se passerent tant d'heures que le jour estoit voisin et prochain a celuy qui plus volentiers eust dormy que nulle autre chose fait, mais la tres bonne chamberiere luy va dire. Or ca fire pour le tres grant bien honneur et courtoisie que j'ay ouy et veu de vous
jay

jay esté contente mettre en vostre obeissance et jouissance la chose en ce monde que plus dois chier tenir, ie vous prie et requier que incontinent vous vueillez apprestier habiller et de cy partir, car il est déjà haulte heure, et se d'avanture mon maistre ou ma maistresse venoient cy comme assez est leur coustume au matin, et vous trouuassent je seroye perduë et gasté, et vous promets que ne serés pas le mieulx party du jeu. Je ne scay moy dist l'escuier, quel bien ou quel mal: mais ie me reposeray et si dormiray tout a mon aise et a mon beau loisir auant que je parte, et aussy je vueille employer mon argent, pensez vous auoir si tost gaigné mes dix escus. Ils ne vous coustent gueres a prendre, mais par la mort bieu afin que je ne aye paour, et que point je ne me espante, vous me ferez compaignie s'il vous plait, ah Monseigneur dist elle il ne se peult ainsi faire par mon serment, il vous conuient partir, il fera jour tout en haste et se on vous trouuoit icy que seroit ce de moy, j'aymerois mieulx estre morte que ainsi en aduenist, et si vous ne vous aduancez, ce que trop je doubte en aduiendra, il ne me chaut moy qu'il aduiengne dist l'escuier, mais
 je vous

je vous dis bien que se ne me rendez mes dix escus ia ne m'en partiray. Adviengne ce que aduenir peult, voz dix escus dist elle? et estes vous tel, se vous mauuez donné aucune courtoisie ou gracieuseté que vous me le voullez aprez retollir par ceste facon sur ma foy vous monstrez mal que vous soyez gentil homme. Tel que je suis dist il je suis celluy qui de cy ne partiray ne vous aussy, tant que me ayez rendu mes dix escus vous les auriez gaigniez trop aise. Ha dist elle si mayt Dieu quoy que vous disiez ie ne pense pas que vous soyez si mal gracieux attendu le bien qui est en vous, et le plaisir que je vous ay fait que fussiez si peu courtois que vous ne aydissiez a garder mon honneur, et pour ce de rechief vous supplie que ma requeste passez et accordez et que de cy vous partez, lescuyer dist qu'il n'en fera rien, et pour abregier force fut a la bonne gentille femme a tel regret que Dieu scait, de desbourser les dix escus afin que l'escuyer s'en allast : quant les dix escus refurent en la main dont ils estoient partis, celle que les rendist cuida bien enrager tant estoit mal contente, et celluy qui les a leur fait grant chiere. Or auant dist la couroucé et desplaisante que se voit ainsi gouuer-

ner,

ner, quant vous vous estes bien jouë et far-
sé de moy, au moins aduancez vous et vous
fussie que vous seul congnoissiez ma folie,
et que par vostre tarder elle ne soit congneue
de ceulx qui me deshonnoreront s'ils en
voient l'apparence; a vostre honneur dist
l'escuyer point je ne touche, gardez le au-
tant que vous l'aymez, vous m'avez fait ve-
nir icy, et si vous somme que vous me ren-
dez et remettez au lieu dont je partis, car
ce n'est pas mon intencion d'auoir les deux
peines de venir et retourner. La chambre-
riere voyant que riens n'auoit eu si non le
courroucer, voyant aussi que le jour com-
mençoit a apparoir, avecques tout le des-
plaisir et crainte que son enuie cueur por-
toit dudit escuyer, se hourde de cest es-
cuyer et a son col le charge, comme a tout
ce fardeau, le plus soüef quelle oncques
peut, le courtois gentil homme portoit te-
nant lieu de bahu sur le dos de celle qui sur
son ventre l'auoit soustenu, laissa couler ung
gros pet, dont le ton et le bruit firent loste
esueiller et demanda assez effréement que est
la. C'est vostre chamberiere sire dist l'escuyer
qui me porte rendre ou elle m'auoit em-
prunté. A ces motz la pource gentil femme
n'eust plus cueur puissance ne vouloir de
soustenir

soustenir son desplaisant fardeau : si va d'vng costé et l'escuyer de l'autre. Et loste que bien congnoist que c'est, et aussi avecques ce s'en doubtoit bien parla tres bien a l'épousee que toute demoura deceuë et scandalisee, et tost aprez se partit de leans, et l'escuyer en Bourgoigne s'en retourna, qui aux galans et compaignons de forte joyeusement et souuent racompta cette aventure dessus dicte.

NOU-



NOUVELLE XIX.
L' ENFANT
DE NEIGE.

A R dant desir de voir pays, cōgnoistre
et scauoir plusieurs experiences qui
Tom. 1. K par

par le monde vniuersel de jour en jour ad-
 uiennent, nagueres si fort eschauffa lat-
 trempé cueur et vertueux couraige d'un bon
 et riche marchand de Londres en Angleter-
 re, que abandonna sa tres belle et bonne
 femme, la belle maignie d'enfans, parens,
 amis, heritaiges, et la plus part de sa che-
 uance et se partit de ce Royaulme assez bien
 fourny d'argent content et de tres grande
 habondance de marchandises dont ledit pays
 de Angleterre peut d'autres pays seruir, com-
 me d'eltain de ris et foison d'autres choses
 que pour cause de briefueté ie passe: En ce
 premier voyage vacqua le bon marchand l'e-
 space de cinq ans, pendant lequel temps sa
 tres bonne femme garda tres bien son corps,
 fist son prouffit de plusieurs marchandises, et
 tant si tres bien le fist que son mary au bout
 desditz cinq aus retourne, beaucoup la louïa
 et plusque parauant ayma: le cueur audit
 marchand, non encores content tant d'auoir
 veu et cogneu plusieurs choses estranges et
 merueilleuses comme d'auoir gaigné l'argent
 se fist arriere sur la mer boutter, cinq ou six
 mois puis son retour, et s'en reua a l'auen-
 ture en estrange terre tant de Crestiens com-
 me de Sarrazins et ne demoura pas si peu
 que les dix ans ne fussent passez, ainsi que
 sa

la femme le reuist ; tro. bien luy escripuoit
 et assez souuent, et a celle fin quelle sceut
 qu'il estoit encores en vie. Elle qui jeune
 estoit et en bon point et que faulte n'auoit
 de nulz biens de Dieu, fors seulement de
 la presence de son mary fut contraincte par
 son trop demourer de prendre vng Lieute-
 nant, qui en peu d'heure luy fist vng tres
 beau filz. Ce filz fut noury et conduyt avec
 les aultres ses freres d'vng cousté, et au re-
 tour du marchant mary de sa mere auoit
 ledit enfant enuiron sept ans. La feste fut
 grande a ce retour d'entre le mary et la fem-
 me et comme ils furent en leurs joyeuses
 deuises et plaisans propos, la bonne femme
 a la semonce de son mary fait venir deuant
 eulx tous leurs enfans sans oublier celluy
 qui fut gaigné en l'absence de celluy en qui
 auoit le nom. Le bon marchant voyant la
 belle Compaignie de ses enfans recordant
 tres bien du nombre d'eulx a son partement,
 le voit creu d'vng dont il estesbahy et moult
 esmerueillé. Si va demander a sa femme qui
 estoit ce beau filz le dernier ou renc de leurs
 enfans, que il est dist elle par ma soy fire il
 est nostre filz et que seroit il. Je ne scay dist
 il, mais pource que plus ne l'auoie veu,
 auez vous merueilles si ie le demande. Saint

Jehan n'en y dist elle n'ais il est nostre filz :
 et comment le peut il faire dist .je n'ay,
 vous n'estiez pas grosse a mon partement,
 non vrayement dist elle que ie le sceusse, mais
 ie vous ole bien dire a la verité que l'enfant
 est vostre et que aultre que vous a moy na
 touchié. Je ne le dis pas ausly dist il : mais
 touttefois il y a dix ans que je partis, et
 c'est enfant se monitre de sept, comment
 doncques pourroit il estre mien l'aurez vous
 peu porté plus que vng aultre, par mon ser-
 ment dist elle ie ne l'ay, mais tout ce que
 je dis est vrai se ne l'ay plus porté que vng
 aultre, il n'est chose que i'en faiche, et se
 vous ne me le feistes au partir je ne scay
 moy penser dont il peult estre venu, sinon
 que assez tost aprez vostre departement vng
 iour i'estoie par vng matin et nostre grant
 Jardin, ou tout a coup me vint vng soudain
 desir et appetit de menger vne feüille de fille
 qui pour ycelle heure estoit couuertte, et
 soubz la neige tapie. J'en choisys vne entre
 les autres belle et large que je cuiday aual-
 ler, mais ce n'estoit que vng peu de neige
 blanche et dure, et ne leuz pas si tost aual-
 lée que ne me sentisse en tout tel estat que
 ie me suis trouuée quant mes autres enfans
 ay portez. Ce fait a certaine piece depuis
 ie vous

le vous ay fait ce tres beau filz. Le marchand congneut tentost qu'il en estoit nozainis et n'en voulut faire aucun semblant, aincois s'en vint adjoindre par parolles a conter la belle bourde que sa femme luy bailloit et dist. Ma mye vous ne dictes chose qui ne soit possible, et qu'a aultre que vous ne soit, adueni loüie soit Dieu de ce qu'il nous a enuoyé. S'il nous a donné vng enfant par miracle, ou par aulcune secrette façon dont nous ignorons la maniere, il ne nous a pas oublié d'enuoyer cheuance pour l'entretenir. Quant la bonne femme vit que son mary vouloit condescendre a croire ce quelle luy dist, elle n'est pas moyennement joyeuse. Le marchand saige et prudent en dix ans qu'il fut depuis a lostel sans faire ses loingtains voyages ne tint oncques manieres enuers sa femme en parolles ne aultrement, pourquoy elle peust penser qu'il entendit riens de son fait tant estoit vertueux et patient. Il n'estoit pas encores saoul de voyager, si voulut recommencer et le dist a sa femme qui fist semblant d'en estre tres marrie et mal contente. Appaisez vous dist il, s'il plaist a Dieu Monseigneur saint George je reuiendray brief. Et pour ce que nostre fils que feistes en mon aultre voyage est

K 3

desja

desja grant habille et en bon point de veoir
et d'apprendre le bon vous semble je l'em-
meneray avecques moy, et par ma roy dist
elle vous ferez bien et je vous en prie, il
sera fait dist il. A tant se part, et avec luy
emmaîne le fils, dont il n'estoit pas pere
a que il a pieca garde bonne pensee. Ils eu-
rent si bon vent qu'ils sont venus au port
d'Alexanderie, ou le bon marchand tres
bien se deffit de la plus part de ses marchan-
dises, et ne fust pas si beste affin qu'il n'eust
plus de charge de l'enfant de sa femme et
d'vng aultre, et que aprez sa mort ne suc-
cedast en tous ses biens comme vng de ses
autres enfans qu'il ne le vendist a tres bons
deniers contens pour en faire vng esclau
et pource qu'il estoit jeune et puissant. Il
en eust prez de cent ducats. Quant ce fut
fait il sen reuint a Londres sain et sauf Dieu
mercy et n'est pas a dire la chiere que sa
femme luy fist quant elle le vit en bon
point, mais elle ne voit point son
filz dont ne scait que penser. Elle ne se
peut gueres tenir qu'elle ne demandast a
son mary qu'il auoit fait de leur filz. Ha Ma-
dame dist il, il ne vous le fault ja celer. Il
luy est tres mal prins. Helas comment dist
elle est il noyé nenny certes, mais il est vray
que

que fortune de mer nous mena par force en vng pays ou il faisoit si chaud que nous cuidions tous mourir par la grande ardeur du soleil que sur nous ses rais espandoit, et comme vng jour nous estions faillis de nostre naue pour faire vn chascun vne fosse a foy tapper pour le soleil, nostre bon filz que de neige comme vous scauez estoit, en nostre presence sur le grauiet par la grant force du soleil il fut tout a coup fondu et en eauë resolu, et neussiez pas dict vne sept-seaulme que nous ne trouuassmes rienn de luy. tout ainly soudain en est party et pensez que j'en fus et suis bien desplaisant, et ne veis jamais chose entre les merueilles que j'ay veuës dont je fusse plus esbahy. Or auant dist elle puis qu'il plaist a Dieu le nous oster comme il le nous auoit donné loüe en soit il. S'elle se doubtaist que la chose alast aultrement l'ystoire sen taist et n'en fait mencion, lorsque son mary luy rendist telle comme elle luy bailla combien qu'il en demoura toujours le Cousin.



NOUVELLE XX.
LE MARI
MÉDECIN.

C'EST n'est pas chose nouvelle qu'en la
Conté de Champaigne on a toujours
recou-

recouuert de gens lourds en la taille com-
 bien qu'il sembloit assez estrange a plusieurs,
 pourtant que ils sont si prez a ceulx du
 pays du mal engin, assez et largement dy-
 stoires a ce propos pourroit on mettre con-
 fermant la bestise des Champenois, mais
 quant a present celle que sensuit pourroit
 souffire. En la dicte Conté auoit vng Jeu-
 ne homme orphelin qui bien riche et puis-
 sant demoura puis le trepas de ses pere et
 mere, et iacoit que il feust lourt tres peu
 faichant, et encores aussy mal plaisant, si
 auoit vne industrie de bien garder le sien
 et conduire sa marchandise. Et a ceste
 cause assez de gens. Voirs de gens de bien
 luy eussent bien voulu donner en mariage
 leur fille; une entre les aultres pleut aux
 parens et amys de nostre Champenois, tant
 pour la beauté, bonté, et cheuance etc.
 et luy dirent qu'il estoit temps qu'il se ma-
 riaist, et que bonnement il ne pouuoit con-
 duire son fait. Vous auez aussi dirent ilz
 desja vingt et quatre ans si ne pouriez en
 meilleur aage prendre cest estat, et se vous
 y voulez entendre nous auons regardé et
 choisi pour vous vne belle fille et bonne
 qui nous semble tres bien vostre fait. C'est
 vne telle vous la congnoissez bien, lors la
 luy

luy nommerent. Et nostre homme a qui nen challoit que il fust, fust marié ou non, mais qu'il ne tirast point d'argent, respondit, qu'il feroit ce qu'ilz voudroient, puis qu'il vous semble que c'est mon bien conduysez la chose au mieulx que vous scaurez. Car je vueil faire par vostre conseil et ordonnance, vous dictes bien dirent ces bonnes gens nous le regarderons et y penserons comme pour nous mesmes ou pour l'vng de nos propres enfans. Pour abregier, certaine piece aprez, nostre Champenois fust marié, de pardieu ce fust, mais tantost qu'il fut auprez de sa femme couché la premiere nuit, luy, qui oncques sur beste chrestienne n'auoit monté : tantost luy tourna le dos. Qui estoit mal contente c'estoit nostre espousee, nonobstant qu'elle n'en fust nul semblant. Ceste maudicte maniere dura plus de dix jours et encores dura, se la bonne mere a l'espousee ny eust pourueni du remede. Il ne vous faut pas celer que nostre homme neuf en facon et en mariage, du temps de ses feu pere et mere auoit esté bien court tenu, et sur toutes choses luy estoit et fut deffendu le mestier de la beste aux deux dos, doubtant, que s'il ly esbattoit quil y despendroit

droit toute sa cheuance, et bien leur sem-
 bloit et a bonne cause qu'il n'estoit pas
 homme que on deust aymer pour les beaulx
 yeulx, luy qui pour riens ne courroscast pe-
 re et mere et qui n'estoit pas trop chaut
 sur potage auoit toujours gardé son pucel-
 lage, que sa femme eust volentiers derobé
 felle eust sceu par quelque honneste facon.
 Vng jour le trouua la mere de nostre espou-
 sée deuers sa fille, et luy demanda de son
 mary, de son estat, de ses condicions, de
 son mariage et cent mille choses que fem-
 mes scauent dire, a toutes choses bailla et
 rendist nostre espousée a sa mere responce
 et dist que son mary estoit très bon homme
 et qu'elle ne doubtoit point quelle ne se con-
 duit bien avec luy, et pource qu'elle sca-
 uoit bien par elle mesme qu'il faut autre
 chose en mariage que boire et mengier,
 elle dist a sa fille. Or viens ca et me dis par
 ta foy, et de ces choses de nuit comment
 ten est il. Quant la pource fille ouït parler
 de ces choses de nuit a peu que le cueur ne
 luy faillit tant fut marrie et desplaissante, et
 ce que sa langue n'osoit respondre, mon-
 trent ses yeulx dont faillirent larmes en tres
 grande habondance: si entendit tantost sa
 mere que ces larmes vouloient dire. Si dist
 ma

ma fille ne plourez plus, dictes moy hardiment je tuis voire mere a que ne deuez riens celer, et de qui ne deuez estre honteule vous a til encores riens fait. La poure fille reuenue de pamoison, et vng peu rasseuee, et de sa mere reconfortee cessa la grande flote de ses larmes, mais n'auoit encores force ne sens de respondre. Si l'interrogea arriere sa mere et luy dist. Dis moy hardiment et oste tes larmes. Ta til riens faict, a voix basse et pleurs entremeslees respondist la fille et dist, par ma foy ma mere il ne me toucha oncques, mais du surplus, que il ne soit bon homme et doux par ma foy si est. Or dis moy dist la mere, et scéz tu point s'il est fourny de tous ses membres. Dy hardiment se tu le scais: si est très bien dist elle. J'ay plusieurs fois sentu ses denreées dauenture ainsy que je me tourne et retourne en nostre lit, quant je ne puis dormir. Il souffrit ce dist la mere, laisse moy faire du surplus. Vecy que tu feras. Au matin il te conuient faindre destre malade tres fort, et monstre semblant d'estre oppresseé, qu'il semble que l'ame s'en parte. Ton mary me viendra ou mandera querir ie n'en doubte point, et je feray si bien mon personaige que tu scauras

cauras tantost comment tu fus gaignée,
car ie porteray ton vrine a vng tel Medec-
cin que donnera tel conseil que je voul-
dray; comme il fut dit il fut fait. Car
lendemain si tost qu'on vit le jour nostre
gouge se commença a plaindre et a faire la
malade, que il sembloit qu'une fiebure
continuë luy rongeast corps et ame. Son
mary estoit bien esbahy et desplaisant si ne
scauoit que faire ne que dire. Si manda
tantost querir sa belle mere qui ne se fist
gueres attendre. Tantost qu'il la vit. Helas
mere dist il vostre fille se meurt, ma fille
dist elle et que luy fault il: lors tout en
parlant marcherent jusques en la chambre
de la patiente. Si tost que la mere voit sa
fille elle luy demande qu'elle faisoit, et elle
comme bien aprinse ne respondist pas la
premiere fois, mais a petit de piece aprez
dist mere ie me meurs, non faictes fille se
Dieu plaist, prenez couraige. Mais dont
vous vient ce mal si en haste. Je ne scay, ie
ne scay dist la fille, vous me parofflez a me
faire parler, Sa mere la prent par la main,
luy taste son poulx et son chief, et puis dist
a son beau filz. Par ma foy croyez qu'elle est
bien malade, elle est pleine de feu, si y
fault pourueoir de remede, y a til point icy
de

de son vrine; celle de la minuyt y est, dist vne des meschines. Baillez la moy dist elle. Quand elle eut ceste vrine fist tant quelle eut vng vrinal et dedans la boutta, et dist a son beau filz qu'il la portast monstrea vn tel Medecin, pour scauoir qu'on pourra faire a sa fille; et son luy peult aider; pour Dieu ny espargnons riens dit elle. J'ay encores de l'argent que ie n'aymes pas tant que je fais ma fille. Espargner dist le mary, croyez son luy peut aider pour argent que je ne luy fauldray pas. Or vous auancez dist elle et tandis que elle se reposera vng peu je m'en iray jusqu'au menaige, tousiours reuiendray ie bien, s'on a mestier de moy; or deuez vous scauoir que nostre bonne mere auoit le jour de deuant au partir de sa fille, forgié le Medecin que estoit tres bien aduertiy de la responce qu'il deuoit faire. Vecy nostre gueux qui arriue deuers le Medecin a tout l'vrine de sa femme, et quant il y eut fait la reuerence, il luy va compter comment sa femme estoit deshaitee et merueilleusement malade, et vecy son vrine que vous apporte affin que mieulx vous informez de son cas, et que plus seurement me puisse conseiller. Le Medecin prent l'vrinal et contremont le lieue, et tourne

et tourne et retourne l'vrine et puis va dire
vostre femme est fort aggravée de chaulde
maladie et dangier de mort, se elle n'est
prestement secouruë, vey son vrine que
le monstre. Ha maistre pour Dieu mercy
vueillez moy dire, et je vous payeray bien
que on y pourra faire pour recouurer santé,
et s'il vous semble qu'elle n'ayt garde de
mort. Elle na garde, se vous luy faictes
ce que ie vous diray dist le Medecin, mais
si vous tardez gueres, tout l'or du monde
ne la garderoit de la mort. Dictes pour
Dieu dist l'autre et on le fera. Il faut dist
le Medecin quelle ait compaignie a homme
ou elle est morte. Compaignie d'homme
dist l'autre et quest ce a dire cela. Cest a dire
dist le Medecin qu'il faut que vous montez
sur elle, et que vous la ronchinez tres bien
trois ou quatre fois tout en haste, et le plus
a ce premier que vous en pourrez faire
fera le meilleur, autrement ne fera point
estainte la grande ardeur qui la seiche et
tire a fin, voire dist il et seroit ce bon, elle
est morte, et n'ya point de repit dist le Me-
decin se ainsi ne le faictes, voire et bien
tost encores. Sainct Jehan dist l'autre j'es-
sayeray comment je pouray faire. Il se part
de la, et vient a l'ostel et treuve sa femme
que

que se plaignoit et doulousoit tres fort ; comment va il dist il ma mye. Je me meurs mon amy dist elle. Vous n'avez garde ; se Dieu plaist dist il. J'ay parlé au Medecin que ma enseigné vne Medecine dont vous serez garie. Et durant ces deuises il se despoüille, et au plus prez de sa femme se boutte. Et comme il approchoit pour executer le conseil du Medecin tout en lourdois, que faites vous dist elle me voulez vous tuer. Mais ie vous gariray dist il. Le Medecin la dist, et si dit ainsy que nature luy monstra et a laide de la paciente il besongna tres bien deux ou trois fois, et comme il se reposoit tout esbahy de ce que aduenü luy estoit, il demande a sa femme comment elle se porte : Je suis vng peu mieulx dist elle que parcy deuant nay esté, loüé soit Dieu dist il. Jespoire que vous n'avez garde, et que le Medecin aura dit vray. Alors recommence de plus belle et pour abreger tant et si bien le fist que sa femme reuint en santé dedens peu de jours dont il fut tres joyeux si fut la mere quant elle le sceut. Nostre Champenoys apréz ces armes dessus dictes deuient vng peu plus gentil compaignon qu'il n'estoit auparavant, et luy vint en couraige, puis que
la

sa femme restoit en santé qu'il semondroit
 vng jour au dîner ses parens et amys et
 les pere et mere d'elle, ce qu'il fitt et les
 seruoit grandement en son patoys: a ce dî-
 ner faisoit tres bonne et joyeuse chiere. On
 beuuoit a luy, il beuuoit aux autres, ces-
 toit merueilles qu'il estoit gentil compai-
 gnon: or escoutez qu'il luy aduint au fort
 de la meilleure chiere de ce dîner. Il com-
 menca tres fort a plorer, et sembloit que
 tous ces amis, voire tout le monde fussent
 morts, dont ny eut celluy de la table qui
 ne s'en donnast grant merueilles dont ces
 soudaines larmes procedoient; les vngs et
 les autres luy demandent qu'il auoit,
 mais a peu s'il pouuoit ou scauoit respon-
 dre, tant le contraingnoient ses folles lar-
 mes. Il parla au fort en la fin et dist. Jay
 bien cause de plorer: Et par ma foy non
 auez, ce dist sa belle mere que vous fault
 il, vous estes riche et puissant et bien lo-
 gié, et si auez de bons amis, et que ne
 fait pas a oublier, vous auez belle et bon-
 ne femme que Dieu vous a ramené en
 santé que n'agueres fut sur le bord de sa
 fosse, si m'eust aduis que vous deuez estre lye
 et joyeux. Helas non fait dist il. C'est pour
 moy que mon pere et ma mere que tant

Tom. I.

L

may.

maymoient, et mont assemblez, et laissez tant de biens, qu'il ne sont encorés en vie, car ils ne sont morts tous deux que de chaulde maladie se je les eusse aussi bien ronchinés quant ils furent malades que j'ay fait ma femme ils fussent maintenant sur piedz. Il ny eut celuy de la table qui aprez ces mots a bien peu se peut tenir de rire. Mais non pourtant il sen garda qui peut. Les tables furent osteées chacun s'en alla, et le bon Champenoys demoura avec sa femme laquelle afin quelle demourra en santé fut souuent de luy racollée.

NOU.



NOUVELLE XXI.
L' A B B E S S E
G U E R I E.

Sur les mêtes de Normandie y a vne
bonne Abbaye de Dames dont l'Abbesse
L a qui

qui belle et jeune et en bon point lors estoit, nagueres sacoucha malade. Ses bonnes seurs deuotes et charitables tantost la vindrent visitter, en la confortant et administrant a leur leal pouuoir de tout ce quelles sentoient que bon luy fut, et quant elles apperceurent quelle se dispoist a garison, elles ordonnerent que l'une d'elles yroit a Roüen porter son vrine, et compteroit son cas a vng Medecin de grant renommée. Pour faire cette ambassade, a lendemain l'une d'elles se mist en chemin, et fist tant quelle se trouua deuers ledit Medecin auquel aprez qu'il eust visitté l'vrine de Madame l'Abbesse elle conta tout au long la facon et maniere de sa maladie, comme de son dormir, daller en chambre, de boire et de manger; Le saige Medecin vrayment du cas de Madame informé tant par son vrine comme par la relation de la Religieuse, voulut ordonner le regime et jacoit ce qu'il eust de coustume de bailler a plusieurs vng recipé par écrit, toutteffois il se fia bien de tant en la Religieuse, que de bouche luy diroit ce qu'auoit a faire, et luy dit; belle sueur, pour recouurer la santé de Madame l'Abbesse il luy est mestier et de necessité qu'elle ayt compaignie d'homme

me

me, et brief aultrement elle se trouuera en peu despace si de mal enteché et surprinse, que la mort luy sera le derrain remede; qui fut bien esbahie d'oüyr ces tres dures nouuelles ce fut nostre Religieuse, qui va dire; hélas maistre Jehan, ne voyez vous autre facon pour la recouurance de la santé de Madame. Certes nenny dist il n'en y a point d'autre, et si vuëil bien que vous faichiez, qu'il se fault aduencer de faire ce que j'ay dit, car se la maladie par faulte d'ayde, peult prendre son cours comme elle s'efforce, jamais homme a temps ny viendra. La bonne Religieuse a peu selle n'osa disner a son aise, tant auoit grant haste d'annoncer a Madame ces nouuelles. Et a laide de sa bonne haguencé, et du grant desir qu'elle a d'estre a l'ostel s'auanca si tres bien que Madame l'Abbesse fut tresesbahye de si tost la reuoir. Que dist le Medecin la belle, ce dist la bonne Abbesse, ay ie garde de mort, vous serez tantost en bon point se Dieu plaist, Madame, dist la Religieuse messagiere, faictes bonne chiere et prenez cuer. Comment? ne ma le Medecin point ordonné de regime dist Madame: si a dist elle, lors luy va dire tout au long comment le Medecin, auoit veu son

vrine et les demandes qu'il fist de son aage de son manger de son dormir etc. Et puis pour conclusion il a dit et ordonné qu'il faut que vous ayez compaignie charnelle a quelque homme, ou brief aultrement vous estes morte, car a vostre maladie na point d'autre remede. Compaignie d'homme dist Madame j'aymeroye miculx plus chier mourir mille fois s'il m'estoit possible, et alors va dire puis que ainsi est que mon mal est incurable et mortel se je ny pourrois de tel remede. Loué soit Dieu je prens bien la mort en gré appelez bien tost tout mon Conuent : le tinbre fut sonné, si vindrent a Madame toutes ses Religieuses, et quant elles furent en la chambre, Madame qui auoit encores toute la langue a commandement quelque mal qu'elle eust commença vne grande et longue harengue deuant ses sueurs, remonstrant le fait et estat de son Eglise, en quel point elle la trouua et en quel estat elle est aujourd'hui et vint descendre ces parolles, a parler de sa maladie que estoit mortelle et incurable comme elle bien sentoit et congnoissoit, et au jugement aussi d'ung tel Medecin elle s'arrestoit, que morte l'auoit jugée. Et pourtant mes bonnes sueurs ie vous recom-

mande

mande nostre Eglise, et en vos plus deuot-
tes prieres ma poure ame; et a ces pa-
rolles larmes en grant habondance sailli-
rent de ses yeux que furent compaignies
d'autres sans nombre sourdains de la fon-
taine du cueur de son bon Conuent. Ceste
plorerie dura assez longuement, et fut la
le mesnaige long temps sans parler. Assez
long temps apréz Madame la Prieure que
saige et bonne estoit, print la parolle pour
tout le Conuent et dist Madame, de vostre
mal, quel il est, Dieu le scait, a que nul
ne peut riens celer, il nous desplaist beau-
coup, et ny a celle de nous qui ne se voul-
droit emploier autant que possible est et
seroit a personne viuant pour la recouran-
ce de vostre santé. Si vous prions toutes
ensemble, que vous ne nous espargnéz en
rien, ne chose qui soit des biens de vostre
Eglise, car mieulx nous vaudroit, et plus
chiér de perdre la plus part de nos biens
temporels que le prouffit spirituel que vo-
stre presence nous donne. Ma bonne sueur
dist Madame, je n'ay pas tant desservi que
vous me offrez, mais je vous en mercie tant
que je puis en vous aduisant et priant de re-
chief que vous pensés comme je vous ay dit
aux affaires de nostre Eglise que me tou-
L 4 chent

chent prez du cueur, Dieu le scait, en compaignant aux prieres que ferés, ma poure ame que grant meillier en a. Helas Madame dist la Prieure et n'est il possible pour bon gouuernemen ou par soigneuse diligence de Medecine que vous püssiez reposer, nenny certes ma bonne sueur dist elle. Il me faut mettre ou renc des trépassiez, car je ne vaulx gueres mieulx, quelque langaige que encores je prononce. Adonc faillit auant la Religieuse qui porta son vrine a Roüen, et dist Madame il y a bon remede s'il vous plaisoit: Créez qu'il ne me plaist pas dist elle, vecy sueur Jehanne que reuiet de Roüen, et a monstre mon vrine et compté mon cas a vng tel Medecin que ma jugéé morte, veoir ie ne me vouloie abandonner a aucun homme et estre en sa compaignie, et par ce point esperoit il comme il trouuoit par ses liures que ie n'auroye garde de mort, mais se ainsy ne le faioie, il n'y a point de ressource en moy, et quant a moy i'en loüe Dieu que me daigne appeller, aincoys que jaye fait plus de péchez a luy me rens, et a la mort ie presente mon corps vienne quant elle veult. Comment Madame dist l'Enfermiere vous estes de vous mesmes homicide:

cide : Il est en vous de vous sauuer et ne faut que tendre la main, et requerre ayde et vous la trouuerez preste, ce n'est pas bien fait et vous ose bien dire que vostre ame ne partiroit point seurement, s'en cest estat vous mouriez. Ha ma belle sueur dist Madame, quantefois auez vous ouy prechier que mieux vaudroit a vne personne s'abandonner a la mort que commettre vng seul pechie mortel, et vous scauez que ie ne puis ma mort fuyr ne esloigner sans faire et commettre pechie mortel, et qui bien autant a cueur me touche s'en se faisant ma vie eslongnerois n'en serois ie pas deshonouree et a tousjours mais reprouchee, et diroit on vela la Dame etc. . mesmes vous toutes, quelque conseil que me donnez, m'en auriez en irreuerence et en mains d'amour, et vous sembleroit et a bonne cause que indigne serois d'entre vous presider et gouverner Ne dictes et ne pensez jamais cela dist Madame la Tresorier, il n'est chose qu'on ne doieue entreprendre pour escheuer la mort ; Et ne dist pas nostre bon Pere saint Augustin qu'il ne loist a personne de foy oster la vie ne tollir vng sien membre, et ne feriez vous pas directement encontre sa sentence se vous laissez a escient ce qu'il


L 5

vous

vous peut de mal garder. Elle dist bien respondit le Couuent en general. Madame pour Dieu obeissez au Medecin, et ne soyez en vostre opinion si aheurteé que par faulte de soustenance vous perdez corps et ame et laisser vostre poure Couuent qui tant vous ayme desolé et despourueu de Pastoure. Mes bonnes sueurs dist Madame j'ayme mieulx volontairement a la mort tendre les mains, submettre mon col, et honnorablement l'embrasser que par la fuyr je viue deshonnouré. Et ne diroit on pas, vela la Dame, qui fist ainsy et ainsy. Ne vous chaille qu'on dye Madame, vous ne ferez ja reprocheé de gens de bien. Si seroie se dist Madame. Le Couuent se alla esmouuoir, et firent les bonnes Religieuses entre elles vng Consistoire dont la conclusion s'ensuit, et porta les parolles dy celle la Prieure. Madame vecy nostre desolé Couuent si très desplaisant que jamais maison ne fut plus troubleé qu'elle est, dont vous estes cause et créez se vous estes si mal conseillé de vous abandonner a la mort que bien fuyr vous pouuez, j'en suie bien seure. Et affin que vous entendez que nous vous aymons d'entiere et leal et parfaicte amour, nous sommes contentes et auons

quons conclud et deliberé meurement toutes ensemble et generalement en fauluant vous et nous, auoir compaignie bien secrettement d'aucun homme de bien, et nous pareillement le ferons, affin que vous n'ayez pensé ne imaginacion que ou tems advenir vous en souldist reproche de nulle de nous. N'est ce pas ainsi mes sueurs. Ouy dirent elles toutes de tres bon cueur. Madame l'Abesse oyant ce que dist est et portant au cueur vn grant fardeau dennuy pour l'amour de ses sueurs se laissa ferir et s'accorda combien qua grand regret que le conseil du Medecin seroit mis en oeuvre. Adonc furent mandéz moynes prestres et clerics, qui trouuerent bien a besoigner et la ouurerent si tres bien que Madame l'Abesse fut en peu d'heure rappaisée dont son Couuent fut tres joyeux qui par honneur faignit ce que par honte oncques ne laissa.

NOU-



NOUVELLE XXII.
L'ENFANT
A DEUX PERES.

NAgueres que vng gentilhomme demou-
rant a Bruges, tant et si longuement se
trouua

trouua en sa compaignie d'une belle fille
 qu'il luy fist le ventre leuer, et droit au coup
 qu'il s'en apperceut et donna garde, Mon-
 seigneur fist vne assemblee de gens d'armes,
 si fust force a nostre gentil homme de l'aban-
 donner et avec les autres aller ou seruice de
 mondit seigneur, ce que de bon cueur et
 bien il fist, mais avant son partement il fist
 garnison et pourueance de parins et mari-
 nes et de nourice pour son enfant aduenir,
 logea la mere avecques de bonnes gens, luy
 laissa de l'argent et leurs recommanda quant
 au mieulx qu'il sceut et le plus brief qu'il
 peut, ces choses furent tres bien disposcées.
 Il ordonna son partement et prist congie de
 sa Dame, et au plaisir de Dieu promist de
 tantost retourner. Pensez que selle n'eust
 jamais ploré, ne sen tenist elle pas a ceste
 heure, puis quelle veoit d'elle eslongner
 celuy en ce monde dont la presence plus luy
 plaist. Pour abreger, tant luy depleut ce
 dolent departir, que oncques mot ne sceut
 dire tant empeschoient sa douce langue les
 larmes sourdantes du parfond de son cueur:
 au fort elle sappaisast quant elle vit que au-
 tre chose estre n'en pouuoit; et quant vint
 enuiron vng mois aprez le partement de
 son amy, desir luy eschauffa le cueur et si
 luy

luy vint ramenteuoir les plaisans passetemps
 quelle faulloit auoir dont la tres dure et
 tres mauldicte absence de son amy helas l'a-
 uoit pruee; le Dieu d'amours qui n'est ja-
 mais oyseux luy mist en bouche et en ter-
 mes les haults biens, les nobles vertus, et
 la tres grande beaulté d'vng marchant son
 voisin qui plusieurs fois auant et depuis le
 departement de son amy, luy auoit pre-
 senté la bataille, et concludre luy fist que sit
 retourne plus a sa requeste qu'il ne sen yra
 pas escondit mesmes sy la voyoit és rues,
 elle tiendra telles et si bonnes manieres qu'il
 entendra bien qu'elle en veult a luy: or
 vint il si bien que lendemain de ceste con-
 clusion a la premiere oeuvre, amour en-
 uoia nostre marchant deuers la patiente,
 et luy presenta comme par plusieurs fois
 auoit, chiens et oyseaux, son corps ses
 biens et plus de cent mille choses que ces
 abbatteurs de femmes scaient tout cour-
 rant et par cuer. Il ne fut pas escondit,
 car s'il auoit bonne volenté de combattre
 et faire armes, elle n'auoit pas mains de
 desir de luy fournir de tout ce que il voul-
 dra et durant que nostre gentil homme est
 en guerre, nostre gentil femme fournit et
 accomplit au bon marchant tout ce dont
 la

la request, et se plus eust osé demander
 elle estoit prestee de l'accomplir, et trouua en
 luy tant de bonne cheualerie, de proësse
 et de vertu quelle oubliä de tous les points
 son amy par amours, qui a ceste heure
 gueres ne s'en doubtoit. Beaucoup pleust
 aussi au bon marchand la courtoisie de sa
 nouuelle Dame et tant furent conjointes
 les vولentesz desirs et penfers de luy et
 d'elle, qu'ils n'auoient pour eulx deux que
 vng seul cueur. Si se penserent que pour le
 bien loger a leur aise il souffriroit bien d'vng
 hostel pour leur deux: si trouua vng four
 nostre gouge, et ses bagues avec elle, en
 l'hostel du marchand senallast en habandon-
 nant le premier son amy: son hoste, son
 hostesse, et foison d'autres gens de bien
 auxquels il l'auoit recommandée. et elle ne
 fut pas si folle quand elle se vit bien logée
 quelle ne dist incontinent a son marchand,
 qu'elle se sentoît grosse que en fut tres
 joyeux; et cuida bien que c'estoit de ses
 oeures. Au chief de sept mois ou enuiron
 nostre gouge fist vng beau fils dont le pere
 adoptif saccointa grandement et de la mere
 aussy. Aduint certaine espace apréz que le
 bon gentil homme retourna de la guerre et
 vint a Bruges, et au plustost qu'il peut hon-
 neste-

nestement prist le chemin vers le logis ou il laissa sa Dame, et luy venu leans la demanda a ceux que emprindrent la charge de la penser garder et ayder en sa geline. Comment dirent ils! esle ce que vous en scauez, et n'avez vous pas eu les lettres que vous furent escriptes. Nenny par foy dist il et quelle chose y a il? quelle chose sainte Marie dirent ils? nostre Dame c'est bien raison que on le vous die. Vous ne fustes pas party d'vng mois aprez, qu'elle ne trouffast pignes et miroirs et se allast boutter cy deuant en l'hostel d'vng tel marchant qui la tient a fer et a clou et de fait elle a porté vn beau filz et ageü leans, et la fait le marchant chrestienner, et si le tient a sien. Saint Jehan vecy aultre chose de nouveau, dist le bon gentil homme, mais au fort puis qu'elle est telle, au dyable soit elle. Je suis content que le marchant lait et la tienne, mais quant est de l'enfant je suis seur qu'il est mien si le vuëil rauoir, et sur ce mot part et s'en va heurter bien rudement a luis du marchant, de bonne aduenture sa Dame, que ce fut, vint a ce heurt qui ouure luis, comme toute de leans quelle estoit, quant elle vit son ami oublié et qu'il la congneust aussy, chascun fut esbahy. Non
 pourtant

pourtant luy demanda donc elle venoit en
 ce lieu, elle respondit que fortune luy auoit
 ameneé, fortune dist il et fortune vous y
 tienne, mais je vueille auoir mon enfant,
 vostre maistre aura la vache, mais j'auray
 le veau. Or me le rendez bientost, car je
 le veulx rauoir quoy quil en aduiegne. Helas
 ce dist la gouge que diroit mon homme, je
 ferois defaïcte, car il cuide certainement
 quil soit sien. Il ne men chauld dist l'autre
 die ce quil voudra, mais il n'aura pas ce
 qui est mien. Ha mon amy je vous requiers
 que vous laissez, et baillez c'est enfant icy
 a mon marchand, et vous me ferez grant
 plaisir et a luy aussy, et pardieu se vous l'a-
 uiez veu vous ne seriez ja pressé de l'auoir,
 c'est vng lait et ord. garson tout ron-
 gneux et contrefait. Dea dist l'autre tel
 quil est il est mien, et se le vueil ra-
 uoir; et parlez bas pour Dieu se dist la
 gouge, et vous appeaisez je vous en sup-
 plie, et vous plaise ceans laisser cest en-
 fant, et je vous prometz se ainsi le
 faïctes de vous donner le premier enfant
 que jamais j'auray; le gentil homme a
 ces motz jasoit qu'il fut couroucé ne
 ne se peult tenir de soubzrire et sans
 plus dire, de sa bonne Dame se partit,

Tom. I.

M

ne

178 LES CENT NOUVELLES

ne jamais ne redemanda ledict enfant.
Et encores le mourut celluy qui la mere
engrainga en l'absence de nostre dict gen-
til homme.

NOU-



NOUVELLE XXIII.
LA PROCUREUSE
 PASSE LA RAYE.

N Agueres qu'en la ville de Mons en Hay-
 nault va procureur de la cour dudit
 M 2 Mons

Mons assez sur aage et ja ancien, entre ses aultres Clercs auoit vng tres beau filz et gentil compaignon duquel sa femme a certaine espace de temps s'en amoura fort bien, et luy sembloit qu'il estoit mieulx taillé de faire la besongne que n'estoit son mary, et affin quelle esprouuast se son cuider estoit vray, elle conclud en soy mesmes quelle tiendra d'autres tels termes que fil n'est plus beste que vng asne, il se donra tantost garde qu'elle en veult a luy. Pour executer ce desir ceste vaillante femme jeune fresche et en bon point venoit souuent et menu, coudre et filer auprez de ce Clerc, et deuisoit avec luy de cent mille besongnes dont la pluspart tousjours enfin sur amours retournoient, et deuant ces deuises elle noubliapàs de le seruir d'aubades assez largement, vne fois le butoit du coude en escripuant, vne autre fois luy gettoit des pierres tant qu'il broüilloit ce qu'il faisoit, et luy failloit recommencer. Vng autre jour recommencoit ceste feste et luy ostoit papier et parchemin tant qu'il failloit qu'il laissast l'œuure dont il estoit très mal content, doubtant le courroux de son maistre, quelque semblant que la maistresse long temps luy eust monstre qui tiroit fort

au

au train de derriere, si luy auoient jeunesse
 et crainte les yeulx si bandez qu'en rien il
 ne s'apperceuoit du bien que on luy vou-
 loit. Neantmoins en la fin il apperceut quil
 estoit bien en grace, et ne demoura gueres
 aprez ceste deliberation que le procureur
 estant hors de l'ostel sa femme vint au Clerc
 bailler l'affault qu'elle auoit de coustume,
 voire trop plus aigre et plus fort que nulle
 foys de deuant, tant de ruer, tant de
 bouter, de parler, mesmes pour le plus despe-
 chier et bailler destourbier, elle respendit
 sur buffet, sur papier, sur robe, son cor-
 net a l'encre, et nostre Clerc plus congnois-
 sant et mieulx voyant que cy dessus faillit
 sur piez et assault sa maistresse et la reboute
 arriere de luy priant quelle le laissast escri-
 pre, et elle que demandoit estre assaillie et
 combattre, ne laissa pas pourtant l'entre-
 prinse encommencée. Scauez vous, luy a-
 dit le Clerc, Madamoiselle c'est force que
 ie acheue l'escript que j'ay encommencé.
 Si vous requier que vous me laissez paisible,
 ou par la mort bieu ie vous liureray castille, et
 que me feriez vous beau sire dist elle, la moë?
 nenny par Dieu, et quoy donc, quoy: voire
 quoy: pource dist il que vous auez respan-
 du mon cornet a l'encre, et auez broüillé

M 3

mon

mon escripture je vous pouray bien broüiller vostre parchemin, et afin que faulte d'encre ne m'empesche descrire, j'en pouray bien pescher dans vostre cornet. Parmoy dist elle vous en estes bien l'homme, et croyez que j'en ay grant paour. Je ne say quel homme dist le Clerc, mais je suis tel que se vous y esbatez plus vous passerez par la, et de fait vecy vne roye que je vous fais et par Dieu se vous la passez tant peu que ce soit se je vous faulx, ie vueil qu'on me tue et par ma foy dist elle ie ne vous en crains, et si passeray la roye, et puis verrez que vous ferez, et disant ces paroles marcha la druë, faisant le petit fault outre la roye bien auant, et le bon Clerc la prent aux grilz sans plus enquerre et sur son banc la ruë et creez qui la pugnît bien car elle l'auoit broüillé et il ne luy en fist pas mains, mais ce fut en autre facon car elle le broüilla par dehors et a decouuert et il la broüilla a couuert et par dedens. Or est il vray que la present y estoit vng jeune enfant de enuiron quatre on cinq ans fils de leans : Il ne faut pas demander s'aprez ces premieres armes de la maistresse et du Clerc il y eut plusieurs secrets remontrez a mains de parolles que les premiers. Il ne
vous

vous fault pas celer aussy que peu de jours
apréz ceste aduventure ledit petit enfant ou
comptoir estant ou nostre Clerc escripuoit.
Le Procureur et Maistre de leans suruint,
et marche auant pour tirer vers son Clerc
pour regarder qu'il escripuoit ou pour espoir
d'autre chose: Et comme il aprocha la roye
que son Clerc auoit faicte pour sa femme,
qui encores n'estoit pas effaceé son filz qui
cric et dist. Mon pere gardez bien que
vous ne passez ceste roye, car nostre Clerc
vous abatteroit et houspilleroit ainsi que fist
nagueres ma mere. Le procureur oyant son
filz et regardant la roye, si ne sceut que
penser car il se souuint que folz, yures et
enfans ont de coustume de verité dire, non
pourtant il ne fist pour ceste heure nul sem-
blant, et n'est encores point venu en ma
congnoissance se il diffiera la chose ou par
ygnorance ou par doubte desclandre &c.



NOUVELLE XXIV.

LA BOTTE

A' D E M I.

Soit ainſy que és Nouvelles deſſus dictes
les noms de ceulx et celles a qui elles
ont

ont touchié ou touchent ne soient mis et
 escripts si me donne appetit grant vouloir
 de nommer en ma petite ratelee le Conte
 Vaaleran en son temps Conte de saint Pol
 et appellé le beau Conte: Entre autres sei-
 gneuries il estoit seigneur d'vng villaige en
 la Chastellenie de lisle nommée Vrelenchen
 prez dudit Isle enuiron d'vne lieue. Ce
 gentil Conte de bonne et doulce nature
 estoit et sur tout son temps amoureux, oultre
 l'Enseigne il sceut au raport d'aucuns ses
 seruiteurs que en ce cas le seruoient, que
 audit Vrelenchen auoit vne tres belle fille
 gente de corps et en bon point. Il ne fut
 pas si paresseulx que assez tost aprez ceste
 nouuelle il ne se trouuaist en ce villaige et
 firent tant lesdits seruiteurs, que les yeulx
 de leur maistre confermerent de tous points
 leur raport touchant ladicte fille. Or ca
 qu'est il de faire dist lors le gentil Conte.
 C'est que je parle a elle entre nous deux
 seulement et ne me chault quil me couste.
 L'vng de ses seruiteurs docteur en son mestier
 luy dist Monseigneur pour vostre honneur
 et celuy de la fille ausy il me semble que
 mieux vault que je luy decouure toute l'em-
 busche de vostre volenté, et selon la res-
 ponse j'auray aduis de parler et pour suy-
 M s ure,

ure, comme l'autre dist, il fut fait; car il vint deuers la belle fille et tres courtoisement la salua, et elle que n'estoit pas mains saige et bonne que belle courtoisement luy rendit son salut. Pour abregier apréz plusieurs parolles d'acointance, le bon macquereau va faire vng grant premice touchant les biens et les honneurs que son maistre luy vouloit, et de fait se a elle ne tenoit elle feroit cause enrichir et honnorer tout son lignaige, la bonne fille entendist tantost quelle heure il estoit. Si fist la response telle quelle estoit, cest a scauoir belle et bonne: car au regard de Monseigneur le Conte elle estoit celle, son honneur sauue que luy voudroit obeir craindre et seruir en toutes choses, mais qui la voudroit requierir contre son honneur quelle tenoit aussi chier que sa vie, elle estoit celle qui ne le congnoissoit et pour qui elle feroit non plus que le cinge pour le mauuais. Qui fut esbahy et couroucé ceste response ouye ce fut nostre macquereau qui sen reuient deuers son maistre a tout ce qu'il auoit de poisson car a chair auoit il failly. Il ne faut pas demander ce le Conte fut mal content quant il sceut la tres fiere et dure response de celle dont il desiroit la cointance

et

et jouissance, et autant ou plus que nulle du monde. Tantost aprez si va dire. Or aurant laissons-la la pour ceste foys il m'en souuiendra quand elle cuidera qu'il soit oublié. Il se partit de la tantost aprez, et ny retourna que les six septmaines ne fussent passées, et quant il reuint ce fut si tres secrettement que nulle nouuelle ne fut tant simplement, et en tapinaige si trouua. Il fist tant par ses espies qu'il sceut que nostre belle fille soyoit de l'herbe au coing d'vng boys asseulé de toutes gens, il fut bien joyeux, et tout houzé encores qu'il estoit, se met au chemin deuers elle en la compaignie de ses espies, et quant il fut prez de ce quil queroit, il leur donna congié, et fist tant qu'il se trouua auprez de sa Dame sans ce qu'elle en sceust nouuelle sinon quant elle le veit. Selle fut bien esprinse et esbahie de se veoir faisie et tenuë de Monseigneur le Conte ce ne fut pas merueilles, meisme elle en changea couleur mïa semblant, et a bien peu en perdit la parolle, car elle scauoit par renommée qu'il estoit perilleux et noyseux entre femmes. Ha Dea Madamoiselle dist lors le gentil Conte qui se trouua scaysi, vous estes a merueilles fiere. On ne vous peult auoir sans siege. Or pensez bien de vous

vous deffendre car vous estes venuë a la bataille, et auant que de moy partez vous en ferez a mon vouloir et tout a ma deuise, des peines et trauaux que jay soufferts et endurés tout pour l'amour de vous. Helas Monseigneur ce dist la jeune fille toute esbahye et surprinse quelle estoit je vous crie mercy se jay dit ou fait chose qui vous desplaïse, vueillez le moy pardonner, combien que je ne pense auoir dit ne fait chose dont me doyez scauoir malgré. Je ne scay moy qu'on vous a raporté, on ma requise en vostre nom de deshonneur je n'y ay point adjousté de foy, car je vous tiens si vertueux que pour riens ne voudriez deshonnorer vne vostre simple subgecte comme je suis, mais la vouldriez bien garder. Ostéz ces pensées, ce dist Monseigneur, et foyez seure que vous ne meschapperez. Je vous ay fait monstrier le bien que je vous vueil et ce pourquoy ie enuoïay deuers vous, et sans plus dire la trouffe et prent entre ses bras, et dessus vn peu d'herbe mise en vng tas qu'elle auoit assembleé soudainement la coucha et fort roide l'accola, et vistemement faisoit toutes les preparatoires d'accomplir le desir qu'il auoit de pieca. La jeune fille
que

que se veoit en ce dangier et sur le point
 de perdre ce que en ce monde plus chier
 tenoit saduisa d'vng bon tour et dist ha
 Monseigneur ie me rends à vous ie feray
 ce qu'il vous plaira sans nul reffus ne con-
 tredit, foyez plus content de prendre de
 moy ce qu'en voudriez pour mon accord
 et volenté, que par force et maugré moy,
 vos parolles et vostre vouloir desordonné
 soient accomplis. Ha dea dist Monsei-
 gneur que vous meschappéz non ferez, que
 voulez vous dire. Je vous requier dist elle
 puis qu'il fault que vous obeisse, que vous
 me faictes ceste honneur que je ne soie
 faoullie de vos huseaux que sont gras et
 ors, et vous souffise du surplus et com-
 ment en pouroie faire ce dist Monseigneur.
 Je vous les osteray ce dist elle tres bien
 sil vous plaist car par ma foy ie nauroye
 cueur ne couraige de vous faire bonne chie-
 re avec ces paillards huseaulx: C'est peu
 de chose des huseaulx ce dist Monsei-
 gneur. Mais non pourtant puis quil vous
 plaist ilz seront ostez: et alors il abandon-
 na sa prinse et sassist dessus l'herbe et tend
 sa jambe, et la belle fille luy osta l'espe-
 ron et puis luy tire l'vng de ses huseaulx
 que bien estroyz estoient, et quant il fut
 enuiron

couron a moitié a quoy faire elle eu
 moult de peine, pource que tout a propos
 le tira de mauuais biays : elle part et s'en
 va tant que piedz la peuuent porter
 aider et soutenir de bon vouloir et la laissa
 le gentil Conte, et ne fina de courre tant
 quelle fut en l'hostel de son pere. Le bon
 seigneur qui se trouua ainsi deceu si enra-
 geoit et plus nen pouuoit, et qui a ceste
 heure l'eust veu rire jamais neust eu les
 fiebures. A quelque méchief que ce fut
 se mist sur piedz cuidant par marchier
 sur son housseau l'oster de sa jambe, mais
 c'est pour neant il estoit trop estroit si
 n'y trouua autre remede que de retour-
 ner vers ses gens. Il ne fut pas loing
 allé que tost ne trouua ses bons disciples,
 sur le bord d'un vag fosse que l'attendoient
 qu'ilz ne sceurent que penser quant ilz le
 virent ainsi atourné. Il leurs conta tout
 son cas et se fist rehoufer. Et que loyoir,
 celle qui la trompé ne seroit pas seulement
 en ce monde tant luy cuide et veur bien
 faire de desplaisir. Mais quelque vouloir
 qu'il eust pour lors et tant mal content
 qu'il fut pour ung temps, toutesfois
 quant il fut ung peu refroidy pour son
 courroux fut conuerty en cordial amour. Et
 qu'il

qu'il soit vray depuis a son pourchas et a ses
chiers coustz et dépens il la fist marier tres
richement et bien alla contemplacion seule-
ment de la franchise et loyaulté qu'en elle
auoit trouué dont il eut la vraye congnois-
sance par le reffus cy dessus compté.

NOU.



NOUVELLE XXV.

F O R C E' E

D E G R E'

LA chose est si fresche et si nouvelle-
ment aduenüe dont je vueil fournir ma
nouuelle

nouvelle que je ne puis ne tailler ne oster.
 Il est vray que au Quesnoy vint vne tres
 belle fille nagueres au Preuost soy com-
 plaindre de force et violence en elle perpe-
 trée et commise par le vouloir desordonné
 d'un Compaignon. Ceste complainte au
 Prevost faicte le Compaignon encusé de ce
 crime fut en leure prins et saisy et au dit
 du commun peuple ne valoit gueres mieulx
 que pendu au Gibet, ou sans teste sur vne
 Rouë mis emmy les champs. La fille voyant
 ce, sentant celluy dont elle se douloit em-
 prisonné poursuiuoit rudement le Preuost
 qu'il luy en fist Justice, disant que outre
 son gré et vouloir violement et par for-
 ce l'auoit deshonnouré. Et le Preuost
 homme discret et faige et en justice tres
 expert, fist assembler les hommes et puis
 manda le prisonnier, et aincoys qu'il le fist
 venir deuant les hommes desja tous prests
 pour le juger s'il confessoit par gehaine ou
 autrement l'horrible cas dont il estoit
 chargié, parla a luy a part et si l'adjura de
 dire verité. Vecy telle femme, dist il, qui
 de vous se complaint tres fort de force, est
 il ainsi, l'auéz vous efforcée, gardez que
 vous dictes verité, car se vous faillez vous
 estes mort, mais se vous dictes verité on

Tom. I.

N

vous

vous fera grace. Par ma foy, Monseigneur le Preuost, dist le prisonnier, ie ne vueil pas nyer ne celer que je ne laye pieca requise de son amour et de fait deuant hyer aprez plusieurs parolles ie la ruay sur vng liêt pour faire ce que vous scauez, et luy leuay robe, pourpoint et chemise, et mon furon qui n'auoit jamais hanté leurier ne scauoit trouuer la duyère de son conuil, et ne faisoit que aller ca et la, mais elle par sa courtoisie luy dressa le chemin, et a ses propres mains le bouta tout dedens. Je croy trop bien qu'il ne partit pas sans proye, mais qu'il y eut autre force, par mon serment, non eust. Est il ainsi dist le Preuost; ouy par mon serment dist le bon Compaignon. Or bien dist il, nous en ferons tres bien. Apres ces parolles le Preuost se vient mettre en siege pontifical a dextre enuironné de ses hommes, et le bon Compaignon fut mis et assis sur le petit banc ou parquet. Ce voyant tout le peuple et celle qui l'accusoit aussy. Or sa ma mye dist le Preuost que demandez vous a ce prisonnier. Monseigneur le Preuost, dist elle, je me plains a vous de la force que il ma fait, car il ma violleé outre mon gré et voutenté et malgré moy dont je vous demande Justice. Que respondes vous
mon

mon amy dist le Preuost au prisonnier. Monseigneur, dist il, vous ay ia dist comment il en va et je ne pense pas qu'elle die au contraire. Ma mye, dist le Preuost, regardez bien que vous dictes et que vous faictes de vous plaindre de force, c'est grant chose, vecy qu'il dist qu'il ne vous fist oncques force, mesmes auez esté consentante, et a peu prez requerante de ce qu'il a fait. Et qu'il soit vray, vous mesmes adressastes et mistes son furon qui s'esbattoit a l'entour de vostre terrier. Et a vos deux mains ou a toute l'vne tout dedens vostre dit terrier le mistes. Laquelle chose il n'eust peu faire sans vostre aide. Et se vous y eussiez tant soit peu resisté, jamais n'en fust venu a chief. Se son furon a fouragé l'hostel il n'en peult mais, car dez lors qu'il est au terrier ou duyers il est hors de son chasty. Ha Monseigneur le Preuost, dist la fille plaintive, comment l'entendez vous. Il est vray je ne vueille pas nyer que voirement j'adressay son furon et le boutay en mon terrier mais pourquoy fut ce. Par mon serment, Monseigneur, il auoit la teste tant roide et le museau tant dur que je scay tout vray qu'il m'eust fait vng grant perthuis ou deux ou trois ou ventre, si je ne l'eusse bien en

haste boutté en celluy qui y estoit dauantage et vela pourquoy le le feis. Pensez qu'il y eut grande risee apres la conclusion de ce procez , de ceux de la Justice et de tous les assistans , et fut le Compaignon deliuré promettant de retourner a ces journées quant sommé en seroit , et la fille s'en alla bien couroucéé que on ne pendoit tres bien hault en haste celluy que auoit pendu a ses basses fourches : mais le courroux ne sa rude poursuite ne dura gueres , car a ce qu'on me dit , tantost apres par bons moiens la paix entre eulx si fut trouuée , et fut abandonné au bon Compaignon garenne conniere et terrier toutesfois que chasser y voudroit.

NOU-



NOUVELLE XXVI.

LA DEMOISELLE

CAVALIERE.

EN la Duché de Breban nâ pas long
 temps que la memoire n'en soit fret-
 che

N 3

che et presente a ceste heure aduint vng cas digne de reciter. Et pour fournir vne nouuelle ne doibt pas estre reboutté, et affin qu'il soit enregistre et en appert congneu et declairé, il fut tel. A l'hostel du grant Baron dudit Pays demouroit et residoit vng jeune gent et gracieux gentil homme nommé Girard qui s'enamoura tres fort d'une Damoiselle de leans nommée Catherine, et quant il vit son coup il luy osa bien dire son gracieux et piteulx cas. La responce qu'il eut de prins fault plusieurs la peuuent scauoir et penser laquelle pour abregier ie trespasse. Et viens a ce que Girard et Catherine par succession de temps s'entraymerent tant fort et si lealement qu'ils n'auoient que vng seul cueur et vng mesme vouloir. Ceste entiere leale et parfaite amour ne dura pas si peu que les deux ans ne furent accomplis et passez, puis aprez certaine piece amours que ben-de les yeulx de ses seruiteurs les boucha si tres bien que la ou ilz cuidoiient le plus secrettement de leurs amoureux affaires conclure et deuiser, chascun s'en apparceuoit et ny auoit homme ne femme a l'hostel qui tres bien ne s'en donna garde, mesme fut la chose tant escrié que on ne parloit

loit par leans que des amours Girard et Catherine. Mais hélas les pources aueugles cuidoyent bien seuls estre empeschiez de leurs besoignes, et ne se doubtoient gueres qu'on tenist conseil ailleurs qu'en leur presence, ou le troisieme de leur gré n'eust pas esté receu, sans leur propos changer ne transmuier. Tant au pourchas d'aucuns mauldicte et detestables enuieux que pour la continuelle noise de ce qui rien ou peu leurs touche vint ceste maniere a la congnoissance du maistre et de la maistresse de ceulx amants, et d'yceulx s'espandit et faillit en audience du Pere et de la Mere de Catherine. Si luy en cheut si tres bien que par vne Damoiselle de leans sa tres bonne Compaigne et amye elle fut aduertie et informée du long et du large de la descouuerture des amours Girard et d'elle, tant a Monseigneur son Pere et Madame sa Mere, que a Monseigneur et a Madame de leans. Hélas qu'est il de faire ma bonne sueur et ma mye dist Catherine a une de ses Compaignes. Je suis femme destruite puis que mon cas est si manifeste que tant de gens le scaient et en deuient. Conseillez moy ou je suis femme perdue et plus que une autre desolée, et mal fortunée.

N 4

Et

Et a ces motz larmes a grant tas faillirent de ses yeulx et descendirent au long de la belle et claire face jusques bien bas sur sa robbe. La bonne Compaigne ce voyant fut tres marrie et desplaisante de son ennuy , et pour la conforter luy dist ma sueur c'est folle de menner tel dueil et si grant , car on ne vous peut Dieu mercy reprocher de chose qui touche vostre honneur , ne celle de vos amys , se vous auez entretenu vng gentil homme en cas d'amours ce n'est pas chose deffendue en la court d'honneur , mesmes est la sante et vraye adresse de y paruenir , et pource vous n'aez cause de douloir , et n'est asme viuant qui a la verite vous en puisse , ou doieue chargier ; mais toutesfois il me sembleroit bon pour estaindre la noise de plusieurs parolles que courent aujourdhny a l'occasion de vosdictes amours , que Girard vostre seruiteur sans faire semblant de riens , print vng moult gracieux congie de Monseigneur et de Madame coulourant son cas. Ou aussy d'aller en vng loingtain voiage ou en quelque guerre apparente et soubz ceste ombre s'en allast quelque part soy rendre en vng bon hostel attendant que Dieu et amours auront dispose sur vos besoins ,

soignes , et luy arresté vous face scauoir de son estat et par son mesme messaige luy ferez scauoir de vos nouuelles , et par ce point s'appaisera le bruit qui court a present , et vous entreaymerez et entretiendrez l'vng et l'autre par liaison attendant que mieulx vous vienne , et ne pensez point que vostre amour pourtant doiue cesser mesme de bien en mieulx si maintiendra , car par longue espace vous n'auiez eu rapport ne nouuelle chascun de sa partie que par la relacion de vos yeulx que ne sont pas les plus heureux de faire les plusseurs jugemens , mesmes a ceux que sont tenus en lamoureux seruaige. Le gracieux et bon conseil de ceste gentil femme fut mis en oeuvre et a effet. Car au plus tost que Catherine sceust trouuer la facon de parler a Girard son serviteur elle en bref luy conta comment lembusche de leurs amours estoit descouuerte et venuë desja a la congnissance de Monseigneur son Pere de Madame sa mere , et de Monseigneur et de Madame de leans. Et creez dist elle auant que il soit venu si auant ce na pas esté sans poser grants langaiges au pourchas des rapporteurs deuant tous ceux de leans et de plusieurs voisins , et pource que for-

N 5

tune

tune ne nous est pas si amye de nous auoir permis longuement viure si glorieusement en nostre estat encommencé, et si nous menace, aduise, forge et prepare encores plus grants destourbiers se ne pouruions a lencontre; il nous est mestier vtile et necessité d'auoir aduis bon et hastif et pource que le cas beaucoup me touche, et plus que a vous quant au dangier que fourdre en pouroit, sans vous dedire je vous diray mon opinion. Lors luy vas compter de chief en bout lauertissement et conseil de sa bonne Compaigne; Girard desja vng peu aduertty de ceste mauldicte aduventure plus desplaisant que se tout le monde fut mort, mis hors de sa Dame, respondit en telle maniere. Ma lealle et bonne Maistresse, vecy vostre humble et obeissant seruiteur qui aprez Dieu n'ayme rien en ce monde si loyaulment que vous et suis celuy a qui vous pouuez ordonner et commander tout ce que bon vous semble, et qui vous vient a plaisir, pour estre lyement et de bon cueur sans contredit obeye: mais pensez quen ce monde ne me pourra pis aduenir quant il fauldra que je esloigne vostre tres desiree presence. Helas s'il fault que je vous laisse il m'est aduis que les

pre-

premières nouvelles que vous aurez de moy ce sera ma dolente et piteuse mort adjugée et exécutée accusée de vostre eslonger, mais quoy que ce soit, vous estes celle et seule vivante, que ie vueil obeir et aymer trop plus chier la mort en vous obeissant, que en ce monde viure, voire et estre perpetuel, non accomplissant vostre noble commandement. Vecy le corps de celuy qui est tout vostre. Taillez, rongnez, prenez, ostez et faictes tout ce qu'il vous plaist. Se Catherine estoit marrie, desplaisante, oyant son seruiteur quelle aymoit plus loyaument que nul autre, le voyant ainsi plus troublé que dire on ne le vous pouroit, il ne le fault que penser et non enquerre et se ne fust pour la grant vertu que Dieu en elle n'auoit pas oublié de mettre largement et a comble, elle se feust offerte de luy faire compagnie en son voyage; mais esperant que quelque jour recouvrera a ce que très malheureusement faillit, le retira de ce propos: Et certaine piece apres si luy dist mon amy c'est force que vous en allez: si vous prie que vous n'oubliez pas celle qui vous a fait le don de son cuer, et affin que vous ayez le couraige de mieux soustenir la tres horrible bataille.

taille que raison vous liure et amaine a
 vostre douloureux partement encontre
 vostre vouloir et desir , ie vous pro-
 metz et asseure sur ma foy que tant que
 je viue aultre homme n'auray a espoux
 de ma volenté et bon gré que vous,
 voire tant que vous me foyez leal et
 entier comme jespoire que vous ferez
 et en aprobacion de ce je vous donne
 ceste verge qui est d'or esmaillé de lar-
 mes noires, et se adventure on me vou-
 loit ailleurs marier , ie me deffendray
 tellement et tiendray telz termes que vous
 deuerez estre de moy content , et vous
 monstreray que je vous vueille tenir
 sans faulser ma promesse. Or je vous
 prie que tantost que vous ferez arresté
 ou que ce soit que vous mescripuez de
 vos nouuelles , et je vous en rescrip-
 ray des miennes. Ha ma bonne Mai-
 stresse dist Girard : Or voys ie bien qu'il
 fault que je vous abandonne, pour vne
 espace. Je prie a Dieu qu'il vous doint
 plus de bien , et plus de ioye qu'il
 ne m'appert en auoir. Vous m'auez
 fait de vostre grace non pas que i'en
 soye digne vne si haulte et honorable
 promesse que n'est pas en moy de vous
 en

en scauoir seulement et suffisamment mercier. Et encores 'ay ie le pouuoir de le defferuir, mais pourtant ne demeure pas que ie n'en aye la congnoissance et si vous ose bien faire la pareille promesse vous suppliant tres humblement et de tout mon cueur que mon bon et leal vouloir me soit reputé de tel et aussi grant merite que s'il partoit de plus homme de bien que moy. Et adieu Madame, mes yeulx demandent a leur tour audience qui coupent a ma langue son parler, et a ces motz la baïsa et elle luy très terrément et puis sen allerent chascun en sa chambre plaindre ses douleurs; Dieu scait s'ilz ploroient des yeulx du cueur et de la teste. Au fort l'heure qu'il se conuint monstrier chascun s'efforça a faire aultre chiére de semblant et de bouche que le desolé cueur ne faisoit. Et pour abregier Girard fist tant en peu de jours qu'il obtint congié de son maistre qui ne luy fut pas par trop difficile a impetrer, non pas pour faulte qu'il eust faicte, mais a l'occasion des amours de luy et de Catherine dont les amis d'elle estoient mal contens, pourtant que Girard n'estoit pas de si grant lieu ne de si grant richesses comme elle estoit, et pource doubtoient qu'il ne la fiancast,

ainsi

ainsi n'en aduint pas et si se partit Girard; et fist tant par les journées qu'il vint ou Pays du Barroys et trouua retenance a l'hostel d'vng grant Baron du Pais et luy arresté tantoist manda et fist scauoir a la Dame de ses nouuelles qui en fut tresjoyeuse, et par son messagier mesmes luy rescripuit de son estat et du bon vouloir qu'elle auoit et auroit vers luy tant qu'il voudroit estre loyal. Or vous fault il scauoir que tantoist que Girard fust party du Pais de Breban plusieurs gentils hommes Escuyers et Cheualiers se vindrent accointer de Catherine desirans sur toutes autres sa bienueillance et sa grace que durant le temps que Girard seruoit et estoit present ne se monstroient ne s'apparoient scachans de vray qu'il alloit deuant eulx a l'offrande. Et de fait plusieurs la requirent a Monseigneur son Pere de l'auoir en mariage et entre autres luy aduint vng qui luy fut agreable. Si manda plusieurs de ses amys et sa belle fille aussy et leurs remonstra comment il estoit desja ancien, et que vng des grants plaisirs qu'il pouroit en ce monde auoir ce seroit de veoir sa fille en son viuant bien alliee. Leurs dist au surplus, vng tel gentil homme m'a fait demander ma fille le me semble

tres

tres bien son fait et se vous me le conseillez et ma fille me vueil obeir il ne sera pas escondit en sa tres honnourable requeste. Tous ses amis et parens loüerent et accorderent beaucoup ceste alliance, tant pour les vertus et richesses que aultres biens dudit gentil homme. Et quant vint a scauoir la vouldenté de la bonne Catherme elle se cuida excuser de non soy marier remonstrant et alleguant plusieurs choses dont elle le cuidoit desarmer et eslongier le mariage, mais en la fin elle fut a ce meneé que selle ne vouloit estre en la male grace de Pere de Mere, de parens d'amis, de maistre de maistresse, quelle ne tiendrait point la promesse qu'elle a faite a Girard son seruiteur. Si s'aduisa d'vng tres bon tour pour contenter tous ses parens sans enfreindre la loyauté qu'elle veult a son seruiteur et dist: Mon tres redouté seigneur et pere je ne suis pas celle que vous vouldroye en nulle maniere du monde desobeir voire sans la promesse que je auroye fait a Dieu mon Createur de qui ie tiens plus que de vous. Or est il ainsi que ie m'estoie resoluë en Dieu et proposay et promis en mon cueur auoye, non pas de jamais moy marier, mais de ce non faire encores ne encores, attendant que par sa
grace

grace me voulsist enseigner cest estat ou
 aultre plus seur pour sauuer ma pource
 ame: Neantmoins pource que je suis celle
 que pas ne vous vueil troubler ou je puisse
 bonnement a lencontre, je suis tres bien
 contente d'emprendre l'estat de mariage ou
 aultre tel qu'il vous plaira. Moyennent qu'il
 vous plaie moy donner congé de aincoys
 faire vn pelerinaige a saint Nicolas de Va-
 rengeuille, lequel j'ay voué et promis auant
 que jamais je change l'estat ou je suis, et ce
 dist elle affin qu'elle peust veoir son serui-
 teur en chemin et luy dire comment elle
 estoit forceé et mené contre son voeu. Le
 pere ne fut pas moyennement joyeux de
 oüyr le bon vouloir et la saige responce de
 sa fille. Si luy accorda sa requeste et preste-
 ment voulut disposer de son partement. Et
 disoit desja a Madame sa femme, sa fille
 presente nous luy baillerons vng tel gentil
 homme, vng tel et vng tel: Ysabeau Mar-
 guerite et Jehanneton c'est assez pour son
 estat. Ah Monseigneur, dist Catherine, nous
 ferons autrement s'il vous plaist. Vous
 scauez que le chemin de saint Nicolas n'est
 pas bien seur, mesmement pour gens qui
 menent estat et conduisent femmes et a
 quoy on doibt bien prendre garde: je n'y
 pourroie

pourroie auffi aller fans grosse depence et
aussi c'est vne grande voie, et s'il nous adue-
noit meschief de estre prins ou destrouffez
de biens ou de nostre honneur, que ia Dieu
ne vüeil, ce seroit vng merueilleux desplaisir,
Si me sembleroit bon, sauue toutesfois vostre
bon plaisir, que me fissiez faire vng habille-
ment d'homme et me bailliaffiez en la con-
duite de mon oncle le bastard, chacun mon-
té sur vn petit cheual. Nous yrions plus seu-
rement, et a mains de despens, et se ainsi
le vous plaist je l'entreprendray plus hardi-
ment que d'y aller en estat. Ce bon Sei-
gneur pensa vng peu sur l'aduis de la fille, en
parla a Madame, si leur sembla que l'ouuer-
ture qu'elle faisoit luy partoist d'vng grant
sans et d'vng tres bon vouloir, si furent ses
choses prestes et ordonnees tantost pour
partir, et ainsi se mirent au chemin la belle
Catherine, et son oncle le bastard sans aul-
tre compaignie, habillez a la facon d'ale-
magne bien et gentement estoient et firent
tant par leurs journées que leurs pelerinai-
ges voire de saint Nicolas fut accompli. Et
comme ils se mettoient au retour, louians
Dieu qu'ils n'auoient encores eu que tout
bien, et deuifans d'aultres plusieurs choses
Catherine a son oncle va dire; Mon oncle

Tom. I.

O

mon

mon amy vous sçauuez qu'il est en moy, la mercy Dieu, qui suis seule heritiere de Monseigneur mon Pere, de vous faire beaucoup de biens, laquelle chose ie feray volentiers quant a moy sera, se vous me voulez seruir en vne menuë queste que j'ay entreprise. C'est d'aller a l'Hostel d'vng Seigneur de Barrois quelle luy nomma, veoir Girard que vous sçauuez, et afin que quant nous reuiendrons, puisse compter quelque chose de nouveau nous demanderons leans retenance, et se nous la pouuons obtenir nous y serons pour aucuns jours et verrons le pays, et ne faictes nulle doubte que je n'y garde mon honneur comme vne bonne fille doit faire. L'Oncle esperant que mieulx luy en sera cy aprez, et qu'elle est si bonne qu'il ny fault ja guet sur elle, fut content de la seruir, et de l'accompaigner en tout ce quelle voudra; s'il fut beaucoup mercie n'en doubtez, et deslors conclurent qu'il appelleroit sa niepce Conrard. Ilz vindrent assez tost comme on leurs enseigna ou lieu desiré, et s'adresserent ou Maistre d'hostel du Seigneur que estoit vng ancien Escuyer qui les receust comme estrangers tres lyement et honnorablement. Conrard luy demenda se Monseigneur son maistre ne voudroit pas seruice d'vng jeune gentil homme

homme qui queroit aduventure et deman-
 doit a veoir pays. Le Maistre d'hostel deman-
 da dont il estoit, et il dist que il estoit, de
 Breban. Or bien dist il vous viendrez
 disner leans et aprez disner i'en parleray
 a Monseigneur Il les fist tantost condui-
 re en vne belle Chambre et enuoya couvrir
 sa table, et faire vng tres beau feu et ap-
 porter la soupe et la piece de mouton et le
 vin blanc attendant le disner. Et s'en alla
 deuers son Maistra et luy compta la venue
 d'vng jeune gentil homme de Breban qu'il
 le voudroit bien seruir, se le Seigneur estoit
 content et si luy semble que ce soit son
 fait. Pour abregier tantost qu'il eust serui
 son maistre, il s'en vint deuers Conrard
 pour luy tenir compaignie au disner, et avec
 luy amena pource qu'il estoit de Breban le
 bon Girard dessus nommé, et dist a Con-
 rard vcey vng gentil homme de vostre pays,
 il soit le tres bien trouué ce dist Conrard,
 et vous le tres bien venu ce dist Girard,
 mais creéz qu'il ne reconnut pas sa Dame,
 mais elle luy tres bien, durant que ces accoin-
 tances se faisoient, la viande fut apportée, et
 assis en prez le maistre d'hostel chascun en sa
 place. Ce disner dura beaucoup a Conrard,
 esperant aprez d'auoir de bonne deuises.

avec son seruiteur, pensant aussi qu'il la recongnoistra tantost, tant a sa parolle comme aux responses qu'il luy fera de son pays de Breban ; mais il alla tout autrement. Car oncques durant le disner le bon Girard ne demandoit après homme ne femme de Breban dont Conrard ne scauoit que penser. Ce disner fut passé et après disner Monseigneur retint Conrard en son seruice, et le Maistre d'hostel trescient homme ordonna que Girard et Conrard pource qu'ilz sont tous d'vng pays auroient chambre ensemble. Et après ceste retenue, Girard et Conrard se prirent a bras, et s'en vont veoir leurs cheuaux, mais quant au regard de Girard, s'il parla oncques, ne demanda rien de Breban. Si se print fort a doubter la pource Conrard, c'est ascauoir la belle Catherine, qu'elle estoit mise avec les pechiez oubliez, et que fil en estoit rien a Girard il ne se pourroit tenir, qu'il n'en demandast, ou aumoins du Seigneur ou de la Dame ou elle demouroit. La pource estoit sans gueres le monstrier en grant destresse de cuer, et ne scauoit lequel faire, ou de soy encores celer, et de l'esprouuer par subtiles parolles, ou de soy prestement faire congnoistre. Au fort elle s'arresta que encores
demourera

demourera Conrard et ne demandera Catherine se Girard ne tient aultre maniere. Ce soir se passe comme le disner et vindrent en leur chambre Girard et Conrard parlans de beaucoup de choses; mais il ne venoit nulz propos en termes que gueres pleussent audit Conrard. Quant il vit qu'il ne disoit rien, se on ne luy mer en bouche; elle luy demanda de quelz gens il estoit de Breban, et comment il estoit la venu, et comment on se portoit audit pays de Breban depuis qu'elle ny auoit esté, et il en respondit tout ce que bon luy sembla. Et congnoissez vous pas, dist elle vng tel, Seigneur et vng tel? Saint Jehan ouï dist il au dernier, elle luy nomma le Seigneur, et il dist qu'il le congnoissoit bien sans dire qu'il y eust demouré, ne aussi que jamais en sa vie y eut esté. On dist, se dist elle, qu'il y a de belles filles leans, en congnoissez vous nulles, bien peu dist il, et aussi il ne m'en chault, laissez moy dormir je meurs de sommeil. Comment, dist elle, pouuez vous dormir, puis que on parle de belles filles, ce n'est pas signe que vous soyez amoureux? Il ne respondit mot, mais s'endormit comme vng pourceau, et la pource Catherine se doubta tantost de ce qui estoit; mais elle conclud qu'elle l'esprouuera plus auant.

Quant vint a lendemain chascun faillit parlant et deuissant de ce que plus luy estoit ; Girard de chiens et doyseaux et Conrard de belles filles de leans et de Breban. Quant vint après disner Conrard fist tant qu'il destourna Girard des aultres, et luy va dire que le pays de Barrois desja luy desplaisoit tres fort, et que vrayment Breban est toute aultre marche, et en son langaige luy donna assez a congnoistre que le cueur luy tiroit fort deuers Breban. Auquel propos, ce dist Girard, que voyez vous en Breban qui n'est icy, et n'aez vous pas icy tant et si largement de belles forets pour la chasse, les belles riuieres et les plaines tant plaisantes qu'a souhaitter pour le desduyt des oyseaulx et tant de gibier et aultres. Encores n'est ce riens ce dist Conrard, les femmes de Breban sont bien aultres qui me plaisent bien autant et plus que vos chasses et volieres. Sair Et Jehan cest aultre chose, se dist Girard, vous y seriez hardiment amoureux en vostre Breban, je l'oz bien. Et par ma foy, se respondit Conrard, il n'est ja mestier que vous soit celé ; car je suis amoureux voirement. Et a ceste cause me y tire le cueur tant rudement et si fort, que je fais doubte que force me sera d'abandonner vng jour vostre

Barroys,

Barroys; car il ne me fera pas possible a la
 longue de longuement viure sans voir ma
 Dame. C'est folie donc, se dist Girard, de l'a-
 uoir laissée se vous vous sentiez si incon-
 stant. Inconstant mon amy. Et ou est ce-
 luy qui peult mestrier loyaulx amoureux?
 Il n'est si saige ne si aduisé que saiche seure-
 ment conduire. Amours bannit souuent de
 ces seruans et sens et raison. Ce propos
 sans plus auant le desduire se passa et fut
 heure de souper, et ne se ratelerent point au
 deuiser tant qu'ils furent au liēt couchez.
 Et creéz que de par Girard jamais n'estoit
 nouuelles que de dormir, se Conrard ne l'eust
 assailly de procéz, qui commença vne piteu-
 se longue et douloureuse plainte après sa
 Dame que ie passe pour abregier. Et si, dist
 il en la fin, hélas Girard comment pouuez
 vous auoir enuie ne fain de dormir auprez
 de moy, qui suis tant esueillé, que nayesperit
 que ne soit plain de regretz, d'ennuy et de
 soucy; c'est merueilles que vous n'en estes
 vng peu touchie, et croyez ce c'estoit ma-
 ladie contagieuse, vous ne seriez pas seure-
 ment si prez sans auoir des esclabotures?
 Hélas! si ie ne vois bien brief ma Dame par
 amours, je ne vis jamais si fol amoureux
 dist Girard, et pensez vous que je n'aye
 O 4 point

point esté amoureux. Certes ie scay bien que c'est, car jay passé par là comme vous, certes si ay, mais je ne fus oncques si enraigé que d'en perdre le dormir ni la contenance comme vous faiëtes maintenant; vous estes beste, et ne prise point vostre amour vng blanc. Et penséz vous qu'il en soit autant a vostre Dame? Nenny, nenny. Je suis tout sur que si, ce dit Conrard, elle est trop loyalle pour m'oublier, ha dea vous direz ce que voudrez ce dit Girard, mais ie ne croiray ja que femmes soient si lealles que pour tenir telz termes et ceulx qui le cuident sont parfaits coquarts. Jay aymé comme vous et encores en aymes bien vne, et pour vous dire mon fait je partis de Brebana l'occasion d'amour et a leure que ie partis i'estoye bien en la grace d'une tres belle bonne et noble fille que je laissay a tres grant regret, et me despleust beaucoup par aucuns peu de jours d'auoir perdu sa presence, nompas que i'en laissasse le dormir ne boire ne menger comme vous. Quant ie me veis ainssi d'elle eslongié ie voulus vser pour remede du conseil de Ouide car je n'eus pas sitost l'accointance et entree leans que ie ne prinse vne des belles que y soit, et ay tant fait la

Dieu

Dieu mercy, qu'elle me veult beaucoup de bien, et ie l'ayme beaucoup aussi, et par ce point me suis dechargié de celle que parauant aymoye, et ne men est apresent non plus que de celle que oncques ne vis tant m'en a rebouté ma Dama de present. Et comment ce dist Conrad est il possible se vous aymiez bien l'autre que vous la puissiez sitost oublier ne abandonner? Je ne le scay entendre moy ne concepuoir comment il se peut faire. Il s'est fait toutesfois entendés le se vous scaues, ce n'est pas bien gardé loyaulté, ce dist Conrad. Quant a moy j'aymeroye plus cher mourir mille fois le possible m'estoit que d'auoir fait a ma Dame si grande faulseté, et ia Dieu ne me laisse tant viure que j'aye non pas le vouloir seulement, mais vne seule pensée de jamais aymer ne prier autre quelle. Tant estes vous plus beste ce dist Girard, et se vous maintenez ceste folie jamais vous n'aurez bien et ne ferez que songier et musier et secherez sur terre comme la belle herbe dedens le four, et serez homicide de vous mesmes; et si n'en aurez ia gré, mesmes vostre Dame n'en fera que rire se vous estes si heureux qu'il vienne a sa congnoissance; Comment ce dist Conrad, vous scauez

O 5

d'amours

d'amours bien auant, je vous requiers dont que vueillez estre mon moyen leans ou autre part, que je face ma Dame par amours assaouvoir mon, se je pourroie guerir comme vous. Je vous diray ce dist Girard, je vous feray demain deuiler a ma Dame, et aussy je luy diray que nous sommes Compaignons et qu'elle face vostre besongne a sa Compagne, et ie ne doubte point, se vous voulez, que encores nayons du bon temps, et que bien brief se passera la resuerie qui vous affole voire se a vous ne tient; se ce n'estoit pour faulser mon serment a ma Dame je le desiroye beaucoup ce dist Conrard; mais au fort i'essayeray comment il m'en prendra, et a ces motz se retorna Girard, et s'endormit et Catherine estoit de mal tant oppressée voyant et oyant la desloyaulté de celluy qu'elle aymoit plus que tout le monde, quelle se souhaittoit morte. Non pourtant elle se appaise et adossa la tendreur feminine, et s'adouba de virile vertu. Car elle eut bien la constance de lendemain longuement et largement deuiler avec celle qui par amours aymoit ce-luy au monde que plus chier tenoit, mesmes forca son cueur, et ses yeulx fist estre notaires de plusieurs et maintes entretene-

nances

nances a son tres grant et mortel prejudi-
 ce. Et ainsi comme elle estoit en parolles
 avec sa Compaignie elle aperceut la verge
 que au partir donna a son desloyal Serui-
 teur qui luy perceut les douleurs, mais elle
 ne fut pas si folle, non pas par conuoitise
 de la verge, que'elle ne trouua vne gracieuse
 facon de la regarder et boutter en son doy,
 et sur ce point comme non y pensant se part
 et sen va, et tantost que le soupper fut pas-
 sé, elle vint a son Oncle et luy dist nous
 auons assez esté en Barroys, il est temps
 de partir soyez demain prest au point du
 jour, et aussi seray ie. Gardez que tout no-
 stre bagaige soit bien attinté Venez si ma-
 tin qu'il vous plaist, il ne vous fauldra que
 monter respondist l'oncle. Or deuez vous
 scauoir que, tandis puis soupper que Girard
 deuisoit avec sa Dame, celle qui fût s'en vint
 en sa chambre et se met a escrire vnes Let-
 tres qu'ilz narroient tout du long et du lar-
 ge les amours d'elle et Girard, comme les
 promesses qui s'entrefirient au partir, com-
 ment on l'auoit vouluë marier, le refus
 qu'elle en fist, et le pelerimaige qu'elle entre-
 print pour sauuer son serment, et se rendre
 à luy. La desloyaulté dont elle la trouué
 garny tant de bouche comme de oeuure et
 de

de fait, et pour les causes dessus dictes elle se tient pour acquittée et desobligée de la promesse qu'elle jadis luy fist et s'en va vers son pays, et ne le quier point jamais ne voir ne rencontrer, comme le plus desleal qu'il est qui jamais priaist femme, et si emporte la verge qu'elle luy donna qu'il auoit desja mise en main sequestre. Et si se peult vanter, qu'il a couchié par troys nuyts au plus prez d'elle, s'il y a que bien, si le die, car elle ne le craint; escript de la main de celle dont il peut bien congnoistre la Lettre et au dessous Catherine; &c. surnommée Conrard et sur le dos au desleal Girard &c. Elle ne dormit gueres la nuyt et aussitost que on vit du jour elle se leua tout doucement, et s'habilla sans que oncques Girard s'esueilla et prent sa lettre quelle auoit bien close et fermée et la boute en la manche du pourpoint de Girard et a Dieu le commanda tout en basset en plourant tendrement pour le grant dueil quelle auoit du tres faulx et mauuais iour qu'il luy auoit jouié. Girard dormoit qui riens ne respondit; elle s'en vient deuers son oncle qui luy bailla son cheual, et elle monte et puis tirent pays tant qu'ilz vindrent en Breban, ou ilz furent reçeus joyeusement, Dieu

Dieu le scait. Et pensez que leurs fut bien demandé des nouvelles et aduentures de leurs voyages, comment ils sy estoient gouuernez, mais quoy quils respondissent ils ne se vanterent pas de la principale. Pour parler comment il aduint a Girard, quant vint le jour du partement de la bonne Catherine, enuiron dix heures il s'esueilla et la regarda que son Compagnon Conrard estoit ia leué, si se pensa qu'il estoit tard, et sault tout en haste et cherche son pourpoint; et comme il boutoit son bras dedens l'vne des manches, il s'en saillit vnes Lettres dont il fut assez esbahy; car il ne luy souuenoit pas que nulles y en eut bouteés. Il les releua toutesfois, et voit quelles sont fermeés, et auoit au dos escript au desloyal Girard &c. Se parauant auoit esté esbahy encores le fut il beaucoup plus. A certaine piece il les ouurit et veoit la subscription qui disoit Catherine surnommée Conrard &c. Si ne scait que penser, il les lit neantmoins, et en lisant le sang luy monte, et le cueur luy fremit et deuint tout alteré de maniere et de couleur, a quelque meschief que ce fut, il acheua de lire sa Lettre par laquelle il congneut que sa desloyauté estoit venue a la congnoissance de celle qui luy vouloit tant de

de bien: non qu'elle le sceust estre tel au raport d'autrui, mais elle mesme en propre personne en a faicte la vraye informacion, et qui plus prez du cueur luy touche, il a couché troys nuytz avec elle sans l'auoir guerdonnée de la peine quelle a prinse que de si tres loing le est venu esprouuer; il ronge son frain et a petit qu'il ne enrage tout vif, quant il se veoit en celle pelterie, et aprez beaucoup d'aduis il ne scait autre remede que de la fuir; et bien luy semble qui la rataindra si prent congié de son maitre, et se met a la voye suyuant le froye des cheuaux de ceux que oncques ne rataignit tant qu'ils fussent en Breban. Il vint si a point que c'estoit le jour des nopces de celle qui la esprouuée, laquelle il cuida bien aller baiser et saluer, et faire vne orde excuse de ses faultes, mais il ne luy fut pas souffert: car elle luy tourna l'espaule, et ne sceut tout ce jour ne oncques puis aprez trouuer maniere ne facon de deuifer avec elle mesme; il s'auanca vne fois pour la mener dancer, mais elle le refusa plainement deuant le monde dont plusieurs a ce prinrent garde. Ne demoura guerés aprez que vng aultre gentil homme entra dedens qui fist tourner les Menestriers, et sauauca par-

pardevant elle et elle descendist, ce voyant Girard, et sen alla dancier. Ainsi donc comme auez oüy perdit le desloyal sa Dame. S'il en est encores d'autres telz, ils se doiuent mirer en cest exemple que est notoire et vray aduenü et depuis nagueres.

NOU-



NOUVELLE XXVII.

LE SEIGNEUR AU BAHU

C'E n'est pas chose peu accoustumée
especiallement en ce Royaume que
les

les belles Dames et Damoiselles se trouuent
 volentiers et souuent en la compaignie
 des gentilz Compaignons. Et a l'occasion
 des bons et joyeux passetemps quelles ont
 avec eulx, les gracieuses et doulces reques-
 tes qu'ilz leurs font ne sont pas si difficiles
 a impetrer. A ce propos n'a pas long temps
 que vng tres gentil Seigneur que on peut
 bien mettre ou renc et du costé des Prin-
 ces, dont ie laisse le nom en la plume, se
 trouua tant en grace d'une tres belle Da-
 moiselle qui marieé estoit, dont le bruit d'el-
 le n'estoit pas si peu congneu, que le plus
 grant maistre de ce Royaulme ne se tenist
 pour tres heureux de en estre retenu serui-
 teur: laquelle luy vouloit monstrier le bien
 qu'elle luy vouloit. Mais ce ne fut pas a
 sa premiere volenté tant l'empeschoient les
 anciens aduerfaires et ennemis d'amours,
 et par special plus luy nuisoit son bon mary
 tenant le lieu en ce cas du tres maudit
 dangier, car se ce ne fust il, son gentil
 seruiteur ne eust pas encores a luy tollir ce
 que bonnement et par honneur donner ne
 luy pouuoit; et pensez que le seruiteur n'e-
 stoit pas fort content de ceste longue atten-
 te. Car l'acheuement de sa genie chasse
 luy estoit plus grant heur, et trop plus de-

Tom. I.

P

firé,

firé, que nul autre bien quelquoncq que
 aduenir jamais luy pouoit ; et a ceste cau-
 se tant continua son pourchas que sa Dame
 luy dist, je ne suis pas mains desplaisante
 que vous par ma foi que je ne vous puis
 faire autre chiere : mais vous scauez, tant
 que mon mary soit ceans, force est qu'il soit
 entretenu. Helas ! dist il, et n'est il moien
 qui se puisse trouuer d'abreger mon dure et
 cruel martyre. Elle que comme dessus est
 dit, n'estoit pas en maindre desir de soy
 trouuer a part avec son seruiteur, si luy dist,
 venez ennuit a telle heure heurter a ma
 chambre, ie vous feray mettre dedens, et
 trouueray façon d'estre deliurée de mon
 mary, se fortune ne destourne mon entre-
 prinse. Le serviteur ne ouyt jamais chose
 que mieulx luy pleust, et aprez les remer-
 cements gracieux et doulx en ce cas, dont
 il estoit bon maistre et ouurier, se part d'elle
 attendant et desirant son heure assignée.
 Or deuez vous scauoir que enuiron vne
 bonne heure ou plus ou mains deuant
 l'heure assignée dessus dicte, nostre gentile
 Damoiselle avec ses femmes et son mary
 qui va derriere, pour ceste heure, estoit en
 la chambre retraicte puis le soupper, et
 n'estoit pas croyez son engin oyseux, mais
 labou-

labouroit a toute force, pour fournir la promesse a son seruiteur, maintenant pensoit d'vng, puis maintenant d'vng aultre; mais rien ne luy venoit a son entendement, que peult eslongier ce mauldit mary, et toutes-fois aprochoit fort l'heure tres desiree. Comme elle estoit en ce parfond penser, fortune luy fut si tres amye, que mesme son mary donna le tres doux aduertissement de sa dure chance et mal aduventure conuertie en la personne de son aduersaire, c'est a scauoir du seruiteur dessusdit en joye non pareille de deduit, soulas et lieffe, regardant par la chambre. Tant regarda qu'il aperceut d'aventure aux pieds de la couchette vng bahu qui estoit a sa femme, et affin de la faire parler et l'oster de son penser, demanda de quoy sert ce bahu en la chambre, et a quel propos on ne le portoit a la garderobe ou en quelque autre lieu sans en faire leans parement. Il ny a point de peril Monseigneur, ce dist Madamoiselle, amene vient icy que nous, aussi ie luy ay fait laisser tout a propos pource que encorresont aucunes de mes robes dedens, mais nen soyez ia mal content mon amy, ces femmes l'osteront tantost. Mal content, dist il, nenny par ma foy, je l'ayme autant icy

P 2

qu'ail

qu'ailleurs puis qu'il vous plaist; mais il me semble bien petit pour y mettre vos robes bien a laise sans les froisler, attendu les grandes et longues traynees qu'on fait aujourd'hui. Par ma foy Monseigneur, dist elle, il est assez grant. Il ne le me peult sembler, dist il vrayment, et le regardez bien. Or ça Monseigneur, dist elle, voulez vous faire vng gaige a moy? Ouy vrayment, dist il, qu'il fera il. Je gaigeray s'il vous plaist pour demy douzaines de bien fines chemises encontre le fatin d'une cote simple, nous vous bouterons bien dedens tout ainsy que vous estes; par ma foy, dist il, ie gaige que non; et je gaige que si. Or auant ce, dirent les femmes, nous verrons que le gaignera. A les prouuer le scaura on, dist Monseigneur, et lors s'auance et fist tirer du bahu les robes qui estoient dedens; et quant il fut vuide, Mademoiselle et ses femmes, a quelque meschief que ce fut, firent tant que Monseigneur fut dedans tout a son aise: et a ce coup fut grande la noise, et autant joieuse: et Mademoiselle alla dire, or Monseigneur, vous auez perdu la gaigeure; vous le congnoissez bien faictes? Ouy, dist il, cest raison, et en disant ces paroles le bahu fut fermé, et tout jouant, riant, et esbatant
prin-

prindrent toutes ensemble et homme et bahu et l'emporterent en vne petite garde-robe assez loing de la chambre: et il crie et se demene faisant grant bruit et grant noise, mais c'est pour neant: car il fut la laissé toute la belle nuyt, pense dorme, face du, mieulx qu'il peult; car il est ordonné par Madamoiselle et son estroit conseil, qu'il n'en partiroit meshuy, pource qu'il a tant empesché le lieu. Pour retourner a la matiere de nostre propos encommenceé, nous laisserons nostre homme et nostre bahu, et dirons de Madamoiselle que attendoit son seruiteur auesques ses femmes qui estoient telles et si bonnes et si secrettes, que rien du monde ne leurs estoit celé de ses affaires. Lesquelles scauoient bien que le bien aymé seruiteur, se a luy ne tenoit, tiendrait la nuyt le lieu de celluy qui au bahu fait sa penitence. Ne demoura gueres que le bon seruiteur sans faire effroy ne bruit vint heurter a la porte, et au heurter qu'il fist on le congneut tantost, et la estoit celle qui le bouta dedens. Il fut receu joyeusement et liement, et entretenu doucement de Madamoiselle et de sa compaignie; et ne se donna garde qu'il se trouua tout seul avec sa Dame, qui luy compta bien au long la

P 3

bonne

bonne fortune que Dieu leur a donnée. C'est a scauoir comment elle fist la gaigeure a son mary d'entrer au bahu, comment il y entra, et comment elle et ses femmes l'ont porté en vne garderobe. Comment, ce dist le seruiteur, ie ne cuidoye point qu'il fut ceans, par ma foy ie pensoie moy, que vous eussiez trouué aulcune facon de l'en- uoyer ou faire aller dehors, et que jeusse icy tenu meshuy son lieu. Vous n'en yrez pas pourtant, dist elle, il n'a garde de yffir dont il est, et sia beau crier il n'est ame de nulz ceans qui le puist oüyr et croyez qu'il demoura meshuy par moy. Se vous le voulez desprisonner ie m'en raporte a vous. Nostre Dame, dist il s'il, n'en failloit tant que ie l'en fisse oster, il auroit bel attendre. Or faisons donc bonne chiere, dist elle, et ny pensons plus. Pour abregier chascun se depouïlla et se coucherent les deux amants dedens le beau lit ensemble bras a bras et firent ce pourquoy ils estoient assemblez, qui mieulx vault estre pensé des lisans qu'estre noté de l'escripuant. Quant vint au point du jour, le gentil seruiteur se partit de la Dame le plus secrettement qu'il peult, et vint a son logis dormir comme j'espouire ou desjeuner: car de tous deux auoit be-
soing,

soing. Mademoiselle qui n'estoit pas mains subtile que saige et bonne, quant il fust heure se leua et dist a ses femmes. Il seroit desormais heure de oster nostre prisonnier, je vois voire qu'il dira et s'il se voudra mettre a finance. Mettez tout sur nous, dirent elles, nous l'appaiserons bien. Croyez que si feray ie, dist elle, et a ces motz ie seigne et s'en va; et comme non pensant a ce quelle faisoit, tout daguet et a propos entre dedens en la garderobe ou son mary encores estoit dedens le bahu clos. Et quant il ouyt il commenca faire grant noise et crier a la volée, quest ce cy, me laissera on cy dedens; et sa bonne femme qui louyt ainsi demener respondit effrémement, et comme craintiuement faisant l'ignorante; eh Dieu! qui est cela que j'ay ouy crier. C'est moy de par Dieu, dist le mary, c'est moy. C'est vous, dist elle, et dont venez vous a ceste heure, dont ie viens dist il, et vous le scauez bien Mademoiselle, il ne faut ia qu'on le vous die; mais se vous faites de moy au fort, ie feray quelque jour de vous; et s'il eut enduré, ou osé il se fust volontiers courourcé et eut dit villenie a sa bonne femme; et elle qui le congnoissoit luy coupa la parolle et dist, Monseigneur,

pour Dieu ie vous crie mercy, par mon serment je vous assure que ie ne vous cuidoie pas icy a ceste heure: Et croyez que ie ne vous y eusse pas quis, et ne me scay assez ésmervueiller dont vous venez a y estre encores; car ie chargé hier au soir a ces femmes qu'elles vous missent dehors tandis que ie disoie mes heures, et elles me dirent que si feroient elles; et de fait l'une me vint dire que vous estiez dehors et desja allé en la ville, et que ne reuendriez meshuy. Et a ceste cause ie me couchay assez tost apres sans vous attendre. Saint Jehan, dist il, vous voyez que c'est; or vous aduancez de moy tirer d'icy; car ie suis tant las que ie n'en puis plus. Cela feroie bien, Monseigneur, dist elle, mais ce ne sera pas deuant que vous n'ayez promis de moy payer de la gaigeure que auez perduë et pardonnez moy toutesfois, car autrement ne le puis faire; et aduancez vous de pardieu, ie le payeray vrayment et ainsi vous le prometz, ouy par ma foy; et ce procez finé, Madamoiselle defferma le bahu, et Monseigneur yffit hors lassé, froissé et traouaillé, et elle le prent a bras et baïse et acolle tant doucement que on ne pourroit plus, en luy priant pour Dieu qu'il ne soit point

point mal content. Adonc le poure coquart
 dist que non estoit il, puis qu'elle nen scauoit
 rien; mais il pugnira trop bien ses femmes
 s'il y scait aduenir. Par ma foy, Monseigneur
 dist elle, elles sen sont ores bien vengeés de
 vous; je ne doubte point que vous ne leurs
 ayez fait quelque chose. Non ay certes que
 ie saiche, mais croyez que le tour que elles
 m'ont joiué leur sera chier vendu. Il neut
 pas finé ce propos, que toutes les femmes
 entrèrent dedens, qui si tres fort rioient
 et de si grant cueur, qu'elles ne sceurent mot
 dire grant piece aprez; et Monseigneur
 qui deuoit faire merueilles, quant il les vit
 rire en ce point, ne se peust tenir de les con-
 trefaite. Et Madamoiselle pour luy faire
 compaignie ne si faignit point; la veissiez
 vous vne merueilleuse risée, et d'vng cou-
 sté et daultre; mais celluy que en auoit le
 mains cause ne s'en pouuoit rauoir; aprez
 certaine piece ce passetemps cessa, et dist
 Monseigneur; Madamoiselle ie vous mercie
 beaucoup de la courtoisie que m'avez en-
 nuit fait a vostre commandement, Mon-
 seigneur respondit l'vne, et encore n'estes
 vous pas quitte vous nous avez fait, et faic-
 tes toujours tant de peine et de meschief
 que nous vous auons gardé ceste pensée,
 P 5 et n'a-

et n'auons aultre regret que plus ny auez esté, et se neussions iceu de vray qu'il n'eust pas bien plu a Madamoiselle encores y feussiez vous et prenez en gré. Et est ce cela, dist il; or bien bien: vous verrez comme il vous en prendra, et par ma foy ie suis bien gouuerné, quant avec tout ce mal que j'ay eu on ne me fait que farcer, et encores qui pis est il me faut payer la cote simple de fartin. Et vrayment je ne puis a mains que d'auoir les chemises de la gaigeure en recompensacion de la peine qu'on ma faicte. Il n'y a par bieu que raison, dirent les Damoiselles, nous voulons a ceste heure estre pour vous Monseigneur, et vous les auez, n'aura pas Madamoiselle. Et a quel propos, dist elle, il a perdu la gaigneure; dea nous scauons trop bien cela, il ne les peult auoir de droit; aussi ne les demande il pas a ceste intencion, mais il les a bien defferuies en aultre maniere. A cela ne tiendra il pas, dist elle, je feray volontiers finance de la toille pour l'amour de vous mes Damoiselles qui tant bien procurez pour luy, et vous prendrez bien là peine de les coudre. Ouy vraiment Madamoiselle. Comme celluy qui ne fait que escourre la teste au matin quant il se lieue qu'il ne soit prest, ainsi estoit Monseigneur: car il

ne

ne luy faillit que vne secouffe de verges a netoyer sa robe et ses chaufes qu'il ne fust prest, et ainsi a la messe s'en va, et Mademoiselle et ses femmes le suyuent qu'ilz faisoient de luy ie vous assure grans risees. Et croyez que la messe ne se passa pas sans ris soudains, quant il leur souuient du giste que Monseigneur a fait au bahu, lequel ne le scait encores que fut celle nuit enregistré ou liure que na point de nom: et se n'est que d'adventure que ceste hystoire viengne entre ses mains, jamais n'en aura, si Dieu plaist, congnoissance ce que pour riens ie ne voudroie. Si prie aux lisans qui le congnoissent que se gardent de luy montrer.

NOU-



NOUVELLE XXVIII.
LE GALANT
MORFONDU.

SEau temps du tres renommé et eloquent
Bocace l'adventure dont je vueil fournir
ma

ma nouuelle fut aduenüe a son audience,
 et congnoissance parvenue, ie ne doubte
 point qu'il ne l'eust adjoustée et mise ou renc
 des nobles hommes mal fortunez. Car ie
 ne pense pas que noble homme jamais pour
 vng coup eust gueres fortune plus dure a
 porter que le bon seigneur, que Dieu par-
 doint, dont je vous compteray l'adventure:
 et se mal fortune n'est digne d'estre ou dit
 liure de Bocace, ce j'en fais juge tous ceux
 qui l'orront raconter. Le bon seigneur dont
 ie vous parle en son temps estoit vng des
 beaux Princes de ce Royaulme, garny et
 adresié de tout ce qu'on scauroit iouier et
 priser vng noble homme, et entre aultres
 de ses proprietés, il estoit tel destiné qu'en-
 tre les Dames jamais homme ne le passa de
 gracieuseté. Or luy aduint que au temps,
 que ceste renommée et destinée florissoit,
 et qu'il n'estoit bruit que de luy, amours
 qui seme ses vertus ou mieulx luy plaist et
 bon luy semble, fist alliance a vne belle fille,
 jeune gente et gracieuse et en bon point,
 en sa facon ayant bruit autant et plus que
 nulle de son temps, tant par sa grant et
 non pareille beaulté, comme par ses tres
 belles meurs et vertus que pas ne nuysoit
 au jeu tant estoit en la grace de la Royne
 du

du Pays qu'elle estoit en son demy lit les
nuyts que ladiète Royne point ne cou-
choit avec le Roy. Ces amours que je vous
dis furent si aduant conduites qu'il ne res-
toit que temps et lieu pour dire et faire
chascun a sa partie la chose au monde que
plus luy pouroit plaire : ils ne furent pas peu
de jours pour aduiser lieu et place conue-
nable a ce faire ; mais en la fin celle qui ne
desiroit pas mains le bien de son seruiteur
que la saluacion de son ame , s'aduifa dung
bon tour , dont tantost l'aduertit disant ce
que s'ensuit. Mon tres loyal amy, vous
scauez comment ie couche avec la Royne,
et que nullement n'est possible se ie ne vou-
loye tout gaster d'abandonner cest honneur
et auancement dont la plus femme de bien
de ce Royaulme se tiendroit pour bien heu-
reuse et honnoreé, combien que par ma foy
je vous vouldroye complaire, et faire vo-
stre plaisir d'aussi bon cueur comme a elle,
et qu'il soit vray ie le vous monstrey de
fait, sans abandonner toutesfois celle que
me fait et peult faire tout le bien et l'hon-
neur du monde, je ne pense pas aussy que
vous voulissiez que aultrement ie fisse. Non
par ma foy ma mye respondist le bon sei-
gneur, mais toutesfois je vous prie que
servant

seruant vostre maistresse vostre leal seruiteur
 ne soit point arriere du bien que faire luy
 pouez, qui ne luy est pas maindre chose de
 a vostre grace et amour paruenir que de
 gagner le surplus du monde. Vecy que je
 vous feray Monseigneur, dist elle, la Roy-
 ne a une leuriere comme vous scauez dont
 elle est beaucoup affoteé, et la fait coucher
 en sa chambre, je trouueray facon ennuit
 de l'enclorre hors de la chambre sans qu'elle
 en faiche rien, et quant chacun sera retrait
 je feray vng fault jusques en la chambre de
 parement, et deffermeray l'huis, et le lais-
 seray entreouuert. Et quant vous penserez
 que la Royne pourra estre au lit vous vien-
 drez tout secrettement, et entrerez en la-
 dite chambre et fermerez l'huis; vous y
 trouuerez la leuriere que vous congnoist
 assez, si se laissera bien approcher de vous,
 vous la prendrez par les oreilles, et la ferez
 bien hault crier, et quant la Royne lorra,
 elle la congnoistra tantost; ie ne doubte
 point qu'elle ne me face leuer incontinent
 pour la mettre dedens, et en ce point ven-
 dray ie vers vous, et ne failliez point se ja-
 mais vous voulez parler a moy. Ha ma tres
 chiere et loyale amye, dist Monseigneur, ie
 vous mercie tant que je puis, pensez que
 je n'y

je n'y faudray pas, et a tant se part et s'en va, et sa Dame aussi, chascun pensant et desirant d'acheuer ce que est proposé. Qu'en vouldroit le long compte? La leuriere se cuida rendre quant il fust heure en la chambre de sa maistresse comme elle auoit accoustumé; mais celle que l'auoit condamné dehors la fist retraire en la chambre au plus prez et la Royne se coucha sans ce qu'elle s'en donna garde, et assez tost aprez luy vint faire compaignie. La bonne Damoiselle qui n'attendoit que leure d'ouyr crier la leuriere et la semonce de bataille ne demoura gueres que le gentil seigneur se mist sur les rens, et tant fist qu'il se trouua en la chambre ou la leuriere se dormoit; il la quest tant au pié qu'a la main qu'il la trouua, et puis la print par les oreilles, et la fist hault crier deux ou trois fois, et la Royne qui l'oyoit congneut tantost que c'estoit sa leuriere, et pensoit quelle vouloit estre dedens. Si appella sa Damoiselle et luy dist ma mye, vela ma leuriere qui se plaint la dehors, leuez vous si la mettez dedens. Voulentiers Madame, dist la Damoiselle, et jazoit quelle attendist la bataille dont elle mesme auoit leure et le jour assigné, si ne s'arma telle que de sa chemise, et en ce point

point sen vint a l'huis et louurit: tantost luy vint a lencontre celluy qui l'attendoit: il fust tant joyeux et tant surprins quant il vit sa Dame si belle et si en bon point, qu'il perdit forcè sens et aduis, et ne fut en sa puissance adoncques tirer sa dague pour la esprouver se elle pouroit prendre sur les cuirasses; trop bien de baisser d'acoler, de manier le tetin; du surplus il faisoit assez diligence, mais du parfait, nichil. Si fut force a la gente Damoiselle quelle retourna sans luy laisser ce qu'auoir ne pouuoit, se par force d'armes ne le conqueroit; et ainsi quelle se voulut partir il la cuidoit retenir par force et par doulces parolles; mais elle n'osoit demourer; sy luy ferma luis au visaige et s'en reuint par devers la Royne, qui luy demanda s'elle auoit mis la leuriere dedens? Et elle dist que non; car oneques puis ne l'auoit sceu trouuer, et si auoit beaucoup regardé. Or bien dist la Royne, couchez vous toujours l'aura on bien. Le pource amoureux estoit a celle heure bien mal content qui se voit ainsi deshonoré, et aneantir; et si cuidoit au parauant et bien tant en sa force si fioit, qu'en mains d'eure qu'il n'auoyt esté avec sa Dame il en eut bien combatu telles trois, et venu au

Tom. I.

Q

dessus

dessus d'elles a son honneur : au fort il reprint couraige, et dist bien en soy mesmes, s'il est jamais si eueux que de trouver sa Dame en si belle, elle ne partira pas comme elle a fait l'autre fois. Ainsi animé et eguillonné de honte et desir, il reprit la leuriere par les oreilles, et la tira si rudement tout couroucé qu'il estoit, qu'il la fist crier beaucoup plus hault quelle n'auoit deuant ; si hucha arriere a ce cry la Royne sa Damoiselle qui reuint ouurer luis comme deuant ; mais elle s'en retourna deuers sa maistresse sans conquerir ne plus ne mains qu'elle fist l'autre fois. Or reuint la tierce fois que ce pource gentil homme faisoit tout son pouoir de besongner comme il auoit le desir ; mais au dyable de l'homme s'il peust oncques trouver maniere de fournir vne pource lance a celle qui ne demandoit aultre chose, et qui attendoit tout de pié quoy. Et quant elle veit qu'elle n'auoit pas son panier percé, et qu'il n'estoit pas en l'autre mettre seulement sa lance en son arrest, quelque auantage quelle luy fist, tantost congneut qu'elle auoit a la iouste failly, dont elle tint beaucoup de compte ; mais du iousteur elle ne voulut plus la demourer, pour

con-

conqueste quelle y fist. Si voulut rentrer en la chambre, et son amy la retiroit a force et disoit : hélas ! ma mye demourez encores vng peu et ie vous en prie. Je ne puis, dist elle, laissez moy aller, dist elle, et ie n'ay que trop demouré pour chose que jaye prouffité. Et a tant se tourne vers la chambre, et l'autre la suyuoit qui la cuidoit retenir. Et quant elle vit ce, pour le bien payer et la Royne contenter, alla dire tout en hault, passez, passez, orde caigne que vous estes, pardieu vous ny entrerez meshuy meschante beste que vous estes, et en ce disant ferma son huis, et la Royne qui l'ouyt demanda, a qui parlez vous, ma mye ? C'est a ce paillard chien Madame, que m'a fait tant de peine de la querir, il s'estoit bouté sous vn banc la dedens et caché tout du plat le muscau sur la terre, et si ne le scauoye trouuer, et quant je luy ay trouué, il ne s'est oncques daigné leuer pour quelque chose que je luy aye faite. Je leusse tres volentiers bouté dedens, mais il n'a oncques daigné leuer la teste, si lay laissé la dehors et a son visage tout par despit ay fermé luy. C'est tres bien fait ma mye, dist la Royne, couchez vous, si dormirons. Ainsy que

Q 2

vous

244 LES CENT NOUVELLES

vous auez ouy fut mal fortuné ce gentil Seigneur; et pource qu'il ne peust quant sa Dame voulut, ie tiens moy, quant il eut bien depuis la puissance a commandement, le vouloir de sa Dame fust hors de la ville.

NOU-



R. D. H. 1644

L. J. Per.

NOUVELLE XXIX.

L A V A C H E

ET LE VEAU.

NA pas cent ans du jourdhuy que vng
gentil homme de ce Royaulme vou-
lut

Q 3

lut scauoir et esprouuer l'aïse qu'on a en mariage, et pour abreger fist tant, que le tres desiré jour de ses nopces fut venu. Aprez les tres bonnes chieres, et aultres passetemps accoustumez, l'espouseé fut coucheé a vne certaine piece, aprez la luy vint et se coucha auprez d'elle, et sans delay incontinent bailla l'assault a sa forteresse: a quelque meschief que ce fut, il entra dedens et la gaigna; mais vous deuez entendre qu'il ne fist pas ceste conquête sans faire faïson d'armes, qui longues seroient a racompter; car aincoys qu'il venist au donjon du chasteau, force luy fust de gagner et emporter beleure, bambeliers, et plusieurs aultres forts dont la place estoit bien garnie, comme celle qui jamais n'auoit esté prinse. Au moins doncques fust encores grant nouuelle et que nature auoit mis a deffence, quant il fust maïstre de la place il rompit sa lance, et lors cessa l'assault et ploya l'oeuure. Or ne faut pas oublier que la bonne Damoiselle, que se vit en mercy de ce gentil homme son mary, qui desja auoit fouragé la pluspart de son manoir, voulut luy monstrier vn prisonnier qu'elle tenoit en un secret lieu enclos et enfermé, et pour parler, plein elle se deliura cy prins
cy

cy mis, aprez ceste premiere course d'vng tres beau filz donc son mary se trouua si tres honteux et tant esbahy, qu'il ne scauoit sa maniere sinon de soy taire, et pour honnesteté et pitié qu'il eust de ce cas, il seruit la mere et l'enfant de ce qu'il scauoit faire. Mais creéz que la pource gentil femme a cest coup getta vng bien hault et dur cry que de plusieurs fut clairement oüy et entendu, qu'ils cuidoient a la verité que elle getta ce cry a la despuceler, comme ce la coustume en cest Royaulme. Pendant ce temps les gentils hommes de l'hostel, ou ce nouveau marié demouroit, vindrent heurter a l'uys de ceste chambre et apporterent le chaudreau : ils heurterent beaucoup sans ce que ame respondist : l'espousee en estoit bien excusee, et le pouse n'auoit pas cause de trop caqueter. Et quest ce, dirent ilz, n'ouurirez vous pas l'uys? Se vous ne vous hastez, nous le romprons : le chaudreau que nous vous aportons fera tantost tout froid : et lors recommencerent a heurter de plus belle; mais le nouveau marié ne eust pas dit vng mot pour cent francs, dont ceulx de dehors ne scauoient que penser : car il n'estoit pas muet de coustume : au fort il se leua, et print vne longue robe

Q 4

qu'il

qu'il auoit et laissa entrer ses compaignons dedens , que tantost demanderent se le chaud'eau estoit gaigné et quilz l'apportoient a l'aduenture : et lors vng d'entre eulx couurit la table et mist le banquet dessus ; car ils estoient en lieu pour le faire , et ou rien n'estoit espargné , en telz cas et aultres semblables. Ils s'affirent tous au mengier et bon mary print sa place en vne chaire a dos , assis prez de son lit , tant simple et tant piteux , qu'on ne le vous scauroit dire ; et quelque chose que les autres dissent , il ne sonnoit pas vng mot , mais se tenoit comme vne droite statuë ou vne idole entaillé. Et quest ce cy , dist l'vng , ne prenez vous point garde a la bonne chiere que nous fait nostre homme , encores a il a dire vng seul mot ? Ha dea ! dist l'autre , ses bourdes sont rapassez Par ma foy , dist le tiers , mariage est chose de grant vertu ! regardez quant a vne heure qu'il a esté marié il a ja perdu la force de sa langue ! S'il est jamais longuement , je ne donneroie pas maille de tout le surplus : et a la verité dire , il estoit auparauant vng tres gracieux farseur , et tant bien luy seoit que merueilles , et ne disoit jamais vne parolle puis qu'il estoit en gogues , qu'elle n'aportast
avec

avec elle sonris. Mais il en estoit pour leur bien rebouté; ces gentils hommes et ces gentils Compaignons beuuoiert d'autant et d'autel et a l'espousé. Mais au dyable des deux, s'ils auoient fainde boire: l'vng enraigoit tout vif, et l'autre n'estoit pas mains malaisé. Je ne me congnois en ceste maniere, dist vng gentil homme, il nous fault festoier de nous mesmes. Je ne veis jamais homme de si hault esternu si tost rassis pour vne femme: j'ay veu qu'on n'eust pas Dieu ouy tonner en vne compaignie ou il fust, et il se tient plus quoy que vng feu couuert; ha dea ces haultes parolles sont bien entonnées maintenant! Je bois a vous espousé, disoit l'autre. Mais il n'estoit pas pleige: car il jeunoit de boire, de manger, de bonne chiere faire et de parler. Non pourtant assez bonne piece apres quant il eut bien esté reprouué et rigolé de ses Compaignons et comme vng sanglier mis aux abais de tous costés, il dist, Messieurs, quant ie vous ay bien entendu qui me semonnez si tres fort de parler, ie vueille bien que vous saichez que i'ay bien cause de beaucoup penser, et de moy taire tout quoy; et si suis seur qu'il n'y a nul qui n'en fist autant, s'il en auoit le pourquoy comme

Q s

i'ay.

i'ay. Et par la mort bieu si i'estoie aussi riche que le Roy, que Monseigneur, et que tous les Princes chrestiens, si ne sçaurois ie fournir ce qui m'est apparent d'auoir a entretenir : vecy pour vng poure coup que j'ay accolé ma femme elle m'a fait vng enfant. Or regardez, se a chascune fois que je recommenceray elle en fait autant, de quoy ie pouray nourrir le mesnaige ? Comment vng enfant, dirent ses Compaignons ! Voire vrayment vng enfant, vecy de quoy, regardez, et lors se tourne vers son liét et lieue la couuerture et leurs monstre, tenez, dist il, vela la vaché et le veau, suis ie pas bien party ? Plusieurs de la compaignie furent bien esbahis, et pardonnerent a leur hoste sa simple chiere, et s'en allerent chascun a sa schascune : et le poure nouveau marié abandonna ceste premiere nuyt la nouuelle acoucheé et doubtant que elle nen fist vne autre fois autant oncques puis ne sy trouua.

NOU-



NOUVELLE XXX.
LES TROIS
CORDELIERS

IL est vray, commel'Evangile, que trois
bons marchands de Sauoye se misdrent
au

au chemin avec leurs trois femmes pour aller en pelerinaige a saint Antoine de Viennois; et pour y aller plus deuotement rendre a Dieu et a Monseigneur saint Antoine leur voyage plus agreable, ils conclurent avec leurs femmes dez le partir de leurs maisons que tout le voiage ils ne coucheroient pas avecques elles; mais en continence yront et viendront Ils arriuerent vng iour en la ville de Chambery, et se logerent en vng tres bon logis, et firent au souper tres bonne chiere, comme ceulx qui auoient tres bien de quoy, et que tres bien le sceurent faire, et croy et tiens fermement se ne fust la promesse du voiage que chascun fust couché avec sa chascune. Toutesfois ainsi n'enaduint pas: car quant il fust heure de soy retirer, les femmes donnerent la bonne nuyt a leurs marys et les laisserent, et se bouterent en vne chambre au plus prez, ou elles auoient fait couvrir chascune son lit. Or debuez vous scauoir que ce soir propre, arriuerent leans trois Cordeliers qui sen alloient a Geneue, qui furent ordonnez a coucher en vne chambre non pas trop loingtaine de la chambre aux marchandes. Lesquelles puis qu'elles furent entre elles commencerent a deuiser de cent mille propos et sembloit

bloit, pour trois qu'il en y auoit, qu'on en oyoit la noise qu'il souffiroit bien doüir d'vng quarteron.

Ces bons Cordeliers oyant ce bruit de femmes, faillirent de leurs chambres sans faire effroy ne bruit, et tant aprocherent de luy sans estre ouys, qu'ils aperceurent trois belles Damoiselles que estoient chacune a par elles en vng beau lit assez grant et large pour le deusiesme recepuoir d'autre costé puis se reuierent, et quant ils entendirent les maris qui se coucherent en lautre chambre, et puis dirent que fortune et honneur a ceste heure leurs court sus, et qu'ils ne sont pas dignes d'auoir jamais nulle bonne aduenture se ceste qu'ils nont pas a pourchasser par lascheté leur eschappoit. Si dist l'vng il ne fault aultre deliberacion en nostre fait, nous sommes trois et elles trois. Chascun preigne sa place quant elles seront endormies. Si fut dit ainsi fut il fait, et si bien vint a ces bons freres Cordeliers qu'ils trouuerent la clef de la chambre aux femmes dedens lui, si louurirent si tres soüement qu'ils ne furent dames ouïs. Ils ne furent pas si folz quant ilseurent gaigné ce premier fort pour plus seurement assaillir l'autre qu'ils ne tiraissent la clef par deuers eulx et re-

et resserrent tres bien luy, et puis apres sans plus enquerre chascun print son quartier et commencerent a besongner chascun au mieulx qu'il peut. Mais le bon fut, car l'une cuidant auoir son mary parla, et dist que voulez vous faire, ne vous souuient il de vostre vœu. Et le bon Cordelier ne disoit mot, mais faisoit ce pourquoy il estoit venu de si grant cueur qu'elle ne se peult tenir de luy ayder a parfourrir. Les autres deux d'autre part n'estoient pas oyseux et ne scauoient ces bonnes femmes que menoit leurs maris de si tost rompre et casser leur promesse. Neantmoins toutesfois elles que doiuent obeir le prinrent bien en patience sans dire mot chascune doubant d'estre ouye de sa compaignie, car ny auoit celle qui a la verité ne cuydast auoir seule et emporter ce bien. Quant ces bons Cordeliers eurent tant fait que plus ne pouuoient, ils se partirent sans dire mot, et retournerent en leur chambre chascun comptant son aduenture. L'un auoit rompu 3. lances l'autre 4. l'autre 6. Ils se leuerent matin pour toute seureté et tirerent pays. Et ces bonnes femmes qui n'auoient pas toute la nuyt dormy ne se leuerent pas trop matin: car sur le jour sommeil les print qui
les

les fist leuer tard. D'autre costé leurs maris
 qui auoient assez bien beu le soir, et qui se
 attendoient a la peau de leurs femmes dor-
 moient au plus fort a l'heure; car les aultres
 jours auoient ja cheminé deux lieues. Au
 fort elles se leuerent aprez le repos du matin,
 et s'habillerent le plus roide qu'elles peurent,
 non pas sans parler, et entre elles celle qui
 auoit la langue plus preste allast dire, entre
 vous mes Damoiselles comment auez vous
 passé la nuit, vos maris vous ont ils resueil-
 lez comme a fait le mien, il ne cessast ennuyt
 de faire la besongne? Saint Jehan dirent el-
 les se vostre mary a bien besoigné ceste nuyt,
 les nostres nont pas esté oyseux, ils ont
 tantost oublié ce qu'ils promirent au partir,
 et croyés que on ne leurs oubliera pas a dire.
 J'en aduertis trop bien le mien dist l'une
 quant il commença, mais il n'en cessa pour-
 tant oncques l'oeuure, et comme homme
 affamé pour deux nuits qu'il a couchié sans
 moy, il a fait raige de diligence; quant el-
 les furent prestes elles vinrent trouuer leurs
 maris qui desja estoient comme tous prests
 et en pourpoint. Bon jour a ces dormeurs
 dirent elles. Vostre mercy, dirent ils, qui
 nous auez si bien huchiez. Ma foy, dist l'une,
 nous auions plus de regret de vous ap-
 peller

peller matin que vous n'avez fait ennuit de
 conscience de rompre et casser vostre veu.
 Quel veu dist l'vng? Le veu, dist elle, que vous
 fistes au partir c'est de non couchier avec
 vostre femme? Et qui y a couchié, dist il. Vous
 le scauez bien, dist elle; et aussi fais ie; et moy
 aussi dist la Compaigne, vela mon mary qui
 ne fut pieca si roide qu'il fut la nuit passéé,
 et s'il n'eut si bien fait son deuoir ie ne seroie
 pas si contente de la rompeure de son veu;
 mais au fort ie le passe; car il a fait comme
 les jeunes enfans qui veulent emploier leur
 basture quant ils ont defferui le pugnir.
 Saint Jehan si a fait le mien dist la tierce;
 mais au fort ie n'en feray ja procez, se mal y
 a, il en est cause. Et ie tiens par ma foy, dist
 l'vng, que vous refuez, et que vous estes
 yures de dormir. Quant est de moy i'ay
 couchié tout seul et n'en partis ennuyt;
 non ay ie moy dist l'autre; ne moy par ma
 foy dist le tiers; ie ne voudroie pour rien
 auoir enfraint mon veu. Et si cuide estre
 seur de mon Compere qui est cy et de mon
 voisin quilz ne leussent pas promis pour si
 tost l'oublier. Ces femmes commencerent
 a changer couleur et se doubterent de trom-
 perie dont l'vng des maris d'elle tantost sen
 donna garde. Et luy iuga le cuer da la ve-
 rité

rité du fait si ne leur bailla pas induce de respondre aincoys faisant signe a ses Compaignons, dist en riant, par ma foy Madamoiselle le bon vin de ceans et la bonne chiere du soir passé nous ont fait oublier nostre promesse, si n'en soyez ja mal contentes, a l'adventure se Dieu, plaist nous auons fait ennuyt a vostre aide chascun vng bel enfant, qui est chose de si hault merite, qu'elle sera suffisante d'effacer la faulte du cassement de nostre veu. Or Dieu le vueil dirent elles. Mais ce que si affermement disiez que natiez pas esté vers nous, nous a fait vng petit doubter. Nous lauons fait tout a propos, dist l'autre, affin douyr que vous diriez. Et vous auiez fait double peché comme de faulcer vostre veu et de mentir a escient, et nous mesmes aussi auiez beaucoup troublés. Ne vous chaille, non, dist il, c'est peu de chose, mais allez a la messe et nous vous suyurons; et elles se misdrent a chemin deuers l'Eglise. Et leurs maris demeurèrent vng peu sans les suiure trop roide, puis dirent tous ensemble sans en mentir de mot nous sommes trompez, ces dyables de Cordeliers nous ont deceuz, ils se sont mis en nostre place et nous ont montré nostre folie; car se nous ne voulions pas cour-

Tom. I.

R

chier

chier avec nos femmes il, n'estoit ja mestier de les faire couchier hors de nostre chambre, et s'il y auoit danger de lit la belle paillade est en faison. Dea dist l'vng d'eulx nous en sommes chastiez pour vne autre fois, et au fort il vault mieulx que la tromperie soit seulement sceue de nous que de nous et delles; car le dangier est bien grant s'il venoit a leur congnoissance. Vous oyez par leur confession que ces ribaulx Moynes ont fait merueilles d'armes et espoire plus et mieulx que nous ne scaurions faire. Et selles le scauoient elles ne se passeroient pas pour ceste fois seulement, s'en est mon conseil que nous l'auons sans mascher. Ainsi me ait Dieu se dist le tiers: mon Compere dist tres bien, quant a moy ie rapelle mon veu; car ce n'est pas mon intencion de plus moy mettre en ce dangier. Puis que vous le voulez, se dirent les deux autres, et nous vous ensuyurons. Ainsi coucherent tout le voiage et femmes et maris tous ensemble dont ils se garderent trop bien de dire la cause qui a ce les mouuoit, et quant les femmes virent ce si, ce ne fut pas sans demander la cause de cette reuerse. Et ils respondirent, par couuerture, puis qu'ils auoient commencé de leur veu

entre-

entrerompre il ne restoit que du parfaire. Ainsi furent les trois bons Marchands des trois bons Cordeliers trompez, sans qu'il venist jamais a la congnoissance de celles qui bien en fussent mortes de deuil selles en aüssent sceu la verité, comme on voit tous les jours mourir femmes de maindres cas et a mains d'occasion.



NOUVELLE XXXI.
L A D A M E

A' D E U X.

VN gentil Escuyer de ce Royaulme bien
renommé et de grant bruit, deuint
amou-

amoureux a Rochan d'une tres belle Damoiselle et fist toutes ses diligences de paruenir a sa grace. Mais fortune luy fut si contraire, et la Dame si peu gracieuse, qu'enfin il abandonna sa queste comme par desespoir. Il n'eut pas trop grant tort de ce faire, car elle estoit ailleurs pourueüe: non pas qu'il en sceut rien combien qu'il sen doubtat. Toutesfois celuy qui en jouissoit qui Cheualier et homme de grant auctorité estoit, n'estoit pas si peu priué de luy, qu'il n'estoit gueres chose au monde dont il ne se fust bien a luy descouuert, sinon de ce cas: trop bien luy disoit il souuent; par ma foy mon amy, ie vueil bien que tu saiches que j'ay vng retour en ceste Ville dont je suis beaucoup assoté. Car quant je ny suis, ie suis tant parforcé de trauail et si rebouté qu'on ne tireroit point de moy vne lieüete de chemin, et se ie me treuve vers elle ie suis homme pour en faire trois ou quatre voires les deux tout d'une alaine, et n'est il requeste ne priere disoit l'Escuyer que je vous sceusse faire dire tant seulement le nom de celle. Nenny par ma foy, dist l'autre, tu n'en scauras plus auant. Or bien dist l'Escuyer quant je seray si heureux que d'auoir rien de beau ie vous seray aussy pou priué que

R 3

vous

vous m'estes estrange. Aduint ce temps pendant que son bon Cheualier le pria de souper au Chasteau de Rochan, ou il estoit logié, et il vint, et firent tres bonne chiere, et quant le souper fut passé et aucun peu de deuises, aprez, le gentil Cheualier qui auoit heure assignée d'aller vers sa Dame donna congié a l'Escuyer, et dist vous scauez que nous auons demain beaucoup a besongner et qu'il nous faut leuer matin pour telle maniere et pour telle qu'il faut expedier, c'est bon de nous couchier de bonne heure, et pource ie vous donne la bonne nuyt. L'Escuier qui estoit subtil, en ce voyant, doubta tantost que ce bon Cheualier vouloit aller couchier et qu'il se couuroit pour luy donner congié des besoignes de landemain, mais il n'en fist quelque semblant, aincoys dist en prenant congié et donnant la bonne nuyt, Monseigneur vous dictes bien, leuez vous matin et aussi feray ie. Quant ce bon Escuyer fut en bas descendu, il trouua vne petite mullette au pié du Chasteau et ne vit ame qui la gardast, si pensa tantost que le Paige qu'il auoit rencontré en descendant alloit querir la housse de son maistre, et aussi faisoit il. Ha! dist il en soy mesme, mon hôte

ne

ne ma pas donné congïé de si haulte heure sans cause, vecy la mulette qui nattend aultre chose que ie ne soye en voye, pour aller ou on ne veult pas que je soye. Ha! mulette, dist il, si tu scauoyz parler, tu dirois de bonnes choses, ie te prie que tu me mennes ou ton maistre veult estre, et a ce coup il se fist tenir l'estrier par son Paige et monta dessus et luy mist la resne sur le col, et la laissa aller ou bon luy sembla tout le beau pas; et la bonne mulette le mena par ruës et par ruettes deca dela tant quelle vint arrester au deuant d'vng petit guichet qui estoit en vne ruë fort oblique ou son bon maistre auoit accoustumé de venir, et estoit luy du jardin de la Damoiselle qu'il auoit tant aymé et par desespoir abandonné. Il mist pied a terre et puis heurta vn petit coup au guichet, et vne Damoiselle que faisoit le guet par vne faulce treille cuidant que ce fut le Cheualier s'en vint en bas et ouurit l'huys et dist, Monseigneur, vous soyez le tres bien venu, vela Madamoiselle en sa chambre que vous attend: elle ne le congneut point pource qu'il estoit tard, et auoit vne Cornette de veloux deuant son visage. Adonc

R 4

l'Escuier

l'Escuier respondist, ie vois vers elle et puis
 dist a son Paige tout bas en l'oreille, va ten
 bien en haste, et remaine la mulette ou
 je l'ay prinse et puis t'en va couchier. Si
 feray ie dist il. La Damoiselle referra le gui-
 chet, et s'en retourna en sa chambre et
 nostre bon Escuier tres fort pensant a sa be-
 songne marcha tres fermement vers la
 chambre ou sa Dame estoit, laquelle il trou-
 ua desja mise en sa cote simple, la grosse
 chaine d'or au col, et comme il estoit gra-
 cieux courtois et bien en parler la salua
 bien honnorablement, et elle qui fut tant
 esbahye que se cornes luy fussent venuës
 de prinsault ne sceut que respondre, finon
 a vne piece aprez quelle luy demanda qu'il
 queroit leans, et dont il venoit a ceste heu-
 re, et qui l'auoit bouté dedens. Mada-
 moiselle, dist il, vous pouuez assez penser que
 se ie neusse eu autre ayde que moy mes-
 mes que ie ne fusse pas icy, mais la Dieu
 mercy vng qui a plus grant pitié de moy
 que vous n'avez encores eu ma fait cest
 aduantage, et que vous a admeiné fire
 dist elle. Par ma foy Mademoiselle ie ne vous
 le requiers ja celler. Vng tel Seigneur, c'est a
 scauoir son hoste du souper, my a enuoyé
 Ha ! dist elle, le traistre et desloyal Cheualier
 qu'il

qu'il est se trompe il en ce point de moy ? Or bien bien i'en feray vengée quelque jour. Ha! Mademoiselle dist l'Escuier ce n'est pas bien dit a vous, car ce n'est pas trahison de faire plaisir a son amy et luy faire secours et seruice quant on le peult faire. Vous scauez bien la grande amitié que est de pieca entre luy et moy, et qu'il ny a celluy qui ne die a son Compaignon tout ce qu'il a sur le cueur. Or est ainsi qu'il n'y a pas long temps que ie luy comptay et confessay tout le long de la grant amour que ie vous porte et que a ceste cause ie nauoye nul bien en ce monde, et se par aucune facon ie ne paruenoye en vostre bonne grace il, ne m'estoit pas possible de viure en ce douloureux martire. Quant le bon Seigneur a congneu la verité que mes paroles n'estoient pas saintes, doubtant le grant inconuenient qui en pouroit soudre, a fait bien de me dire ce qui est entre vous deux. Et ayme mieulx vous habandonner en moy sauuant la vie qu'en moy perdant maleureusement vous entretenir : et se vous eussiez esté telle que vous deueriez, vous neussiez pas tant attendu de bailler confort ou garison a moy vostre obeissant seruiteur qui scauez certainement que ie vous ay loyalement

R 5

ment serui et obeie. Je vous requiers, dist elle, que vous ne me parlez plus de cela et vous en allez hors d'icy. Mauldit soit ce-luy que vous y fist venir ! Scauez vous qu'il y a Mademoiselle, ce n'est, dist il, pas mon intencion de partyr d'icy qu'il ne soit demain. Par ma foy, dist elle, si ferez tout maintenant. Par la mort bieu non feray ; car ie coucheray auecques vous. Quant elle vit que c'estoit a bon escient et qu'il n'estoit pas homme pour enchacier par de rudes parolles elle luy cuida donner congié par douceur et dist. Je vous prie tant que je puis allez vous en pour meshuy et par ma foy ie feray vne aultre foys ce que vous voudrez. Dea dist il nen parlez plus : car ie coucheray ennuit auecques vous et lors commence a soy despoüiller et prent la Damoiselle et la maine banqueter ; et fist tant pour abreger quelle se coucha et luy emprés d'elle. Ils n'eurent gueres esté couchiez, ne plus courus d'une lance, que vecy bon Cheualier qui va venir sur sa mulette et vint heurter au guichet, et le bon Escuier que l'ouït le congneut tantost, si commença a glappir contrefaisant le chien tres fierement. Le Cheualier quant il ouït, il fut bien esbahy
et

et autant couroucé. Si reheurte de plus belle tres rudement au guicher, et l'autre de recommencer a glappir plus fierement que deuant. Qui est ce la qui grongne dist celluy de dehors? Par la mort bieu ie le scauray. Ouurez luis ou ie le porteray en la place. Et la bonne gentil femme qui en-raigeoit toute viue faillit en la fenestre en sa corte simple et dist estes vous faulx et desloyal Cheualier. Vous auez beau heurter vous n'y entrerez pas. Pourquoi ny entre-ray ie pas dist il? Pource dist elle que vous estes le plus desloyal que jamais femme accointast, et n'estes pas digne de vous trouuer avecques gens de bien. Mademoiselle, dist il, vous blasonnez tres bien mes armes, ie ne scay qui uous meut: car ie ne vous ay pas fait desloyaulté que ie sache. Si auez, dist elle, et la plus grande que jamais homme fist a femme. Non ay par ma foy, mais distes moy qui est la dedens. Vous le scauez bien, dist elle, traistre mauuais que vous estes, et a ceste foys bon Escuier que estoit ou lit commenca a glappir contrefaisant le chien comme parauant. Ha dea, dist celluy de dehors, ie n'entens point cecy! Et ne scauray ie point qui est ce grongneur? Saint Jehan! si ferez dist

dist l'Escuier, et il fault sus et vint a la fenestre demprés sa Dame, et dist que vous plaist il, Monseigneur, vous auez tort de nous ainsi reueiller. Le bon Cheualier quant il congneut que il parloit a luy fut tant esbahy que merueilles. Et quant il parla il dist: Et dont viens tu cy, je viens de soupper de vostre maison pour couchier ceans. A mal faulte, dist il, et puis adressa la parole a Madamoiselle et luy dist, Madamoiselle hebergez vous telz hostes ceans. Nenny Monseigneur, dist elle, la vostre mercy que vous me l'aeuez envoyé. Moy dist il, saint Jehan! non ay, ie suis mesmement venu pour y trouuer ma place, mais c'est trop tard: et au moins ie vous prie puis que ie n'en puis auoir aucune chose ouurez moy luis, si boiray vne foys, vous n'entrerez pardieu ia dist elle. Saint Jehan! si feray dist l'Escuier. Lors descendit et ouurit luis, et s'en vint recoucher, et elle aussi Dieu scait bien honteuse et bien mal contente. Quant le bon Seigneur fut dedens, et il eut allumé de la chandelle il regarde la belle compaignie dedens le lit et dist bon preu vous face Madamoiselle et a vous aussi mon Escuier. Bien grant mercy, Monseigneur, dist il, mais la Damoiselle qui plus ne pouoit se le cuer

ne

ne luy failloit dehors du ventre ne peult oncques dire vng seul mot ; et cuidoit tout certainement que l'Escuier fut leans arriué par l'aduertissement et conduicte du Cheualier, et si luy en vouloit tant de mal que on ne vous le scauroit dire. Et qui vous a enseigné la voie de ceans mon Escuier, dist le Cheualier, vostre mulette, Monseigneur, dist il, que je trouuay en bas ou Chasteau quant jeuz souppé avec vous : elle enoit la seule esgarée ; si luy demanday qu'elle attendoit, et elle me respont quelle n'attendoit que sa housse et vous ; et pour ou aller dis je ? Ou auons de coustume, me dist elle, ie scay bien disje que ton maistre ne yra meshuy dehors : car il se va couchier, mais maine moy la ou tu sçais qu'il va de coustume et ie t'en prie. Elle fut contente, si montay sur elle et elle madreca ceans la sienne bonne mercy. Dieu mette en mal an lorde beste, dist le bon Seigneur, que ma encusé. Ha que vous le vallez loyaument Monseigneur ! dist la Damoiselle, quant elle peult prendre la peine de parler. Je voy bien que vous trompez de moy, mais je vueil bien que vous saichiez que vous n'y aurez gueres d'honneur : il n'estoit ja mestier se vous ny vouliez plus venir de y enuoyer aultruy

aultruy soubz ombre de vous, mal vous
 congnoist quiconques ne vous vit. Par la
 mort bieu ie ne luy ay pas enuoyé, dist il,
 mais puis qu'il y est ie ne l'en chasseray pas,
 et aussi il y en a assez pour nous deux, n'a
 pas mon Compaignon? Ouy Monseigneur,
 dist il; tout au butin, et ie le vueil, si nous
 fault boire du marché, et lors se tourna
 vers le dresseoir, et versa du vin en vne grant
 tasse que y estoit, et dist ie boy a vous mon
 Compaignon et puis fist verser de l'autre vin,
 et le bailla a la Damoiselle qui ne vouloit
 nulement boire, mais en la fin voulust ou
 non, elle bailla sa tasse. Or ca dist le gentil
 Cheualier mon Compaignon ie vous laisse-
 ray icy besoignez bien vostre tour aujour-
 dhuy, le mien sera demain se Dieu plait, si
 vous prie que vous me soyez aussi gracieux
 quant vous m'y trouuerez que ie vous suis
 maintenant. Nostre dame, mon Compai-
 gnon, aussi seray ie, ne vous doubtez. Ainsi
 s'en alla le bon Cheualier et laissa l'Escuier
 que fist au mieulx qu'il peust ceste premiere
 nuyt, et aduertit la Damoiselle de tous
 points de la verité de son aduventure dont
 elle fut vng peu plus contente que se l'au-
 tre luy eust enuoyé. Ainsi fust la belle Da-
 moiselle deceüe par la mulette et contrain-
 te

te d'obeir et au Cheualier et a l'Escuier chascun a son tour, dont en la fin elles s'accoustuma et tres bien le prist en patience. Mais tant de bien y eut que se le Cheualier et l'Escuier s'entraymoient bien par auant c'este aduventure, l'amour d'entre eulx a ceste occasion fut redoublé, qui entre aucuns mal conseillez eust engendré discort et mortelle haine.

NOU.



NOUVELLE XXXII. LES DAMES

DISMEE'S.

Affinque ie ne soye seclus du tres heureux et hault merite du a ceux qui trauail-

travaillent et labeurent a l'augmentation des hystoires de ce present liure, ie vous racompteray en brief vne aduventure nouvelle par laquelle on me tiendra excusé d'auoir forny la nouvelle dont j'ay n'agueres esté sommé. Il est notoire verité que en la Ville de Castellongne arriuerent en l'hospitalierie plusieurs Freres mineurs qu'on dit de l'Obseruance enchasséz et deboutez par leurs mauuais gouuernement et saincte deuocion du Royaulme d'Espaigne, et trouuerent facon d'auoir entree deuers le Seigneur de la Ville qui desja estoit ancien, et tant firent pour abregier qu'il leurs fonda vne belle Eglise et beau Couuent et les maintint et entretint toute sa vie le mieulx qui sceut. Et après regna son fils aîné que ne leurs fist pas mains de bien que son bon pere. Et de fait ilz prospererent en peu de ans si bien, qu'ilz auoient suffisamment tout ce qu'on scauroit demander en vng Couuent de mandians; et affin que vous saichez qu'ilz ne furent pas oyseux durant le temps qu'ilz acquirent ces biens, ils se mirent à prescher tant en la Ville que par les Villages voisins et gaingnerent tout le peuple, et tant firent qu'il n'estoit pas bon Chrestien que ne s'estoit a eulx confessé; tant auoient

Tom. I.

S

grant

grant bruit et bon los de bien remonstret aux pecheurs leurs deffaults; mais qui les loüast et eut bien en graces! Les femmes estoient du tout donneés, tant les auoient trouuez saintes gens de grande charité et de parfonde deuocion! Or entendez la mauuaise deception et horrible trahison que ces faulx hyprocrites pourchasserent a ceulx et celles qui tant de biens de jour en jour leurs faisoient. Ils baillerent entendre generalmente a toutes les femmes de la Ville qu'elles estoient tenuës de rendre a Dieu la Disme de tous leurs biens comme au Seigneur de telle chose, et de telle a vostre Paroisse et Curé de telle chose et telle. Et a nous vous deuez rendre et liurer la Dismé du nombre des fois que vous couchez charnellement avec vostre mary, nous ne prenons sur vous autre Disme: car comme vous scauez nous ne portons point d'argent; car il ne nous est rien des biens temporels et transitoires de ce monde. Nous querons et demandons seulement les biens spirituelz. Les Dismes que nous demandons et que vous nous deuez n'est pas des biens temporelz, c'est a cause du Sainct Sacrement que vous auez receu que est vne chose diuine et spirituelle, et celuy n'appartient

partient a nul recepuoir la Disme que nous
 seulement que sommes Religieux de l'Ob-
 seruance. Les pources simples femmes qui
 mieulx cuidoiēt ces bons Freres estre des
 Anges que hommes terriens, ne refuserent
 pas ce Disme a payer il n'y eut celle qui ne
 la payast a son tour, de la plus haulte jus-
 qua la maindre, mesme la femme du Sei-
 gneur n'en fut pas excusé. Ainsi furent
 toutes les femmes de la Ville apparties a ces
 villains Moynes, et n'y auoit celuy deulx
 qui neust a sa partie quinze a seize femmes
 la Disme a recepuoir; et a ceste occasion
 Dieu scait les presens qu'ilz auoient d'elles
 tout soubz vmbre de deuocion! Ceste ma-
 niere de faire dura longuement sans ce
 quelle vint a la congnoissance de ceulx que
 se fussent bien passé de cenouue au Disme.
 Il fut toutesfois descouuert en la facon qui
 s'ensuit. Vng ieune homme nouuellement
 marié fut prié de souper a l'hostel d'vng de
 ses parents luy et sa femme, et comme ils
 retournoient en passant pardeuant l'Eglise
 des Cordeliers deslusdits, la cloche de l'*Aue*
Maria sonna tout a ce coup, et le bon
 homme s'enclina sur la terre pour faire ses
 deuocions, sa femme luy dist je entreroye
 volentiers dedens ceste Eglise; et que

ferez vous la dedens a ceste heure, dist le mary, vous y reuiendrez bien quant il sera jour demain a vne aultre fois. Je vous requiers, dist elle, que j'y aille et reuiendray tantost. Nostre Dame, dist il, vous ny entrez ja maintenant. Par ma foy, dist elle, c'est force il my conuient aller, ie ne demoureray riens: si vous auez haste de estre a l'hostel, allez toujours deuant, ie vous suyueray toute a ceste heure. Piquez, piquez deuant, dist il, vous ny auez pas tant a faire: si vous voulez dire vostre *Pater Noster* ou vostre *Aue Maria*, il y a assez place a l'hostel, et vous vaudra autant la le dire que en ce Monastere, ou lon ne veoit maintenant goutte. Ha dea! dist elle, vous direz ce qu'il vous plaira, mais par ma foy il fault necessairement que i'entre vng peu dedens. Et pourquoy, dist il; voulez vous aller couchier avec les Freres de leans? Elle qui cuidoit a la verité que son mary sceut bien quelle payast la Disme, luy respondit, nenny ie n'y vueil pas couchier, ie vouloie aller payer. Quoy payer, dist il? Vous le scauez bien, dist elle, et si vous le demandez: Que scay ie bien, dist il, ie ne me mesle pas de vos debtes? Au mains, dist elle, scauez vous bien qu'il me fault payer la disme. Quelle

Quelle disme ? Ha dea dist elle ! C'est vng jamais, et la disme de nuyt et de vous et de moy. Vous avez bon temps il faut que ie paye pour nous deux. Et a que la payez vous, dist il ? A Frere Eustache, dist elle, allez tousjours a l'hostel, si my laissez aller que i'en loye quitte : c'est si grant pechié de ne la point payer que ie ne suis jamais aise quant ie luy dois riens. Il est meshuy trop tard dist il, il est couchié passé a vne heure. Ma foy dist elle, ie y ay esté ceste année beaucoup plus tard, puis que on veult payer on y entre a toute heure. Allons, allons dist il vne nuyt n'y fait rien. Ainsi s'en retournerent le mary et la femme mal contens tous deux, la femme pource qu'on ne la pas laissée payer son Disme, et son mary pource qu'il se veoit ainsi deceu, tout esprins d'yre et de mal talent que encores redoubloit la peine que ne lo-soit monstrier. A certaine pièce aprez toutes-fois, ils se coucherent, et le mary que estoit assez subtil interroga sa femme de longue main se les autres femmes de la Ville ne payent pas aussi ceste disme quelle fait. Quoy donc, dist elle, par ma foy si font, quel priuilege auroient elles plus que moy ? Nous sommes encores seize ou vingt qui les payons a frere Eustache. Ha, il est tant deuot ! Et croiez que ce luy est vne grande patience.

Frere Berthelemy en a autant ou plus et entre les autres Madame est de son nombre. Frere Jacques aussi en a beaucoup, Frere Antoine aussi, il ny a celluy deulx qui n'ayt son nombre. Saint Jehan dist le marry ils nont pas ouure laisseé! Or congnois ie bien qu'ils sont beaucoup plus deuots quil ne semble et vrayement ie les vueil auoir ceans tous l'un aprez l'autre pour les festoyer et ouyr leurs bonnes diuises; et pource que Frere Eustache recoit la disme de ceans, ce sera le premier, faites que nous ayons demain bien a disner, car ie le ameneray. Tres voutentiers dist elle, au mains ne me faultra il pas aller en sa chambre pour le payer, il la recepuera bien ceans. Vous dictes bien dist il. Or dormons: mais creiez qui n'en auoit garde; et en lieu de dormir il pensa tout a son aise ce qu'il vouloit a lendemain excuter. Ce disner vint, et Frere Eustache que ne scauoit pas l'intencion de son hoste, fist assez bonne chiere sous son' chaperon, et quant il veoit son point, il prestoit ses yeulx a l'hostesse sans espergner pas deffous la table le gracieux ieu des piedz, de quoy saperceuoit bien l'oste sans en faire semblant, combien que ce fut a son prejudice. Aprez les graces il appela

la Frere Eustache , et luy dist qu'il luy vou-
loit monstrier vne ymage de Nostre Dame,
et vne tres belle Oraison qu'il auoit en sa
chambre, et il respondit qu'il le verroit vou-
lentiers A donc ils entrerent dedens la cham-
bre et puis l'hoste ferma luis dessus eulx
qu'il ne peust sortir, 'et puis empoigna vne
grande hasche, et dist a nostre Cordelier,
par la mort bieu beau Pere, vous ne par-
tirez jamais d'icy sinon les pieds deuant se
vous ne confessez verité. Helas mon hoste
je vous crie mercy ! Que me demandez vous ?
Je vous demande, dist il, le Disme du Disme
que vous auez prins sur ma femme. Quand
le Cordelier ouyt parler de ce Disme il pen-
soit bien que ces besoignes n'estoient pas
bonnes , si ne sceut que respondre sinon
que crier mercy et de soy excuser le plus
beau qu'il pouoit. Or me distes, dist l'oste,
quelle Disme est ce que vous prenes sur ma
femme et sur les autres ? Le poure Corde-
lier estoit tant effroyé qu'il ne pouoit parler,
et ne respondit mot. Dictes moy, dist l'hoste,
la chose comment elle va, et par ma foy ie
vous lerray aller, et ne vous feray ja mal,
ou sinon ie vous tuëray tout roide. Quant
l'autre se ouyt asseurer il aima mieulx con-
fesser son pechié, et celluy de ses Compai-

gnons et eschapper, que le celer et tenir clos et estre en dangier de perdre sa vie; si dist: Mon hoste je vous crie mercy je vous diray verité. Il est vray que mes Compaignons et moy auons fait accroire a toutes les femmes de ceste Ville quelles doiuent la Disme des fois que vous couchez avec elles, elles nous ont creu si les payent les jeunes et vieilles, puis qu'elles sont mariées, il n'en y a pas vne qui en soit excusée, Madame mesme la paye comme les autres ses deux niepces aussi, et generalement nulle n'en est exempte. Ha dea dist l'autre! Puis que Monseigneur et tant de gens de bien la payent je n'en dois pas estre quitte, combien que ie m'en passasse bien. Or vous en allez beau Pere par telle fin que vous me quitterez la disme que ma femme vous doit. L'autre ne fut oncques si joyeux quant il se fut sauué dehors: si dist que jamais nen demanderoit rien, aussi ne fist il comme vous orrez. Quant l'oste du Cordelier fut bien informé de sa femme et de ceste nouvelle Disme, il s'en vint a son Seigneur et luy compta tout du long ce cas du disme comme il est touchié cy dessus: pensez qu'il fut bien esbahy et dist; oncques ne me pleurent ces Papelars, et me iugeoyt bien le

cueur

cueur qu'ils n'estoient pas tels par dedans
 comme ils se monstroient par dehors Ha
 maudictes gens qu'ilz sont ! maudicte soit
 l'heure que oncques Monseigneur mon pere
 a qui Dieu pardoiert les accointa ! Or som-
 mes nous par eulx gastez et deshonnourez,
 et encore feront ils pis fils durent longue-
 men, qu'est il de faire ? Par ma foy Mon-
 seigneur dist l'autre, s'il vous plaist et semble
 bon vous assemblerez tous vos sujets de
 ceste ville, la chose leur touche comme a vous :
 si leur desclairez ceste aduventure, et puis
 aurez aduis avec eux d'y pourueoir et re-
 medier auant qu'il soit plus tard. Monsei-
 gneur le voulut, si demanda tous ses su-
 jetz mariez tant seulement, et ils vinrent
 vers luy en la grant salle de son hostel, il
 leur declaira tout au long la cause pourquoy
 il les auoit assemblez. Se Monseigneur fut
 bien esbahy de prin fault quant il sceut
 premier ces nouuelles aussi furent tou-
 tes bonnes gens qui la estoient. Adonc-
 ques les vng, disoient, il les fault tuer, les
 autres il les fault pendre, les aultres noyer,
 les aultres disoient qu'ilz ne pourroient
 croire que ce fust verité, et qu'ilz sont trop
 deuots et trop de saincte vie. Ainsi dirent
 les vns et les aultres d'autre. Je vous diray

S 5

dist

dist le Seigneur, nous manderons icy nos femmes, et vng tel maistre Jehan &c. fera vne petite collation, laquelle enfin cherra de parler des Dismes, et leur demandera au nom de nous tous selles s'en acquittent, car nous voullons quelles soient payées. Nous orrons leur responce, et apréz aduis sur cela; ils s'accorderent tous au conseil et a l'opinion de Monseigneur. Si furent toutes les femmes mariées de la ville mandées, et vindrent en la salle ou tous leurs maris estoient. Monseigneur mesme fist venir Madame qui fust toute esbahye de veoir l'assemblée de ce peuple, et puis après vng sergent commanda de par Monseigneur faire silence. Et ledit maistre Jehan se mist vng peu au dessus des autres et commença sa petite collation comme il ensuit. Mes Dames et mes Damoiselles jay la charge de par Monseigneur qui cy est et ceulx de son Conseil vous dire en brief la cause pourquoy estes icy mandées. Il est vray que Monseigneur et son Conseil et son peuple qui cy est, ont tenus a ceste heure vng Chapitre du fait de leurs consciences, la cause s'y est qu'ils ont voulenté, Dieu deuant, dedens brief temps faire vne belle Procession et deuote a la louenge de Nostre Sci-

Seigneur Jesus Christ, et de sa glorieuse Mere, a ycelluy jour se mettre tous en bon estat, affin que ils soient mieulx exaulcez en leurs plus deuotes prierez et que les oeuvres qu'ils feront soient a ycelluy nostre Dieu plus agreables. Vous scauez que la mercy Dieu, nous n'auons eu nulles guerres de nostre temps, et nos voisins en ont esté terriblement persecutez, et de pestilences et de famines. Quant les autres en ont esté ainsi examinez nous auons peu dire et encores faisons que Dieu nous a preservez. C'est bien raison que nous congnoissons que ce vient non pas de nos propos vertus, mais de la seule large et liberale grace de nostre benoist Createur et Redempteur qui huche et appelle et inuite au son des deuotes prieres qui se font en nostre Eglise et ou nous adjoustons tres grant foy et tenons en fermes deuotions. Aussi le tres deuot Couuent des Cordeliers de ceste Ville nous a beaucoup valu et vault a la conseruacion des biens dessusditz. Au surplus nous voulons scauoir se vous acquistéz a faire ce a quoy vous estes tenuës, et combien que nous tenons assez estre en vostre memoire l'obligacion qu'auetz a l'Eglise, il ne vous desplaira pas se je vous en touche aucuns

aulcuns des plus grants points quatre fois
 l'an, c'est a scauoir aux quatre nataux;
 vous vous deuez bien confesser a vostre Cu-
 ré, ou a quelque Religieux ayant la puissan-
 ce et se receurez vostre Createur a chaque
 fois, vous feriez bien, a tout le mains le
 deuez vous faire vne fois l'an; allez a l'of-
 frande tous les Dimanches, et payez leau-
 mant les Dismes a Dieu, comme de fruitz,
 de poullailles, agneaux, et aultrez telz
 vsaiges accoustumes. Vous deuez aussi
 vne autre Disme aux deuots Religieux du
 Couuent de Saint François que nous vou-
 lons expressement qu'elle soit payée, c'est
 celle que plus nous touche au cueur, et
 dont nous desirons plus l'entretienance, et
 pourtant s'il y a nulle de vous que n'en ayt
 fait son deuoir aucunement que ce soit par
 sa negligence ou par faulte de le deman-
 der ou autrement, si s'auance de le dire;
 vous scauez que ces bons Religieux ne peu-
 uent venir a l'hostel querir leurs Dismes ce
 leurs seroit trop grant peine et trop grant de-
 stourbier, il doibt bien suffire s'ils prennent
 la peine de le receuoir en leur Couuent. De
 la partie de ce que ie vous ay a dire, reste a
 scauoir celles que ont payez et celles que doi-
 uent. Maistre Jehan n'eust pas finé son
 dire

dire que plus de vingt femmes commencerent a crier toutes d'une voix. J'ay payé moy ; et moy ie ne doibz rien , ne moy , ne moy. Dautre cousté ce dirent vng cent d'autres , et generallement quelles ne deuoient rien , mesme faillirent auant quatre ou six tres belles jeunes femmes qui disoient quelles auoient si bien payé quon leurs debuoit sur le temps aduenir a l'une quatre fois , a l'autre six fois , a l'autre dix fois. Il y auoit aussi d'autre costé ie ne scay quantes vieilles qui ne disoient mot ; et maistre Jehan leur demanda s'elles auoient bien payé leurs Disme , et elles respondirent qu'elles auoient faict traictié avec les Cordeliers. Comment, dist il, ne payez vous pas ? Vous deuez semondre et contraindre les autres de ce faire , et vous mesmes faictes la faulte. Dea dist l'une ce n'est pas moy. Je me suis presentée plusieurs fois de faire mon debvoir , mais mon Confesseur ny veult jamais entendre, il dit toujours qu'il na loisir. Saint Jehan dirent les autres vielles, nous composons par traictié faict avecques eulx la disme que deuons en toille, en draps, en couffins , en banquiers , en orilliers et en autres

autres telles bagues, et ce par leur conseil et aduertissement, car nous aymerions mieulx la payer comme les autres. Nostre Dame, dist maistre Jehan, il ny a point de mal, c'est tres bien fait. Elles s'en peuuent doncques bien aller dist Monseigneur a maistre Jehan, ouy, dist il, mais quoy que ce soit que ces Dismes ne soient pas oubliées. Quant elles furent toutes hors de la salle luis fut serré, si ny eut celuy des demourez qui ne regardast son Compaignon. Or ca dist Monseigneur, qu'est il de faire? Nous sommes acertez de la trayson que ces ribaulx Moines nous ont fait par la desposition de l'ung deulx et par nos femmes, il ne nous fault plus de tesmoins. Aprez plusieurs et diuerses opinions, la finale et derniere resolution si fut, qu'ilz yront bouter le feu au Couuent, et bruleront et Moynes et Monstier. Si descendirent en bas en la Ville, et vindrent au Monastere, et oste-
rent hors le *Corpus Domini*, et aucun autre Reliquaire qui la estoit, et l'enuoierent en la Paroisse, et puis sans plus enquerir bouterent le feu en diuers lieux leans, et ne s'en partirent tant que tout fut consommé, et Moynes et Couuent et Egli-
se

se et Dortoir et le surplus des Edifices dont il y auoit foison leans. Ainsi acheterent bien cherement les pources Cordeliers la Disme non accoustumée qu'ils mindrent sur Dieu , qui n'en pouuoit , mais en eut bien sa maison brulée.

NOU-



NOUVELLE XXXIII.
M A D A M E
T O N D U E.

VNg gentil Cheuallier, des marches de
 Bourgoigne, faige vaillant, et tres
 bien

bien adrecé digne d'auoir bruit et los comme il eut tout son temps entre les plus renommez, se trouua tant et si bien en la grace d'une si belle Damoiselle, qu'il en fut retenu seruiteur, et d'elle obtint a petit de de piece tout ce que par honneur elle donner luy pouuoit; et au surplus par force d'armes, et a cela mena que reffuser ne luy peult nullement ce que par deuant et aprez ne peut obtenir; et de ce se print, et tres bien donna garde vng tres grant et gentil Seigneur, tres elervoyant dont ie passe le nom et les vertus, lesquelles ce en moy estoit de les auoir racompter il n'y a celluy de vous qui tantost ne congneut de quoy ce Conte ce feroit, ce que pas ne voudroie. Ce gentil Seigneur que ie vous dis qui se apperceut des amours du vaillant homme dessusdit. quant il vit son point si luy demanda s'il n'estoit point en grace d'une Damoiselle, c'est a scauoir de celle dessusdicte, et il luy respondit que non, et l'autre qui bien scauoit le contraire luy dist qu'il congnoissoit tres bien que si. Neantmoins quelque chose qu'il luy dist ou remonstraist il ne luy debuoit pas celer vng tel cas, et que se il luy en estoit adueni vng semblable ou beaucoup plus grant il ne luy

Tom. I. *T.* *celeroit*

celeroit ja, si ne luy voulut il oncques dire ce qu'il scauoit certainement. Adonc se pensa en lieu d'autre chose faire et pour passer temps s'il scait trouuer voie ne facon en lieu que celuy qui luy est tant estrange, et prent si peu de fiance en luy, il s'accomtera de sa Dame et se fera priué d'elle, a quoy il ne faillit pas; car en peu deure il fut vers elle si tres bien venu, comme celuy qui le valoit, qu'il se pouoit vanter d'en auoir autant obtenu, sans faire gueres grant queste ne poursuite, que celuy qui mainte peine et foison de trauaulx en auoit soutenu, et si auoit vng bon point qu'il n'en estoit en rien feru; et l'autre que ne pensoit point auoir Compaignon en auoit tout au long du bras et autant que on en pourroit entasser a toute force au cueur d'vng amoureux. Et ne vous fault pas penser qu'il ne fut entretenu de la bonne gouge, autant et mieulx que parauant qu'il luy faisoit plus auant bouter et entretenir en sa folle amour; et affin que vous sachiez que ceste vaillante gouge n'estoit pas oyseuse qui en auoit a entrer enir deux du mains, lesquels elle eut a grant regret perdus et especiallement le dernier venu, car il estoit de plus hault estoffe et trop mieulx garny au pognet

gnet que le premier venu, et elle leurs bailloït et assignoit tousjours heure de venir l'vng aprez l'autre comme l'vng aujourd'huy et l'autre demain; et de ceste maniere de faire scauoit bien le dernier venu, mais il nen faisoit nul semblant; et aussi a la verité, il ne enchaillloit gueres sinon que luy desplaisoit la folie du premier venu que trop fort a son gré se boutoit en chose de petite valuë, et de fait se pensa qu'il l'en aduertiroit tout du long ce qu'il fist. Or scauoit il bien que les jours que la gouge luy deffendoit de venir vers elle dont il faisoit trop bien le mal content, estoient gardez pour son Compaignon le premier venu. Si fist le guet par plusieurs nuytz et le veoit entrer vers elle par le mesme lieu, et a celle heure que es autres ses jours faisoit. Si luy dist vng jour entre les autres, vous m'auez trop celé les amours d'yne telle et de vous, et n'est serment que nous ne mayez fait au contraire dont ie mesbahys bien que vous prenez si peu de fiance en moy voire quant ie scay deuantage, et veritablement ce qui est entre vous et elle: et afin que vous sachiez que ie scay qu'il en est, ie vous ay veu entrer vers elle a telle heure et a telle: et de fait hier na pas plus loing

ie tins sur vous et d'vng lieu la ou iestoye
 ie vous y veis arriuer, vous scauez bien se
 ie dis vray. Quant le premier venu ouyt
 fr viues enseignes il ne sceut que dire si luy
 fut force confesser ce qu'il en eut voulent-
 tiers celé, et qu'il cuydoit que ame ne le
 sceut que luy. Et dist a son Compaignon
 le dernier venu que vrayment il ne luy peult
 plus ne veult celer qu'il en soit bien amou-
 reux, mais il luy prie qu'il n'en soit nou-
 uelle. Et que diriez vous dist l'autre, se
 vous auiez Compaignon? Compaignon, dist
 il! Quel Compaignon? En amours ie ne le
 pense pas, dist il. Saint Jehan dist le dernier
 venu, et ie le scay bien. Il ne fault ja al-
 ler de deux en trois. C'est moy, et pource
 que ie vous veois plus feru que la chose ne
 vault, vous ay piecà voulu aduertir, mais
 ne y auez voulu entendre, et se ie nauoye
 plus grant pitié de vous que vous mesmes
 n'auiez ie vous lairoie en ceste folie; mais
 ie ne pouroie souffrir que vne telle gouge
 se trompast et de vous et de moy si longue-
 ment. Qui fut bien esbahy de ces nouuel-
 les ce fut le premier venu: car il cuidoit
 tant estre en grace que merueilles, voire
 et si croyoit fermement que ladiète gouge
 n'aymoit aultre que luy; si ne scauoit que
 dire

dire ne penser, et fut longue espace sans mot dire. Au fort quant il parla il dit, par Nostre Dame on ma bien baillé de loignon ! Et si ne m'en doubtoye gueres si en aye esté plus aisé a decevoir ; le Dyable emporte la gouge quant elle est telle. Je vous diray, dist le dernier venu, elle se cuide tromper de nous et de fait elle a desja tres bien commencé, mais il la nous fault mesmes tromper. Et ie vous en prie dist le premier venu, le feu de Saint Antoine larde quant oncques ie l'accointay. Vous scauez, dist le dernier venu, que nous allons vers elle tour a tour, il fault qua la premiere fois que vous yrez ou moy que vous dictes que vous auez bien congneu et apperceu que ie suis tant amoureux d'elle, et que vous mauez veu entrer vers elle a telle heure et ainsi habillé ; et que par la mort bieu, se vous my trouuez plus, que vous me tuerez tout royde quelque chose qui vous en doive aduenir ; et diray ainsi de vous et nous verrons sur ce que fera et dira et aurons aduis du surplus. C'est tres bien dit et ie le vueil dist le premier venu. Comme il fut dit en fut fait : car ie ne scay quans jours aprez le dernier venu eut son tour d'aller besongner, il se mist au chemin et vint

T 3

au

au lieu assigné. Quant il se trouua seul & seul avecques la gouge qui le receut tres doucement et de grant cuer comme il sembloit, il faindit comme bien le scauoit faire vne mathe chiere et monstra semblant de courroux. Et celle qui l'auoit accoustumé de veoir tout autrement ne sceut que penser, si luy demanda qu'il auoit et que sa maniere monstroit que son cuer n'estoit pas a son aise? Vrayment, Madamoiselle, dist il, vous dictes vray que ay bien cause de estre mal content et desplaisant, la vostre merci toutesfois, que le mauez pourchassé. Moy se dist elle! hélas, dist elle! Non ay, que ie saiche. Car vous estes le seul homme en ce monde a qui ie vouldroye faire le plus de plaisir, et qui de plus près me toucheroit l'ennuy et le desplaisir. Il n'est pas damné qui ne le croit, dist il, et pensez vous que ie ne me foye bien apperceu que vous auez tenu vng tel, c'est a scauoir le premier veau, si fait par ma foy, ie l'ay trop bien veu parler a vous a part, et qui plus est ie l'ay espié et veu entrer ceans? Mais par la mort bieu se ie luy treuve jamais son dernier jour sera veau quelque chose qu'il en doye aduenir, que ie seuffre ne puisse veoir qu'il me fist ce desplaisir, j'aymeroye mieulx
a mou-

amourir mille fois s'il m'estoit possible;
Et vous estes aussi bien desleale que sca-
uiez certainement , et de vray que aprez
Dieu ie n'ayme riens que vous , qui a mon
tres grant prejudice le voulez entretenir. Ha!
Monseigneur , dist elle , et qui vous a fait ce
raport? Par ma foy ie vueil bien que
Dieu et vous sachez que la chose va tout
aultrement , et de ce ie le prens a tesmoing
que oncques iour de ma vie ie ne tins ter-
me a celluy dont vous parlez , ne a aultre
quel qu'il soit parquoy vous ayez tant soyt
peu de cause d'en estre mal content de
moy. Je ne vueil pas nyer que je n'aye et
parlé a luy tous les jours et a plusieurs aul-
tres; mais qu'il y ayt entretenance riens,
ainsi tiens que soit le maindre de ses pen-
sées , et aussi pardieu il s'abuseroit , ja
Dieu ne me laisse tant viure que autruy
que vous ayt part ne demie en ce qui est
entierement a vous. Mademoiselle, dist il,
vous le scauez tres bien dire , mais ie ne
suis pas si beste que de le croire. Quelque
mal content qu'il y fut, elle sceut ce pour-
quoy il estoit venu , et au partir luy dist ie
vous ay dit et de rechief vous fais scauoir
que se ie me apperceois jamais que l'autre
viennne ceans le metteray ou fairai mettre

en tel point qu'il ne couroucera jamais ne moy ne aultre. Ha ! Monseigneur, dist elle, pardieu vous auez tort de prendre vostre imaginacion sur luy et croyez que ie suis seure qu'il n'y pense pas. Ainsi se partit nostre dernier venu. Et a lendemain son Compaignon le premier venu ne faillit pas a son leucr pour scauoir des nouuelles, et il luy en compta largement, et bien au long tout le demené, comment il fist le couroucé et comme il le menace de tuer, et les responses de la gouge. Par mon serment c'est bien jouié, dist il ! Or laissez moy auoir mon tour se ie ne fais bien mon perlonnage, ie ne fus oncques siesbahy. Vne certaine piece aprez son tour vint et se trouua vers la gouge qui ne luy fist pas mains de chiere qu'elle auoit de coustume, et que le dernier venu en auoit emporté nagueres. Se l'autre son Compaignon le dernier venu auoit bien fait du mauuais cheval et en maintien et en parolles, encores en fist il plus, et dist en telle maniere. Je dois bien maudire l'eure et le jour quonques jeus vostre accointance ; car il n'est pas possible au monde d'amasser, plus de douleurs et regretz et damers plaisirs au cueur du poure amoureux que j'en treuve aujourd'hui dont le mien est environné

vironné et assiéé. Helas ie vous auoie entre-
autres choisie comme la nonpareille de
beaulté genteté et gracieuseté, et que ie y
trouueroye largement et a comble de loyaul-
té: et a ceste cause m'estoie de mon cuëur des-
fait, et du tout mis l'auoie en vostre mer-
cy, cuydant a la verité que plus noblement
ne en meilleur lieu ascoir ne le pouroye,
mesmes m'avez a ce mené que iestoie prest
et délibéré d'attendre la mort ou plus, se
possible eust esté, pour vostre honneur sau-
uer, et quand jay cuidé estre plus seur de
vous, que ie n'ay pas sceu seulement par
estrange raport, mais a mes yeulx apper-
ceuz vng aultre estre venu de costé, qui me
toul et rompt tout lespoir que j'auoie en
vostre seruice d'estre de vous tout le plus
chier tenu. Mon amy, dist la gouge, ie
ne scay qui vous a troublé, mais vostre ma-
niere et vos parolles portent et iugent qu'il
vous fault quelque chose, que ie ne scau-
roie penser que se peult estre, se vous n'en
dites plus auant, sinon vng peu de ialou-
sie qui vous tourmente se me semble, de
laquelle se vous estiez bien saige n'auriez
cause de vous accointer, et la ou ie le sca-
roye ie ne vous en vouldroie pas bailler
loccasion, toutesfois n'estes pas si peu

T s

ac-

accointé de moy que ie ne vous aye mon-
 stré la chose qui plus en peult bailler la cau-
 se d'assurance, a quoy vous me feriez tan-
 tost auoir regret, par me seruir de telles
 parolles. Je ne suis pas homme, dist le pre-
 mier venu, que venu doyez contenter de
 parolles, car excusance ny vault rien, vous
 ne pouez nyer que vng tel, c'est a sca-
 uoir le dernier venu, ne soit de vous entre-
 tenu, ie le scay bien : car ie m'en suis
 donné garde, et si ay fait le guet, car ie
 le vois hier vers vous a telle heure, et ainsi
 habillé, mais ie voüe a Dieu qu'il en a pris
 ses carésmeaux car ie viendray sur luy,
 et fust il plus grant maistre cent fois, se ie
 le y puis rencontrer ie luy osteray la vie
 du corps, ou luy a moy, ce sera l'vng des
 deux : car ie ne pouroie viure voyant vng
 autre jouir de vous, et vous estes bien fau-
 se et desloiale, que m'auez en ce point de-
 ceu : et non sans cause maudis ie l'heure
 que oncques vous accointay : car ie scay
 tout certainement que c'est ma mort, se
 l'autre scait ma volenté, comme i'espere
 que ouy, et pour vous ie scay de vray que
 ie suis mort, et si me laisse viure il aguise
 le cousteau, que sans mercy a ses derniers
 jours le menera, et s'ainsy est, le monde
 n'est

n'est pas assez grant pour me sauuer que mourir ne me face. La gouge n'auoit pas moyennement a penser pour trouuer soudaine et suffisante excusance pour contenter celluy qui est si mal content. Toutes-fois ne demoura pas qu'elle ne se mist en ses deuoirs pour l'oster hors de ceste melencolie, et pour affiete en lieu de cresson, elle luy dist, mon amy i'ay bien au long entendu vostre grant rateleé, qui a la verité dire me bailla a congnoistre que ie n'ay pas esté si saige comme ie deusse, et que i'ay trop tost adjousté foy a voz semblans et deceuantes parolles: car elles m'ont conclut et rendüe en vostre obeissance, vous en tenez a ceste heure trop mains de biens de moy, autre raison aussi vous meut: car vous scauez assez que ie suis prinse et que amours mont a ce meneé, que sans vostre presence ie ne puis viure ne durer, et a ceste cause et plusieurs aultres qu'il ne fault ia dire, vous me voulez tenir vostre sugette en esclauue sans auoir loy de parler, ne deuiser a nul autre qu'a vous. Puis qu'il vous plaist, au fort i'en suis contente, mais vous n'avez nulle cause de moy suspeconner en rien de personne qui viue, et si ne fault aussi ia que ie m'en excuse verité

té



té que tous vaint en fin men deffendra s'il luy plaist. Pardieu ma mye dist le premier venu, la verité est telle que ie vous lay dicte, si vous en sera quelque jour prouuée et chier vendue pour aultruy et pour moy, se aultre prouision de par vous ny est mise; aprez ces parolles et autres trop longues a racompter se partit le premier venu qui pas n'oublia landemain tout au long racompter a son Compaignon le dernier venu, et Dieu scait ses risées et ioyeuses deuises qu'ils eurent entre eulx deux, et la gouge en ce lieu auoit des estouppes en sa quenaille que veoit et scauoit très bien que ceux qu'elle entretenoit se doubtoient et apperceuoient aucunement chascun de son Compaignon, mais non pourtant ne laissa pas de leurs bailler tousjours audience chascun a sa fois, puis qu'ilz le requeroient sans en donner a nul congé, trop bien les aduertissoit que ilz venissent bien secrettement vers elle, affin qu'ilz ne fussent de nulz apperceuz. Mais vous deuez scauoir quant le premier venu auoit son tour qu'il n'oublioit pas a faire sa plainte comme dessus, et n'estoit rien de la vie de son Compaignon s'il le pouoit rencontrer. Pareillement le dernier, jour de son audien-

dience, sefforçoit de monstrier semblant plus desplaisant que le cuer ne luy donnoit, et ne valoit son Compaignon, qui oyoit son dire, gueres mieulx que mort s'il le treuve, en belles parolles. Et la subtile et double Damoiselle les cuidoit abuser de parolles qu'elle auoit tant a main et si prestes, que ses bourdes sembloient autant veritables que l'Euangile, si cuidoit bien que quelque doubte ne suspicion qu'ilz eussent eu, jamais la chose ne seroit plus auant enforcée, et qu'elle estoit femme pour les fornir tous deux trop mieulx que l'vng deux a part n'estoit pour la seule seruir a son gré. La fin fut autre, car le dernier venu qu'elle craignoit beaucoup a perdre quelque chose qu'il sceust de l'autre, luy dist vng jour trop bien la leçon et de fait luy dist qu'il n'y retourneroit plus, et aussi ne fist il de grant piece apres, dont elle fut tres desplaisante et malcontente. Or ne fault pas oublier, afin quelle eut encores mieulx le feu, il enuoya vers elle vng gentil homme de son estroit conseil, a fin de luy remonstrier bien au long le desplaisir qu'auroit d'auoir compaignon a son seruiçe, et brief et court selle ne luy donne congé que ny reuiendra jour qu'il viue. Comme

me vous auez ouy dessus, elle neut pas
 volentiers perdu son aecointance: si n'e-
 stoit Sainct ne Saincte quelle ne parjurast en
 foy excusant de l'entreenance du premier:
 et enfin comme toute forceneé dist a l'es-
 cuyer et ie monstrey a vostre maistre que
 ie l'aime, et me baillez vostre cousteau.
 Adonc quand elle eut le cousteau elle se
 destourna, et si coupa tous les cheueulx
 de ce cousteau, non pas bien vniment,
 toutesfois l'autre print ce present qui bien
 scauoit la verité du cas, et se offrit du pre-
 sent faire deuoir, ainsi qu'il fist tantost
 aprez, le dernier venu receut ce beau pre-
 sent qu'il destroussa et leua les cheueulx de
 sa Dame que beaux estoient et beaucoup
 longs, si ne fut puis gueres aise tant qu'il
 trouua son Compaignon a qui il ne cella
 pas l'ambassade que on luy a mise fus, et
 a luy enuoyée, et les gros presens qu'on
 luy enueloppe que n'est peu de chose, et
 lors monstra les beaux cheueulx. Je croy
 dist il, que ie suis bien en grace: vous n'a-
 uez garde qu'on vous en face autant.
 Sainct Jehan dist l'autre, vecy autre nou-
 uelle! Or voy ie bien que ie suis frit. C'est
 fait, vous auez bruyt tout seul sur ma foy,
 ie croy fermement qu'il n'en est pas epco-
 re

re vne pareille, je vous requiers, dist il, pensons qu'il est de faire, il luy fault monstrier a bon escient que nous la congnoissons telle quelle est, et ie le vueil dist l'autre ; tant penserent et contrepenſerent qu'ils ſarretterent de faire ce qui ſensuit. Le jour ensuiuant ou tost aprez les deux Compaignons se trouuerent en vne chambre ensemble ou leur loyale Dame avec plusieurs aultres estoit, chascun saisit la place au mieulx qu'il peult. Le premier venu aupres de la tres bonne Damoiselle, a laquelle tantost apres plusieurs deuises il monstra les cheueux qu'elle auoit enuoyez a son Compaignon, quelque chose quelle en pensast, elle n'en monstra nul semblant ne deffray, mesme disoit quelle ne les congnoissoit, et qu'ils ne venoient point d'elle. Comment, dist il, sont ilz si tost changiez et descongnez ? Je ne scay qu'ilz sont, dist elle, mais ie ne les congnois. Et quant il vit ce, il se pensa qu'il estoit heure de jouier son jeu, et fist maniere de mettre son chaperon que sur son espaule estoit, et en faisant le tour tout a propos luy fist heurter si rudement a son atour qu'il l'enuoya par terre, dont elle fut bien honteuse, et malcontente et ceux qui la estoient apperceurent

rent bien que ses cheueulx estoient couppez, et assez lourdement, elle saillit sus en haste et reprit son atour et s'en entra en vne autre chambre pour se ratourner, et il la suiuit, si la trouua toute couroucéé, et marie, voire bien fort pleurante de deüil qu'elle auoit d'auoir este desatournéé. Si luy demanda qu'elle auoit a plourer, et a quel jeu elle auoit perdu ses cheueulx? Elle ne scauoit que respondre, tant estoit a celle heure surprinle, et luy qui ne se peult plus tenir d'executer la conclusion prinse entre son Compaignon et luy; dist, faulse et desloyale que vous estes, il n'a pas tenu a vous que vng tel et moy ne nous sommes entretüez et deshonnorez et je tiens moy que vous l'eussiez bien voulu a ce que vous auez monstre, pour en racointer deux autres nouueaux, mais Dieu mercy nous n'en auons garde, et afin que vous sachez son cas et le mien, vécy vos cheueulx que luy auez enuoyez dont il ma fait present, et ne pensez pas que nous soyons si bestes, que nous auez tenus jusques icy. Lors appella son Compaignon et il vint, puis dist j'ay rendu a ceste bonne Damoiselle ses cheueulx et luy ay commencé a dire comment de sa grace,

elle

elle nous a bien tous deux entretenus, et combien que a la maniere elle a bien mon-
stré qui ne luy chailloit, se nous deshonorions l'vng l'autre, Dieu nous en a gar-
dez. Saint Jehan c'amon, dist il, et lors
mesmes adressa parole a la gouge, et Dieu
scait s'il parla bien a elle, en luy remon-
strant se tres grande lascheté et desloyaul-
té, de cuer, et ne pensez pas que gueres
oncques femme fut mieulx capituleé qu'el-
le fut a l'heure, puis de l'vng, puis de l'au-
tre, a quoy elle ne scauoit en nulle ma-
niere que dire ne respondre comme sur-
prise en meffait euident, sinon de lar-
mes qu'elle n'espargnoit pas. Et ne pensez
pas quelle eut gueres oncques plus de plai-
sir en les entretenant tous deux qu'elle auoit
a ceste heure de desplaisir. La conclusion
fust telle toutesfois qu'ilz ne labandonne-
ront point, mais par acort doreesna-
uant chascun aura son tour, et s'ils y
viennent tous deux ensemble l'vng fera
place a l'autre et seront bons amis, com-
me parauant sans plus jamais parler de tuer
ne de battre. Ainsy en fut il fait et main-
tinrent assez longuement les deux Compai-
gnons ceste vie et plaisant passetemps,
sans que la gouge les osast oncques desdi-

306 LES CENT NOUVELLES

re: et quant l'vng alloit sa journée il le disoit a l'autre, et quant d'aventure l'vng eslongnoit le marchié: le lieu a l'autre demouroit. Tres bon faisoit ouïr les recommandacions qu'ils faisoient au despartir, mesmement ils firent de tres bons rondaux, et de plusieurs chansonnettes qu'ilz manderent et enuoyerent l'vng a l'autre, dont il est aujourd'hui grant bruit seruans aux propos de leur matiere dessus dicte, dont ie cesseray de parler et si donneray fin au compte,

NOU.



NOUVELLE XXXIV.

SEIGNEUR

DESSUS, SEIGNEUR DESSOUS.

N'apas long temps que j'ay congneu
vne notable femme et digne de me-
V 2 moire

moire car les vertus ne doiuent estre celeés ne estaintes, mais en commune audience publiquement blasonnées. Vous orrez s'il vous plaist en ceste nouuelle la chose de quoy i'entens parler. C'est d'accroistre la très heureuse renommée. Ceste vaillante preude femme mariée a vng tout oultre nos amys, auoit plusieurs seruiteurs en amours, pourchassans et desirans sa grace qui n'estoit pas trop difficile de conquerre, tant estoit douce et pityable celle qui la pouuoit et vouloit departir largement par tout ou bon et mieulx luy sembloit. Aduint vng jour que les deux vinrent vers elle comme ils auoient de coutume non saichans l'un de l'autre, demandans lieu de cuire et leur tour d'audience. Elle qui pour deux ne pour trois n'eust jamais reculé ne démarchié leur bailla jour et heure de se rendre vers elle. Comme a lendemain; l'vng a huyt heures du matin, l'autre a neuf ensuiuant, chargeant a chascun par exprés et bien a certes qu'il ne faille pas a son heure assignée. Ils promirent sur leur foy et sur leur honneur s'ils nont cause raisonnable qu'ils se rendront au lieu et terme limité. Quant vient a lendemain enuiron cinq heures du matin, le

mary

mary de ceste vaillante femme se lève, se habille, et se met en point et puis la huche, et appelle pour se lever, mais il ne luy fut pas accordé ains refusé tout pleinement. Ma foy, dist elle, il m'est prins vn tel mal de teste que ie ne me scauroie tenir en piedz; si ne me pouroie encor lever pour mourir, tant suis foible et trauaillée, et que vous le saichiez, ie ne dormis ennuit, si vous prie et requier que me laissez icy vng peu reposer, et i'espere quant ie seray seule ie prendray quelque peu de repos. L'autre combien qu'il se doubta n'osa contredire ne repliquer, mais s'en alla comme il auoit de coustume besoigner en la ville. Tandis la femme ne fut pas oyseuse a l'hôtel car huyt heures ne furent pas plustost sonnées que vecy bon compaignon du jour de deuant ainsi assigné qui vient heurter a l'ostel, et elle le bourta dedens. Il eut tantost despouillé sa robe longue, et le surplus de ses habillemens et puis vint faire compaignie a Mademoiselle, affin qu'elle ne se espouuenta, et furent eulx deux tant et si longuement bras a bras qu'ilz ouïrent assez rudement heurter a l'huis. Ah! dist elle, par ma foy vecy mon mary, auancez vous, prenez vostre robe. Vostre mary, dist il, et le

congnoissez vous a heurter? Oüy, dist elle, je scay bien que c'est il, abregez vous, qu'il ne vous treuve icy. Il faut bien, se c'est il qu'il me voye, ie ne me scauroye ou sauuer. Qu'il vous voye, dist elle ! Non fera se Dieu plaist, car vous seriez mort et moy aussi, il est trop merueilleux, montez en hault en ce petit grenier, et vous tenez tout quoy sans mouuoir qu'il ne vous oye. L'autre monta comme elle luy dist en ce petit grenier que estoit d'ancien edifice, tout désplanché, tout deslatté, et pertuisé et rompu en plusieurs lieux, et Mademoiselle le sentant la dessus fait vng fault jusqu'a l'huys très bien saichant que ce n'estoit pas son mary et mist dedens celuy qui auoit a neuf heures promis deuers elle se rendre. Ils vindrent en la chambre, ou pas ne furent longuement debout, mais tout de plat s'entreacolerent et embrasserent en la même ou semblable facon que celuy du grenier auoit fait, lequel par vng pertuis veoit a loeil la compaignie dont il n'estoit pas trop content, et fist grant procéz en son courage, assauoir se bon estoit qu'il parlast ou se mieulx luy valoit se taire. Il conclud toutesfois tenir silence et ne dire mot jusqu'a ce qu'il verra trop mieulx son heure et son point, et pensez qu'il auoit belle patience

tience; tant attendit, tant regarda sa Dame avec le suruenü, que bon mary vint a l'hostel pour scauoir de l'estat et santé de sa très bonne femme, ce qu'il estoit très-bien tenu de faire. Elle l'ouÿt tantost si neut autre loisir que de faire leuer la compaignie et elle ne le scauoit ou sauuer, pource que au grenier ne l'eut jamais enuoie: et elle le fist bouter en la ruelle du lit, et puis le couurit de ses robbes, et luy dist, ie ne vous scauroye ou mieulx logier, prenez en patience. Et elle n'eust pas acheué son dire que son mary entra dedens, qui aucunement si luy sembloit auoir noise entre ouÿe, si trouua le lit tout desfroissié et despoillé, la couuerture mal honnie et destrange biais, et sembloit mieulx le lit d'une espousee que la couche d'une femme malade. La doubte qu'il auoit au parauant, avec la parence de present, luy fist sa femme appeller par son nom, et luy dist paillarde et meschante que vous estes, ie nen pensoie pas mains huy matin, quant vous contresistes la malade: ou est vostre houlhier? Je vouë a Dieu si ie le trouue qu'il aura mal finé et vous aussi: et lors mit la main a la couuerture, et dist vecy bel apereil, il semble que les pourceaux y ayent couchié. Et qu'avez vous, ce

dist elle, meschant yurogne, fault il que ie compare le trop de vin que vostre gorge a entonné, est ce la belle salutacion que vous me faites de m'appeller paillarde? Je vueil bien que vous sachiez que ie ne suis pas telle: mais suis trop leale et trop bonne pour vng tel paillard que vous estes, et n'ay autre regret sinon de quoy ie vous ay esté si bonne et si loyale: car vous ne le vallez pas, et ne scay qui me tient que ie ne me lieue et vous esgratine le visage par telle facon, qu'a tousjours, mais ayéz memoire de m'auoir ainsi villenné. Et qui me demanderoit comment elle osoit en ce point respondre, et a son mary parler, je y treuue deux raisons. La premiere si est qu'elle auoit bon droit en sa querelle, et l'autre qu'elle se sentoit la plus forte en la place, et scait assez a penser se la chose feust venuë jusques aux horions celluy du grenier et l'autre, l'eussent seruie et secourüe. Le pauvre mary ne scauoit que dire qui oyoit le diable sa femme ainsi tonner, et pource qu'il veoit que hault parler et fort tencer n'auoit pas lors son lieu, il print le procès tout en Dieu qui est juste et droiturier. Et a chief de sa meditation entre autres parolles, il dit, vous, vous excusés beaucoup de ce dont ie scay tout

tout le vray, au fort il ne m'en chault pas tant qu'on pouroit bien dire, ie n'en quierres jamais faire noise, celuy de la hault payera tout, et pour celuy d'en hault entendoit Dieu. Mais le galant qui estoit au garnier qui oyoit les parolles cuydoit a bon escient que l'autre l'eust dit pour luy, et qu'il fut manacé de porter la paste au four pour le meffait d'autrui. Si respondit tout en hault. Comment fire il suffit bien que i'en paye la moitié, celuy qui est en la ruëlle du lit peut bien payer lautre moitié, car certainement ie croy qu'il y est autant tenu que moy. Qui fut bien esbahy ce fut l'autre, car il cuydoit que Dieu parlast a luy, et celuy de la reuëlle ne scauoie, que penser : car il ne scauoit rien de l'autre, il se leua toutesfois, et l'autre se descendit qui le congneut, si se partirent ensemble et laisserent la compaignie bien troubleé et mal contente dont il ne leurs challoit guerres et a bonne cause.



NOUVELLE XXXV,
L' E C H A N G E ,

VN gentil homme de ce Royaulme tres
vertueux et de grant renommée grant
voyager et aux armes tres preux et vail-
lant ,

lant, deuint amoureux d'une tres belle et
 gente Damoiselle, et en brief temps fut si
 bien en sa grace que rien ne luy fut escon-
 dit de ce qu'il voulut et osa demander. Ad-
 uint ne scay combien aprez ceste alliance
 que ce bon Cheualier, pour mieulx valoir
 et honneur aquerir, se partit de ses mar-
 ches tres bien en point et accompaignié,
 portant entreprinse d'armes du congé de
 son maistre, et s'en alla es Espaignes et en
 diuers lieux ou il se conduisit tellement que
 a son retour il fut receu a grant triumphe.
 Pendant ce temps la Dame fut mariée a un
 ancien Cheualier qui gracieux et saichant
 homme estoit, qui tout son temps auoit
 hanté la Cour et estoit au vray dire le re-
 gistre d'honneur et n'estoit pas un petit
 dommaige qu'il ne fut mieulx allié; com-
 bien toutesfois que encores n'estoit pas
 descouuerte l'embusche de son infortune sy
 auant, ne si commune comme elle fut de-
 puis ainsi comme vous orrez. Car ce bon
 Cheualier aduentureux dessusdit retourna
 d'accomplir ses armes, et comme il passoit
 par le Pays il arriua d'aenture vng soir au
 Chasteau ou la Dame demouroit, et Dieu
 scait la bonne chiere que Monseigneur son
 mary et elle luy firent; car il y auoit de pieca
 grant

grant accointance et amytié entre eulx deux. Mais vous deuez scauoir que tandis que le Seigneur de leans pensoit et s'efforçoit de trouuer maniere de plusieurs choses pour festoyer son hôte, l'hôte se deuisoit avec la Dame qui fust, et s'efforçoit de trouuer maniere de la festoyer, comme il auoit fait auant que Monseigneur fut son mary ; et elle qui ne demandoit autre chose ne se excusoit en rien sinon du lieu, mais il n'est pas possible, dist elle, de le pouuoir trouuer. Ah ! dist le bon Cheualier ma chiere Dame par ma foy si vous le voulez bien il n'est maniere qu'on ne treuue, et que scaura vostre mary quant il sera couchié et endormy, si vous me venez veoir jusques en ma chambre, ou se mieulx vous plaist et bon vous semble, ie viendray bien vers vous ? Il ne se peut ainsi faire ce, dist elle, le dangier y est trop grant, car Monseigneur est de legier somme, et jamais ne s'esueille qu'il ne taste apréz moy et s'il ne me trouuoit poit pensez ce que seroit. Et quant il s'est en ce point tourné que vous fait il ? Autre chose, dist elle, il se vire d'vng et reuire d'autre. Ma foy, dist il, c'est vng tres mauuais mesnagier, il vous est bien venu que ie suis venu pour le secou-

secourir, et luy ayder et parfaire ce que ne est pas bien en la puissance dacheuer. Si m'est Dieu, dist elle, quant il besoigne vne fois le moys c'est au mieulx venir, il ne faut ia que i'en face la petite bouche, Croyéz fermement que je prendroye bien mieulx. Ce n'est pas merueille, dist il, mais regardez comment nous feront car c'est force que je couche avecque vous cette nuit. Il n'est tour ne maniere que je voy, dist elle, comment il se puisse faire. Hé! comment, dist il, n'avez vous point ceans femme en quoy vous oufissiez fier de luy desclarer vostre cas? J'en ay par Dieu vne, dist elle, en qui j'ay bien tant de fiance que de luy dire la chose en ce monde que plus vouldroie estre celcé; sans auoir suspicion ne doubte que jamais par elle fut descouuerte.

Que nous fault il donc plus, dist il, regardez vous et elle du surplus La bonne Dame qui vous auoit la chose a cueur appella ceste Damoiselle et luy dist, ma mye c'est force annuit que tu me serues, et que tu me aydes a acheuer vne des choses en ce monde qui plus au cueur me touche. Madame dist la Damoiselle ie suis preste et contente comme je dois de vous seruir et obeir en tout ce qu'il me sera possible, com-

commandez, ie suis celle qui accompliray vostre commandement. Et ie te mercy ma mye dist la Dame, et soyes seure que tu ny perdras rien. Vecy le cas, ce Cheualier qui ceans est, c'est l'homme au monde que i'aime le plus, et ne vouldroie pour rien qu'il se partit de moy sans aucunement auoir parlé a luy ; or ne me peult il bonnement dire ce qu'il a sur le cuer sinon entre nous deux et a part et je ne m'y puis treuuer se ne vaie tenir ma place deuers Monseigneur. Il a de coustume comme tu scais de soy virer par nuyt vers moy et me taste vng peu et puis me laisse et se rendort. Je suis contente de faire vostre plaisir Madame, il n'est rien qu'a vostre commandement ie ne feisse. Or bien ma mie dist elle, tu te coucheras comme ie fais assez loing de Monseigneur, et garderas bien quelque chose qu'il face que tu ne dye vn seul mot, et quelque chose qu'il vouldra faire souffre tout. A vostre plaisir Madame, et ie le feray. L'heure du souper vint, et n'est ia mestier de vous compter du seruice. Seulement vous souffise que on y fist tres bonne chere et il y auoit bien de quoy. Après souper la compaignie s'en allast a lesbat et le Cheualier estranger tenant Madame
par

par le bras, et aucuns aultres gentils hommes tenans le surplus des Damoiselles de leans, et le Seigneur de l'ostel venoit derriere, et enqueroit des voyages de son hôte a vn ancien gentil homme qui auoit conduit le fait de sa despense en son voyage. Madame noublia pas de dire a son amy que vne telle de ses femmes tiendra annuyt sa place et son lieu, et qu'elle viendra vers luy. Il fut tres joyeux et largement l'en mercia desirant que l'heure fut venue, ils se misdrent au retour et vinrent jusques en la chambre de parement, ou Monseigneur donna la bonne nuyt a son hôte et Madame aussi. Et le Cheualier estrange s'en vint en sa chambre qui estoit belle a bon escient, bien mise a point et estoit le beau buffet garni d'espices de confitures et de bon vin de plusieurs façons. Il se fist tantost deshabiller, et la beut vne fois puis fist boire ses gens et les enuoya coucher, et demoura tout seul attendant sa Dame, laquelle estoit avec son mary qui tous deux se despouilloient et se mettoient en point pour entrer ou lit. La Damoiselle qui estoit en la ruelle du lit tantost que Monseigneur fut couchié se vint mettre en la place de sa maistresse, et elle qui autre
part

part auoit le cüeur ne fist que vng sault
 jusques dans la chambre de celluy qui l'at-
 tendoit de pié quoy. Or est chascun logié
 Monseigneur avec sa Chamberiere, et son
 Hoste avec Madame, et scait assez a penser
 qu'ils ne passerent pas toute la nuit a dor-
 mir. Monseigneur comme il auoit de cou-
 stume anuiron vne heure deuant le jour, se
 resueilla et vers sa Chamberiere cuydant estre
 sa femme se vira et au taster qu'il fist heurta
 sa main a son tetin, qu'il sentit si tres dur
 et poignant et tantost congnut que ce n'e-
 stoit point celuy de sa femme, car il n'estoit
 point si bien trouffé. Ha! dist il, en luy mesme
 je vois bien que c'est, et i'en bailleray vng
 autre. Il se vira vers celle belle fille et a
 quelque meschief que ce fut il rompit vne
 lance, mais elle laissa faire sans oncques
 dire vng seul mot ne demy. Quant il eut
 fait il appella tant qu'il put celuy qui cou-
 choit avec sa femme. Hau Monseigneur
 de tel lieu, ou estes vous parlez a moy?
 L'autre qui se ouyt appeller fust beaucoup
 esbahy et la Dame fut toute esperdue, et
 bon mary renomme a rehuchier, hau
 Monseigneur mon hoste parlez a moy, et
 l'autre s'auantura de respondre et dist que
 vous plaist il Monseigneur? Je vous feray
 tousjours

tousjours ce change quand vous voudrez. Quel change, dist il? D'une vieille ja toute passée et desloyalle a vne belle et bonne et fresche jeune fille, ainsi m'avez vous party, la vostre mercy. La compaignie ne sceut que respondre, mesme la pource chamberiere estoit tant surprinse que s'elle fut a la mort condamné, tant pour le deshonneur et desplaisir de sa maistresse comme pour le sien mesme quelle auoit meschamment perdu. Le Cheualier estrange se partit de la Dame au plustost qu'il sceust sans mercier son hoste, et sans dire adieu, et oncques puis ne sy trouua; car il ne scait encores comme elle se conduit depuis avec son mary, ainsi plus auant ne vous en puis dire.



NOUVELLE XXXVI.

A LA BESOIGNE

VN tres gracieux gentil homme desirant employer son service et son temps en la très noble court d'amours soy sentant de

de Dame impourueu, pour bien choisir et son temps employer donna cuer, corps et biens a vne belle Damoiselle et bonne que mieulx vault, laquelle faite et duite de faconner gens, l'entretint bel et bien et longuement, et trop bien luy sembloit qu'il estoit bien auant en sa grace, et a dire la verité, si estoit il, comme les autres dont elle auoit plusieurs. Aduint vng jour que ce bon gentil homme trouua sa Dame d'auenture a la fenestre d'une chambre ou meillieu d'vng Cheualier et d'vng Escuyer, ausquelz elle se deuisoit par deuises communes, aucunesfois parloit a l'vng a part, sans ce que l'autre en ouyt riens, d'autre costé faisoit a l'autre la pareille pour chascun contenter; mais que fut bien a son aise le pource amoureux enrageoit tout vif que n'osoit aprocher de sa compaignie et si n'estoit en luy deslongner, tant fort desiroit la presence de celle qu'il aymoient mieulx que le surplus des autres trop bien luy iugeoit le cuer que ceste assemblee ne se despartiroit point sans conclure ou procurer aucune chose a son prejudice, dont il n'auoit pas tort de se penser et dire, et s'il neust eu les yeux bandez et couuertz s'il pouoit veoir apertement ce dont vng autre a que riens

ne touchoit s'aperceut l'oeil et de fait luy monstra et vecy comment. Quant il congneut et apperceut a la lettre que sa Dame n'auoit loisir ne volenté de l'entretenir il se bouta sur vne couchette et se coucha, mais il n'auoit garde de dormir, tant estoient ses yeulx empeschez de veoir son contraire; et comme il estoit en ce point suruingt vng gentil Cheualier qui salüe la compaignie, lequel voyant que sa Damoiselle auoit sa charge se tira deuers l'Escuier que sur la couche n'estoit par pour dormir, et entre autres deuises luy dist l'Escuier Par ma foy Monseigneur regardéz a la fenestre, vela gens bien aise. Et ne voiez vous pas comment plaisamment ils se demainent? Saint Jehan! tu dis vray dist le Cheualier; encores font ils bien aultre chose que ne deui-
sez. Hé quoy dist l'autre? Quoy dist il! Et ne voys tu point comment elle tient chascun deux par la resne? Par la resne, dist il! Voyre vrayment pource beste par la resne, ou sont tes yeulx? mais il y a bien choir des deux veoir quant a la facon; car celle quelle tient de gauche n'est pas si longue ne si grande que celle qui emple la destre main. Ha! dist l'escuyer, par la mort bieu vous distes vray saint Antoine arde la loupe. Et pensés qu'il

qu'il n'estoit pas bien aise. Ne te chaille, dist le Cheualier, portes ton mal le plus bel que tu peulx, ce n'est pas icy que tu dois dire ton courage, force est que tu fasses de necessité vertu. Aussi fist il, et vécý bon Cheualier qui saprouchoit de la fenestre ou la galleé estoit, si apperceut d'aventure que le Cheualier a la resne gauche se lieue en piedz et regardoit que faisoient et disoient la Damoiselle gracieuse et l'Escuier son Compaignon, Si vint a luy en luy donnant vn petit coup sur le chapeau, entendés a vostre besongne de par le dyable, ne vous souciez des autres. L'autre se retira et commença de rire, et la Damoiselle que ne estoit point effarée de legier, ne se mua oncques, trop bien tout doucement laissa prinse, sans rugir ne changier couleur, regret eut elle en soy mesme d'abandonner de la main ce que autre part luy eust bien seruy. Et fait assez acroire que par auant et depuis n'auoit celluy des deulx que ne luy fist tresvolentiers seruice, aussi eust bien fait, qui eut voulu, le dolent amoureux malade que fut contraint d'estre notaire du plus grant desplaisir qu'au monde aduenir luy pourroit, et dont la seule pensée en son pource cuer

rongée estoit assez et trop puissant de le
mettre en desespoir , se raison ne l'eut
a ce besoing secouru qui luy fist tout
abandonner , sa queste en amours ; car
de ceste cy il ne pourroit vng seul bon
mot a son aduentaige compter.

NOU-



NOUVELLE XXXVII.
LE BENETRIER

D'ORDURE.

T Andis que les autres penseront et a
leur memoire rameneront aucuns

X 4

cas

cas aduenus et perpetrez habilles et suffisans d'estre adjoustez a l'histoire presente ie vous compteray en brestermes en quelle facon fut deceu le plus jaloux de ce Royaulme pour son temps. Je croy assez qu'il na pas esté seul entaché de ce mal, mais toutesfois pource qu'elle fut outre l'enseigne, ie ne me scauroie passer sans faire scauoir le gracieux tour qu'on luy fist. Ce bon jaloux que ie vous conte estoit tres grant Hystorien et auoit veu et beaucoup leu et releu de diuerses Hystoires, mais la fin principale a quoy tendoit son exercice et toute son estude, estoit de scauoir et congnoistre les facons et manieres comment femmes peuuent decepuoir leurs maris. Car la Dieu mercy, les Hystoires anciennes comme Matheolus, Juuenal, les quinze Joyes de mariage et autres plusieurs dont ie ne scay le conte, font mencion de diuerses tromperies, cautelles, abusions, et deceptions en cest estat aduenus. Nostre Jaloux les auoit toujours a ses mains, et n'en estoit pas mains assoté que vng fol de sa marote, tousjours lisoit, tousjours estudioit, et d'yceux Liures fist vng petit extrait pour luy auquel estoient descriptes, comprises, et notteés plusieurs manières de

de tromperies au pourchas et entreprinſes de femmes et és perſonnes de leurs maris exécuteés, et ce fiſt il tendant affin d'eſtre mieulx premuni ſur ſa garde de ſa femme ſ'elle luy en bailloit point de telles comme celles qui en ſon Liure eſtoient chroniqueés et regiſtrées. Qu'il ne garda ſa femme d'auffi près que vng ialoux Italien, ſi faiſoit, et ſi n'eſtoit pas bien aſſeuré tant eſtoit fort feru du mauldit mal de jalouſie; et en ceſt eſtat et aiſe delectable fut ce bon homme trois ou quatre ans avec ſa femme, laquelle pour paſſer temps n'auoit autre loifir d'eſtre hors de ſa preſence infernale, ſi non allant et retournant a la Meſſe, en la compaignie d'une vieille ſerpente qui d'elle auoit charge. Vn gentil Compaignon oyant la renommée de ce gouuernement vint rencontrer vng jour ceſte bonne Damoiſelle qui belle, gracieuſe et amoureuſe a bon eſciant eſtoit, et luy diſt le plus gracieuſement que oncques ſceuſt le bon vouloir qu'il auoit de luy faire ſeruiſe, plaignant et ſoupirant pour l'amour et voulenté d'elle ſa mauldite fortune, d'eſtre allié au plus jaloux que terre ſoutienne et diſant au ſurplus que elle eſtoit la ſeule en vie pour qui plus vouldroit faire, et pource que ie ne

X 5 vous

vous puis pas icy dire combien ie suis a vous , et plusieurs aultres choses dont i'espere qui vous ne serez que contente, s'il vous plaist ie les mettray par escript, et demain ie vous les bailleray vous suppliant que mon petit seruice partant de bon vouloir et entier , ne soit pas reffusé. Elle escouta volentiers ; mais pour la presence du dangier qui trop près estoit gueres ne respondit, toutesfois que elle fut contente de veoir ses Lettres quant elles viendront. L'amoureux print congié assez joyeux et a bonne cause, et la Damoiselle comme elle estoit douce et gacieuse le congié luy donna, mais la vieille qui la suyuoit ne faillit point a demander quel parlement auoit esté entre elle et celui qui s'en va. Il ma, dist elle, apporté nouuelle de ma mere dont ie suis bien joyeuse : car elle est en bon point. La vieille n'en quist plus auant, si vindrent a l'hostel. A lendemain, l'autre garny d'une Lettre Dieu scait comment dictée, vint rencontrer sa Dame, et tant subitement et subtilement luy bailla ces Lettres que oncques le guet de la vieille serpente n'en eut congnoissance. Ces Lettres furent ouuertes par celle, qui volentiers les vit quand elle fut a part : le contenu en

gros

gros estoit comment il estoit ésprins de
 l'amour d'elle, et que jamais vng seul jour
 de bien n'auroit se temps et loisir prestéz
 ne luy font, pour plus auant l'en ad-
 uertir, requerant en conclusion quelle
 luy vueille de sa grace jour et lieu conue-
 nable assigner pour ce faire: elle fist vne
 Lettre par laquelle tres gracieusement
 s'excusoit de vouloir entretenir en amours
 autre que celluy auquel elle doit foy et lo-
 yaulté; neantmoins pource qu'il est tant
 fort esprins d'amours accause d'elle, qu'elle
 ne voudroit pour rien qu'il n'en fut guer-
 donné, elle seroit tres contente d'oüyr ce
 qu'il veut dire, se nullement pouoit ou
 scauoit; mais certes nenny, tant prés la
 tient son mary qui ne la laisse d'vng pas si-
 non a leure de la Messe quelle vient a l'E-
 glise, gardée, et plus que gardée par la plus
 pute vieille qui jamais aultruy destourba.
 Ce gentil Compaignon tout autrement ha-
 billé et en point que le jour passé vint ren-
 contrer sa Dame qui très bien le congneut,
 et au passer qu'il fist assez prés d'elle receut
 de sa main sa Lettre dessusdicté. S'il auoit
 fain de veoir le contenu ce n'estoit pas mer-
 ueilles, il se trouua en vng destour ou tout
 a son aise et beau loisir vit et congneut
 l'estat

l'estat de sa besoigne qui luy sembloit estre en bon train; si regarda que ne luy fault que lieu pour venir au dessus et a chief de sa bonne entreprinse, pour laquelle acheuer il ne finoit nuit ne jour de aduiser et penser comment il la pouroit conduire. Si s'aduisa d'vng bon tour qui ne fait pas a oublier; car il s'en vint a vne sienne bonne amye qui demouroit entre l'Eglise ou la Dame alloit a la Messe et l'ostel d'elle, et luy compta sans rien celer ce fait de ses amours en priant tres affectueusement quelle ce besoing le vouldist aider et secourir. Ce que ie pouray faire pour vous, ne pensés pas que ie ne my employe de tres bon cuer. Je vous mercie, dist il, et seriez vous contente quelle venist leans parler a moy? Ma foy, dist elle, il me plaist bien. Or bien, dist il, s'il est en moy de vous faire autant de seruice pensez que j'auray congnoissance de la courtoisie. Il ne fut oncques si aise ne jamais ne cessa tant qu'il eut recript et baillé ses Lettres a la Dame que contenoient qu'il auoit tant fait a vne telle quelle estoit sa très grande amye femme de bien, loyalle et secrette, et que vous ayme et congnoit bien; qu'elle nous baillera sa maison pour deuiser; et vécy que j'ay ad-

uisé,

uifé, ie feray demain en la chambre d'en-
hault que defcouure fur la ruë, et fi auray
auprés de moy vng grant feau deauë, et
de cendres entremeflé dont ie vous affu-
bleray tout a coup que vous pafferez, et fi
feray en habit fi defcongneu que vofre vieit-
le ne ame du monde n'aura de moy con-
gnoiffance. Quant vous ferez en ce point
atournée, vous ferez bien l'esbahye et vous
lauuerez en ceste maifon, et pour vofre
dangier manderéz querir en vofre hoftel
vne autre robbe, et tandis quelle fera en
chemin nous parlerons enfemble. Pour abre-
gier, ces Lettres furent efcrites et baillées
et la refpofe fut renduë par elle qu'elle eftoit
contente. Or fut venu ce jour, et la Da-
moifelle affubleë par fon feruiteur d'vng feau
d'eauë et de cendres, voire par telle facon
que fon queuuechief, fa robbe et le fur-
plus de fes habillemens furent tous gastez et
percéz, et Dieu fcait quelle fift bien l'esba-
hie et de la malcontente, et comme el-
le eftoit ainfi atournée, elle fe bouted en
l'hoftel ignorant d'en auoir congnoiffance.
Tantoft quelle vit la Dame elle fe plaignit
de fon mefchief, et n'eft pas a vous dire le
dëul quelle menoit de ceste aduenture,
maintenant plaint fa robbe, maintenant son
queu-

queuurechief, et l'autre fois son tixu, brief que loyoit, il sembloit que le monde fut finé. Et de rechief sa meschine que enrageoit d'engaigner, auoit en sa main vng cousteau dont elle nettoyoit sa robbe, le mieulx qu'elle scauoit; nenny nenny ma mye dist elle, vous perdez vostre peine ce n'est pas chose a nettoyer si en haste, vous n'y scauriez faire chose maintenant qui vaulsist rien, il fault que j'ay vne aultre robbe et vng aultre queuurechief il n'y a point d'autre remede, alléz a l'hostel et me les apportez et vous auancez de retourner que nous ne perdons la Messe avec tout nostre mal. La vieille voyant la chose estre necessaire n'osa désdire sa maistresse, si print et robbe et queuurechief sous son manteau, et a l'ostel s'en va. Elle neut pas si tost tourné les tallons que sa maistresse fut guideé en la chambre ou son seruiteur estoit, que volentiers la vît en cotte simple, et en cheueulx; et tandis qu'ils se deuiseront nous retournerons a parler de la vieille qui reuint a l'hostel, ou elle trouua son maistre qui n'attendist pas qu'elle parlast, mais demanda incontinent, et qu'avez vous fait de ma femme? Hé ou est elle? Je lay.laissee, dist elle, chez vne telle, et en tel lieu. Et a quel propos dist il?

Lors

Lors elle luy monstra robbe et queue rechief,
et luy compta l'adventure de la tyneé d'eau
et des cendres, disant quelle vient querir
d'autres habillemens: car en ce point sa
maistresse n'osoit partir dont elle estoit. Est
ce cela, dist il? Nostre Dame! ce tour n'estoit
pas en mon Liure. Alléz, alléz ie voy bien
que c'est. Il eut volentiers dist qu'il estoit
coux, et croyez que si estoit il a ceste heure,
et ne l'en sceut oncques garder Liure ne brief
ou plusieurs fins tours estoient registrez,
et fait assez penser qu'il retint si bien ce
dernier que oncques puis de sa memoire
ne partit, et ne luy fut nul besoing a ceste
cause de l'escripre tant en eut fresche souve-
nance le peu des bons jours qu'il vesquit.

NOU-



NOUVELLE XXXVIII.
UNE VERGE
POUR L'AUTRE

N Agueres que vng marchand de Tours
pour festoyer son Curé et autres gens.
de

de bien achepta vne grosse et belle Lamproie, l'enuoya a son Hostel, et chargea tres bien a sa femme de la mettre a point ainsi qu'elle scauoit bien faire, et faictes, dist il, que le disner soit prest a douze heures; car ie ameneray nostre Curé et aulcuns autres qui luy nomma. Tout sera prest, dist elle, amenez que vous voudrez. Elle mist a point vng grant tas de beau poisson, et quant vint a la Lamproie, elle la souhaitta aux Cordeliers a son amy, et dist en soy mesme. Ha frere Bernard que nestes vous icy! Par ma foy vous n'en partiriez jamais tant que eussiez tasté de la Lamproie ou se mieulx vous plaisoit vous l'emporteriez en vostre Chambre, et ie ne fauldroie pas de vous faire compaignie. A tres grant regret mettoit cette bonne femme la main a ceste Lamproie, voire pour son mary, et ne faisoit que penser comment son Cordelier la pouroit auoir. Tant pensa et aduisa quelle conclud de luy enuoier par vne vieille que scauoit de son secret, ce quelle fist, et luy manda qu'elle viendra ennuit souper et coucher avec luy. Quant maistre Cordelier vist cette belle Lamproie et entendit la venue de sa Dame, pensez qu'il fut joyeux et bien aise, et dist a la vieille que s'il peut

Tom. I.

Y

finer

finer du bon vin que la Lamproie ne sera pas fraudée du droit quelle a, puis que on la mengeuë. La vieille retourna de son messaige et dist sa charge. Et enuiron douze heures vécy nostre Marchant venir, le Curé et plusieurs aultres bons Compaignons pour deuorer ceste Lamproie qui estoit bien hors de leur commandement. Quant ils furent en l'Hostel du Marchand, il les mena tretous en la cuisine pour veoir ceste belle et grosse Lamproie dont il les vouloit festoier, et apella sa femme, et puis luy dist, montrez nous nostre lamproie ie vueil scauoir a ces gens se i'en eu bon marché. Quelle lamproie dist elle? La lamproie que ie vous feis bailler pour nostre disner avec cest aultre poisson. Je n'ay point veu de lamproie, dist elle, ie cuide moy que vous songiez, vcey vne carpe deux brochets et ie ne scay quel autre poisson, mais ie ne veis aujourd'huy lamproie. Comment dist il, et pensez vous que ie sois yure? Ma foy oüy dirent lors le Curé et les aultres, vous n'en pensiez pas aujourd'huy, mais vous estes vng peu trop chiche pour acheper lamproie maintenant. Pardieu dist la femme, il se farce de vous, ou il a songé d'vne lamproie; car seurement ie ne veis de cest an lamproie! Et bon mary
de

de foy couroucer, qui dist, vous auez menty paillarde, vous l'aeuz mengée ou cachée quelque part, ie vous prometz que oncques si chière lamproie ne fut pour vous, puis se vira vers le Curé et les aultres, et juroit la mort bieu et vng cent de sermens, qu'il auoit baillé a sa femme vne Lamproie qui luy auoit cousté vng franc; et eulx pour encore plus le tourmenter et faire enragger, faisoient semblant de le non croire, et tenoient termes comme s'ils fussent mal contens, et disoient nous estions priés de dîner chez vng tel, et si auons tout laissé pour venir icy cuidant menger de la lamproie, mais a ce que nous voions elle ne nous fera mal. L'Oste qui enrageoit tout vif print vng baston et marchoit vers sa femme pour la trop bien frotter se les aultres ne leussent retenu qui lemmenerent a force hors de son hostel, et misdrent peine de le rappaiser le mieulx qu'ils sceurent, quant ilz le virent ainsi troublé, puis qu'ilz eurent failly a la lamproie, le Curé mist la table et firent la meilleure chière qu'ilz sceurent. La bonne Damoiselle a la lamproie manda l'une de ses voisines qui vesue estoit, mais belle femme et en bon point estoit elle, et la fist dîner avecques elle. Et quant elle vit

son point elle dist ma bonne voisine, il seroit bien en vous de me faire vng singulier plaisir et se tant vous vouliez faire pour moy, il vous seroit tellement desseruy que vous en debueriez estre contente. Et que vous plaist il que ie face dist l'autre ? Je vous diray dist elle, mon mary est si tres ardant de ses besoignes que c'est vne grant merueille, et de fait la nuit passé il m'a tellement retournée que ie vous prometz par ma foy ie ne loferoye bonnement annuyt attendre, si vous prie que vous voulez tenir ma place, et se jamais puis rien faire pour vous, vous me trouuerez preste de corps et de biens. La bonne voisine pour luy faire plaisir et seruice fut bien contente de tenir son lieu dont elle fut largement et beaucoup merciée. Or deuez vous scauoir que nostre Marchant a la Lamproie, quant vint le disner, il fist tres grosse et grande garnison de bonnes verges qu'il apporta secrettement en sa maison, et aux piedz de son lit il les cacha pensant que sa femme annuyt en sera trop bien seruie. Il ne sceut faire si secrettement que sa femme ne s'en donna tres bien garde que ne s'en pensa pas mains, congnoissant assés par experience la cruaulté de son mrry, lequel ne
soupa

soupa pas a l'ostel mais tarda tant dehors qu'il pensoit bien qu'il la trouuera nue et coucheé, mais il faillit a son entreprinse; car quant vint sur le soir et tart elle fist despouiller sa voisine, et coucher en sa place, en luy chargeant expressement quelle ne respondit mot a son mary quant il viendra; mais contreface la muette et la malade, et si fist encores plus, car elle estaingnit le feu de leans, autant en la cuyfine comme en la chambre; et ce fait a sa voisine chargea que tantost que son mary sera leué matin qu'elle s'en voise en sa maison, elle luy promist que si feroit elle. La voisine en ce point logeé, et coucheé, la vaillante femme s'en va aux Cordeliers pour menger la lamproie et gagner les pardons comme assez auoit de coustume Tandis qu'elle se festoia leans, nous dirons du Marchant qui après souper s'en vint en son hostel, esprins de yre et de maul-talent a cause de la lamproie, et pour ex-cuter ce qu'en son par dedens auoit conclud, il vint saisir ses verges et en sa main les tint, cherchant et querant par tout de la chan-delle, dont il ne sceut oncques recouurer, mesme en la chemineé faillit a feu trouuer. Quant il vit ce il se coucha sans dire mot, et dormit jusques sur le jour qu'il se leua

et s'abilla; et print, ses verges et battit la Lieutenant de sa femme en telle maniere que a peu qu'il ne la caruenta en luy ramenteuant la lamproie, et la mist en tel point quelle seignoit de tous costez, mesmes les draps du lit estoient tant sanglans qu'il sembloit que vng boeuf y fut mort; mais la pource martire n'osoit pas dire vng mot, ne monstrier le visage. Les verges luy faillirent, et fust lassé, si s'en alla hors de son hostel, et la pource femme qui s'attendoit d'estre festoyée de l'amoureux jeu et gracieux passe-temps s'en alla tantost après en sa maison, plaindre son mal et son martire non pas sans menasser et bien mauldire sa voisine. Tandis que le mary estoit allé dehors, reuint des Cordeliers sa bonne femme qui trouua sa chambre de verges toute ionchée, son lit dérompeu et froissé et les draps tout ensenglantez. Si congneut bien tantost que sa voisine auoit eu affaire de son corps comme elle pensoit bien, et sans tarder ne faire arrest réffit son lit et d'autres beaux draps et fréz le repara et sa chambre nettoya. Après vers sa voisine sen alla qu'elle treuua en pitieux point, et ne fault pas dire qu'elle treuua bien a qui parler. Au plustost quelle fut en son hostel, retournée de tous points, elle

elle se deshabilla , et au beau lit quelle auoit tres bien misa point se choucha et dormit très bien jusqua ce que son mary retourna de la Ville, comme changié de son courroux pource qu'il s'en estoit vengié, et vint a sa femme qu'il trouua ou lit faisant la dormeueille. Et quest cecy Madamoiselle, dist il, n'est il pas temps de leuer ? Hemy dist elle, est il jour ? Par mon serment ie ne vous ay pas ouïy leuer ; i'estoye entreé en vng songe que ma tenuëain si longuement. Je croy, dist il, que vous songez de la lamproie, ne faifiez pas ? Ce ne seroit pas trop grant merueille, car ie la vous ay bien ramentuë ce matin. Pardieu, dist elle, il ne me souuenoit de vous ne de vostre lamproie. Comment dist il l'avez vous si tost oublié. Oublié dist elle ! Ung songe ne m'arreste rien. Et c'est ce songe, dist il, de ceste poignée de verges que i'ay vsee sur vous na pas deux heures. Sur moy dist elle ! Voire vrayement, sur vous dist il. Je scay bien qu'il y pert largement aux draps de nostre lit avecques. Par ma foy Amy, dist elle, ie ne scay que vous auéz fait on songié, mais quant a moy il me souvient très bien qu'aujourd'hui au matin vous me feistes de tres bon appetit le jeu d'amours et autre chose ne scay ie. Aussi bien poués

Y 4

vous

vous auoir songié de m'auoir fait autre chose, comme vous feistes hier de m'auoir baillé la lamproie. Ce seroit vne estrange chose, dist il, monstres vng peu que je vous voye: et elle osta et si renuersa la couuerture et la toute nuë se monstra sans taiche ne blessure quelconques, vist aussi les draps beaulx et blans sans aucune souilleure ne taiche, si fut plus esbaly que on ne vous scauroit dire, et se print a mussier et largement penser, en ce point longuement se tint, mais toutesfois assez bonne piece après il dist. Par mon serment ma mye ie vous cuydoie a ce matin auoir trèsfort battue jusqu'au sang, mais maintenant je vois bien qu'il n'en est rien, si ne scay qu'il m'est aduenü. Dea dist elle, ostez vous hors de ceste imagination de batterie, car vous ne me touchastes oncques, vous le pouez bien presentement veoir et apercevoir, faictes vous compte que vous l'auiez songé comme vous fistes hyer de la lamproie. Je congnos dist il lors que vous distes vray, si vous requiers qu'il me soit pardonné, car ie scay bien que jeus hyer tort de vous dire villenye deuant les estrangiers que j'amenay ceans. Il vous est legierement pardonné dist elle, mais touteffois aduisez bien que
que

vous ne soyéz-plus si legier ne si hatif en vos
 affairrez comme vous auez de coustumes.
 Non feray ie, dist il ma mye. Ainsi qu'auz
 ouy fut le Marchant par sa femme trompé
 cuidant auoir songié d'auoir achepté la lam-
 proie et fait le surplus au compte dessus es-
 cript et racompté.



NOUVELLE XXIX.
L'UN ET L'AUTRE

P A Y E.

A Duint que vng gentil Cheualier dés
marches d'Amiens riche puissant,
vail-

vaillant, et tresbeau Compaignon fut amoureux d'une tres belle jeune Dame assez longuement, et aussi fut tant en sa grace, et si priué d'elle que toutesfois que bon luy sembloit il se trouuoit en vng lieu de son hostel a part et destourné, ou elle luy venoit faire compaignie, et la deuisoient tout a leur beau loisir, et n'estoit ame que sceut rien de leur très plaisant passetemps, sinon vne Damoiselle que seruoit ceste Dame laquelle bonne bouche tres longuement porta et tant les seruoit a gré en tous leurs affaires qu'elle estoit digne d'vng très grant guerdon en recepuoir, elle aussi auoit tant de vertu que non pas seulement sa maistresse auoit gagné par le seruice, comme dist est, et autrement, mais encores le mary de sa Dame ne l'aymoit pas mains que sa femme tant la trouuoit loyalle bonne et diligente, Aduint vng jour que ceste Dame sentant son seruiteur le Cheualier dessusdit en son chastel deuers lequel elle ne pouoit aller si tost, qu'elle eut bien voulu accause de son mary qui l'en destournoit dont elle estoit bien desplaisante, se aduisa de luy mander par la Damoiselle qu'il eut encores vng peu de patience, et que du plustost qu'elle scauroit se desarmer de

de son mary quelle vienderoit vers luy. Ceste Damoiselle vint deuers le Cheualier qui sa Dame attendoit, et dist sa charge, et luy que gracieux estoit la mercie beaucoup de ce messaige, et la fist seoir auprez de luy et puis la baisa deux ou trois fois tres doucement, elle l'endura volentiers qui baillast courage au Cheualier de proceder au surplus dont il ne fut pas reffusé. Cela fait elle reuint a sa maistresse, et luy dist que son amy n'attent quelle. Helas ! dist elle, ie scay bien qu'il est vray; mais Monseigneur ne se veult couchier, ils sont cy ie ne scay quelz gens que ie ne puis laisser : que Dieu les maudie ! - J'aymassé mieulz estre vers luy, il luy ennuyt bien, ne fait pas, d'estre ainsi seul ? Par ma foy croiez que ouy dist elle, mais l'esperoir de vostre venuë le conforte et attent tant plus aise. Je vous en croy, mais toutesfois il est la seul sans chandelle, et sont plus de deux heures qu'il y est il ne peult estre qu'il ne soit beaucoup ennuyé. Si vous prie ma mye que vous retournez vers luy encores vne fois pour me excuser. Et luy faictes compaignie vne piece, et entretant se Dieu plaist, le dyable emportera ces gens qui nous tiennent icy. Je feray ce qui vous plaira

Ma-

Madame dist elle. Mais il me semble qu'il est si content de vous qu'il ne vous fault ja excuser , et aussi si ie y allois vous demureriez icy toute seule de femmes , et pouroit adonques Monseigneur demander aprez moy , et ne me scauroit ou trouuer. Ne vous chaille de cela , dist elle , i'en feray bien s'il vous demande , il me desplaist que mon amy est seul , allez veoir qu'il fait ie vous en prie. J'y vois puis qu'il vous plaist dist elle. S'elle fut bien joyeuse de ceste ambassade il ne le fault ia demander , mais pour couvrir sa voulenté elle en fist la excuse et le reffus , a sa maistresse , et elle fust tantost vers le Cheualier attendant , qui la receut joyeusement ; et elle luy dist Monseigneur Madame menuoie encores icy se excuser deuers vous pource que tant vous fait attendre , et croyez qu'elle en est la plus couroucé. Vous luy diréz , dist il , qu'elle face tout a loisir , et quelle ne se haste de rien pour moy ; car vous tiendrez son lieu. Lors de rechief la baisa et accola , et ne la souffrit partir tant qu'il eut besongné deux fois qui gueres ne luy coustèrent ; car alors il estoit frés et jeune homme et fort a cela. Ceste Damoiselle print bien en patience sa bonne aduventure , et
eut

eut bien voulu auoir souuent vne telle ad-
 uenture, sauf le prejudice de sa maistresse.
 Et quant vint au partir elle pria au Cheua-
 lier que sa maistresse n'en sceut rien. Vous
 n'avez garde, dist il. Je vous en requiers,
 dist elle, et puis s'en vint a sa maistresse qui
 demanda tantost que fait son amy. Il est
 la, dist elle, et vous attend. Voire dist elle
 et est il point mal content. Nenny dist elle
 puis qu'il a eu compaignie il vous scait tres
 bon gré que vous m'y auez enuoyé et ce
 ceste attente estoit souuent a faire il voul-
 droit bien m'auoir pour deuiser et a temps,
 et par ma foy ie y vois volentiers; car
 c'est le plus plaisant homme de jamais, et
 Dieu scait qu'il fait bon ouir mauldire
 ces gens qui vous retiennent, excepté
 Monseigneur a luy ne voudroit il tou-
 chier. Saint Jehan ie voudroie dist la Da-
 me que luy et la compaignie fussent en la
 Riuiere, et je fusse la dont vous venez!
 Tant passa le temps que Monseigneur Dieu
 mercy se deffit de ses gens, et vint en sa
 chambre si se deshabilla et se coucha et
 Madame se mist en cote simple, et print
 son atour de nuyt, et ses heures en sa main
 et commença deuotement, Dieu le scait, a
 dire ses sept seaumes et patenostres, mais
 Mon-

Monseigneur qui estoit plus esueillé que
 vng rat auoit grant fain de deuifer, s'il
 vouloit que Madame laissast ses oraisons
 jusques a demain, et qu'elle parlast a luy.
 Ah! Monseigneur, dist elle, pardonnez moy
 ie ne puis vous entretenir maintenant, Dieu
 va deuant, vous le scauez, ie n'auroye mes-
 huy bien, ne de sepmaine, se ie nauoye
 dit le tant peu de seruice que ie luy scay
 faire et encôres de mal venir ie neuz pieca
 autant a dire que i'ay maintenant. Ha hay,
 dist Monseigneur, vous m'affoléz bien de
 ceste bigotterie, et est ce a faire a vous de
 dire tant d'œuvres que vous faistes? Ostez
 ostez, laissez les dire aux Prestres. Ne disje
 pas bien, hau Jehannette, dist il, a la Damoi-
 selle dessusdicte? Monseigneur, dist elle, ie
 n'en scay que dire, sinon puis que Mada-
 me a de coustume de seruir Dieu quelle
 parface. Ha Dea dist Madame, Monsei-
 gneur, je vois bien que vous estes auoyé
 de plaidier, et j'ay voulenté de dire mes
 heures, et ainsi nous ne sommes pas bien
 tous deux d'accort, si vous lairray, Jehannet-
 te que vous entretiendra, en ie men iray
 en ma chambre la dirriere pancer a Dieu.
 Monseigneur fut content. Si s'an alla Ma-
 dame les grands gallotz deuers le Cheualier
 son

son amy, qui la receut Dieu scait a grant lieffe et a grant reuerence car l'onneur qu'il luy fist n'estoit pas maindre qua genoux ploiez, et enclinez jusqu'a terre. Mais vous deuez scauoir que tandis que Madame acheuoit ses heures avec son amy, Monseigneur son mary, ne scay dequoy il luy fouruint, pria Jehannette que luy faisoit compaignie, damours a bon escient, et pour abregier tant fist par promesses et beau langaige quelle fut contente d'obeir, mais le pis fut que Madame au retour qu'elle fist de son amy, lequel l'auoit accollee deux fois a bon escient auant son partir trouua Monseigneur son mary, et Jehannette sa chamberiere en tout tel ouuraige quelle venoit de faire dont elle fut bien esbahye et encores plus Monseigneur et Jehannette que se trouuerent ainsi surprins. Quant Madame vit ce, Dieu scait comment elle salua la compaignie, jasoit ce quelle eut bien cause de soy taire, et si se reprint a la pource Jehannette par si tres grant couroux qu'il sembloit bien quelle eut vn dyable ou ventre, tant luy disoit de vilaines parolles, et encores fist elle pis et plus; car elle print vng grant baston et l'en chargea trop bien le dos. Voyant ce, Monseigneur

seigneur qui en fut mal content et desplai-
 sant se leua sur piez et battit tant Madame
 quelle ne se pouoit soudre. Et quant elle
 vit qu'elle auoit puissance de sa langue,
 Dieu scait s'elle la mist en oeuvre ; mais
 adrecoit la plus part de ses motz venimeux
 sur la pource Jehannette qui nen peut plus
 souffrir. Si dist a Monseigneur le gouuerne-
 ment de Madame , et dont elle venoit a
 ceste heure de dire ses oraisons et auesques
 qui Si fust la compaignie bien troublee &
 Monseigneur tout le premier que se doubtoit
 assez de Madame qui se treuve affollee et
 battuë et de sa chamberiere encusee. Le
 surplus de ce mesnaige bien trouble demeure
 en la bouche de ceulx que le scauent si
 n'en fault ia plus auant enquerir.



NOUVELLE XL.
LA BOUCHIERE

Lutin DANS LA CHEMINÉE.

IL aduint naguères a l'Isle que vng grant
Clerc et Prescheur de l'Ordre de Saint
Do-

Dominique couuertit par sa saincteté et
 douce predication la femme d'vng Bou-
 chier par telle et si bonne facon, que elle
 l'amoit plus que tout le monde, et n'a-
 uoit jamais au cuer bien ne en soy par-
 faire lieffe s'elle n'estoit enprés luy; mais
 maistre Moyne en la parfin s'ennuyat
 d'elle et tant que plus nullement n'en vou-
 loit, et eut tres bien voulu quelle se fust
 desportée de si souuent le visiter dont elle
 estoit tant mal contente que plus ne pour-
 noit, mesmes le reboutement qu'il luy fai-
 soit trop plus auant en son amour l'enraci-
 noit. Damp Moyne ce voyant, luy des-
 fendit sa chambre, et chargea bien expres-
 sement a son Clerc qui ne la souffrit plus.
 S'elle fust plus que parauant mal conten-
 te, ce ne fut pas de merueilles, car elle
 estoit ainsi que forcencé. Et se vous me
 demandéz a quel propos Damp Moyne ce
 faisoit? Je vous respons que ce n'estoit pas
 par deuocion ne pour volenté qu'il eut
 de deuenir chaste; mais la cause estoit qu'il
 en auoit racointée vne plus belle et plus
 jeune beaucoup et plus riche qui desja estoit
 tant priuée qu'elle auoit la clef de sa cham-
 bre. Tant fist toutesfois que la Bouchiere
 ne venoit pas deuers luy comme elle auoit

de coustume, si auoit trop meilleur et plus seur loisir sa Dame nouuelle, de venir gagner les pardons en sa chambre et payer la disme comme les femmes d'ostellerie dont cy dessus est touchié. Vng jour fut prins, de faire bonne chiere a vng disner en la chambre de maistre Moyne ou sa Dame promist de comparoir, et faire apporter sa porcion tant de vin comme de viande; et pource qu'aucuns de ses Freres de leans estoient assez de son mestier, il en inuita deux ou trois tout secrettement; et Dieu scait la grant chiere qu'on fist a ce disner qui ne se passa point sans boire d'autant. Or deuez vous scauoir que nostre Bouchiere congnouissant assés les gens de ces Prescheurs quelle veoit passer deuant sa maison, lesquels portoient puis du vin, puis des pastez, et puis des tartes et tant de choses que merueilles, si ne se peut tenir de demander quelle feste on fait a leur ostel? Et il luy fut respondu que ces biens sont pour vng tel ascauoir son Moyne qui a gens de bien a disner. Et que sont ilz, dist elle? Mafoy ie ne scay dist l'autre, ie porte mon vin jusqua l'huys tant seulement et la vient nostre maistre qui me descharge, ie ne scay que y est. Voire dist elle c'est la secrette

com.

compagnie! Or bien allez vous en et les seruez bien. Tantost aprez passa vng aultre seruiteur qu'elle interrogea pareillement, qui luy dist comme son compaignon, et encores plus auant; car il dist, je pense, qu'il y a vne Damoiselle que ne veut pas estre veuë ne congneuë. Elle pensa tantost ce que estoit, si cuidat bien enragier tant estoit mal contente, et disoit en soy mesmes, quelle fera le guet sur celle qui luy faisoit tort de son amy, et que luy a baillé le bont, et s'elle la peut rencontrer ce ne sera pas sans luy dire et chanter sa leçon, et esgratigner le visaige. Si se mist au chemin en intencion de executer ce quelle auoit conclud. Quand elle fut venue ou lieu desiré moult luy tarδοit de rencontrer celle qu'elle hayt plus que personne, si neust pas tant de constance que d'attendre qu'elle saillist de la chambre ou elle auoit faite mainte bonne chose; mais s'aduisa de prendre vne eschieille que vng Couureur de thuilles auoit laissée prez de son ouuraige, tandis qu'il estoit allé disner, et elle dréca ceste eschieille a l'endroit de la cheminée de la cuisine de l'hostel, ou elle voudroit bien estre pour saluër la compaignie; car bien scauoit que autrement ne y pourroit entrer.

Ceste éschielle mise a point comme elle la voulut auoir, se monta jusques a la chemineé a l'entour de laquelle elle lia tres bien vne moienne corde qu'elle trouua d'auenture, et cela fait, tres bien comme il luy sembloit, elle se bouta dedens le buhot de la chemineé, et se commença a descendre et vng peu aualler, mais le pis fut qu'elle demoura en chemin, sans soy pouuoir auoir ne monter ne aualler, quelque peine qu'elle y mist, et ce a l'occasion de son derriere qui estoit beaucoup gros et pesant et aussi sa corde se rompist, pourquoy elle ne se pouuoit en nulle maniere ne monter ne resoudre a mont, si estoit Dieu le scait en merueilleux desplaisir, et ne scauoit que faire ne que dire, Si s'aduisa qu'elle attendroit le Coureur, et qu'elle se mettra en sa mercy, et lapellera quant il viendra requerre son eschielle et sa corde. Elle fut bien trompée, car le Coureur ne vint jusques a lendemain bien matin, pource qu'il fist trop grande pluye dont elle eut bien sa part, car elle fut percée et baignée jusques a la peau. Quand vint sur le soir bien tart nostre Bouchiere estant en la chemineé ouyt gens deuiser en la cuisine, si commence a huchier, dont ilz furent bien esbahys et es-

et effroiez, et ne scauoient qui les huchoit
 ne ou c'estoit. Toutesfois quelque esba-
 hissement ne paour qu'ils eussent ils escou-
 terent encores vng peu, si ouïrent la voix
 du parauant, arriere huchier tres aigre-
 ment. Si cuiderent que ce fut vn esprit,
 et le vinrent incontinent annoncer a leur
 maistre qui estoit en Dortoir, lequel ne fut
 pas si vaillant de venir veoir que c'estoit,
 mais il mist tout a demain. Pensez la belle
 patience que ceste bonne femme auoit,
 qui fut tout au long de la nuyt en ceste
 chemineé et de sa bonne aduerture; il ne
 pleut long temps a si fort ne si bien qu'il
 fist celle nuyt. Lendemain assez matin no-
 stre Coureur de thuilles reuint a l'euure
 pour recouurer la perte que la pluye luy
 auoit faite le jour de deuant. Il fust esba-
 hy de veoir son eschielle ailleurs qu'il ne
 l'auoit laissée, et la chemineé lié de la
 corde: Si ne scauoit qui ce auoit fait ne a
 quel propos, puis s'aduisa daller requerir
 la corde, et monta a mont son eschielle et
 vint jusques a la chemineé, et destacha sa
 corde, et comme Dieu voulut bouta sa
 teste dedens le buhot de la chemineé, ou
 il vit nostre Bouchiere plus simple que vng
 chat baigné dont il fut tres esbahi. Et que

faites vous icy Dame, dist il, voulez vous desrober les pources Religieux? Helas mon amy, dist elle, par ma foy nenny! Je vous requiers aydez moy a faillir dicy, et ie vous donneray ce que me voudrez demander. Dea ie me garderay bien, dist le Coureur, si ie ne scay, pourquoy vous y venez! Je le vous diray puis qu'il vous plaist, dist elle, mais ie vous prie qu'il n'en soit nouvelle. Lors luy compta tout du long les amours d'elle et du Moyne, et la cause pourquoy elle venoit la. Le Coureur oyant ces parolles eut pitié d'elle, si fist tant a quelque peine et quelque meschief que ce fut moyennant sa corde qu'il la tira dehors, et la mena en bas; et elle luy promist que s'il portoit bonne bouche quelle luy donneroit de sa chair, et de boeuf et de mouton assez pour fournir son mesnaige pour toute l'année, ce quelle fist, et l'autre tint si secret son cas que chascun en fut aduerty,

NOU-



NOUVELLE XLI.

L'AMOUR

Et l'Aubergon EN ARMES.

VNg gentil Cheualier de Haynaul, saige
 subtil, et tres grant voyagier aprez la
 Z 5 mort

mort de sa tres bonne, et saige femme pour les biens qu'il auoit veuz et trouuez en mariage ne sceut passer son temps sans soy lier comme il auoit esté parauant. Si espousa vne tres belle jeune et gente Damoiselle, non pas des plus subtiles du monde, car a la verité dire, elle estoit vng peu lourde en la taille, et c'estoit ce en elle qui plaisoit plus a son mary, pource qu'il esperoit par ce point la mieulx duire et tourner en la facon qu'auoir la voudroit. Il mist sa cure et son estude a la faconner, et de fait elle luy obeissoit et complaisoit, comme il le disoit, si bien qu'il n'eust sceu mieulx demander : et entre autres choses toutesfoys qu'il luy vouloit faire l'amoureux jeu, qui n'estoit pas si souuent qu'elle eut bien voulu, il luy faisoit vestir vng tres beau haubergon dont elle estoit bien esbahye, et de prinsault luy demanda bien a quel propos il la faisoit armer, et il luy respondiſt qu'on ne se doit point treuuer a l'assault amoureux sans armes. Elle fust contente de vestir ce haubergon, et n'auoit autre regret sinon que Monseigneur n'auoit l'assault plus a cuer, combien que ce luy estoit assez grant peine se aucun plaisir n'en fust ensuiuy. Et se vous demandez a quel propos son

Seigneur

Seigneur la gouuernoit : ie vous respons que la cause qui a ce faire le mouuoit estoit afin que Madame ne desirast pas tant l'affault amoureux pour la peine et empeschement de ce haubergon ; mais combien qu'il fut bien saige il s'abusa de trop. Car se le haubergon a chascun assault, luy eust cassé et dos et ventre, si ne eust elle pas refusé le vestir tant estoit doux et plaissant ce que s'enfuyuoit. Ceste maniere de faire dura beaucoup, tant que Monseigneur fut mandé pour seruir son Prince en la guerre, et en autres assaults qui ne sont pas semblables a ce-luy dessusdit. Si print congié de Madame et s'en alla ou il fut mandé, et elle demoura a l'Ostel en la garde et conduite d'un ancien Gentilhomme et d'aulcunes Damoisselles qui la seruoient. Or deuez vous scauoir que en cest Ostel auoit vng gentil Compaignon qui tres bien chantoit et jouïoit de la harpe, et auoit la charge de la despense et aprez le disner s'esbattoit volontiers de la harpe, a quoy Madame prenoit tres grant plaisir, et souuent se rendoit vers luy au son de la harpe, tant y alla et tant s'y trouua que le Clerc la pria d'amours. Elle desirant de vestir son aubergon ne l'escondit pas, aincois luy dist vénez vers

vers moy a telle heure et en telle chambre et ie vous feray responce telle que vous ferez content. Elle fust beaucoup mercycéé, et a l'heure assignée nostre Clerc si ne faillit pas de venir heurter a la chambre ou Madame luy auoit dist, laquelle l'attendoit de pied coy le beau haubergon en son dos. Elle ouurit la chambre et le Clerc la vit armée, si cuidat que ce fut aulcun qui fust embusché leans pour luy faire quelque desplaisir et a ceste occasion il fust si tres subitement feru et espouuanté que de la grant paour que il en eut, il cheut a la renuerse par telle maniere qu'il déscompta ne scay quans degrez, si tres roidement qua peu qu'il ne se rompit le col, mais toutesfois il n'eut garde tant bien luy aida Dieu et sa bonne querelle. Madame que le vit en ce dangier fust très desplaisante si vint en bas, et luy aida a fourdre et luy demanda dont luy venoit cette paour; et il la luy compta et dist vrayment je cuidoye estre deceu. Vous n'auiez garde, dist elle, je ne suis pas armée pour vous faire mal, et en ce disant monterent arriere les degrez, et entrèrent en la chambre. Madame, dist le Clerc, je vous requiers, dictes moy s'il vous plaist, que vous meut de venir en ce haubergon ? Et elle, comme

vng

Vng peu faisant la honteuse, luy respondist, et vous le scauez bien. Par ma foy sauue vostre grace Madame, dist il, se je le sceusse ie ne le demandisse pas. Monseigneur, dist elle, quant il me veut biaiser et parler d'amours il me fait en ce point habiller, et ie scay bien que vous venez icy a ceste cause, et pource ie me suis mise en ce point. Madame, dist il, vous auez raison et aussi vous me faites souuenir que c'est la maniere des Cheualiers d'en ce point faire habiller leurs Dames : mais les Clercs ont toute autre maniere de faire qui a mon aduis est trop plus belle et plus aisee. Et quelle est elle, dist la Dame ? Monstréz la moy. Je la vous monstreray, dist il, puis la fist despoüiller se son haubergon, et du surplus de ses habillemens jusques a la belle chemise, et luy pareillemet se deshabilla et despoüilla, et se misdrent dedens le beau lit paré qui la estoit ou ils se desarmerent de leurs chemises et passerent temps deux ou trois heures bien plaissamment, et auant le departir le gentil Clerc monstra bien a Madame la coustume des Clercs laquelle beaucoup loüa et prisait trop plus que celle des Cheualiers. Assez et souuent depuis se rencontrerent en la facon dessusdicte sans qu'il en fut nouvelle

uelle quoyque Madame feust peu subtile. A certain temps aprez Monseigneur retourna de la guerre dont Madame n'en fut pas trop joyeuse en son par dedens, quelque semblant quelle monstroit au par dehors, et vint a l'heure du disner et ce pource que on scauoit sa venue il fut serui Dieu scait comment. Ce disner se passa, et quant vint a dire graces Monseigneur se met a son renc, et Madame prent son quartier. Tantost que graces furent acheuees et dictes Monseigneur pour faire du mesnagier et du gentil Compaignon dist a Madame allez tost en vostre chambre et vestez vostre haubergon, et elle se recordant du bon temps qu'elle auoit eu avec son Clerc respondist tout subit la coustume des Clers vault mieulx. La coustume des Clercs, dist il ! Et scauez vous leur coustume ? Si commença a soy fumer, et couleur changier, et se doubta de ce que estoit vray, combien qu'il n'en sceut oncques rien, car il fut tout a coup mis hors de son doute. Madame ne fust pas si beste qu'elle n'aperceust bien que Monseigneur n'estoit pas content de ce quelle venoit de dire, si s'aduisa de changier le vers et dist, Monseigneur ie vous ay dit la coustume des Clercs vault mieulx et encores le disje. Et
 quelle

quelle est elle dist il ? Ils boient apres graces, dist elle. Voire dea, dist il, saint Jehan vous dictes vray ! C'est leur coustume vrayment que n'est pas mauuese, et pource que vous la prisez tant nous la tiendrons dorenavant. Si fist apporter du vin et beurent, et puis Madame allast vestir son haubergon dont elle se fust bien passé ; car le gentil Clerc luy auoit monstre autre facon de faire, que trop mieulx luy plaisoit. Comme vous auez ouï fut Monseigneur par Madame en sa responce abusé, ainsi faut dire que le sens subit que luy vint en memoire et a ceste fois luy descendit de la vertu du Clerc, et depuis luy monstra la facon d'autres tours dont Monseigneur en la parfin en demeura nos amys.

NOU-



NOUVELLE XLII.

LE MARI

CURE.

L'An cinquante dernier passé, le Clere
d'ung Village du Diocese de Noyon pour
impe-

impetrer et gagner les pardons que furent a Romme que sont telz que chascun scait, se mist a chemin en la compaignie de plusieurs gens de bien de Noyon, de Compiene, et des lieux voisins ; mais auant son partement disposa bien et seurement de ses besoignes. Premièrement de sa femme et de son mesnaige, et le fait de sa Cousturiere recommanda a vng jeune et gentil Clerc pour la deseruir iulques a son retour. En assez briefue espace de temps luy et sa compaignie vindrent arriuer a Romme, et firent chascun leur deuotion et pelerinage le mains mal qu'ils sceurent ; mais vous debuez scauoir que nostre Clerc trouua d'auanture a Romme vng de ses Compaignons d'escolle du temps passé qui estoit au seruice d'vng gros Cardinal, et en grant auctorité, que fut tres joyeux de l'auoir trouué pour l'accointance qu'il auoit a luy, et luy demanda de son estat, et l'autre luy compta tout du long tout premier comment il estoit helas marié, son nombre d'enfans et comment aussi il estoit Clerc d'vne paroisse. Ha ! dist son Compaignon, par mon serment il me desplaist bien que vous estes marié. Pourquoi dist l'autre ? Je vous diray dist il, vng tel Cardinal ma char-

Tom. 1.

A a

gié

gié expressement que ie luy trouue vng ser-
 uiteur pour estre son Notaire que soit de
 nostre marche, et croyez que ce seroit trop
 bien vostre fait, pour estre tost et bien lar-
 gement pourueu, ce ne fut vostre maria-
 ge que vous fera repatrier, et comme i'es-
 poire plus grants biens perdre, que vous
 n'y aurez. Par ma foy dist le Clerc mon
 mariage ny fait rien; mon Compaignon,
 car a vous dire la verité ie me suis party de
 nostre pays soubz vmbre du pardon qui est
 a present; mais croyez que ce n'a pas esté
 ma principale intencion. Car i'ay conclud
 d'aller jouier deux ou trois ans par país, et
 ce pendant se Dieu vouloit prendre ma
 femme jamais ie ne feus si heureux; et
 pourtant ie vous requiers et prie que vous
 songiez de moy et soyez mon moyen vers
 ce Cardinal que ie le serue, et par ma foy
 ie feray tant que vous n'arrez ia reprouche
 pour moy, et se ainsi le faictes vous me fe-
 rez le plus grant seruice que jamais Com-
 paignon fist a autre. Puis que vous auez
 ceste vouldenté, dist son Compaignon, ie vous
 seruiray a ceste heure, et vous logeray pour
 auoir bon temps se a vous ne tient. Et
 mon amy ie vous mercie dist l'autre. Pour
 abregier; nostre Clerc fut logié avec ce
 Car-

Cardinal, laquelle chose il manda a sa femme, et son intencion, que n'est pas de retourner par dela si tost qu'il luy auoit dit au partir. Elle se conforta, et luy rescriuit quelle fera du mieulx qu'elle pourra. Ou seruice de ce Cardinal se conduisit et maintint gentement nostre bon Clerc, et fist tant que en peu de temps il gaigna de l'argent auec son maistre, lequel n'auoit pas peu de regret qu'il n'estoit habille a tenir Benefices: car largement l'en eust pourueu. Pendant le temps que nostre dict Clerc estoit ainsi en graces comme dist est, le Curé de son villaige alla de vie a trespas, et ainsi vacqua son Benefice qui estoit ou mois du Pape dont le Coustre tenant le lieu de son Compaignon estant a Romme se pensa qu'au plustost qu'il pourroit qu'il courroit a Romme et feroit tant a l'aide de son Compaignon qu'il auroit ceste Cure. Il ne dormit pas, car en peu de jours, apréz maintes peines et trauaulx, tant fist qu'il se trouua a Romme, et n'eut oncques bien tant qu'il n'eut trouué son Compaignon, lequel seruoit vng Cardinal. Aprés grosses recongnoissances d'vng cousté et d'autre, le Clerc demande de sa femme, et l'autre luy cnydant faire vng singulier plaisir, et affin

aussi que la besoigne dont il veut le requerer aucunement en vaille mieulx, luy respondit qu'elle estoit morte, dont il mentoit, car ie tiens qua ceste heure elle sauroit bien tencer son mary. Dictes vous donc que ma femme est morte, dist le Clerc? et ie prie a Dieu qu'il luy pardonne ses pechez. Ouy vrayment, dist l'autre, la pestilence de l'année passéé avec plusieurs autres l'emporta. Or faignit il ceste bourde qui depuis luy fut chier vendüe, pource qu'il scauoit que le Clerc n'estoit party de son pais qu'a l'intencion de sa femme que estoit trop peu paisible, et plus que plaisantes nouuelles d'elle ne luy pouroit on apporter que sa mort, et a la verité ainsi en estoit il; mais le raport fut faulx. Et que vous amaine en ce pais, dist le Clerc, aprez plusieurs et diuerses parolles? Je le vous diray mon Compaignon et mon amy. Il est vray que le Curé de nostre Ville est trespasé, si viens vers vous affin que par vostre moyen ie puisse paruenir a son Benefice, si vous prie tant que plus ne puis que me vueilliez aidera ce besoing. Je scay bien qu'il est en vous de le me faire auoir a laide de Monseigneur vostre Maistre. Le Clerc pensant sa femme estre morte et la Cure de sa Ville vacquer

con-

conclud en soy mesme que il harrera ce Benefice pour luy et d'autres encores s'il y peut paruenir. Mais toutesfois il ne le dist pas a son Compaignon, aincoys luy dist qui ne tiendra pas en luy, qu'il ne soit le Curé de leur Ville dont il fut tres grandement mercyé. Tout aultrement en alla, car a lendemain nostre saint Pere a la requeste du Cardinal maistre de nostre Clerc, luy donna ceste Cure, si vint le Clerc a son Compaignon quant il sceut ces nouuelles et luy dist. Ha! mon Compaignon vostre fait est rompu dont me desplaist bien. Et comment dist l'autre ? La Cure de nostre ville est donneé, dist il, mais ie ne scay a qui, Monseigneur mon maistre vous a cuid aider, mais il n'a pas esté en sa puissance de faire vostre fait. Qui fut bien mal content ce fut celuy que estoit venu de si loing perdre sa peine et despendre son argent, dont ce ne fut pas dommaige Si print congié piteusement de son Compaignon et s'en retourna en son païs, sans soy vanter de la bourde qu'il a seméé. Or retournons a nostre Clerc qui estoit plus gay que vne mitaine de la mort de sa femme, et de la Cure de leur Ville que nostre saint Pere le Pape a la requeste de son Maistre luy auoit don-

néé pour recompense; et disons comment il deuint Prestre a Romme, et y chanta sa bien deuote premiere Messe, et print congé de son maistre pour vne espace de temps, a venir par deca a leur Ville prendre la possession de sa Cure. A ceste entree qu'il fist a leur Ville, de son bon heur la premiere personne qu'il rencontra ce fut sa femme, dont il fut bien esbahy ie vous en assure, et encores beaucoup plus couroucé. Et quest ce, dist il, ma mye, on m'auoit dit que vous estiez tréspassee? Je men suis bien gardée, dist elle, vous le dictes, ce croy ie pource que leussiez bien voulu, et vous l'auiez bien monstre qui m'auiez laisseé l'espace de cinq ans a tout vng grant tas de petits Enfans. Ma mye, dist il, je suis bien joyeux de vous veoir en bon point, et en loué Dieu de tout mon cuer, maudit soit celuy qui m'en rapporta autres nouuelles. Ainsi soit il, dist elle. Or ie vous diray ma mye ie ne puis arrester pour maintenant, force est que ie m'en aille hastiuement deuers Monseigneur de Noyon pour vne besongne que luy touche, mais au plus brief que ie pouray ie retourneray. Il se partit de sa femme et prent son chemin deuers Noyon, mais Dieu scait s'il pensa en chemin a son

a son poure fait. Helas ! dist il, or suis je homme deffait et des honnouré, Prestre Clerc, et marié tout ensemble, ie croy que ie suis le premier malheureux de cest estat. Il vint deuers Monseigneur de Noyon que fut bien esbahy d'ouïr son cas et ne le sceut conseiller et lenuoya a Romme. Quand il fut venu il compta a son Maistre tout du long et du lé, la verité de son aduenture, qui en fut tres amérement desplaisant. A lendemain il compta a nostre saint Pere en la presence du Colliege des Cardinaux, et de tout le Conseil l'aduenture de son homme qu'il auoit fait Curé, si fut ordonné qu'il demourera Prestre et marié et Curé aussi, et demourera avec sa femme en la facon que vng homme marié honnourablement et sans reproche demeure, et seront ses enfans legitimes et non bastards, iacoit ce que le pere soit Prestre; mais au surplus, s'il est sceu ne trouué qu'il aille autre part que a sa femme il perdra son Benefice. Ainsi que auez ouï ce poure Clerc fut pugni par la facon que dist est, et par le faulx donner a entendre de son Compaignon, et fut content de venir demourer a son Benefice, et que plus est et pis demourer avec sa femme, dont il se fut bien passé se l'Eglise ne l'eust ordonné.



NOUVELLE XLIII.
LES CORNES
MARCHANDES.

N Agueres que ung bon homme Labou-
reur et Marchand et tenant sa residencee
en

en vng bon Village de la Chastellenie de l'Isle, trouua facon et maniere au pourchas de luy et de ses bons amys d'auoir a femme vne tres belle jeune fille qui n'estoit pas des plus riches, et aussi n'estoit son mary, mais estoit homme de grant diligence, et qui fort tiroit d'acquérir et gagner, et elle d'autre part, mettoit peine d'accroistre le mesnaige selon le desir de son mary qui a ceste cause l'auoit beaucoup en grace, lequel a mains de regret alloit souuent ca et la és affaires de ses Marchandises sans auoir doubte ne suspicion qu'elle fist autre chose que bien. Mais le pource homme sus ceste fiance l'abandonna et tant la laissa seule que vng gentil Compaignon s'aproucha d'elle, qui pour abregier fist tant a peu de jours qu'il fut son Lieutenant dont gueres ne se doubtoit celuy qui cuidoit auoir du monde la meilleure femme, et qui plus pensoit a l'accroissement de son honneur et de sa cheuance. Ainsi n'estoit pas; car elle abandonna tost l'amour quelle luy debuoit, et ne luy chailloit du proufit ne du dommaige, ce seulement luy souffisoit qu'elle se trouua avec son amy, dont il aduint vng jour ce qui s'ensuit. Nostre bon Marchant dessusdit estant dehors comme il auoit de coustu-

A a 5

me,

me, sa femme le fist tantost scauoir a son amy, qui neut pas volentiers failly a son mandement, mais y vint tout incontinent, et affin qu'il ne perdist temps, au plustost qu'il sceut saproucha de sa Dame, et luy mist en termes plusieurs et diuers propos, et pour conclusion le desiré plaisir ne luy fut pas escondit, non plus que és autres dont le nombre n'estoit pas petit. De mal venir et pour vne partie et pour l'autre tout a ceste belle heure que ces armes ce faisoient, vecy bon mary d'ariuer que treuua la compagnie enbesongnée, dont il fut bien esbahy; car il n'eut pas pensé que sa femme fust telle. Quest ce cy, dist il? Par la mort bieu je vous tueray tout roide, et l'autre qui se treuue surprins et en messait present achoppé ne scauoit sa contenance; mais pource quil le sentoit diseteux et fort conuoiteux il luy dist tout subit. Ha! Jehan, mon amy je vous crye mercy, pardonnez moy se ie ay rien messait, et par ma foy ie vous donneray six rasières de blé. Pardieu, dist il, ie n'en feray rien, vous passerez par mes mains et auray la vie de vostre corps se ie n'en ay douze rasières, et la bonne femme que ouyoit le debat pour y mettre le bien comme elle y estoit tenuë, s'aduanca de parler et dist

et dist a son mary, et Jehan beau fire ie vous
 requiers laissez le acheuer ce qu'il a commen-
 cé et vous en aurez huit rasieres, naura pas
 dist elle en ce virant deuers son amy? J'en
 suis content, dist il, mais par ma foy a ce que
 le blé est chier, c'est trop. Est ce trop dist le
 vaillant homme? Et par la mort bieu ie me
 repens bien que ie n'ay dit plus hault! Car
 vous avez fort fait vne amende, s'elle venoit
 a la congnoissance de la Justice elle vous se-
 roit beaucoup plus hault taxé. Pourtant
 faictes vostre compte que i'en auray douze
 rasieres, ou vous passerez par la. Et vray-
 ment, dist sa femme, Jehan vous avez tort
 de me desdire, il me semble que vous de-
 uiez estre content a ces huit rasiers, et pen-
 sez que c'est vng grant tas de blé. Nem'en
 parlez plus, dist il, jen auray douze rasiers,
 ou ie le tueray et vous aussi. Ha Dea dist le
 Compaignon vous estes vng fort Marchand,
 et au mains puis qu'il faut que vous ayez
 tout a vostre dit jauray terme pour payer.
 Cela veux je bien, dist il, mais j'auray mes
 douze rasiers. La noise s'appaisa si fut prins
 jour de payer a deux termes les huit rasiers
 a lendemain, et le surplus a la saint Remy
 prochainement venant, par telle con-
 uenance qu'il leur laissa acheuer ce qu'ils
 auoient

auoient encommencé. Ainsi se partit ce vaillant homme de sa maison joyculx en son couraige pour douze rasiers de blé qu'il doit auoir, et sa femme et son amy recommencerent de plus belle. Du payer c'est a l'adventure combien toutesfois qu'il me fut dit depuis que le blé fut payé au jour et terme dessusdit.

NOU-



NOUVELLE XLIV.

LE CURE

COURSIER.

Comme il soit certain que il est largement
aujourd'hui de Prestres et Curés qui
sont

font si gentilz Compaignons que nulles des folies que font les gens lais ne leurs font impossiblement difficiles, auoit nagueres en vng bon Village de Picardie vng maistre Curé qui faisoit raige de aymer par amours, et entre les autres femmes et belles filles il choisit et chercha vne tres belle jeune et gente fille a marier, et ne fut pas si peu hardy qu'il ne luy compta tout du long son cas. De fait son bel et asseuré langaige et cent milles promesses et autant de bourdes l'amenerent a ce quelle estoit comme contente dobeir a ce Curé qui neut pas esté pour luy vng petit dommaige tant estoit belle gente et de plaisante maniere et n'auoit en celle que vne faulte, c'estoit qu'elle n'estoit pas des plus subtiles du monde. Toutteffois ie ne scay dont luy vient cest aduis ne maniere respondre, elle dist vng jour a son Curé que chauldement poursuyuoit la besongne, qu'elle n'estoit pas conseillée de faire ce qu'il requeroit tant quelle fut mariée; car se d'aduenture, comme il aduient chascun jour, elle faisoit vng enfant elle seroit a toujoursmais deshonnourée et reprouchée de son pere de sa mere de ses freres, et de tout son lynaige, laquelle chose elle ne pouroit pour rien souffrir,

frir, et n'a pas cueur de soustenir le desplay-
 sir que porter luy fauldroit a ceste occasion;
 et pourtant de ce propos se je suis quelque
 jour mariéé parlez a moy, ie feray ce que ie
 pouray pour vous et non aultrement, je le
 vous dis vne fois pour toutes. Monseigneur
 le Curé ne fut pas trop joyeux de ceste res-
 ponse absoluë, et ne scait penser quel cou-
 rage, ne a quel propos elle dist ces parol-
 les: touteffois luy qui estoit prins ou las d'a-
 mour et feru bien a bon escient, ne veut
 pourtant sa queste abandonner, si dist a sa
 Dame. Or ca ma mye estes vous en ce fer-
 méé et concludé de riens faire pour moy si
 vous n'estes mariéé? Certes ouy dist elle. Et
 se vous estiez mariéé, dist il, et i'en estoie le
 moyen et la cause en auriez vous aprez
 congnoissance en maintenant loyaulment
 et sans fauser ce qu'avez promis? Par ma foy,
 dist elle, ouy, et de rechief se vous prometz.
 Or bien grant mercy, dist il, faictes bonne
 chere; car ie vous prometz seurement qu'il
 ne demourera pas a mon pourchas ne a ma
 cheuance que vous ne le foyez et de brief;
 car ie suis seur que vous ne le desirez pas
 tant comme ie fais; et affin que vous voyez
 a l'oeil que je suis celuy qui vouldroye em-
 ploier corps et biens a vostre seruice, vous
 verrez

verrez comment ie me conduiray en cette belongne. Or bien, dist elle, Monseigneur le Curé on verra comment vous feréz. Sur ce fist la departie, et bon Curé qui auoit le feu d'amours ne fut depuis gueres aise tant qu'il eut trouué le pere de sa Dame, et se mist en langaige avec luy de plusieurs et diuerses matieres. Et en la fin il vint a parler de sa fille et luy va dire bon Curé : Mon Voisin, ie me donne grant merueilles aussi font plusieurs de vos voisins et amis que vous ne mariez vostre fille, et a quel propos la tenez vous tant denprés vous et si scauez toutefois que la garde est perilleuse ? Non pas Dieu m'en vueille garder que ie die ou vueille dire qu'elle ne soit toute bonne : mais vous en voyez tous les jours méfuenir puis qu'on les tient outre le terme deu, pardonnez moy toutteffois que si feablement vous ouure et déouure mon couraige ; car la-mour que ie vous porte, la foy aussy que ie vous dois entant que suis vostre Pasteur indigne, me semonnent et obligent de ce faire. Pardieu Monseigneur le Curé, dist le bon homme, vous ne me diètes chose que ie ne congnoisse estre vraye, et tant que ie puis vous en mercie, et ne penséz pas, ce que ie la tiens si longuement avec moy c'est a regret

regret; car quant son bien viendra ie me trauailleray pour elle aider comme ie doy; vous ne voulez pas aussi, ce n'est pas la coustume que ie luy pourchasse vng mary; mais sil en vient vng que soit homme de bien ie feray comme vng bon pere doit faire. Vous dictes très bien dist le Curé, et par ma foy vous ne pouuez mieulx que de vous despechier; car c'est grant chose de veoir ses enfans alliez en la plaine vie. Et que diriez vous d'vng tel, filz d'vng tel vostre voisin? Par ma foy il me semble bon homme, bon melnaigier, vng grant laboureur. Saint Jehan! dist le bon homme, ie n'en dis que tout bien, quant a moy ie le congnos pour vng bon jeune homme, vng bon laboureur; son pere et sa mere et tous ses parens sont gens de bien et quant ils feroient ceste honneur a ma fille de la requerir en mariage pour luy, ie leurs responderoye tellement que ils deueroient estre contens pour raison. Ainsi maist Dieu, dist le Curé, on ne peut jamais mieulx, et plust a Dieu que la chose en fut ores bien faicte ainsi que ie le desire! Et pource que ie le scay a la verité que ceste alliance seroit le bien des parties, ie m'y vueille employer et sur ce adieu vous dis. Se ce maistre Curé auoit bien fait

son personnaige au pere de sa Dame il ne le fist pas mains bien au pere du jeune homme et luy va faire vne grant premise, que son filz estoit en aage de marier, et qu'il le deut pieca estre, et cent mille raisons luy amaine par lesquelles il dit et veult conclure que le monde est perdu, se son filz n'est hastiuement marié. Monseigneur le Curé dist le second bon homme, ie scay que vous dictes au plus près de mon couraige et en ma conscience se ie feusse aussi bien a l'aduent comme j'ay esté puis ne scay quans ans, il ne feust pas a marier; car c'est vne des choses en ce monde que plus ie desire; mais par faute d'argent l'en a retardé et c'est force qu'il ait patience jusques a ce que nostre Seigneur nous enuoye plus de bien que encores n'auons. Ha dea! dist le Curé ie vous entens bien, il ne vous fault que de l'argent? Par ma foy non, dist il, se i'en eusse comme autrefois i'ay eu, ie luy querroye tantost femme. Jay regardé en moy, dist le Curé, pource que ie voudroye le bien et aduancement de vostre filz que la fille d'vng tel seroit bien sa charge, elle est bonne fille, et a son pere tres bien de quoy, et tant en scay ie qu'il la veult très bien aider, et qui n'est pas peu de

de chose, c'est vng sage homme et de bon conseil et bon amy et a qui vous et vostre filz aurés grant recours et tres bon secours. Certainnement dist le bon homme pleust a Dieu que mon filz feust si eureux que de auoir aliance a si bon hostel, et croyez que se ie sentoye en aucune facon qu'il y peust paruenir, et ie feusseourny d'argent aussi bien que ie ne suis mie pour l'eure, ie y emploïroye tous mes amys; car ie scay tout de vray qu'il ne pouroit en ceste marche mieulx trouuer. Je n'ay pas donc dit le Curé mal choisy. Et que diriez vous se ie parloye au pere de ceste besongne, et ie la conduisoie tellement quelle sortit a effet ainsi que la chose le requert et vous faisoie encores avec ce, le plaisir de vous prester vingt francs jusques a vng terme que nous aduiserons? Par ma foy Monseigneur le Curé vous me offrez mieulx que ie ne vaulx ne que en moy n'ay deseruy. Mais se ainsi le faictes vous me obligerés a tousjours mais en vostre seruice. Et vrayment dist le Curé ie ne vous ay dit chose que ie ne face et faictes bonne chere, car iespere comme ie croy bien ceste besongne mener a fin Pour abreger maistre Curé esperant de jouir de sa Dame quant elle seroit mariée conduisoit les besongnes

en tel estat que par le moien des vingt francs qu'il prestat, ce mariage fut fait et passé, et vint le jour des nopces. Or est il de coustume que lespousé et lespousee se confessent a tel jour. Si vint l'espousé premier, et se confessa a ce Curé, et quant il eust fait il se tira vng peu arriere de luy disant ses oraisons et patenostres. Et vecy lespousee que se met a genoux deuant le Curé et se confesse. Quant elle eut tout dit il parla voire si haut que lespousé lequel n'estoit pas loing l'entendit tout du long et dist : Ma mye ie vous prie qu'il vous souuienne maintenant de la promesse que me fistes nagueres, car il est heure; vous me promistes que quant vous seriez mariée que ie vous cheuaucheroye; or l'estes vous Dieu mercy par mon moyen et pourchas, et moyennant mon argent que j'ay presté. Monseigneur le Curé, dist elle, ie vous tiendray ce que ie vous ay promis se Dieu plaist n'en faites nul doubte. Je vous en mercie dist le Curé, puis luy bailla l'absolution aprez ceste deuote confession et la laissa aller; mais lespousé que auoit ouy ces parolles n'estoit pas bien a son aise, toutesfois il n'estoit pas heure de faire le couroucé. Apréz que toutes les solemnitez de l'Eglise furent passées,

et

et que tout fut retourné a l'hostel, et que l'eure du coucher aprouchoit, l'espousé vint a vng sien Compaignon qu'il auoit et luy pria tres bien qu'il fist garnison d'une grosse poingnée de verges, et qui la mist secrettement sous le cheuet de son lit. Quant il fut heure l'espousée fut couchée comme il est de coustume, et tint le coing du lit sans mot dire. L'espousé vint assez tost aprez et se met a l'autre bout du lit sans aprocher ne mot dire, et le lendemain se lieue sans autre chose faire, et cache ses verges deffous son lit. Quant il fut hors de la chambre, vecy bonnes matrones que viennent, et ne fut pas sans demander comment c'est portéé la nuyt, et qu'il luy semble de son mary? Ma foy dist elle, vela sa place la loing, monstrant le bord du lit et vecy la mienne il ne me aproucha ennuyt de plus préz. Furent esbahies et y penserent plus les vnes que les autres, touteffois elles s'accorderent a ce qu'il la laissée par deuocion, et nen fut plus parlé pour ceste fois. La seconde nuytée vint et se coucha l'espousée en sa place du jour de deuant et le mary arriere fourny de ses verges et ne luy fist autre chose dont elle n'estoit pas contente, et ne faillit pas a l'endemain a le dire a ces matrones, lesquelles

les ne scauoient que penser; les autres dient. jespoire qu'il n'est pas homme il le faut esprouuer. Car si jusqu'a la quatriesme nuyt il a continué ceste maniere, sy faut dire qu'il y a a dire en son fait pourtant se la nuyt que vient il ne vous fait autre chose dirent elles a l'espousée tirez vous vers luy. Si l'accolés et baisez, et luy demandez se on ne fait autre chose en mariage? Et si vous demande quelle chose vous voulez qu'il vous face? Distes luy que vous voulez quil vous cheuauche, et vous orrez qu'il vous dira. Je le feray, dist elle elle ne faillit pas; car quand elle fut coucheé en la place de tousjours, le mary reprint son quartier et ne sauancoit autrement qu'il auoit fait les nuyts passées, si se tournast tost deuers luy et le print a bons bras de corps et luy commença a dire, venez ca mon mary est ce la la bonne chiere que vous me faites, vecy la cinquiesme nuyt que je suis avecques vous, et si ne m'auez daigné approucher, et par ma foy si ieusse cuidé quon ne fist autre chose en mariage ie ne my feusse ja boutée? Et quelle chose, dist il lors, vous a len dist qu'on fait en mariage? On ma dit, dist elle, qu'on y cheuauche l'vng lautre, si vous prie que me cheuauchez. Cheuaucher, dist il! Cela ne voudroye,

droye pas faire encores, ie ne suis pas si mauigracieux Helas! dist elle, si vous prie que le faissiez, car on le fait en mariage. Le voulez vous, dist il? Je vous en requiers dist elle, et en disant le baïsa tres doulcement. Par ma foy, dist il, ie le fais a grant regret, mais puis que vous le vouléz, vous ne vous en louerez ja. Lors print sans plus dire les verges de garnison, et decouure Madamoiselle et len batit et dos et ventre tant que le sang en saillit de tous costez. Elle crie, elle pleure, elle se demaine, c'est grant pitié que de la voir, elle maudit que oncques luy fist requere d'estre cheuauchée. Je le vous disoye bien dist lors son mary. Aprez, la prent entre ses bras, et la roncine très bien et luy fit oublier la douleur des verges. Et comment appelle on, dist elle, cela que vous mauiez maintenant fait? On l'appelle, dist il, souffre en cul. Souffre en cul dist elle? le nom n'est pas si beau que cheuaucher; mais la maniere de le faire vaut trop mièulx que cheuaucher, c'est assez puis que ie le scay ie scauray bien dorensauant duquel ie vous dois requerir. Or deuez vous scauez que Monseigneur le Curé tendoit tousjours l'oreille quant sa nouuelle mariée viendroit a l'Eglise pour luy ramenteuoir ses be-

songnes, et luy faire souuenir sa promesse. Le jour quelle y vint Monseigneur le Curé se pourmenoit et se tenoit prest du Benoystier, et quant elle fust près il luy bailla de leau benoïste, et luy dist assez bas : Ma mye, vous m'auiez promis que je vous cheuaucheroye quant vous seriez mariée, et vous l'estes Dieu mercy voire et par mon moyen, si seroit heure de penser quant se pouroit estre. Cheuaucher, dist elle ! Pardieu j'aymeroye plus chiér que vous feussiez noyé voire pendu, ne me parlez plus de cheuaucher ie vous prie ; mais ie suis contente que vous soufflez au cul si vous voulez. Et je feray dist le Curé, vostre siebure quar-taine paillarde que vous estes qui tant estes infame et malhonnestre, ay ie tant fait pour vous pour estre guerdonné de vous souffler au cul ? Ainsi mal content partit Monseigneur le Curé de la nouuelle mariée, laquelle se va mettre en son siege pour ouïr la deuote messe que le bon Curé vouloit dire en la facon qu'auiez dessus ouy. Perdit Monseigneur le Curé son aduenture de jouir de sa Dame, dont il fut cause et nul autre pource qu'il parloit trop hault a elle le jour quil la confessa : car son mary qui ce ouyoit le empescha en la facon qu'est

qu'est dit dessus par faire accroire a la
femme que ronciner s'appelle souffler en
cul.

NOU-



NOUVELLE XLV.
L'ECOSSOIS
 LAVENDIERE.

Combien que nulle des nouvelles Hyf-
 toires precedentes n'ayent touché ou
 raconté

raconté aulcun cas aduenus és marches d'Italie, mais seulement font mention des aduenues en France, Alemaigne, Angleterre, Flandres Breban &c. si se extendront elles toutesfois accause de la fresche aduenue a vng cas a Romme aduenu qui fut tel A Romme auoit vng Escossoys, de l'aage d'environ de vingt a vingt deux ans, lequel par l'espace de quatorze ans se maintint et conduisit en estat et habillement de femme sans ce que au dedens ledit temps il fut venu a la congnoissance des hommes, et se faisoit apeller Done Margueritte, et ny auoit gueres bon hostel a la ville de Romme ou il n'eust son recourset congnoissance: especiallement il estoit bien venu des femmes comme entre les Chamberieres, Meschines et autres femmes de bas estat, et aussi des aulcunes des plus grandes de Romme. Et affin de vous descouurir l'industrie de ce bon Escossoys il trouua facon d'apprendre a blanchir les draps, linges, et s'appelloit la Lauendiere, et sous ceste vmbre hantoit comme dessus est dit és bonnes maisons de Romme; car il n'y auoit femme que sceut lart de blanchir draps comme il faisoit. Mais vous debuez scauoir que encores scauoit il bien plus; car puis qu'il se trouuoit quel

quelque part a descouuert avec quelque belle fille, il luy monstroit qu'il estoit homme. Il demouroit bien souuent a choucheracause de faire la buyée vng jour, deux jours, és maisons dessusdites, et le faisoit on coucher avec la chamberiere, et aucunes fois avec la fille; et bien souuent et le plus la maistresse se son mary ny estoit vouloit bien auoir sa compaignie, et Dieu scait s'il auoit bien le temps; et moyennant le labour de son corps il estoit bien venu par tout, et ny auoit bien souuent Meschine ne Chamberiere que ne se combastit pour luy bailler la moitié de son lit. Les bourgeois mesmes de Romme a la relation de leurs femmes le veoient tres volontiers en leurs maisons et s'ilz alloient quelque part dehors, tres bien leurs plaisoit que Done Margueritte aida a garder le mesnaige avec leurs femmes; et que plus est la faisoient mesme coucher avecques elles tant la sentoient bonne et honneste comme dessus est dit. Par l'espace de huit ans continua Done Marguerite sa maniere de faire. Mais fortune bailla la congnoissance de l'ambusche de son estat par vne jeune fille que dist a son pere quelle auoit coucheé avecques elle et l'auoit assaillie, et luy dist veritablement qu'elle estoit homme. Ce Pere fist prendre
Done

Done Marguerite a la relacion de sa fille, elle fut regardée par ceulx de la Justice, que trouuerent qu'elle auoit tous telz membres et outilz que les hommes portent, et que vrayment elle estoit homme et non pas femme. Si ordonnerent qu'on le metteroit sur vng chariot, et que on le meneroit par la Ville de Romme de carefour en carefour et la monstreroit on voyant, tout chascun ses genitoires, ainsi en fut fait, et Dieu scait que la pource Done Marguerite estoit honteuse et surprinse. Mais vous deuez scauoir que comme le chariot vint en vng carefour et qu'on faisoit ostencion des denrées de Done Marguerite vng Romain que vint dist tout haut, regardez quel galioffe, il a couché plus de vingt nuyts avec ma femme, si le dirent aussi plusieurs aultres comme luy, plusieurs ne le dirent point que bien le scauoient : mais pour leur honneur ils s'en teurent en la facon que vous oyez. Ainsi fut pugny nostre pource Escossoys qui la femme contrefist. Apres ceste pugnition il fut banny de Romme dont les femmes furent bien desplaisantes : car oncques si bonne Lauandiere ne fut et auoient bien grant deul que si meschamment perdu l'auoient.

Fin du premier Tome.



